



INSTITVTIO
NVM, SIVE ELEMEN-
TORVM D. IVSTINIANI
SACRATISSI-
MI PRINCIPIS

Biblioth. P. I. S. Transyol.
LIBR. IIII.

Ad editionem Gregorij HALOANDRI di-
ligenter collati, sed & Iureconsultorum
doctissimorum consilio iudicioque in
quàm plurimis locis feliciter recogniti.

ARGVMENTIS compendarijs Para-
graphos singulos illustrantibus, ac Legum
cupidos fasce graui leuantibus, adiectis.

Dein Adnotatiunculae quaedam admodum frugi-
feræ intermiscuntur, hac nota signatae. *



APVD THEOBALDVM
PAGANVM.

ANGELVS POLI
TIANVS MISCEL
LANEORVM

C. AP. LXXXIII.

INSTITVTIONES hæ, quæ vocantur
in Iure Ciuili, Iustiniani principis nomine
editæ, sed à Tribuniano tamen, doctisquæ
alijs viris compositz, etiam Græcè scriptæ
sub eodem prorsus intellectu reperiuntur:
nisi quia ritus quidam, consuetudinesque
Romanorum veteres vberius aliquanto,
laxius in Græco ipso, quàm in Latino Co-
dice referuntur, vt peregrinis homi-
nibus, atque à Romanorum
more, consuetudineque
alienis res tota
penitus
in-
notesceret.

IN NOMINE DO
MINI NOSTRI

IESV CHRISTI.

IMPERATOR Caesar Flavius Iu-
stinianus, Alemanicus, Gothicus, Franci-
cus, Germanicus, Anticus, Alanicus, Van-
dalicus, Africanus, pius, felix, inclytus, vi-
ctor ac triumphator semper Augustus, cu-
pidæ legum iuventuti S.

ARGVMENTVM.

Imperatorem non solum decent armis, sed & le-
gis: quò belli, pacisq; tempore Respublica rectè
gubernetur.



IMPERATORIAM ma-
iestatem non solum armis de-
coratam, sed etiam legibus oportet
esse armatam: ut utrumque
tempus, & bellorum, & pacis,
rectè possit gubernari: & princeps Romanus,
non solum in hostilibus præliis victor existat,
sed etiam per legitimos tranitus calūniantium ini-
quitates expellat: & fiat tā iuris religiosissimus,
quā victis hostibus triumphator magnificus.

Procemium.

A R G V M.

Quantis vigilijs, quantisque sudoribus sese circa arma, & leges habuerit, ab ipso effectu probat.

Quorum utranque uiam cum summis uigilijs, summaq; prouidentia, annuente Deo perfecimus. Et bellicos quidem sudores nostros Barbaricæ gentes sub iuga nostra redactæ cognoscunt: & tam Africa, quam aliæ innumerae prouinciæ post tanta temporum spatia, nostris uictorijs & cœlesti numine præstitis, iterum ditioni Romanæ, nostrisq; additæ Imperio, protestantur. Omnes uerò populi legibus tam à nobis promulgatis, quam compositis, reguntur. Et cum sacratissimas Institutiones antea confusas in luculentâ creximus consonantiam, tunc nostrâ extendimus curâ ad immensâ ueteris prudentiæ uolumina: & opus desperatû, quasi per mediû profundum euntes, cœlesti fauore iam adimpleuimus.

A R G V M.

Tribonianus, Theophilus, & Dorotheus uiri illustres, Iustiniani mandato, pro faciliiori iuuenum eruditione, Institutiones composuerunt.

Cumq; hoc Deo propitio peractû est: Triboniano uiro magnifico, magistro, & exquestore sacri palatii nostri, & exconsule, necnon Theophilo, & Dorotheo uiris illustribus antecessoribus (quorum omnium solertiam, & le-

Proœmium.

5

gum scientiam, & circa nostras iussiones fidem, iam ex multis rerū argumentis accepimus) convocatis, mandauimus specialiter, ut ipsi nostra auctoritate, nostrisq; suasionibus Institutiones componerent: ut liceat uobis prima legum cumbula non ab antiquis fabulis discere, sed ab Imperiali splendore appetere: & tam aures, quā animi uestri nihil inutile, nihilq; perperam positū, sed quod in ipsis rerum obtinet argumentis, accipiant. Et quod priore tempore uix post quadriennium prioribus contingebat, ut tunc constitutiones Imperatorias legrent: hoc uos a primordio ingrediamini, digni tanto honore, tantaq; reperti felicitate, ut & initium uobis, & finis legū eruditionis a uoce principali procedat.

A R G V M.

Secū sunt Institutiones in libros quatuor: quibus quid olim in usu erat, quidve hodie imperiali lima emendatum fuerit, traditur.

Igitur post libros quinquaginta Digestorum seu Pandectarum, in quibus omne ius antiquum collectum est, quod per eundem uirum excelsum Tribonianum, necnon ceteros uiros illustres, & facundissimos confecimus: in quatuor libros easdem Institutiones parti iussimus, ut sint totius legitimæ sciētiae prima elementa: in quibus bre-

Proœmium.

uiter expositum est, & quod antea obtinebat, & quod postea defuetudine inumbratum, Imperiali remedio illuminatum est.

A R G V M.

Institutiones compositas legit in primis Iustinianus, ac recognouit: recognitis denique plenum robur accommodauit.

Quas ex omnibus antiquorū institutionibus, & præcipue ex commentarijs Caij nostri, tam institutionum, quàm rerum cotidianarum, alijsq; multis commentarijs compositas, cum tres uiri prudentes prædicti nobis obtulerunt: & legimus, & recognouimus, & plenissimum nostrarum constitutionum robur eis accommodauimus.

A R G V M.

Alacri, indefessoq; studio huic disciplinæ incumbendum suadet: ac vberrimos fructus pollicetur.

Summa itaq; ope, & alacri studio has leges nostras accipite, & uosmetipsos sic cruditos ostendite, ut spes uos pulcherrima foueat, toto legitimo opere perfecto, posse etiam nostram Rempublicam in partibus eius uobis credendis gubernari. D. C. P. XI. Calend. Decembr. D. IUSTINIANO. PP. III. COS.

Institutionũ, seu
elementorum D. Iustiz
niani sacratissimi
principis,

LIBER I.

De iustitia, & iure,
TITVLVS I.

ARGVM.

Iustitiæ, & iuris prudentiæ descriptio.



IUSTITIA est constans, &
perpetua uoluntas, ius suum
cuique tribuendi. Iuris pru-
dencia est diuinarum, atque
humanarum rerum notitia,
iusti atque iniusti scientia.

ARGVM.

Leniora primum, exinde altiora tradenda sunt:
ne tyrones rei perplexi tate & varietate perterriti,
aut studia deserant, aut maiori cum sudore, tardius
huiusce disciplinæ notitiam assequantur.

Hic igitur generaliter cognitis, & incipiet.

s Institut. Lib. I.

dentur posse tradi commodissime: si primò leui,
ac simplici uia, post deinde diligentissima, atq;
exactissima interpretatione singula tradantur.
alioqui si statim ab initio rudem adhuc, & in-
firmum animum studiosi, multitudine ac uarie-
tate rerum onerauerimus: duorum alterum, aut
desertorem studiorum efficiemus, aut cum ma-
gno labore, saepe etiam cum diffidentia (quæ
plerunque iuuenes auertit) serius ad id perdu-
cemus, ad quod leuiore uia ductus, sine magno
labore, & sine ulla diffidentia maturius per-
duci potuisset.

A R G V M.

Tria sunt iuris præcepta, ad quæ quicquid in iure scriptum est, refertur. Publicum ius, publicam utilitatem respicit: priuatum vero, singulorum peculiare commodum.

Iuris præcepta sunt hæc, Honestè uiuere, alterum non ledere, suum cuiq; tribuere. Huius studij duæ sunt positiones, Publicum, & priuatum. Publicum ius est, quod ad statum rei Romanæ spectat. Priuatum, quod ad singulorum utilitatem pertinet. Dicendum est igitur de iure priuato, quod tripartitum est: collectum est enim ex naturalibus præceptis, aut gentium, aut civilibus.

Titulus II.

De iure naturali, gentium,
& ciuili,

TITVLVS II.

ARGVMENTVM.

Quod naturalis instinctus omnia animantia docuit, ius naturale dicitur: ideo mares foeminas appetere, liberos procreare, procreatosq; educare (quæ etiam cum brutis communia habemus) hoc iure impellimur.

*I*us naturale est, quod natura omnia animalia docuit. Nā ius istud non humani generis proprium est, sed omnium animalium, quæ in celo, quæ in terra, quæ in mari nascuntur. Hinc descendit maris, atque famina coniunctio, quam nos matrimonium appellamus. Hinc liberorum procreatio, hinc educatio. Videmus etenim cætera quoq; animalia istius iuris peritiam censeri.

ARGVMENTVM.

Quod quæque ciuitas sibi ius statuit, ius ciuile dicitur, quasi ipsius ciuitatis peculiare: quod vero rationis iudicio ab omni populo custoditur, ius gentium vocatur.

*I*us autem ciuile d iure gentiū distinguitur, quod omnes populi, qui legibus, & moribus reguntur, partim suo proprio, partim cōmuni omnium hominum iure utuntur. Nam quod quisq; populus ipse sibi ius cōstituit, id ipsius propriū est.

uitatis est: uocaturq; ius ciuile, quasi ius proprium ipsius ciuitatis. Quod uero naturalis ratio inter omnes homines constituit, id apud omnes populos peraeque custoditur, uocaturq; ius gentium, quasi quo iure omnes gentes utantur. Et populus itaq; Romanus partim suo proprio, partim communi omnium hominum iure utitur. Quae singula qualia sint, suis locis proponemus.

A R G V M.

Ius ciuile à sua quodque ciuitate, uel legislatore nomen sortitur: iuris tamen ciuilis simpliciter prolata appellatione, ius Romanorum (tanquam nobilius) significamus.

Sed ius quidem ciuile ex unaquaque ciuitate appellatur, ueluti Atheniensium. nam si quis uelit Solonis, uel Draconis leges appellare Ius ciuile Atheniensium, non errauerit. sic enim & ius, quo Romanus populus utitur, ius ciuile Romanorum appellamus: uel ius Quiritum, quo Quirites utuntur. Romani enim à Romulo, Quirites à Quirino appellantur. Sed quoties non addimus nomen, cuius sit ciuitatis, nostrum ius significamus: sicuti cum poetam dicimus, nec addimus nomen, subauditur apud Gracos egregius Homerus: apud nos, Virgilius.

A R G V M.

Communis usus humanae: necessitas iuri

Titulus II.

11

tium originem dedere. Ex hoc itaq; iure orta sunt bella, secutæ captiuitates, & seruitutes, ac contrarius ferè omnes introducti.

Ius autem gentium omni humano generi commune est. Nam usu exigente, & humanis necessitatibus, gentes humanæ iura quædam sibi constituerunt. Bella etenim orta sunt, & captiuitates sequutæ, & seruitutes, quæ sunt naturali iuri contrariæ. Iure enim naturali omnes homines ab initio liberi nascebantur. Et ex hoc iure gentium omnes penè contractus introducti sunt: ut emptio, & uenditio: locatio, & conductio, societas, depositum, mutuum, & alij innumerabiles.

A R G V M.

Ius ciuile ex scripto constat, & non scripto: iuris autem scripti partes sunt sex: quæ recta, serie pertractantur.

Constat autem ius nostrum, quo utimur, aut scripto, aut sine scripto: ut apud Græcos, *ἢ μὴ νόμων, οἱ μὴ ἔγραφε, οἱ δὲ ἔγραφε.*

Scriptum autem ius est lex, plebiscitum, Senatusconsultum, Principum placita, Magistratuum edicta, responsa prudentum.

Lex est, quod populus Romanus senatorio magistratu interrogante (ueluti consule) constituebat. Plebiscitum est, quod plebs plebcio magistratu interrogante (ueluti Tribuno) constituebat.

ruebat, Plebs autem à populo eo differt, quo species à genere: nam appellatione populi, uniuerſi ciues ſignificantur, connumeratis etiam patricijs, & ſenatoribus. Plebis autem appellatione, ſine patricijs, & ſenatoribus cæteri ciues ſignificantur. Sed & plebiſcita lege Hortenſia lata, non minus ualere, quàm leges cœperunt. Senatus conſultum eſt, quod ſenatus iubet, atque conſtituit. Nam cùm auctus eſſet populus Romanus in eum modum, ut difficile eſſet in unū eum conuocari legis ſanciendæ cauſa: æquum uiſum eſt, ſenatum uice populi conſuli.

A R G V M.

Quod princeps animo legis cōdēdæ ſtatuit, legis vim obtinet: & conſtitutio dicitur ligatq; omnes, modo generalis ſit: quod ſi ob certæ perſonæ meritum, odiū uel emanarit, ad exemplū non trahitur: & quum perſonalis ſit, perſonam non egreditur.

Sed & quod principi placuit, legis habet uigorem: quum lege Regia, quæ de eius imperio lata eſt, populus ei, & in eum omne imperium ſuum, & poteſtatem* concedat. Quodcunq; ergo Imperator per epiſtolam conſtituit, uel cognoscens decreuit: uel edicto præcepit, legē eſſe conſtat. Hæc ſunt, quæ conſtitutiones appellantur. Planè ex his quædam ſunt perſonales, quæ ad exemplum trahuntur: quoniam non hoc prin

Titulus II.

13

princeps uult. nã quod alicui ob meritũ indulſit,
uel ſi quã poenã irrogauit, uel ſi cui ſine exemplo
ſubuenit: perſonã non tranſgreditur. Aliæ au-
tẽ, quũ generales ſint, omnes proculdubio tenent.

A R G V M.

Prætorum edicta vim legis habent: ædilitiuuq;
edictum pars eſt iuris Prætorij.

Prætorum quoque edicta non modicam ob-
tinent iuris authoritatem. Hoc etiam ius hono-
rarium ſolemus appellare, quod qui honores ge-
runt, id eſt, magiſtratus, authoritatem huic iuri
dederunt. Proponebant & Aediles Curules
edictum de quibuſdam cauſis, quod & ipſum iu-
ris honorarij portio eſt.

A R G V M.

Iureconſultorũ ſententiæ (quibus à Cæſare iura
interpretandi facultas data erat) reſpõſa prudentum
dicuntur: quæ uſque adeo iuris pondus obtinebant,
ut nec cuiquam iudicium ab his recedere fas eſſet.

Reſpõſa prudentum ſunt ſententiæ, & opi-
niones corũ, quibus permiſſum erat de iure reſpõ-
dere. Nam antiquitus conſtitutũ erat, ut eſſent,
qui iura publicè interpretarentur: quibus à Cæ-
ſare ius reſpondendi datum eſt, qui iuriſcõſulti
appellabantur. quorum omniũ ſententiæ, & opi-
niones eã authoritatẽ tenebant, ut iudici recede-
re à reſponſis corũ nõ liceret, ut eſt cõſtitutum.

A R G

A R G V M.

Consuetudo moribus vrentium comprobata vim iuris scripti habet: hoc tamen ab Atheniensibus, illa à Lacedæmonijs ortum habuit.

*Sine scripto ius uenit, quod usus adprobauit. nam diuturni mores consensu utentium comprobati, legem imitantur. Et non ineleganter in duas species ius ciuile distributum esse uide-
nam origo eius, ab institutis duarum ciuitatum, Athenarum scilicet, & Lacedæmoniorum, fluxisse uidetur. In his enim ciuitatibus ita agi solitum erat, ut Lacedæmonij quidem magis ea, quæ pro legibus obseruabant, memoriæ mandarent: Athenienses uerò ea, quæ in legibus scripta comprehendissent, custodirent.*

A R G V M.

Ius naturali ratione apud omnes gentes obseruatum, & ciuile, in hoc discrepant: quoniam primum immutabile est, reliquum uero consuetudine, aut contraria lege mutatur.

Sed naturalia quidem iura, quæ apud omnes gentes per æquæ obseruantur, diuina quadam prouidentia constituta, semper firma atq; immutabilia permanent. ea uerò, quæ ipsa sibi quæque ciuitas constituit, sepe mutari solent, uel tacito consensu populi, uel alia postea lege lata.

A R G V M.

Ius commune ad personas, res, vel actiones spectat;

fiat: & à dignioribus sumendum exordium,

Omne autem ius, quo utimur, uel ad personas pertinet, uel ad res, uel ad actiones. Et prius de personis uideamus: nam parum est ius nosse, si personarum, quarum causa constitutum est, ignorentur.

De iure personarum,

TIT. III.

ARGV M.

Prima personarum diuisio: exinde libertatis & seruitutis finitio.

Summa itaq; diuisio de iure personarum hæc est: quòd omnes homines, aut liberi sunt, aut serui. Et libertas quidem (ex qua etiam liberi uocantur) est naturalis facultas eius, quod cuiq; facere libet, nisi si quid uel aut iure prohibetur. Seruitus autem est constitutio iuris gentium, qua quis domino alieno contra naturam subijcitur.

ARGV M.

Serui à seruando dicti sunt: quum magis intersit reipublicæ captiuos seruos uiuere, quàm mori in genus: mancipia uero quasi manu capta dicuntur.

Serui autem ex eo appellati sunt, quòd Imperatores captiuos uendere, ac per hoc seruare, nec occidere solent, qui etiam mancipia dicti sunt, eo quòd ab hostibus manu capiuntur.

A R G V M.

Seruatorum quidam naturaliter serui, quidam iure gentium, quidam vero iure civili. Et qui ex ancilla nascitur, seruus nascitur.

Serui autem aut nascuntur, aut fiunt nascuntur ex ancillis nostris. fiunt aut iure gentium, id est, ex captiuitate: aut iure civili, cum liber homo maior uiginti annis ad pretium participandum sese uenundari passus est. In seruorum conditione nulla est differentia: in liberis autem multae, aut enim sunt ingenui, aut libertini.

De ingenuis,
TIT. II II I.

A R G V M.

Qui liber nascitur ingenuus est: quin etiam quantum ad ingenuitatem pertinet, matris conditio spectatur. Ad hæc sufficit matrem, aut conceptionis, aut natiuitatis, aut medio tempore liberam fuisse, ut quis ingenuus dicatur.

Ingenuus est is, qui statim, ut natus est, liber est: siue ex duobus ingenuis matrimonio editus est, siue ex libertinis duobus, siue ex altero libertino, & altero ingenuo. Sed & si quis ex matre nascitur libera, patre uero seruo, ingenuus nihilominus nascitur: quæadmodum qui ex matre libera, & incerto patre natus est, quoniam uulgo conceptus est. Sufficit autem libera fuisse matrem eo tempore, quo nascitur, licet ancilla conciperit. Et

ē contrario si libera cōceperit, deinde ancilla facta pariat: placuit eum, qui nascitur, liberum nasci: quia non debet calamitas matris ei nocere, qui in uentre est. Ex his illud quod sitū est, si ancilla pragnās manumissa sit, deinde ancilla postea facta pepererit: liberum, an seruum pariat? Et Martianus probat liberum nasci: sufficit enim ei, qui in utero est, liberā matrē uel medio tēpore habuisse, ut liber nascatur. quod & uerum est.

A R G V M.

Putatiua seruitus natalium splendori non officit: nec de facto secuta manumissio, quicquam ingenuitati detrahit.

Cū autem ingenuus aliquis natus sit, non officit ei in seruitute fuisse, & postea manumissum esse. sapissime enim constitutum est, natalibus non officere manumissionem.

De libertinis,

T I T. V.

A R G V M.

Libertini, qui dicantur, quid manumissio, & quo iure introducā.

* Illud adnotato, priuationē nequaquam posse præcedere habitum. Adhæc nouiter emergentia, nouo egere auxilio.

Libertini sunt, qui ex iusta seruitute manumissi sunt. manumissio autem est de manu

datio. nam quandiu aliquis in seruitute est, mi-
nui & potestati suppositus est: & manumissus
liberatur à domini potestate. Quæ res à iure gen-
tium originem sumpsit: utpote cum iure natura
li omnes liberi nascerentur, nec esset nota manu-
missio, cum seruitus esset incognita. Sed post-
quam iure gentium seruitus ingenuitatē inuasit:
sequutum est beneficium manumissionis. & cum
uno cōmuni nomine omnes homines appellaren-
tur, iure gentium tria hominum genera esse cœ-
perunt: liberi, & his contrarium serui, & tertium
genus libertini, qui desierant esse serui.

A R G V M.

Multimodè tam inter viuos, quàm in vltima
voluntate manumissio exercetur.

Multis autem modis manumissio procedit:
aut enim ex sacris constitutionibus in sacrosan-
c*is* *scriptis* ecclesijs, aut uindicta, aut inter amicos, aut
per epistolam, aut per testamentum, aut per aliam
quamlibet ultimam uoluntatē. Sed & alijs mul-
tis modis libertas seruo competere potest, qui
tan ex ueteribus, quàm ex nostris constitutioni-
bus introducti sunt.

A R G V M.

Manumissio (cum voluntariæ sit iurisdictionis).
vbique & quo cunque tempore fieri potest.

Serui uero à dominis semper manumitti so-
lent.

Titulus V.

19

*lent: adeo, ut uel in transitu manumittantur: uel
luti cum Prætor, aut Præses, aut Proconsul in
balneum, uel in theatrum cant.*

A R G V M.

Libertinorum multiplici statu exploso vnica
omnium hodie est conditio: quandoquidem omnes
ciues Romani efficiuntur.

*Libertinorū autem status tripartitus antea
fuerat: nā qui manumittebātur, modo maiorē, &
iustam libertatē cōsequebantur, & fiebant ciues
Romani: modò minorē, & Latini, ex lege Iulia
Norbana fiebant: modò inferiorem, & fiebāt ex
lege Aelia Sentia dedititij. Sed quoniā dediti-
tiorū quidē pessima cōditio iam ex multis tēpo-
ribus in desuetudinē abierat, Latinorū uerò no-
mē uō frequētabatur: ideoq; nostra pietas omnia
augere, & in meliorē statū reducere desiderans:
duabus cōstitutionibus hoc emēdauit, & in pri-
stinū statū reduxit: quia & a primis urbis Ro-
mæ cunabulis una atq; simplex libertas cōpete-
bat, id est, eadem, quā habebat manumissor: nisi
quod scilicet libertinus sit, qui manumittitur, li-
cet manumissor ingenuus sit. Et dedititios qdē
per cōstitutionē nostrā expulimus, quā promul-
gauimus inter nostras decisioes: per quas, sugge-
rētē nobis Triboniano uiro excelso quæstore no-
stro, antequam iuris altercatiōes placauimus. La-*

tinios autem Iunianos, & omnem, quæ circa eos fuerat obseruantia, alia constitutione per eiusdem quaestoris suggestionem correximus, quæ inter Imperiales radiat sanctiones. Et omnes liberos, nullo nec ætatis manumissi, nec domini manumittētis, nec in manumissionis modo discrimine habito (sicut iam antea obseruabatur) ciuitate Romana decorauimus: multis modis additis, per quos possit libertas seruis cū ciuitate Romana, quæ sola est in præsentī, præstari.

Quibus ex causis manumittere non licet,

TIT. VI.

ARGV M.

Manumissio facta inter viuos in creditorum fraudem iure non subsistit: licet tamen domino quantumuis obærato seruum suum liberum hære, demquæ facere, modo nemo alius ex testamento exiturus sit hæres.

non licet **N**on tamen cuicunque uolenti manumittere licet. nam is, qui in fraudem creditorū manumittit, nihil agit: quia lex Ælia Sentia impedit libertatē. Licet autē domino, qui soluēdo non est, in testamento seruum suū cum libertate hæredē instituire, ut liber fiat, hæresq; ei solus, & necessarius: si modò ei nemo alius ex eo testamento

mēto hāres extiterit: aut quia nemo hāres scri-
ptus sit, aut quia is qui scriptus est, qualibet ex
causa hāres ei non extiterit. Idq̃ eadem lege
Aelia Sentia prouisum est. & rectē. Valde
enim prospiciendum erat, ut egentes homines,
quibus aliis hāres extiturus non esset, uel ser-
uum suum necessarium hāredem haberent, qui
satisfactorius esset creditoribus: aut hoc eo non
faciente, creditores res hāreditarias serui nomi-
ne uendant, ne iniuria defunctus adficiatur.

A R G V M.

Seruo simpliciter (nulla libertatis mentione fa-
cta) instituto, censetur etiam data libertas.

* Illud adnotato, Concesso aliquo, etiā
id concessum videri, sine quo illud consiste-
re non posset.

Idemq̃ iuris est, & si sine libertate seruus hā-
res institutus est. Quod nostra constitutio non
solum in domino, qui soluendo non est, sed genera-
liter constituit, noua humanitatis ratione: ut ex
ipsa scriptura institutionis etiam libertas ei
competere uideatur: quum non sit uerisimile, eū,
quem hāredē sibi elegit, si pratermiserit liber-
tatis dationem, seruum remanere uoluisse. & ne-
minem sibi hāredem fore.

A R

In creditorum fraude in manu suo facta vi-

detur, si manumissoris facultates tempore quo manumittit æri alieno pares non sint, vel datis libertatibus impares sint futuræ.

In fraudem autem creditorum manumittere uidetur, qui uel iam eo tēpore, quo manumittit, soluendo non est: uel qui datis libertatibus, destitutus est soluendo esse.

A R G V M.

Non aliter poterit semel data libertas impediri, nisi & decipiendi animo, & ipso rei euentu fraudati fuerint creditores.

Præualuisse tamen uidetur (nisi animum quoque fraudandi manumissor habuerit) non impediri libertatem, quanuis bona eius creditoribus non sufficiat: sæpe enim de facultatibus suis amplius, quam in ijs est, sperant homines. Itaque tunc intelligimus impediri libertatē, cum utroque modo fraudantur creditores, id est, & consilio manumittentis, & ipsare, eo quod eius bonæ non sunt suffectura creditoribus.

A R G V M.

Minor annis viginti non aliter seruum manumittere potest, quam causa cognita: & iusta manumissionis causa: quæ autem sint iustæ causæ, hic traditur.

Eadem lege Aelia Sentia domino minori uiginti annis non aliter manumittere permittitur, quam si uindicta apud cōsiliū, iusta causæ manumissio

manumissionis ad probata fuerint manumissi. Ita
 ita aut manumissionis causa hæc sunt: ueluti si q̃
 patrē, aut matrē, filiū, filiā mæ, aut fratres sororē
 sue naturales, aut pædagogū, aut nutricē, aut
 educatōrē, aut alumnū, alumniā mæ, aut collacta
 neū manumittat: aut seruū procuratoris habēdi
 gratia, aut ancillā matrimonij habēdi causa: dū
 tamē intra sex mēses in uxorē ducatur: nisi iusta
 causa impediāt: & seruus, qui manumittitur
 procuratoris habēdi gratia, non minor decē &
 septē annis manumittatur. Semel aut causa ad
 probata, siue uera sit, siue falsa, non retractetur.

A R G V M.

Minori annis viginti, non antea licet proprijs
 seruis testamento libertatem dare, quā decimum
 octauum annum attigerit,

* Illud nota, Mediam viam eligendam.

Cū ergo certus modus manumittēdi mino-
 ribus uiginti annis dominis per legem Aeliam
 Sentia constitutus esset, eueniebat, aut qui qua-
 tuordecim annos expleuerat, licet testamētū fa-
 cere. & in eo sibi heredē instituere, legataq; re-
 linquere posset: tamē si adhuc minor esset uigin-
 ti annis, libertatē seruo dare nō posset. Quod non
 erat ferendum, nam cui totorum suorū bonorum
 in testamēto dispositio data erat: quare nō simi-
 liter ei, quemadmodum alias res, ita & de seruis

suis in ultima uoluntate disponere, quemadmodum uoluerit, permittimus, ut & libertatem eis possit præstare. Sed quum libertas inestimabilis res sit, & propter hoc ante x. ætatis annum antiquitas libertatem seruo dare prohibebat: ideo nos mediam quodammodo uiam eligentes, non aliter minori uiginti annis libertatem in testamento dare seruo suo cõcedimus, nisi decimumseptimum annum impleuerit, et decimumoctauum attigerit. Quum enim antiquitas huiusmodi ætati, & pro alijs postulare concesserit: cur non etiam sui iudicii stabilitas ita eos adiuuare credatur, ut ad libertatem dandam seruis suis possint peruenire.

De lege Fusia Caninia tollenda,

TIT. VII.

Lege Fusia Caninia certus modus constitutus erat in seruis testamento manumittendis: quam, quasi libertates impediensem, & quodammodo inuidam, tollendam esse censuimus: quum sat is fuerat inhumanum, uiuos quidem licentiam habere totam suam familiam libertate donare, nisi alia causa impediatur libertatem: morientibus autem huiusmodi licentiam adimere.

De his

De his, qui sui, vel alieni
iuris sunt,

TIT VIII.

A R G V M.

Habes secundam personarum diuisionem.

* Illud signa, Cognito vno contrariorū,
protinus alterum cognosci.

Sequitur de iure personarū alia diuisio. Nam
quædam personæ sui iuris sunt, quædam alie
no iuri subiectæ. Rursus earum, quæ alieno iu-
ri subiectæ sunt, aliæ sunt in potestate parentū.
aliæ in potestate dominorum. Videamus itaque
de his, quæ alieno iuri subiectæ sunt. nam si co-
gnouerimus, quæ istæ personæ sunt: simul intel-
ligemus, quæ sui iuris sunt. Ac prius inspiciamus
de his, quæ in potestate dominorum sunt.

A R G V M.

Et si olim domino seruum occidere impune li-
ceret, hodie tamen in eum non (nisi ex legitima cau-
sa) sæuire licebit: quinimo vsque adeò dominorum
asperitas coercetur, vti si intolerabilis sit, seruos iu-
sto pretio svenundare cogantur: quum reipublicæ
inter sit, ne quis re sua abutatur.

In potestate itaq; dominorum sunt serui. quæ
quidē potestas, iuris gentiū est. nam apud omnes
per æquē gētes animaduertere possumus, dominis
in seruos vitæ necisq; potestatem fuisse: & quod-

cunq; per seruum acquiritur, id domino acquiri.
Sed hoc tēpore nullis hominibus, qui sub impe-
rio nostro sunt, licet sine causa legibus cognita,
in seruos suos supra modum seuire. Nam ex con-
stitutione diui Antonini, qui sine causa seruū
suū occiderit, non minus puniri iubetur, quā si
alienum seruum occiderit. Sed & maior asperi-
tas dominorū, eiusdem principis constitutionē
coërcetur. nam Antoninus cōsultus à quibus-
dam Præsidibus prouinciarū de his seruis, qui
ad ædem sacrā, uel ad statuam principum confu-
giunt, præcepit, ut si intolerabilis uideatur saui-
tia dominorum, cogantur seruos suos bonis con-
ditionibus uēdere, ut pretiū dominis daretur. &
rectē. expedit enim reipublicæ, ne sua re quis
male utatur. Cuius rescripti ad Aelium Mar-
tianiū missi uerba sunt hæc, Dominorū quidē po-
testatē in seruos suos illibatam esse oportet, nec
cuiquam hominū ius suū detrabi. sed & domi-
norum interest, ne auxilium contra seuitiam, uel
famem, uel intolerabile iniuriā denegetur ijs, quī
iuste deprecantur. Idcoque cognosci de querelis
eorū, qui ex familia Iulij Sabini ad sacram sta-
tuā confugerunt. & si uel durius habitos, quā
æquū est, uel infami iniuria adfectos esse cogno-
ueris, uenire iube, ita ut in potestatem domini nō

Titulus IX.

27

*revertantur. Quod si meæ constitutioni fraudem
fecerit: sciat me hoc admissum aduersus se seue-
rius exequuturum.*

De patria potestate.

TIT. IX.

IN potestate nostra sunt liberi nostri, quos ex
iustis nuptijs procreauimus. Nuptiæ au-
tem, siue matrimoniū, est uiri & mulieris coniū-
ctio, indiuiduam uitæ consuetudinem continens.

ARGV M.

Patria potestas iure Romano instituta fuit: so-
lisq; Romanis propria ac peculiaris est.

Ius autem potestatis, quod in liberos habe-
mus proprium est ciuium Romanorum, nulli
enim alij sunt homines, qui talem in liberos ha-
beant potestatem, qualem nos habemus.

ARGV M.

Filij ex legitimis nuptijs progeniti, omnesq; per
filiorum stipitem descendentes, in patria sunt pote-
state: ex filia verò nati, nequaquam.

Qui igitur ex te & uxore tua nascitur, in tua
potestate est. Item qui ex filio tuo & uxore eius
nascitur, id est, nepos tuus & neptis, æque in tua
sunt potestate & pronepos & proneptis & de-

De Nuptiis,

TIT. X.

A R G V M.

Masculi decimumquintum annum attingentes, & foeminae decimumtertiu iustas coeunt nuptias: quas in patria potestate constituti, non nisi patre assentiente, contrahere possunt: modo talis sit pater, qui consensum praestare valeat.

*I*ustas autem nuptias inter se ciues Roma-
ni contrahunt, qui secundum praecipua legum
coeunt: masculi quidem puberes, foeminae autem
uiri potentet, siue patres familiarum sint, siue fi-
lij familiarum: dum tamen si filij familiarum sint,
consensum habeant parentum, quorum in pote-
state sunt. nam hoc fieri debere, & ciuilis & na-
turalis ratio suadet, in tantum, ut iussus paren-
tis praecedere debeat. Vnde quaesitum est, an furio
si filia nubere, aut furiosi filius uxorem ducere
possit? Cumq; super filio uariabatur, nostra pro-
cessit decisio, qua permissum est ad exemplum
filiae furiosi, filiu quoq; furiosi posse, & sine pa-
tris interuentu matrimonium sibi copulare, se-
cundum datum ex nostra constitutione modum.

A R G V M.

Ascendentes cum descenditibus naturali vel
adoptionis vinculo coniunctis nuptias celebrare
nequeunt: idemque iuris est, etsi emancipatione
soluta

soluta sit adoptio.

Ergo non omnes nobis uxores ducere licet. nam à quarundam nuptijs abstinentum est. inter eas enim personas, quæ parentum, liberorumque locum inter se obtinent, contrahi nuptiæ non possunt. ueluti inter patrem, & filiam: uel auum, & neptē: uel matrem, & filium uel auā: & nepotem: & usque in infinitum. Et si tales personæ inter se coierint, nefarias atq; incestas nuptias contraxisse dicuntur. Et hæc adeo uera sunt, ut quanuis per adoptionem, parentū, liberorumque loco sibi esse cœperint, nō possint inter se matrimonio iungi, in tantum, ut etiam dissoluta adoptiue, idē iuris maneat. Itaq; eam, quæ tibi per adoptionē filia uel neptis esse cœperit, non poteris uxore ducere, quāuis eam emācipaueris.

A R G V M.

Inter fratrem, & sororem ex utroq; altero uel parente prognatos, coniugium cōsistere nequit: quod ius ad adoptiuos fratres (quandiu adoptionis uinculum permanet) etiam trahitur: eo uero soluto, nil obstat nuptijs contrahendis.

Inter eas quoq; personas, quæ ex transuerso gradu cognationis iunguntur, est quædam similis obseruatio: sed non tanta. Sanè enim inter fratrem sororeq; nuptiæ prohibita sunt: siue ab eodē patre, eadēq; matre nati fuerint, siue ab altero eo-

Titulus X.

3

matrem magnam prohiberi uxorem ducere.

A R G V M.

Ad finitatis veneratione, eam quæ olim mihi priuigna, nurus, socrus, vel nouerca extitit, uxorem ducere non licet: multoq; minus licebit, si adhuc mihi sit priuigna, nurus, &c.

* Quoties eiusdem dispositionis duæ sunt rationes, sublata è duabus altera, non ob id cessat dispositio, reliqua manente.

Ad finitatis quoq; ueneratione à quarundã nuptiis abstinere necesse est, ut ecce priuignam aut nurum uxore ducere non licet: quia utræque filia loco sunt. Quod ita scilicet accipi debet, si fuit nurus aut priuigna tua. nam si adhuc nurus tua est, id est, si adhuc nupta est filio tuo: alia ratione uxorem eam ducere nõ poteris: quia eadẽ duobus nupta esse nõ potest. Item si adhuc priuigna tua est, id est, si mater eius tibi nupta est: ideo eam uxorem ducere non poteris, quia duas uxores eodem tempore habere non licet. Socru quoque, & nouercam prohibitum est uxore ducere: quia matris loco sunt. Quod & ipsum dissoluta demum ad finitatem procedit. alioquin si adhuc ueruca est, id est, si adhuc patri tuo nupta est: cõmuni iure impeditur tibi nubere: quia eadẽ duobus nupta esse non potest. Item si adhuc socrus est, id est, si adhuc filia eius tibi nupta est.

est: ideo impediuntur tibi nuptia, quia duas uxores habere non potes. Mariti tamen filius ex alia uxore, & uxoris filia ex alio marito, uel contra, matrimonium recte contrahunt: licet habeant fratrem, sororemue ex matrimonio postea contracto natos.

A R G V M.

Etiam ob publicam honestatem à quibusdam, nuptijs abstinetur, quanuis nullum cognationis, vel adfinitatis obstaculum adsit.

Si uxor tua post diuortiū ex alio filiam procreauerit: hæc non est quidem priuigna tua: sed Iulianus ab huiusmodi nuptijs abstineri debere ait. nam constat, nec sponsam filij, nurum esse: nec patris sponsam, nouercam esse: rectius tamen, & iure facturos eos, qui ab huiusmodi nuptijs abstinerint. Illud certum est, seruiles quoque cognationes impedimento nuptijs esse: si forte pater, & filia: aut frater, & soror manumissi fuerint. Sunt & aliæ personæ, quæ propter diuersas rationes, nuptias contrahere prohibentur, quas in libris Digestorū, seu Pandectarum ex uetere iure collectarum enumerari permisimus.

A R G V M.

Vbi nuptiæ contra legum interdicta celebratæ fuerunt, ibi neque nuptiarum, neque viri, neque uxoris, neque dotis, ullum ius erit vel appellatio: ad hæc contrahentes, pœnas hic traditas, aliasque

aliasq; plures incurrunt.

Si aduersus ea, quæ diximus, aliqui coierint: nec uir, nec uxor, nec nuptiæ, nec matrimonium, nec dos intelligitur. Itaq; ij, qui ex eo coitu nascuntur, in potestate patris nō sunt: sed tales sunt (quantū ad patriam potestatem pertinet) quales sunt ij, quos mater uulgo concepit. nā nec hi patrem habere intelliguntur, cum & his pater incertus sit. unde solēt spurij appellari *ἄπ' αὐτοῦ* & *ἀπ' αὐτοῦ*, quasi sine patre filij. Sequitur ergo ut dissoluto tali coitu, nec dotis, nec donationis ex actione locus sit. Qui autem prohibitas nuptias contrahunt, & alias pœnas patiuntur, quæ sacris constitutionibus continentur.

A R G V M.

Naturales liberi, curiæ oblati, legitimi fiunt, & patris potestatem subintrant. Item ex ea nati, cum qua iustas contrahere nuptias licebat, conubio subsecuro, dotalibusq; instrumentis confectis, æque legitimi censentur, atque qui ex matrimonio nati sunt.

autem

Aliquando enim euenit, ut liberi, qui statim, ut nati sunt, in potestate parentū nō sunt, postea ea redigantur in potestatem patris: qualis est is, qui dum naturalis fuerat, postea curiæ datus, potestati patris subijcitur. nec nō is, qui à mulieri libera procreatus, cuius matrimonium minimè

legibus interdictum fuerat, sed ad quā pater consuetudinem habuerat, postea ex nostra constitutione dotalibus instrumentis compositis, in potestate patris efficitur. Quod & alijs liberis, qui ex eodem matrimonio postea fuerint procreati, similiter nostra constitutio præbuit.

De adoptionibus,

TIT. XI.

A R G V M.

Potestas patria etiam adoptione constituitur: cuius duæ sunt species: altera adrogatio dicitur, altera adoptio: illa principis autoritate, eos qui sunt iuris adrogamus: hac verò in alterius potestate existentibus, imperio magistratus adoptamus.

Non solum autem naturales liberi, secundum ea quæ diximus, in potestate nostra sunt: verum etiam ij, quos adoptamus. Adoptio autem duobus modis fit: aut principali rescripto, aut imperio magistratus. Imperatoris autoritate adoptare quis potest eos cæsus, qui quæcunque sui iuris sunt. quæ species adoptionis dicitur adrogatio. Imperio magistratus adoptamus eos cæsus, qui quæcunque in potestate parentum sunt: siue primum gradum liberorum obtineant, qualis est filius, filia: siue inferiorem, qualis est nepos, neptis, pronepos, proneptis.

A R G V M.

Filiusfamilias extraneo in adoptionem datus, extranei potestatem minimè subintrat, quamvis illi intestato succedat: Datus verò cuius ascendendum, eius potestati subiicitur.

* Annotato, Duo vincula vno sortiora esse.

Sed hodie ex nostra constitutione, cū filiusfamilias à patre naturali extraneæ personæ in adoptionem datur, iura patris naturalis minimè dissoluuntur: nec quicquā ad patrem adoptivum trāsit, nec in potestate eius est: licet ab intestato iura successionis ei à nobis tributa sint. Si uerò pater naturalis non extraneo, sed auctore filij sui materno, uel si ipse pater naturalis fuerit emancipatus, etiā auctor, uel proauctor simili modo paterno uel materno filium suum dederit in adoptionem: in hoc casu, quia cōcurrūt in unā personā & naturalia, & adoptionis iura: manet stabile ius patris adoptiui, & naturali uinculo copulatū, & legitimo adoptiui modo cōstitutū: ut et in familia, et in potestate huiusmodi patris adoptiui sit.

A R G V M.

Impuberis adrogatio, causa cognita celebratur: cauetq; adrogator se bona adrogati (si intra pubertatem obierit) illis restitutum, ad quos peruentura erant, adoptione non facta.

Cū autē impubes per principale rescriptū adrogatur, causa cognita adrogatio fieri pernit

titur: & exquiratur causa adrogationis an honesta sit, expedit utq; pupillo. Et cum quibusdā conditionibus adrogatio fit, id est, ut caueat adrogator personæ publicæ, si intra pubertatem pupillus decesserit, restitutorū se bonis illis, qui, si adoptio facta nō esset, ad successionem eius ueturi essent.

A R G V M.

Adrogatus non nisi causa cognita emancipatur: cui propria bona restitui debent, iubeturq; adrogator quartam bonorum suorum illi relinquere.

Item non aliter emancipare cum potest adrogator, nisi causa cognita dignus emancipatione fuerit: & tunc sua bona ei reddat. Sed & si decedens pater cum exheredauerit, uel uiuus sine iusta causa emancipauerit: iubetur quartā partem ei bonorum suorum relinquere, uidelicet præter bona, quæ ad patrem adoptiuum transtulit, & quorum commodum ei postea adquisiuit.

A R G V M.

Quod natura fieri nō potest, nec arte poterit: ars enim naturæ est imitatrix.

Minorem natu, maiorem non posse adoptare placet, adoptio enim naturam imitatur: & promonstro est, ut maior sit filius, quàm pater. Debet itaq; is, qui sibi filium per adoptionē uel adrogationem facit, plena pubertate, id est, decē & octo, annis præcedere. Licet autem & in locum nepo,

nepotis uel neptis, pronepotis uel proneptis, uel deinceps adoptare, quamuis filium quis non habeat. Et tam filium alienum quis in locum nepotis adoptare potest, quam nepotem in locum filij.

A R G V M.

Adoptans aliquem in nepotem quasi ex filio (quem in potestate habet) natum, filij consensum habere debet: diuersum erit si auus nepotem ex filio in adoptionem dare velit.

Sed si quis nepotis loco adoptet, uel quasi ex filio, quem habet iam adoptatum, uel quasi ex illo, quem naturalem in sua potestate habet: eo casu & filius consentire debet, ne ei inuito suus haeres adnascatur. sed ex contrario, si auus ex filio nepotem det in adoptionem, non est necesse filium consentire.

A R G V M.

Adoptiuus pater adoptatum filium in potestate sua constitutum, vel adrogatum, alteri in adoptionem dare potest, haud secus quam naturalis pater possit.

In plurimis autem causis adsimulatur is, qui adoptatus uel adrogatus est, ei qui ex legitimo matrimonio natus est. & ideo si quis per Imperatorem, uel apud Praetorem, uel Praesidem provinciae non extraneum adoptauerit, potest eundem in adoptionem alij dare.

A R G V M.

Qui secundum naturam liberos generare nequeunt, nec secundum artem sibi parare quibunt.

Sed & illud utriusque adoptionis commune est, quod & ij, qui generare non possunt (quales sunt spadones) adoptare possunt; castrati autem non possunt.

* Annota, Fœminas filios in potestate nō habere. quo fit ut iuribus potestatis patriæ minime fruantur.

Fœminæ quoque adoptare non possunt, quia nec naturales liberos in sua potestate habent: sed ex indulgentia principis ad solutium liberorum amissorum adoptare possunt.

A R G V M.

Adrogatus nō solū in adrogatoris cōuolat potestatem, sed etiam liberi quos in potestate habet.

Illud proprium est adoptionis illius, quæ per sacrum oraculum fit, quod is, qui liberos in potestate habet, si se adrogandum dederit, non solum ipse potestati adrogatoris subijcitur, sed etiam liberi eius in eiusdem fiunt potestate, tamquam nepotes. sic etenim diuus Augustus non autem Tiberium adoptauit, quam is Germanicum adoptasset: ut protinus adoptione facta, inciperet Germanicus Augusti nepos esse.

A R G V M.

Seruus à domino adoptatus, vel apud acta, filius nominatus, libertatem nanciscitur.

Apud Catonem bene scriptum refert antiquitas, seruos, si à domino adoptati sint, ex hoc ipso posse liberari. Vnde & nos cruditi, in nostra constitutione etiam cum seruum, quem dominus actis interuenientibus filium suum nominauerit, liberum esse constituimus: licet hoc ad ius filij accipiendum ei non sufficiat.

Quibus modis ius patriæ potestatis soluitur,

TIT. XII.

A R G V M.

Mortuo patre mox sui iuris filius efficitur: mortuo verò auctore ita demum nepos sui iuris euadit, si non super sit ei pater in cuius recidat potestatem.

VIdeamus nunc, quibus modis ij, qui alieno iuri sunt subiecti, eo iure liberentur. Et quidem quemadmodum liberentur serui à potestate dominorum, ex ijs intelligere possumus, quæ de seruis manumittendis superius exposuimus. Hi uerò, qui in potestate parentis sunt, mortuo eo, sui iuris fiunt. Sed hoc distinctione recipi nam mortuo patre, scilicet quomodo filij filiarum sui iuris

ni efficiuntur, Mortuo uero auctore, non omnimodo nec potest neque sui iuris fieri: sed ita, si post mortem aui in potestate patris sui recasuri non sunt. Itaque si moriente auctore pater eorum uiuit, & in potestate patris sui est: tunc post obitum aui in potestate patris sui fiunt. Si uero is, quo tempore auctoris moritur, aut iam mortuus est, aut per emancipationem exiit de potestate patris: tunc illi, qui in potestatem eius cadere non possunt, sui iuris fiunt.

A R G V M.

Deportatio patris aut filij, patrie potestatis vinculum soluit: restitutio uero principis, id in pristinum statum reponit.

Cum autem is, qui ob aliquod maleficium in insulam deportatur, ciuitatem amittit: sequitur, ut qui eo modo ex numero ciuium Romanorum tollitur, perinde quasi eo mortuo, desinant liberi in potestate eius esse. Pari ratione & si is, qui in potestate patris sit, in insulam deportatus fuerit, desinit esse in potestate patris: sed si ex indulgentia principis restituti fuerint, per omnia pristinum statum recipiunt. Relegati autem patres in insulam, in potestate liberos retinent. Et ex contrario liberi relegati, in potestate parentum remanent. Poenae seruus effectus, filios in potestate habere desinit. Serui autem poenae efficiuntur, qui in metallum damnantur.

dammantur, & qui bestijs subiiciuntur.

A R G V M.

Sola patritiatus dignitas filium à patria potestate eximit,

Filius familias si militauerit, uel si senator, uel consul factus fuerit, remanet in potestate patris, militia enim, uel consularis dignitas, de patris potestate filium non liberat, Sed ex constitutione nostra, summa Patritiatus dignitas illico, imperialibus codicillis praestitis, filium à patria potestate liberat. quis enim patiatur patrem quidem posse per emancipationis modum potestatis suae nexibus filium liberare: imperatoriam autem celsitudinem non ualere cum quem sibi patrem elegit, ab aliena eximere potestate?

A R G V M.

Captiuitate patris aut filij pendet, magis quam intereat, ius patriae potestatis, propter postliminii ius: retro enim fingitur in ciuitate fuisse, qui ab hostibus regressus est.

Si ab hostibus captus fuerit parens, quamuis seruus hostium fiat, tamen pendet ius liberorum propter ius postliminii: quia hi, qui ab hostibus capti sunt, si reuersi fuerint, omnia pristina iura recipiunt. idcirco reuersus parens etiam liberos habebit in potestate: quia postliminium fingit eum, qui captus est, in ciuitate semper fuisse. Si

uero ibi decesserit: exinde, ex quo captus est pater, filius sui iuris fuisse uidetur. Ipse quoque filius, neposue si ab hostibus captus fuerit: similiter dicimus, propter ius postliminii, ius quoque potestatis parentis in suspenso esse. Dictum est autem postliminiū a limine, & post. Vnde eum, qui ab hostibus captus est, & in fines nostros postea peruenit, postliminio reuersum recte dicimus. Nam limina, sicut in domo finem quendam faciunt: sic & imperij finem esse limen, ueteres uoluerunt. Hinc & limen dictum est, quasi finis quidam & terminus. ab eo postliminiū dictum est, quia ad idem limen reuertebatur, quod amiserat. Sed & qui captus uictis hostibus recuperatur, postliminio rediisse existimatur.

A R G V M.

Emancipatio apud quenuis magistratum (etiam citra antiquam solemnitatem) facta, patriæ potestatis vincula soluit: verum pater ex emancipati bonis sibi iure debitam portionem consequitur, illiusque (si impubes sit) legitimam tutelam.

Præterea emancipatione quoque desinunt liberi in potestate parentum esse. sed emancipatio antea quidē uel per antiquā legis obseruationem procedebat, quæ per imaginarias uēditiones, & intercedētes manumissiones celebrabatur, uel ex imperiali rescripto, Nostra autem prouidentia etiam

etiam hoc in melius per cōstitutionē reformauit:
ut fictione pristina explosa, recta uia ad cōpetē
tes iudices uel magistratus, parētes intrēt: & fi-
lios suos, uel filias, uel nepotes, uel neptes, ac de-
inceps, à sua manu dimittant. Et tunc ex edicto
Prætoris in bonis huiusmodi filij, uel filia, uel
nepotis, uel neptis, q̄ quā uel à parēte manumissus
uel manumissa fuerit: eadē iura præstātur parē-
ti, quæ tribuuntur patrono in bonis liberti. Et
præterea si impubes sit filius, uel filia, uel cate-
ri: ipse parēs ex manumissione tutelā eius nāci-
scitur. Admonēdi autē sumus, liberū arbitrium
esse ei, qui filiū, & ex eo nepotē uel neptē in po-
testate habet: filiū quidē de potestate dimittere,
nepotē uerò uel neptē retinere, & cōuerso filiū
quidē in potestate retinere, nepotē uerò uel neptē
manumittere, uel omnes sui iuris efficere. Eadē
& de p̄nepote, et p̄nepte dicta esse intelligātur.

A R G V M .

Adoptatus ab ascendente (si præsens adoptioni
non contradicat) à patris naturalis soluitur pote-
state, & in adoptantis potestatem transit.

Sed & si pater filium, quem in potestate ha-
bet, auo uel proauo naturali secundum nostras
cōstitutiones super his habitas, in adoptionem
dederit: id est, si hoc ipsum actis interueniētibus
apud

apud cōpetentem iudicem manifestauerit, præsente eo, qui adoptatur, & non cōtradicente, nec non eo præsente, qui adoptat: soluitur quidē ius potestatis patris naturalis: transit autem in huiusmodi parentem adoptiuum, in cuius persona, & adoptionem esse plenissimam antea diximus.

A R G V M.

Conceptus prius quàm pater emanciparetur, aut cuiuspiam ascendentium in adoptionem daretur, in auita remanet potestate: non ita si postea conceptus sit.

Illud autem scire oportet, quòd si nurus tua ex filio tuo conceperit, & filium postea emancipaueris, uel in adoptionem dederis, pregnante nuru tua: nihilominus quod ex ea nascitur, in potestate tua nascitur. Quòd si post emancipationem uel adoptionem conceptus fuerit: patris sui emancipati, uel aui adoptiui potestati subijcitur. Et quidem neque naturales liberi, neque adoptiui ullo penè modo possunt cogere parentes, de potestate sua eos dimittere.

De tutelis,

TIT. XIII.

* Illud ex tutelæ finitione nota: tutorem primariò personæ tuendæ causa datum, secundariò bonorum.

Trans

TRanſeamus nūc ad aliam diuiſionem perſonarum. Nam ex his perſonis, quæ in poteſtate non ſunt, quædā uel in tutela ſunt, uel in curatione, quædam neutro iure tenentur. Videmus ergo de his, quæ in tutela, uel in curatione ſunt. Ita enim intelligemus cæteras perſonas, quæ neutro iure tenentur. Ac prius diſpiciamus de his, quæ in tutela ſunt. Eſt autem tutela (ut Seruius definiuit) uis ac poteſtas in capite libero ad tuendum eum, qui per ætatem ſe ipſe defendere nequit, iure ciuili data ac permiſſa. Tutores autem ſunt, qui eam uim ac poteſtatem habent, ex quibus ipſe nomen acceperunt. Itaque appellantur tutores, quaſi tuitores atque deſenſores: ſicut aditui dicuntur, qui ades tuentur.

A R G V M .

Conceſſum eſt patri impuberibus filiis, quos in poteſtate habet, teſtamento tutorem dare: item nepotibus: modo eo mortuo non ſunt in eorum patris recuſuri poteſtatem.

Permiſſum eſt itaque parentibus liberis impuberibus, quos in poteſtate habent, teſtamento tutores dare. Et hoc in filios filiasque procedit omnimodo. nepotibus uero, neptibusque ita demum parentes poſſunt teſtamento tutores dare, ſi poſt mortem eorum in poteſtatem patris ſui non ſunt recuſuri. Itaque ſi filius tuus mortis tue tempore
in po.

si non facta libertatis mentione, tutor datus sit, tacite libertas data videtur: ni errore quasi liber datus sit.

Dari autem tutor potest testamento non solum paterfamilias, sed etiam filiusfamilias. Sed & seruus proprius testamento cum libertate, recte tutor dari potest. Sed sciendum est, cum & sine libertate tutorem datum, tacite libertatem directam accepisse uideri: & per hoc recte tutorem esse. Plane si per errorem, quasi liber, tutor datus sit: aliud dicendum est. Seruus autem aliquis pure inutiliter testamento datur tutor: sed ita, CUM LIBER ERIT, utiliter datur. Proprius autem seruus inutiliter eo modo tutor datur. Furiosus, uel minor uiginti quinque annis tutor testamento datus, tutor tunc erit, cum compos mentis, aut maior uiginti quinque annis fuerit factus. Ad certum tempus, uel ex certo tempore, uel sub conditione, uel ante heredis institutionem posse dari tutorem, non dubitatur. Certa autem rei uel causae tutor dari non potest: quia personae, non causae, uel rei tutor datur.

A R G V M.

Filiorum appellatione, posthumi quoque primi gradus continentur, non etiam vltioris: liberorum autem appellatio, etiam nepotes, ceterosque descendentes includit: posthumi vero nomen, quoslibet aique liberorum gradus complectitur,

Si quis filiabus suis uel filiis tutores dederit: etiam posthumus uel posthumus dedisse uidetur: quia filij uel filia appellatione & posthumus et posthumus continentur. Quod si nepotes sint, an appellatione filiorum & ipsis tutores dati sint? Dicendum est, ut & ipsis quoque dati uideantur: si modo liberos dixerit. Ceterum si filios: non continebuntur. Aliter enim filij, aliter nepotes appellantur. Plane si posteris dederit: tam filij posthumi, quam ceteri liberi continebuntur.

De legitima adgnatorum tutela,

TITVLVS XV.

A R G V M .

Cessante testamentaria tutela, locus est legitimæ: quæ quidem ad proximos defertur agnatos, non etiam ad cognatos. Agnati autem sunt per uirilis sexus cognationem coniuncti: cognati uero per fœminei sexus personas.

Q*uibus autem testamento tutor datus non est: his ex lege duodecim tabularum adgnati sunt tutores, qui uocantur legitimi. Sunt autem agnati, cognati per uirilis sexus cognationem coniuncti, quasi à patre cognati: ueluti frater ex eodẽ patre natus, fratris filius, neposue ex eo: item patruus, & patruj filius, neposue ex eo.*

At

At qui per feminini sexus personas cognatione iunguntur, adgnati non sunt, sed aliis naturali iure cognati. Itaque amitæ tuæ filius non est tibi adgnatus, sed cognatus: & inuicem tu illi eodem iure coniungeris: quia qui ex ea nascuntur, patris, non matris familiam sequuntur.

A R G V M.

Quantum ad tutelam pertinet, is intestatus decessisse videtur, qui etiam cum testatus sit, tutorem testamento non dedit, aut datio effectum sortita non fuit.

Quod autem lex duodecim tabularum ab intestato uocat ad tutelam adgnatos: non hanc habet significationem, si omnino non fecerit testamentum is, qui poterat tutores dare: sed si, quantum ad tutelam pertinet, intestatus decesserit: quod tunc quoque accidere intelligitur, cum is, qui datus est tutor, uiuo testatore decesserit.

A R G V M.

Adgnationis ius (cum ciuile sit vinculum) capitis diminutione tollitur: cognationis vero non ita.

*Annotato, Nil tam naturale esse, quam eo genere quodque dissolui, quo ligatum est.

Sed agnationis quidem ius omnibus modis capitis diminutione plerumque perimitur. nam adgnatio, iuris ciuilis nomen est: cognationis uero ius

non omnibus modis commutatur: quia civilis ratio, civilia quidem iura corrumpere potest, naturalia uero non utique.

De capitis deminutione,

TIT. XVI.

Est autem capitis deminutio prioris status mutatio. eaq̃s tribus modis accidit. Nā aut maxima est capitis deminutio, aut minor (quam quidā mediam uocāt) aut minima. Maxima capitis deminutio est, cū aliquis simul & ciuitatē & libertatem amittit. quod accidit his, qui serui pœnæ efficiuntur atrocitate sententiæ: uel libertis, ut ingratiss erga patronos condemnatis: uel his, qui se ad pretium participandum uenundari passi sunt. Minor, siue media capitis deminutio est, cum ciuitas quidem amittitur, libertas uero retinetur. quod accidit ei, cui aqua et igni interdictū fuerit: uel ei, qui in insulā deportatus est. Minima capitis deminutio est, cum ciuitas retineatur & libertas, sed status hominis commutatur. quod accidit his, qui cū sui iuris fuerint, cœperūt alieno iuri subiecti esse, uel contr. ueluti si filius, similis a patre emancipatus fuerit: est capite deminutus. Seruus autē natus, capite non minuitur: quia nullum caput habuit.

Quibus

Quibus autem dignitas magis, quam status permutatur, capite non minuuntur. & ideo d' senatu motos capite non minui constat.

A R G V M.

Cognitionis ciuiles effectus, non minima, sed media aut maxima capitis deminutione tolluntur.

*Non ab re dixi (ciuiles effectus) quoniam sanguinis iura, nullo iure ciuili dirimi possunt: regula iuris.

Quod autem dictum est, manere cognitionis ius etiam post capitis deminutionem: hoc ita est, si minima capitis deminutio interueniat. manet enim cognatio. nam si maxima capitis deminutio interueniat: ius quoque cognitionis perit, ut puta seruitute alicuius cognati: & ne quidem si manumissus fuerit, recipit cognitionem. Sed & si in insulam quis deportatus sit, cognatio soluitur. Quum autem ad adgnatos tutela pertineat: non simul ad omnes pertinet, sed ad eos tantum, qui proximior gradu sunt: uel si plures eiusdem gradus sunt, ad omnes pertinet. ueluti si plures fratres sunt, qui unum gradum obtinent, pariter ad tutelam uocantur.

De legitima patronorum
tutela,

TIT. XVII.

A R G V M.

Patroni ad libertorum tutelam ex sententia legis duodecim tabularum vocantur: cum ipsi intestatis libertis succedant: unde par est, ut is onus tutelæ subeat, ad quem hæreditatis emolumentum pertinet.

EX eadem lege duodecim tabularum, libertorum, & libertarum tutela ad patronos, liberosq; eorum pertinet, quæ & ipsa legitima tutela uocatur: non quia nominatim in ea lege de hac tutela caueatur, sed quia perinde accepta est per interpretationem, ac si uerbis legis introducta esset. Eo enim ipso, quod hæreditates libertorum, libertarumq; si intestati decessissent, iusserat lex ad patronos, liberosue eorum pertinere: crediderunt ueteres noluisse legem etiam tutelam ad eos pertinere: cum & agnatos, quos ad hæreditatem lex uocat, eosdẽ & tutores esse iusserit: quia plerumq; ubi successionis est emolumentum, ibi & tutelæ onus esse debet. Ideo autem diximus plerumq;: quia si a femina impuber manumittatur, ipsa ad hæreditatem uocatur, quum alius sit tutor.

De

De legitima parentum tutela,

TIT. XVIII.

Exemplo patronorum recepta est & alia tutela, quæ & ipsa legitima uocatur. nam si quis filium aut filiam, nepotem, aut neptem ex filio, & deinceps impuberes emancipauerit: legitimus eorum tutor erit.

De fiduciaria tutela,

TIT. XIX.

A R G V M.

Pater vigesimum quintum superans annum, filij sui ab alio emancipati, post aut mortem fiduciarius est tutor: item frater, emancipati fratris: filius verò mortui patroni, legitimus tutor erit liberti impuberis.

Et & alia tutela, quæ fiduciaria appellatur. nã si pater filiũ, uel filiam, nepotem, uel neptẽ, uel deinceps impuberes manumiserit: legitimã nanciſcitur eorum tutelam. Quo defuncto, si liberi eius uirilis sexus existant: fiduciarij tutores filiorum suorum, uel fratris, uel sororis, & ceterorum efficiuntur. Atqui patrono legitimo tutore mortuo, liberi quoque eius legitimi sunt tutores: quoniã filius quidẽ defuncti, si non esset a uiuo patre emancipatus, post obitum eius sui iuris efficeretur, nec in fratru potestate reci-

deret, ideoq; nec in tutelam. Libertus autem, si seruus mansisset, utique eodem iure apud liberos domini post mortem eius futurus esset. Ita tamen hi ad tutelam uocantur, si perfecta sint ætatis. quod nostra constitutio in omnibus tutelis et curationibus obseruari generaliter præcepit.

De Attiliano tutore, & eo, qui ex lege Iulia & Titia da- batur,

TIT. XX.

ARGV M.

Cessante testamentaria & legitima tutela, locus est datiuæ, id est, à iudice dandæ.

SI cui nullus omnino tutor fuerat, ei dabatur Sin urbe quidem à Prætore urbano, & maiore parte Tribunorum plebis tutor ex lege Attilia: in prouincijs uero à præsidibus prouinciarum ex lege Iulia & Titia.

ARGV M.

Suspensio exercitio testamentarij tutoris, propter impedimentum, quod ex ipso testamento, vel aliunde proueniebat, interim datiuus tutor creabatur, cuius officium sublato impedimento expirabat.

Sed

Sed & si in testamento tutor sub conditione, aut ex die certo datus fuerat: quandiu conditio aut dies pendebat, ex eisdem legibus tutor alius interim dari poterat. Item si purè datus fuerat: quandiu ex testamēto nemo haeres existerat, tan diu ex eisdem legibus tutor petēdus erat: qui desinebat esse tutor, si conditio extiterat, aut dies uenerat, aut haeres extiterat. Ab hostibus quoque tutore capto, ex his legibus tutor petebatur: qui desinebat esse tutor, si is, qui captus erat, in ciuitatē reuersus fuerat. nā reuersus recipiebat tutelam iure postliminiij. Sed ex his legibus tutores pupillis desierunt dari, posteaquā primò Cōsules pupillis utriusque sexus tutores ex inquisitione dare cœperunt, deinde Prætores ex constitutionibus. Nam supra dictis legibus neque de cautione d' tutoribus exigenda, rem saluā pupillis fore: neque de compellēdis tutoribus ad tutelæ administrationem, quidquam cauebatur. Sed hoc iure utimur, ut Romæ quidem Præfectus urbi, uel Prætor secundum suam iurisdictionem: in prouincijs autem Præsides ex inquisitione tutores crearent, uel magistratus iussu Præsidium, si non sint magnæ pupilli facultates.

A R G V M.

Iure nouo, si pupilli facultates aureis quingētis

non fuerint ampliores, à quocunque iudice vnà cū ciuitatis episcopo tutor datur, cautione ab eodem præstita, rem pupilli saluam fore: cuius cautionis periculum ad recipientem spectat.

Nos autem per cōstitutionem nostrā huiusmodi difficultates hominum rescātes: nec expectata iussione præsidum, disposuimus, si facultates pupilli uel adulti usq; ad quingētos solidos ualeant: defensores ciuitatum un. i. cum eiusdem ciuitatis religiosissimo antistite, uel alias publicas personas, id est magistratus, uel iuridicum Alexandrinæ ciuitatis, tutores uel curatores creare: legitima cautela secundum eiusdem cōstitutionis normam præstāda, uidelicet eorum periculo, qui eam accipiunt. Impuberes autem in tutela esse, naturali iuri cōueniēs est: ut is, qui perfectæ ætatis non sit, alterius tutela regatur.*

A. R. G. V. M.

Tutela finita, administrationis ratio redditur: nec antè conueniendus est tutor tutelæ iudicio, quàm officium expirarit.

Quum ergo pupillorum pupillarumq; tutores negotia gerant: post pubertatem, tutela iudicio rationem reddunt.

De autoritate tutorum, TIT. XXI.

A R G V M.

Pupillus etiam sine tutoris auctoritate conditionem suam meliorem facere potest, deterio- rem non potest: quo fit, ut in contractibus vltro citroq; obligatorijs contrahentem sibi obliget, ipse autem illi non obligetur.

Authoritas autē tutoris in quibusdam cau- sis necessaria pupillis est, in quibusdā non est necessaria. ut ecce, si quid dari sibi stipulen- tur: non est necessaria tutoris auctoritas. quod si alijs promittāt pupilli: necessaria est tutoris au- thoritas. Namque placuit meliorem quidem cō- ditionē licere eis facere, etiam sine tutoris autho- ritate: deterio-rem uerō, non aliter, quā cum tu- toris auctoritate. Vnde in his causis, ex quibus obligationes mutue nascuntur, ut in emptioni- bus, uenditionibus, locationibus, cōductionibus, mandatis, depositis, si tutoris auctoritas non in- terueniat, ipsi quidem, qui cum his contrahunt, obligantur: at inuicem pupilli non obligantur.

A R G V M.

Hæreditatem adire, bonorum possessionem pe- tere, aut fideicommissariam hæreditatem suscipere, nō nisi cum tutoris auctoritate, pupillus potest.

Neque tamen hæreditatem adire, neq; bono- rum possessionem petere, neq; hæreditatē ex fi- deicomisso suscipere aliter possunt, nisi tutoris

*authoritate (quanuis illis lucrosa sit) ne ullum
damnum habeant.*

A R G V M.

Tutor præsens & in ipso actu authoritatem præstare debet: post actum verò, vel per epistolam interposita authoritas, non valet.

Tutor autem statim in ipso negotio præsens debet author fieri, si hoc pupillo prodesse existimauerit. Post tempus verò, uel per epistolam aut per nuntium interposita authoritas, nihil agit.

A R G V M.

Tutor sibi authorari non potest: nemo enim in rem suam author fieri potest.

Si inter tutorem pupillumq; iudicio agendum sit: quia ipse tutor in rem suam author esse non potest: non prætorius tutor (ut olim) constituitur, sed curator in locum eius datur: quo curatore interueniente, iudiciũ peragitur: & eo peracto, curator esse desinit.

Quibus modis tutela finitur, TIT. XXII.

A R G V M.

Exploso impudico antiquorum iudicio, tutela masculi anno decimoquarto expleto finitur: feminae verò duodecimo.

Pupilli pupillæq; cum puberes esse ceperint, à tutela liberantur: Pubertatem autem ucte

ueteres quidem non solum ex annis, sed etiam ex habitu corporis in masculis aestimari uolebant. Nostra autem maiestas dignum esse castitate nostrorum temporum existimans, bene putauit: quod in foeminis etiam antiquis impudicum esse uisum est: id est, inspectionem habitudinis corporis, hoc etiam in masculos extendere. Et ideo nostra sancta constitutione promulgata, pubertatem in masculis post decimumquartum annum completum ilico initium accipere disposuimus: antiquitatis normam in foeminis bene positam, in suo ordine relinquentes, ut post duodecim annos completos uiripotentes esse credantur.

A R G V M .

Varios tutelæ finiendæ modos, vsque ad tituli calcem videre potes: quos breuiori compedio perstringere, potius laboriosum quam utile fuisset.

Itē finitur tutela, si adrogati sint adhuc im-
puberes, uel deportati: item si in seruitutē pupil-
lus redigatur, uel si ab hostibus captus fuerit.
Sed & si usque ad certam conditionem datus sit
tutor testamento: æquè euenit, ut desinat esse tu-
tor existente conditione. Simili modo finitur tu-
tela morte uel pupillorum, uel tutorum. Sed &
capitis deminutione tutoris, per quam libertas
uel ciuitas amittitur, omnis tutela perit.

*Huius

* Huius dicti ea est ratio: nam capitis minima diminutione tollitur agnatio.

Minima autem capitis diminutione tutoris, ueluti si se in adoptionem dederit, legitima tantum tutela perit: cetera non percunt. Sed pupilli & pupillae capitis diminutio, licet minima sit, omnes tutelas tollit. Præterea qui ad certum tempus testamento dantur tutores, finito eo, deponunt tutelam. Desinunt etiam tutores esse, qui uel remouentur a tutela ob id, quod suspecti uisi sunt: uel qui ex iusta causa se excusant, & onus administrandae tutelae deponunt, secundum ea, quae inferius proponemus.

De Curatoribus, TIT. XXIII.

ARGVM.

Adultis usque ad annum vigesimum quintum curatores dantur, ab eisdem magistratibus, a quibus & tutores: testamento autem non recte datur curator: datus tamen, a iudice confirmandus est: item uolenti, non etiam inuito (nisi in litem) curator dari potest.

Masculi quidem puberes, & foeminae uiripotentes, usque ad uicesimum quintum annum completum curatores accipiunt: quia licet puberes sint, adhuc tamen eius aetatis sunt, ut sua negotia curari non possint. Dantur autem

curat.

curatores ab eisdem magistratibus, à quibus & tutores. Sed curator testamento non datur: datus tamē confirmatur decreto prætoris uel præsidis. Item inuiet adolescentes curatores non accipiunt, præterquā in litē. curator enim & ad certam causam dari potest.

A R G V M.

Cura furiosi & prodigi cuiusvis ætatis, lege duodecim tabularum agnatis defertur: quibus deficientibus, à iudice datur curator: reliquis item maioribus vigintiquinque annis qui in ea causa sunt ut rebus suis superesse non possint, æquē à iudice decernitur.

Furiosi quoque & prodigi, licet maiores vigintiquinque annis sint: tamen in curatione sunt agnatorum ex lege duodecim tabularum. Sed solent Romæ Præfectus urbi uel Prætores, & in prouincijs Præsides ex inquisitione eis curatores dare. Sed & mente captis, & surdis, & mutis, & qui perpetuo morbo laborant (quia rebus suis superesse non possunt) curatores dandi sunt.

A R G V M.

Tutorem habenti licet tutor non detur, curator tamen quandoque datur: ut puta tutore nō idoneo existente, aut temporariam excusationem habente.

Interdum autem & pupilli curatores accipiunt, ut puta si legitimus tutor non sit idoneus: quoniam

quoniam habenti tutorem tutor dari non potest. Item si testamento datus tutor, uel à prætore, aut præside, idoneus non sit ad administrationem, nec tamen fraudulenter negotia administret: sollet ei curator adiungi. Item loco tutorum, qui non in perpetuum, sed ad tempus à tutela excusantur, solent curatores dari.

A R G V M.

Tutore infirmitate aliâve iusta causa administrare impedito) si absit pupillus, aut infans sit) actor tutoris periculo, à iudice constituitur.

Quod si tutor uel aduersa ualitudine, uel alia necessitate impediatur, quo minus negotia pupilli administrare possit, & pupillus uel absit, uel infans sit: quem uelit actorem, periculo ipsius tutoris, Prætor uel qui prouinciæ præcrit, decreto constituet.

De satisfactione tutorum vel curatorum,

TIT. XXIII.

A R G V M.

Soli testamentarij tutores, & ex inquisitione dati, immunes sunt à satisfaciendo: cæteri verò rem pupilli saluam fore satisfacere coguntur.

NE tamē pupillorum pupillarumue, & eorum, qui quæue in curatione sunt, negotia à
curat

curatoribus tutoribusue consumantur, uel deminuantur: curet Prætor, ut & tutores, & curatores eo nomine satisfiant. Sed hoc non est perpetuum. nam tutores testamento dati satisfacere non coguntur: quia fides eorum & diligentia ab ipso testatore adprobata est. Item ex inquisitione tutores uel curatores dati, satisfactione non onerantur: quia idonei electi sunt.

A R G V M.

Si quis ex pluribus testamentariis aut ex inquisitione datis tutoribus satisfactionem offerat, is solus administrat, nisi alius etiam offerret: nullo autem satis offerente, is geret quem testator destinauit: quod si testamento scriptum non sit, electio à maiori parte datur administratio: ipsos autem inter se in electione dissidentes, iubet Prætor cōcordes esse.

Sed si ex testamento uel inquisitione duo pluresue dati fuerint: potest unus offerre satisfactionem de indēnitate pupilli uel adoleſcētis, & cōtutori suo uel cōcuratori præferri, ut solus administraret: uel ut contutor aut concurator satis offerēs præponatur ei, ut & ipse solus administraret. Itaq; per se non potest petere satisfactionē à cōtutore suo uel concuratore, sed offerre debet, ut electionē det concuratori uel contutori suo, utriū uelit satis accipere, an satisfacere. Quod si nemo eorum satis offerat: siquidem adscriptum fuerit
à testa

de testatore, quis gerat: ille gerere debet. Quod si non fuerit adscriptum: quum maior pars elegerit, ipse gerere debet, ut edicto Pratoris caueatur. Sin autem ipsi tutores dissenserint circa eligendum cum, uel eos, qui gerere debent: Prator partes suas interponere debet. Idem & in pluribus ex inquisitione datis comprobandum est: id est, ut maior pars eligere possit, per quem administratio fiat.

A R G V M.

Ob malam tutorum administrationem, subsidia actione tenetur magistratus, qui aut nullam, aut minus idoneam satisfactionem recepit: quæ actio etiam in hæredes magistratus extenditur.

Sciendum autem est, non solum tutores uel curatores pupillis, uel adultis, cæterisque personis administratione rerum teneri: sed etiam in eos, qui satisfactionem accipiunt, subsidiariam actionem esse, quæ ultimum eis præsidium possit adferre. Subsidiaria autem actio in eos datur, qui aut omnino de tutoribus uel curatoribus satisfacti non curauerunt, aut non idonei passi sunt caueri. Quæ quidem tam ex prudentium responsis, quam ex constitutionibus imperialibus etiam in hæredes eorum extenditur.

A R G V M.

Captis pignoribus coguntur tutores & curatores satisfacere. Item magistratus qui satisfactionem recipiunt (non etiam qui tutores dant) subsidaria actione adstringuntur.

Quibus constitutionibus & illud exprimitur, ut nisi caueant tutores & curatores, pignoribus captis coërcantur. Neque autem Praefectus urbi, neque Praetor, neque Praeses provinciae, neque quisquam alius, cui tutores dandi ius est, hac actione tenebitur: sed hi tantummodo, qui satisfactionem exigere solent.

De excusationibus tutorum
vel curatorum,

TIT. XXV.

A R G V M.

Liberorum numerus hic scriptus à tutelæ munere vacationem praestat: adoptivi verò liberi ita demum ad excusationem profunt, si à quopiam ascendenti adoptati sint: non etiam si ab extraneo. Item nepotes ex filio praemortuo profunt.

EXcusiuntur autem tutores & curatores uarijs ex causis: plerumque tamen propter liberos, siue in potestate sint, siue emancipati. Si enim tres liberos superstites Romae quis habeat, vel in Italia quatuor, uel in provincijs quinque: à tutela uel cura potest excusari, exem-

plo ceterorum numerum. nam & tutelam & curam placuit munus esse. Sed adoptiui liberi non prosunt: in adoptionem autem dati, naturali patri prosunt. Item nepotēs ex filio prosunt, ut in locum patris sui succedant: ex filia non prosunt.

A R G V M .

Ita demum liberi à præfato munere immunitatem præbent, si superstites fuerint, mortui vero nō: ni gloriose pro Repub. in acie ceciderint.

Filij autem superstites tantum ad tutelæ uel curæ muneris excusationem prosunt: defuncti autem non prosunt. Sed si in bello amissi sunt: quæsitum est, an prosint. Et constat eos solos prodesse, qui in acie amittuntur. hi enim, qui pro Republica ceciderunt, in perpetuum per gloriam uiuere intelliguntur.

Item diuus Marcus in Semeſtribus rescriptis, eum qui res fisci administrat, à tutela uel cura, quandiu administrat, excusari posse.

A R G V M .

Reipublicæ causa absens, à tutela & cura recēter delata excusatur, susceptā autē, quādiu abest, intermittit: regressus uero, intermissæ on⁹ statim reassumit.

Item qui Reipublicæ causa absunt, à tutela uel cura excusantur. Sed et si fuerint tutores uel curatores dati, deinde Reipublicæ causa abesse cœperint: à tutela uel cura excusantur, quatenus

Reipue

Reipublicæ causa absunt: & interea curator loco eorū datur. qui si reuerſi fuerint, recipiūt onus tutelæ. nam nec omni habent uacationē, ut Papi nianus libro quinto Responsorum scripsit. nam hoc spatium habent ad nouas tutelæ uocati.

A R G V M.

Publicam habens iurisdictionem, à suscipienda tutela excusatur, susceptam autem non deponit.

Et qui potestatem aliquam habent, se excusare possunt, ut diuus Marcus rescripsit: sed susceptam tutelam descrere nō possunt. Item propter litem, quam cum pupillo uel adulto tutor uel curator habet, excusari non potest: nisi forte de omnibus bonis, uel hereditate controuersia sit.

A R G V M.

Tria tutelæ non adfectatæ onera separatorum patrimoniorum, quandiu administrantur, immunitatem tribuunt.

Itē tria onera tutelæ non adfectatæ, uel curæ, præstant uacationem, quandiu administrantur: ut tamen pluriū pupillorum tutela uel cura eorūdem bonorū, ueluti fratrum, pro una cōputetur.

A R G V M.

Paupertas, infirmitas, & literarum imperitia simplicitati annexa, uacationem à munere tutelæ tribuunt.

Sed & propter paupertatem excusationē trihui tam diui fratres, quam per se diuus Marcus

rescripsit, si quis imparē se oneri iniuncto possit docere. Item propter aduersam ualeitudinē, propter quam ne suis quidem negotijs interesse possit, excusatio locum habet. Similiter eos, qui litteras nesciūt, esse excusandos, diuus Pius rescripsit: quauis & imperiti literarum possint ad administrationem negotiorum sufficere.

A R G V M.

A capitali inimico tutor testamento datus, excusatur: uidetur enim datus ut debitis implicetur, & negotiis inuoluatur.

Item si propter inimicitias aliquē testamento tutorem pater dederit: hoc ipsum præstat ei excusationem: sicut per contrarium non excusatur, qui se tutelam administraturos patri pupillorū promiserant. Non esse autem admittendam excusationē eius, qui hoc solo utitur, quod ignotus patri pupillorū sit, diui fratres rescripserūt.

Inimicitiae, quas quis cum patre pupillorum uel aduultorum exercuit: si capitales fuerunt, nec reconciliatio interuenit: a tutela uel cura solent excusare. Item is, qui status controuersiam a pupillorum patre passus est, excusatur a tutela.

A R G V M.

Septuagenarii inuiti non fiunt tutores, nec curatores: minores autem annis xxv. etiam volentes non admittuntur. Ridiculum enim est, ut qui suis superesse non potest, alienis præficiatur negotiis.

Item

Item maior septuaginta annis à tutela & cura se potest excusare, minores autem uiginti quinque annis, olim quidem excusabantur: nostra autem constitutione prohibentur ad tutelam uel curam adspirare: adeo, ut nec excusatione opus sit. Qua constitutione cauetur, ut nec pupillus ad legitimam tutelam uocetur, nec adultus: quicquid sit inciuile, eos qui alieno auxilio in rebus suis administrandis egere noscuntur, & ab alijs reguntur, aliorum tutelam uel curam subire. Idem & in milite obseruandum est, ut nec uolens ad tutelæ onus admittatur. Item Romæ grammatici, rhetores, & medici, & qui in patria sua has artes exercent, & intra numerum sunt, à tutela & cura habent uacationem.

A R G V M.

Plures vacationis causas habens, si in quarundam probatione defecerit, aliis intra præscriptum à lege tempus uti non prohibetur.

Qui autem uult se excusare, si plures habeat excusationes, & de quibusdam non probauerit: alijs uti intra tempora constituta non prohibetur.

A R G V M.

Qui se à tutela immunem dicere uult, si intra centum miliaria à loco in quo tutor destinatur constitutus sit, excusationis causas intra dies quinquaginta

ginta continuos, ex quo nouit se tutorem, proponat: qui vero supra centum distat, pro singulis viginti millibus vnā diem habet: & extra hos, dies triginta, sic tamen vt collectis omnibus non minus sint quā quinquaginta dies.

Qui autem excusare se uolunt, non appellāt: sed intra quinquaginta dies continuos, ex quo cognouerint se esse tutores uel curatores datos, se excusare debent, cuiuscunq; generis sint: id est, qualitercunq; dati fuerint tutores: si intra centesimum lapidem sunt ab eo loco, ubi tutores dati sunt. Si uero ultra centesimum lapidem habitāt: dinumeratione facta uiginti milliū diurnorum, & amplius triginta dierum. qui tamen (ut Scæuola dicebat) sic debent computari, ne minus sint, quā quinquaginta dies.

A R G V M.

Tutor simpliciter datus, totius patrimoniij tutor est.

Datus autem tutor, ad uniuersum patrimonium datus esse creditur.

A R G V M.

Cuius pupilli quis tutelam gessit, eius curam subire non cogitur.

Qui tutelam alicuius gessit, inuitus curator eiusdem fieri non compellitur: in tantum, ut licet paterfamilias, qui testamento tutorū dedit, adiecerit se eundem curatorem dare, tamen inuitum

cum.

*tum curam suscipere non cogendum, diui Scue-
rus & Antoninus rescripserunt. Iidem rescri-
pserunt maritum uxori suæ curatorem datū, ex-
cusare se posse, licet se immisceat. Si quis autem
falsis allegationibus excusationem tutela me-
ruerit, non est liberatus onere tutela.*

De suspectis Tutoribus vel curatoribus,

TIT. XXVI.

A R G V M.

Tutores suspecti à tutela remouendi sunt: cuius
rei cognitio magistratibus hic scriptis data est.

Sciendum est, suspecti crimen ex lege duode-
cim tabularum descendere. Datum est autem
ius remouendi tutores suspectos Romæ Præ-
tori, & in prouincijs Præsilibus earum, & le-
gato Proconsulis.

A R G V M.

Suspecti crimen aduersus cuiuscunque generis
tutores intentari potest: patronus tamē tutor quasi
suspectus remotus, infamiam non incurrit.

Ostendimus, qui possint de suspecto cognosce-
re: nunc uideamus, qui suspecti fieri possint. Et
possunt quidem omnes tutores fieri suspecti: siue
sint testamentarij, siue non sint: sed alterius gene-
ris tutores. Quare & si legitimus fuerit tutor,

accusari poterit. Quid si patronus? Adhuc idem erit dicendum: dummodo meminimus, famæ patroni parcendum esse, licet ut suspectus remotus fuerit.

A R G V M.

Suspecti accusatio quali publica est; id est, cui libet de populo competens: usque adeo, ut etiam mulieribus (modo pietate aut propenso amore pupillæ moueantur) accusare concedatur.

Consequens est, ut uideamus, qui possint suspectos postulare. Et sciendum est, quasi publicam esse hanc accusationem, hoc est, omnibus patere. Quinimò & mulieres admittuntur ex rescripto diuorum Seueri & Antonini: sed eæ solæ, quæ pietatis necessitudine ductæ, ad hoc procedunt: ut puta mater, nutrix quodq;, & auia. potest & soror. Sed & si qua alia mulier fuerit, quæ Prætor propensa pietate intellexerit, sexus uerecundiam non egredientem, sed pietate pro ductam, non sustinere iniuriæ in pupillorum admittet eam ad accusationem. Impuberes non possunt tutores suos suspectos postulare: puberes autem, curatores suos ex consilio necessariorum suspectos possunt arguere. & ita diui Seuerus & Antoninus rescipiuerunt.

A R G V M.

Qui mala fide in tutela versatur (tamen si diues

fit) suspectus est. Et qui tutor designatus est, nec adhuc administrationem attigit, quasi suspectus remoueri potest.

Suspectus autē est, qui non ex fide tutelā gerit, licet soluēdo sit, ut Iulianus quoque scripsit. Sed & antē, quā incipiat tutelā gerere tutor, posse cum quasi suspectū remoueri, idem Iulianus scripsit, & secundum eum constitutum est.

A R G V M.

Tutor ob dolum remotus, infamiam incurrit: ob culpam verò, integra fama à tutela abit.

Suspectus autem remotus, si quidem ob dolum, famosus est: si ob culpam, non æquē.

A R G V M.

Accusato de suspecto, lite pendēte interdicta est administratio: & suspecti accusatio morte expirat.

Si quis autem suspectus postulatur, quoad cognitio finiatur: interdicitur ei administratio, ut Papiniano uisum est. Sed si suspecti cognitio suscepta fuerit, posteaq; tutor uel curator decesserit: extinguitur suspecti cognitio.

A R G V M.

Latitante tutore ne pupillo alimenta decernantur, pupillus in possessionem bonorum illius mittitur, & quæ seruando seruari non possunt dato curatore venduntur: ac utpote suspectus remouetur.

Si quis tutor copiam sui non faciat, ut alimenta pupillo decernantur: cauetur epistola diuorū Seueri & Antonini, ut in possessionem bono-

rum eius pupillus mittatur: & quæ mora deteriora futura sunt, dato curatore distrahi iubentur. Ergo ut suspectus remoueri poterit, qui non præstat alimēta. Sed si quis præsens negat propter inopiam alimenta posse decerni: si hoc per mendacium dicat: remittendum eum esse ad præfectum urbi puniendum, placuit: sicut ille remittitur, qui data pecunia ministerium tutelæ adquisierit, uel redemerit. Libertus quoque, si fraudulenter tutelam filiorum uel nepotum patroni gessisse probetur, ad præfectum urbi remittitur puniendus.

A R G V M.

Oblatio satisfactionis de indemnitate facta à suspecto tutore, nil ei prodest quin à tutela remoueat. Vanum etenim est, se fragilitati cautionis committere.

Novissimè autem sciendum est: eos, qui fraudulenter tutelam administrant, etiā si satis offerant, remouendos esse à tutela: quia satisfactio tutoris propositum malucolum non mutat, sed diutius grassandi in re familiari facultatē præstat. Suspectum etiam cum putamus, qui moribus talis est, ut suspectus sit. Enimvero tutor uel curator, quanuis pauper sit, fidelis tamen & diligens remouendus non est quasi suspectus.

Institutionũ, seu

Elementorum D. Iustiz
niani sacratissimi
principis,

LIBER II.

De rerum diuisione, & adqui-
rendo ipsarum dominio,

TITVLVS I.

A R G V M.

Secundam iurisprudentiæ partem, quæ est de re-
bus, pertractandam sumit Imperator: Et summam
rerum diuisionem adnectit.



V P E R I O R E libro de iure
personarum exposuimus: modò
uideamus de rebus, quæ uel in
nostro patrimonio, uel extra pa-
trimoniũ nostrũ habetur: Quæ-
dam enim naturali iure cõmunia sunt omnium,
quædam publica, quædã uniuersitatis, quædam
nullius, pleraq; singulorum, quæ ex uarijs causis

A R G V M.

Quæ communia sunt omnium, & quæ publica, exemplis aperit.

*E*quidem naturali iure communia sunt omnium hæc: ær, aqua profluens, & mare, & per hoc litora maris. Nemo igitur ad litus maris accedere prohibetur: dum tamen d'uillis, & monumentis, & ædificijs abstineat: quia non sunt iuris gentium, sicut est mare. Flumina autem omnia, & portus, publica sunt ideoq; ius piscandi omnibus cōmune est in portu, fluminibusq;. Est autem litus maris, quatenus hybernus fluitus maximus excurrit.

A R G V M.

Riparum vsus publicus est, illarum vero dominiū ad eos pertinet, qui proximorum prædiorum domini sunt: litorum quoque vsus quamuis publicus sit, illorum tamen proprietas nullius est.

*R*iparum quoque vsus publicus est iure gentium, sicut ipsius fluminis. Itaque naues ad eas adpellere, funes arboribus ibi natis religare, onus aliquod in his reponere, cui libet liberū est, sicut per ipsum flumen nauigare. sed proprietas earū illorum est, quorum prædijs hærent. quæ de causa arbores quoque in eisdem natæ, eorundē sunt. Litorum quoque vsus publicus est: & iuris gentium, sicut & ipsius maris, & ob id cui libet libe-

rum est casam ibi ponere, in quam se recipiat: sicut retia siccare, & ex mari deducere. Proprietates autem eorum potest intelligi nullius esse: sed eiusdem iuris esse, cuius & mare, & quæ subiacet mari, terra uel arena.

A R G V M.

Quæ dicantur vniuersitatis, & non singulorum propria, & quæ in nullius bonis, exemplis docet.

Vniuersitatis sunt, non singulorum, quæ in ciuitatibus sunt, theatra, stadia, & his similia, & si qua alia sunt cõmunia ciuitatum. Nullius autem sunt res sacræ, & religiosæ, & sanctæ, quod enim diuini iuris est, id nullius in bonis est.

A R G V M.

Sacræ res (id est, Deo dicatæ) alienari nullatenus possunt: nisi redimendorum captiuorum gratia.

Sacræ res sunt, quæ rite per pontifices Deo consecratæ sunt: ueluti ades sacræ, & donaria quæ rite ad ministeriũ Dei dedicata sunt: quæ etiam per nostram constitutionem alienari, & obligari prohibuimus, excepta causa redemptio-
nis captiuorum. Si quis autem authoritate sua quasi sacrum sibi constituerit: sacrum non est, sed profanum. Locus autem, in quo ades sacræ edificatæ: etiam diruto ædificio, sacrum ad-

huc manet, ut & Papinianus scripsit.

A R G V M.

Religiosum locum cuius propria autoritate facere potest: mortuū scilicet in proprium fundum inferendo: ideo socius communem fundum inuito socio, religiosum non facit: nec proprietarius contradicente fructuario.

Religiosum locum unusquisque sua uoluntate facit, dum mortuum infert in locum suum. In cōmunem autem locum purum inuito socio inferre non licet. in cōmune uero sepulchrum etiam inuitis cæteris licet inferre. Item si alienus ususfructus est: proprietariū placet, nisi consentiente usufructuario, locum religiosum non facere.

In alienum locum consentiente domino licet inferre: & licet post earatum nō habuerit, quā illatus est mortuus, tamen locus religiosus fit.

* Adnota, Ab etymologia licitum arguere.

Sanctæ quoque res ueluti muri, & portæ ciuitatis, quodammodo diuini iuris sunt, & ideo nullius in bonis sunt. Ideo autem muros sanctos dicimus, quia pœna capitis constituta est in eos, qui aliquid in muros deliquerint. Ideo & legum eas partes, quibus pœnas constituimus aduersus eos, qui cōtra leges fecerint, sanctiones uocamus.

A R G V M.

Hic exordium sumit postrema pars diuina-

rerum,

rerum, quæ per vniuersum hunc secundum librum, & eo amplius diffunditur: Rerum dominia singulis hominibus aut iure naturali, aut iure ciuili adquirentur. Quibus igitur modis res fiant nostræ naturali iure, tradere incipit.

Singulorum autem hominum multis modis res fiunt. quarundam enim rerum dominium nascimur iure naturali, quod (sicut diximus) appellatur ius gentium: quarundam uero iure ciuili. Commodius est itaq; a uetustiore iure incipere. palam est autem uetustius esse ius naturale, quod cum ipso genere humano rerum natura prodidit. ciuilia autem iura tunc esse cœperunt, cum & ciuitates condi, & magistratus creari, & leges scribi cœperunt.

A R G V M .

Horum quæ subiiciuntur dominia præoccupanti iure gentium conceduntur. Et in alieno aucupata fera occupanti quæritur.

* Adnotato, Alienum fundum domino reluctante ingredi nemini licere.

Fera igitur bestię, & uolucres, & pisces, & omnia animalia, quæ mari, cœlo, & terra nascuntur: simul atq; ab aliquo capta fuerint, iure gentium statim illius esse incipiunt. quod enim ante nullius est, id naturali ratione occupanti cœdeditur. nec interest, fr̃as bestias, & uolucres utrũ in suo fundo quis capiat, an in alieno. Planẽ qui alienum

alicuius fundum ingreditur uenandi aut aucupandi gratia: potest à domino, si is prouiderit, prohiberi, ne ingrediatur. Quidquid autem corum ceperis: eousque tuum esse intelligitur, donec tua custodia coërcetur. Cum uero tuam euaserit custodiam, & in libertatem naturalem sese receperit: tuum esse desinit, & rursus occupantis fit. Naturalem autem libertatem recipere intelligitur, cum uel oculos tuos effugerit, uel ita sit in conspectu tuo, ut difficilis sit eius persecutio.

*Adnotato, Illud vulgatum, Multa cadunt inter calicem supremamque labra.

Illud quaesitum est, an si fera bestia ita uulnerata sit, ut capi possit, statim tua esse intelligatur. Et quibusdam placuit, statim esse tuam: & eousque tuam uideri, donec eam persequaris. quod si desieris persequi: desinere esse tuam, & rursus fieri occupantis. Alij uero putauerunt, non aliter tuam esse, quam si eam ceperis. Sed posteriorem sententiam nos confirmamus, quod multa accidere soleant, ut eam non capias.

*Adnota, Apes etiam in aliena arbore existentes, præoccupantis fiunt, fauosq; & mel inde eximere, cuilibet fas est: item apes ex apiario euolantes (si difficilis illarum sit persecutio) capienti acquiruntur.

Aspium quoque fera natura est. Itaque apes, quæ in arbore tuâ cōsederint, antequā a te aluco includātur, nō magis tuæ intelliguntur esse, quā uolucres, quæ in arbore tua nidū fecerint. ideoq; si alius eas incluserit: is earum dominus erit. Fa uos quoq; si quos effecerint, exinere quilibet potest. Planē integrare, si prauideris ingredientē fundū tuum, poteris eum iure prohibere, ne ingre diatur. Examen quoq; quod ex aluco tuo cuola uerit, cōsusq; intelligitur esse tuū, donec in cōspe ctu tuo est, nec difficilis persecutio eius est. alio quin occupātis fit. Pauonū quoque, & colūbarū fera natura est. nec ad rem pertinet, quòd ex con suetudine cuolare, & reuolare solēt. nam & apes idem faciunt, quātū constat feram esse naturam. Ceruos quoque quidam ita mansuetos habent, ut in syluā ire, & redire solcant: quorū & ipsorum feram esse naturam, nemo negat. In ijs autem ani malibus, quæ ex cōsuetudine abire, & redire solent, talis regula cōprobata est: ut eousq; tua esse intelligātur, donec animum reuertendi habeant. nam si reuertendi animū habere desierint: etiam tua esse desinunt, & fiunt occupantium. Reuer tendi autem animum uidentur d. sinere habere tunc, cū reuertendi consuetudinem deseruerint.

* Illud adnota, Etiā in re modica, & exi

gui pretij furtum fieri.

Gallarum autem, & anserum non est fera natura. idq; ex eo possumus intelligere, quod alia sunt gallinae, quas feras uocamus: item alij sunt anseres, quos feros appellamus. Ideoq; si anseres tui aut gallinae tuae aliquo modo turbati, turbatae uel euolauerint: licet conspectum tuum effugerint: quocunq; tamen loco sint, tui, tuae uel esse intelliguntur: & qui lucrandi animo ea animalia detinet, furtum committere intelligitur. Item ea, quae ex hostibus capimus, iure gentium statim nostra fiunt: adeo quidem, ut liberi homines in seruitutem nostram deducantur. qui tamen, si euaserint nostram potestatem, & ad suos reuersi fuerint: pristinum statum recipiunt. Item lapilli, & gemmae, & cetera, quae in litore maris inueniuntur, iure naturali statim inuentoris fiunt. Item ea, quae ex animalibus dominio tuo subiectis nata sunt, eodem iure tibi adquiruntur.

A R G V M.

Quod per alluuiionem (id est, paulatim & latentem incremento) fundo nostro adiicitur, nostrum fit: quod vero impetu fluminis vicino praedio ademptum est, & nostro accessit, vicini remanet: arbores autem, quae fundo nostro adhæserunt, & tandem radices egerunt nostrae fiunt.

Præterea quod per alluuiionem agro tuo flu-

men adicit, iure gentium tibi adquiritur. Est autem alluuius incrementum latens. Per alluui-
nem autem id uidetur adijci, quod ita paulatim
adijcitur, ut intelligi non possit, quantum quo-
quo temporis momento adijciatur. Quod si uis
fluminis de tuo prædio partem aliquam detraxe-
rit, & uicini prædio attulerit: palam est eam
tuam permanere. Placuit si longiore tempore fun-
do uicini tui haeserit, arboresque, quas secum tra-
xit, in eum fundum radices egerint: ex eo tempore
uidentur uicini fundo adquisitæ esse.

A R G V M.

Insula in medio fluminis emergens, eorum sit,
qui ab utraque fluminis parte proximorum: sunt
prædiorum possessores, pro modo scilicet latitudi-
nis (id est, frontis) cuiusque prædij, quæ prope ri-
pam est: at si in medio enata non sit, proximiori ri-
pæ modo præscripto accedit: sed si alicuius ager
ad formam insulæ à flumine redactus sit, eius reman-
et, cuius fuit.

Insula, quæ in mari nata est (quod raro acci-
dit) occupatis sit. nullius enim esse creditur. At
insula in flumine nata (quod frequenter accidit)
si quidem mediam partem fluminis tenet: commu-
nis est eorum, qui ab utraque parte fluminis pro-
pe ripam prædia possident: pro modo scilicet lati-
tudinis cuiusque fundi, quæ prope ripam sit. Quod
si parti proximior sit: eorum est tantum, quæ

ab ea parte prope ripā pradia possideāt. Quod si aliqua parte diuisum sit flumen, deinde infra unitum, agrum alicuius in formam insulae redegerit: eiusdem permuet is ager, cuius & fuerat.

A R G V M.

Prior alueus à flumine derelictus, eorum sit, qui pradia secundum ripam propiora habent: nouus verò incipit publicus fieri: flumine autem in antiquum alueum reuerso, nouus alueus derelictus, eis accedet, qui iuxta ripam agros habent.

Quod si naturali alueo in uniuersum derelicto, ad aliā partē fluere coeperit: prior quidē alueus eorum est, qui prope ripā eius pradia possident: pro modo scilicet latitudinis cuiusque agri, quae prope ripā sit. nouus autem alueus eius iuris esse incipit, cuius & ipsum flumē est, id est publicus. Quod si post aliquod tēpus ad priorem alueū reuersum fuerit flumen: rursus nouus alueus eorum esse incipit, qui prope ripā eius pradia possident.

A R G V M.

Ager impetu fluminis inundatus, nō desinit eius esse cuius fuerat.

Alia sanē causa est, si cuius totus ager inundatus fuerit. neque enim inundatio fundi speciem commutat. & ob id, si recesserit aqua: palam est eum fundum eius manere, cuius & fuit.

A R G V M.

Cum

Cum ex aliena materia noua species

est

est, refert an ad eandem materiam, & pristina ini-
tia species reduci possit, an non possit: priore casu,
qui dominus est materiæ, idem quoque speciei do-
minus erit: altero vero casu, qui speciem induxit,
dominum nanciscitur.

Quum ex aliena materia species aliqua facta
sit ab aliquo: quari solet, quis eorū naturali ra-
tione dominus sit: utrū is, qui fecerit, an potius il-
le, qui materiæ dominus fuerit. ut ecce, si quis ex
alienis uuis, aut oliuis, aut spicis, uinū, aut oleū,
aut frumentum fecerit: aut ex alieno auro, uel ar-
gento, uel are uas aliquod fecerit: uel ex alieno
uino, & melle mulsum miscuerit: uel ex medica-
mentis alienis emplastrum, aut collyriū cōposue-
rit: uel ex aliena lana uestimentum fecerit: uel ex
alienis tabulis nauem, uel armarium, uel subse-
lia fabricauerit. Et post multam Sabinianorū,
& Proculianorum ambiguitatem, placuit me-
dia sententia existimari, si ea species ad prio-
rem, & rudem materiā reduci possit: cum uideri
dominum esse, qui materiæ dominus fuerit. si non
possit reduci: cum potius intelligi dominum, qui
fecerit. ut ecce, uas conflatum potest ad rudem
materiam aris, uel argenti, uel auri reduci: uinū
autem, uel oleū, aut frumentum, ad uuas, uel oli-
uas, uel spicas reuerti non potest. at ne mulsum
quidē ad uinum, & mel resolui potest. Quod

si partim ex sua materia, partim ex aliena specie aliquam fecerit quis: ueluti ex suo uino & alieno melle mulsam miscuerit, aut ex suis & alienis medicamentis emplastrum aut collyrium, aut ex sua lana & aliena uestimentum fecerit: dubitandum non est, hoc casu cum esse dominum, qui fecerit: quum non solum operam suam dederit, sed & partem eiusdem materie præstiterit.

A R G V M.

Quod cuiusque rei ornandæ causa adhibetur, ut accessio principali cedit: etiam si pretiosius sit, quam ipsa res cui accedit.

Si tamen alienam purpuram uestimento suo quis intexuerit: licet pretiosior sit purpura, tamen accessionis uice cedit uestimento: & qui dominus fuit purpuræ, aduersus eum, qui subripuit, habet furti actionem, & conditionem: siue ipse sit, qui uestimentum fecit, siue alius. nam extinctæ res, licet uendicari non possint, condici tamen a furibus, & quibusque alijs possessoribus possunt.

A R G V M.

Materiarum confusio, dominorum voluntate aut fortuito facta, eius quod ex confusione factum est, communionem inducit: specierum vero commixtio, ita demum, si inuicem commiscentium dominorum voluntas accesserit.

Si duorum materie uoluntate dominorum confusæ sint: totum id corpus, quod ex confusione sit

aruique

utriusq; cōmune est: ueluti si qui uina sua cōfunde-
rint, aut massas argēti uel auri cōflauerint. Sed
& si diuersæ materiæ sint, & ob id propria spe-
cies facta sit: forte ex uino & melle mulsum, aut
ex auro & argento electrum: idem iuris est. nam
& hoc casu communem esse speciem non dubita-
tur. Quod si fortuitū, & non uoluntate domi-
norum cōfusæ fuerint, uel eiusdem generis mate-
riæ, uel diuersæ: idem iuris esse placuit. Quod si
frumentum Titij frumētō tuo mīstum fuerit: si
quidem uolūtate uestra, cōmune est: quia singula
corpora, id est, singula grana, quæ cuiusque pro-
pria fuerunt, consensu uestro cōmunicata sūt.
Quod si casu id mīstum fuerit, uel Titius id mī-
seuerit sine tua uolūtate, nō uidetur cōmune esse:
quia singula corpora in sua substantia durant.

Sed nec magis istis casibus commune fit fru-
mentum, quā in grex intelligitur esse cōmunis, si
pecora Titij tuis pecoribus mīsta fuerint. Sed
si ab alterutro uestrū totū id frumentū retinea-
tur: in rem quidem actio pro modo frumenti cu-
iusq; competit, arbitrio autem iudicis cōtinetur,
ut ipse aestimet, quale cuiusque frumentū fuerit.

A R G V M.

Quod in suo alieno uel solo ædificat, solo cedit:
uero dominium eius permanet, cuius &

ante fuerat: nisi quis sciens in alieno ædificarit, tunc enim (cum donasse videatur) etiã diruto ædificio, materiam non vendicat.

Cum in suo solo aliquis ex aliena materia ædificauerit, ipse intelligitur dominus ædificij: quia omne, quod solo inædificatur, solo cedit. Nec tamen ideo is, qui materiae dominus fuerat, desinit dominus eius esse: sed tãtis per neq; uendicare cã potest, neq; ad exhibendum de ea re agere; propter legem duodecim Tabularum, qua cauetur, ne quis tignum alienum adibus suis iunctũ, eximere cogatur, sed duplum pro eo præstet, per actionẽ, quæ uocatur de tigno iuncto. Appellatione autem tigni omnis materia significatur, ex qua ædificia fiunt. Quod ideo prouisum est, ne ædificia rescindi necesse sit. Quod si aliqua ex causa dirutũ sit ædificiũ, poterit materiae dominus, si non fuerit duplum iam consequutus, tunc eam uendicare, & ad exhibendum de ea re agere. Ex diuerso, si quis in alieno solo ex sua materia domum ædificauerit, illius sit domus, cuius & solũ est. Sed hoc casu materiae dominus proprietatẽ eius amittit, quia uoluntate eius intelligitur esse alienata, utiq; si nõ ignorabat se in alieno solo ædificare. & ideo licet diruta sit domus, materiam tamen uendicare nõ potest. Certẽ illud cõ-

stat, si in possessione constituto adificatore, soli dominus petat domum suā esse, nec soluat pretiū materiae, & mercedes fabricorū, posse eū per exceptionē doli mali repelli: utiq; si bonae fidei possessor fuerit, qui adificauit. Nam scienti alienū solū esse, potest obijci culpa, quod adificauerit temere in eo solo, quod intelligebat alienum esse.

A R G V M.

Plantata & sata eius sunt in cuius solo feruntur, aut plantantur: modo radices immiserint: bona fide tamen alienum inferens fundum, doli mali exceptione opposita, sumptus, si quos fecerit, consequetur.

Si Titius alienam plantā in solo suo posuerit, ipsius erit. Et ex diuerso, si Titius suā plantā in Mauij solo posuerit, Mauij planta erit: si modō utroque casū radices egerit, antē enim quā radices egerit, eius permanet, cuius fuerat. Adco autē ex eo tēpore, quo radices egerit plantā, proprietās eius cōmutatur: ut si uicini arbor ita terram Titij presierit, ut in eius fundū radices egerit, Titij effici arbor indicamus. ratio enim nō permittit, ut alterius arbor esse intelligatur, quā cuius in fundum radices egerit. Et idco prope confiniū arbor posita, si etiā in uicini fundū radices egerit, communis fū. Quae ratione autem plantae, quae terrae coalescunt, solo ce-

dunt, eadem ratione frumenta quoque, quæ sata sunt, solo cedere intelliguntur. Cæterum sicut is, qui in alieno solo ædificauit, si ab eo dominus petat ædificium, defendi potest per exceptionē doli mali, secundum ea, quæ diximus: ita eiusdē exceptionis auxilio tutus esse potest is, qui alienum fundum sua impensa bona fide conseruit.

A R G V M .

Scriptura quantumuis pretiosa cedit suppositæ chartæ: tabula tamen, picturæ superimpositæ cedit.

Literæ quoque, licet aureæ sint, perinde chartis membranisque cedunt, ac solo cedere solent ea, quæ inædificantur, aut inscruntur. ideoque si in chartis membranisque tuis carmen, uel historiam, uel orationē Titius scripserit, huius corporis non Titius, sed tu dominus esse uideris. Sed si à Titio petas tuos libros, tuasque membranas, nec impensas scripturæ soluere paratus sis, poterit se Titius defendere per exceptionē doli mali, utique si earum chartarum membranarumque possessionē bona fide nactus est. Si quis in aliena tabula pinxerit, quidam putant tabulā picturæ cedere, alijs uidetur picturam (qualiscūque sit) tabulæ cedere. sed nobis uidetur melius esse, tabulā picturæ cedere. Ridiculum est enim picturā Apollinis uel

Parthasij in accessionem uilissimæ tabulæ cedere. Vnde si à domino tabulæ, imaginem possidente, is, qui pinxit, eam petat, nec soluat pretiū tabulæ, poterit per exceptionem doli mali submoueri. At si is, qui pinxit, eam possideat, consequens est, ut utilis actio domino tabulæ aduersus eum detur, quo casu si non soluat impensam picturæ, poterit per exceptionem doli mali repelli: utique si bona fide possessor fuerit ille, qui picturam imposuit. Illud enim palam est, quod siue is, qui pinxit, subripuit tabulas, siue alius, competit domino tabularum furti actio.

A R G V M .

Titulo & bona fide alienum fundum possidens, perceptos fructus suos facit: malæ fidei vero possessor etiam consumptos restituit.

Si quis à non domino, quem dominū esse crediderit, bona fide fundū emerit, uel ex donatiōe, aliūc qualibet iusta causa æquē bona fide acceperit, naturali ratione placuit fructus, quos percepit, eius esse pro cultura & cura. Et ideo si postea dominus superuenerit, & fundū uēdicet, de fructibus ab eo consumptis agere non potest. Ei uerò, qui alienum fundū sciens possederit, nō idem concessum est: itaq; cum fundo etiam fructus licet consumpti sint, cogitur restituere.

Fructus à solo separati fructuarij sunt: non etiā pendentes: ideo nondum perceptos ad hæredes nō transfert.

Is uerò ad quem ususfructus fundi pertinet, non aliter fructuum dominus efficitur, quàm si ipse eos perceperit. Et ideo licet maturis fructibus, nondum tamen perceptis, decesserit: ad hæredes eius non pertinent, sed domino proprietatis adquiruntur. Eadem ferè & de colono dicuntur. In pecudum fructu etiam fœtus est, sicuti lac, pilus, & lana. itaq; agni, hœdi, & vituli & equuli, & fuculi statim naturali iure dominij fructuarij sunt. partus uerò ancillæ in fructu non est: itaq; ad dominū proprietatis pertinet. absurdū enim uidebatur, hominem in fructu esse: quum omnes fructus rerum natura gratia hominis comparauerit. Sed si gregis usum fructum quis habeat, in locum de mortuorum capitum ex fœtu fructuarius submittere debet (ut & Iuliano uisum est) & in uinearum de mortuarum uel arborum locū, alias debet substituere. rectè enim colere, & quasi bonus paterfamiliās uti debet. Thesaurus, quos quis in loco suo inuenerit, diuus Hadrianus naturalem aequitatem sequutus, ei concessit, qui eos inuenerit. Idemq; statuit, si quis in
sacro,

sacro, aut religioso loco fortuito casu inuenerit. At si quis in alieno loco, non data ad hoc opera, sed fortuito inuenerit, dimidium domino soli concessit, & dimidium inuentori. Et conuenienter, si quis in Caesaris loco inuenerit, dimidium inuentoris, & dimidium esse Caesaris statuit. Cui conueniens est, ut si quis in fiscali loco, uel publico, uel ciuitatis inuenerit, dimidium ipsius esse debeat, & dimidium fiscali, uel ciuitatis.

A R G V M.

Rerum corporalium traditio à domino facta ex causa ad domini translationem idonea, accipientem dominum facit.

Per traditionem quoque iure naturali res nobis adquiruntur. nihil enim tam conueniens est naturali æquitati, quàm uoluntatem domini uolentis rem suam in alium transferre, ratam haberi. & ideo, cuiuscumque generis sit corporalis res, tradi potest, & à domino tradita alienatur. Itaque stipendiaria quoque & tributaria prædia eodem modo alienantur. Vocantur autem stipendiaria & tributaria prædia, quæ in prouincijs sunt, inter quæ, necnon & Italica prædia, ex nostra constitutione nulla est differentia. sed si quidem ex causa donationis, aut dotis, aut qualibet alia ex causa tradantur, sine dubio transferuntur.

A R G V M.

Ita demum traditione rei venditæ emptor dominus efficitur, si aut pretium venditori solutum sit, aut aliter satis ei factum sit, aut fides de pretio habita: & quod per alium facimus, ipsi quoque facere videmur.

Venditæ uerò res & traditæ, nõ aliter emptori acquiruntur, quàm si is uenditori pretium soluerit, uel alio modo ei satisfecerit: ueluti expromissione aut pignore dato. quod quãquam cauetur ex lege duodecim Tabularum, tamen recte dicitur & iure gentiũ, id est, iure naturali id effici. Sed si is, qui uendidit, fidei emptoris sequutus fuerit: dicendum est, statim rem emptoris fieri. Nihil autẽ interest, utrum ipse dominus tradat alicui rem suã, an uoluntate eius alius, cui eius rei possessio permessa sit. Quæ ratione, si cui libera uniuersorum negotiorũ administratio permessa fuerit à domino, isq; ex his negotijs rem uendiderit, & tradiderit: faciet eam accipientis.

A R G V M.

Qui rem suam iandudum alicui ex causa ad dominium minus idonea traditam, eidem postea iusto titulo concessit, dominium sine noua traditione transtulit.

Interdum etiam sine traditione nuda uoluntas domini sufficit ad rem transferendã: ueluti si rem, quã tibi aliquis comodauerit, aut locauerit

apud te deposuerit, postea aut uēdiderit tibi, aut donauerit, aut dotis nomine dederit. Quāuis enim ex ea causa tibi eam nō tradiderit, eo tamē ipso, quod patitur tuā esse, statim tibi acquiritur proprietās, perinde ac si eo nomine tibi tradita fuisset. Item si quis merces in horreo depositas uēdiderit, simul atq; clauēs horrei tradiderit emptori, transfert proprietatem mercium ad emptorē.

A R G V M .

Etiam incertæ personæ fortuita à domino facta traditio dominium transfert: ideo missilia in uulgius iactata, & res pro derelicto habitæ, apprehendētis fiunt. Quæ autem pro derelicto habita dicantur, & quæ non, subiicitur.

Hoc amplius, interdum & in certam personam collata uoluntas domini transfert rei proprietatē: ut ecce, prætores & consules, cum missilia iactant in uulgi, ignorant quid eorum quisque sit excepturus: & tamen quia uolunt, quod quisque acceperit, eius esse: statim eum dominum efficiunt. Quæ ratione uerius esse uidetur, si rem pro derelicto à domino habitā occupauerit quis, statim eum dominū effici. Pro derelicto autē habetur, quod dominus ea mente abiecerit, ut id in numero rerum suarum esse nolit: ideoq; statim dominus eius esse desinit. Alia sanè causa est earum rerum, quæ in tempestate leuandæ nauis

causa.

causa eijciuntur. hæ enim dominorū permouent: quia palàm est eas non eo animo eijci, quòd quis eas habere nolit, sed quo magis cum ipsa nauis maris periculum effugiat. Quæ de causa, si quis eas fluctibus expulsas, uel etiam in ipso mari nactus, lucràdi animo abstulerit, furtum cōmittit. Nec longè uidentur discedere ab his, quæ de rheda currente non intelligentibus dominis cadunt.

De rebus corporalibus & incorporalibus,

TIT. II.

Hic tertia rerum diuisiō adnecitur.

Quædam præterea res corporales sunt, quedam incorporales. Corporales hæ sunt, quæ sui natura tangi possunt: ueluti fructus, homo, uestis, aurum, argentum, & denique aliæ res innumerabiles. Incorporales autē sunt, quæ tangi non possunt: qualia sunt ea, quæ in iure consistunt: sicut hereditas, ususfructus, usus, & obligationes quoquo modo contractæ. Nec ad rem pertinet, quòd in hereditate res corporales continentur. nam & fructus, qui ex fundo percipiuntur, corporales sunt: & id, quod ex aliâ quâ obligatione nobis debetur, plerūque corpo-

rale est. ueluti fundus, homo, pecunia. nam ipsum ius hereditatis, & ipsum ius utendi fruendi, & ipsum ius obligationis incorporale est.

Eodem numero sunt iura prædiorum urbanorum, & rusticorum, quæ etiam seruitutes uocantur.

De seruitutibus rusticorum & urbanorum prædiorum,

TIT. III.

A R G V M.

Animaduerte seruitutum quasdam à re rei deberi, (quas reales appellamus) quasdam verò à re personæ: de prioribus hoc titulo traditur, de reliquis, proximioribus titulis discutietur.

Est autem seruitus realis (ut Bartol. lib. viij. Digestorum, titulus de seruitutibus, in l. j. definit) ius prædio inhærens, ipsius utilitatem respiciens, & alterius libertatem diminuens.

Rusticorum prædiorum seruitutes sunt, quæ rusticis prædijs (id est gratia fructuum percipiendorum aut colligendorum factis) debentur: ut via, iter, actus, & id genus similia.

Urbanorum verò prædiorum, sunt, quæ urbanis prædijs (id est, ædificijs) debentur: quarum exempla profuse hic traduntur: constituuntur autem seruitutes, ut scribitur ad finem huius tituli.

Rusticorum prædiorum iura sunt hæc: iter, actus, uia, aquæductus. Iter, est ius cundi ambulandi hominis, non etiam iumentum agendi.

uel uehiculum. *Actus*, est ius eundi ambulandi hominis, agendi iumentum, uel uehiculum. Itaque qui habet iter, actum non habet: sed qui actum habet, & iter habet, eoq; uti potest etiam sine iumento. *Via*, est ius eundi & agendi & ambulandi hominis: nam & iter & actum uia in se continet. *Aqueductus*, est ius aquae ducendae per fundum alienum. *Prædiorum urbanorum seruitutes* sunt hæ, quæ ædificijs inhaerent. ideo urbanorum prædiorum dictæ, quoniã ædificia omnia, urbana prædia appellamus, etsi in uilla ædificata sint. Item urbanorum prædiorum seruitutes sunt hæ, ut uicinus onera uicini sustineat: ut in parietem eius liceat uicino tignum immittere: ut stillicidium uel flumen recipiat quis in ædes suas, uel in arcem, uel in cloacam, uel non recipiat: & ne altius quis tollat ædes suas, ne luminibus uicini officiat. Inter rusticorum prædiorum seruitutes quidam computari recte putant aquae haustum, pecoris ad aquam adpulsum, ius pascendi, calcis coquendae, arcae fodiendae. Ideo autem hæ seruitutes prædiorum appellantur, quoniam sine prædijs constitui non possunt. nemo enim potest seruitutem adquirere urbani uel rustici prædij, nisi qui habet prædium: nec quisquam debere nisi qui prædium habet. Si quis uelit uicino aliquod ius constituere: *pactio*

nibus.

nibus atq; stipulationibus id efficere debet. Potest etiam testamento quis heredem suum damnare, ne altius tollat ades suas, ne luminibus adiuu vicini officiat: uel ut patiatur cum tignum in parietem suum immittere, stillicidiumue aduersus eum habere: uel ut patiatur eum per fundum ire, agere, aquamue ex eo ducere.

De usufructu,

TIT. IIII.

A R G V M.

Usufructus, seruitus est personalis, id est, à re personæ debita: definitur autem hic à Iustiniano, constituiturq; tam inter uiuos quam in ultima uoluntate. Itē usufructus à proprietate separatus est.

Usufructus, est ius alienis rebus utendi fruendi, salua rerum substantia. Est autem ius in corpore: quo sublato, & ipsum tolli necesse est. Usufructus à proprietate separationē recipit, idq; pluribus modis accidit. ut ecce, si quis usufructū alicui legauerit. nam heres nudā habet proprietatem, legatarius uerò usufructum. Et contrā, si fundum legauerit, deducto usufructu: legatarius nudam habet proprietatē, heres uerò usufructum. Item alij usufructū, alij deducto eo fundum legare potest. Sine testamento

uerò si quis uelit usumfructum alij constitueret
pactionibus et stipulationibus id efficere debet.

Ne tamen in uniuersum inutiles essent pro-
prietates, semper abscedente usufructu, placuit
certis modis extinguere usumfructum, & ad pro-
prietatem reuerti.

A R G V M.

Usumfructum in quibusuis rebus constitui pos-
se explorati iuris est: his solis exceptis, quæ usu
pereunt, quia salua non manet rei substantia: quasi
tamen ususfructus in eis constituitur: quo casu
usufructuarius cautionem domino præstat (quæ lo-
co proprietatis succedit) de tanta pecunia aut re-
rum consumptarum iusta æstimatione usufructu fi-
nito restituenda.

Constituitur autem ususfructus non tantum
in fundo & ædibus, uerum etiam in seruis, & in-
mentis, & cæteris rebus, exceptis ijs, quæ ipso
usu consumuntur. Nam hæ res neq; naturali ra-
tione, neq; ciuili recipiunt usumfructum. quo in
numero sunt uinum, oleum, frumentum, uestimenta:
quibus proxima est pecunia numerata. Nanque
ipso usu assidua permutatione quodammodo extin-
guitur. Sed utilitatis causa senatus cõsui, posse
etiam earum rerum usumfructum constitui: ut
tamẽ eo nomine hæredi utiliter caueatur. Itaq; si
pecuniæ ususfructus legatus sit: ita datur lega-
tario, ut eius fiat, & legatarius satisfat hæredi
de tan:

de tanta pecunia restituenda, si morietur, aut capite minuatur. Ceteræ quoque res ita traduntur legatario, ut eius fiant: sed æstimatis his, satisfactur, ut si moriatur, aut capite minuatur, tanta pecunia restituatur, quanti hæ fuerint æstimatæ. Ergo senatus non fecit quidem earum rerum usumfructum (nec enim poterat) sed per cautionem quasi usumfructum constituit.

A R G V M.

Habuiſti quibꝰ modis, in quibꝰſve rebus cõſtituatur uſusfructus: nũc accipe quibꝰ modis expiret.

Finitur autem uſusfructus morte uſuſfructuarij, & duabus capitũs deminutionibꝰ, maxima & media, & non utendo per modum & tempus: quæ omnia, noſtra ſtatuit conſtitutio. Item finitur uſusfructus, ſi domino p̄prietatis ab uſuſfructuario cedatur (nã cedendo extraneo, nihil agitur) uel ex cõtrario, ſi uſuſfructuarius proprietatẽ rei adquiſierit: quæ res cõſolidato appellatur.

Eo amplius cõſtat, ſi ades incendio conſumptæ fuerint, uel etiam terramotu, uel uitio ſuo corruerint: extingui uſumfructum, & ne arcæ quidem uſumfructum deberi. Cum autem finitus fuerit totus uſusfructus: reuertitur ſcilicet ad proprietatẽ, & ex eo tẽpore nudæ proprietatis dõminus incipit plenã in rẽ habere poteſtatem.

dunt, eadem ratione frumenta quoque, quæ sata sunt, solo cedere intelliguntur. Cæterum sicut is, qui in alieno solo ædificauit, si ab eo dominus petat ædificium, defendi potest per exceptionem doli mali, secundum ea, quæ diximus: ita eiusdem exceptionis auxilio tutus esse potest is, qui alienum fundum suæ impensa bona fide consecuit.

A R G V M .

Scriptura quantumuis pretiosa cedit suppositæ chartæ: tabula tamen, picturæ superimpositæ cedit.

Literæ quoque, licet auræ sint, perinde chartis membranisque cedunt, ac solo cedere solent ea, quæ inædificantur, aut inscruntur. ideoque si in chartis membranisque tuis cærmē, uel historiam, uel orationem Titius scripserit, huius corporis non Titius, sed tu dominus esse uideris. Sed si a Titio petas tuos libros, tuasque membranas, nec impensas scripturæ soluere paratus sis, poterit se Titius defendere per exceptionem doli mali, utique si earum chartarum membranarumque possessionem bona fide nactus est. Si quis in aliena tabula pinxerit, quidam putant tabulam picturæ cedere, alijs uidetur picturam (qualiscumque sit) tabulæ cedere. sed nobis uidetur melius esse, tabulam picturæ cedere. Ridiculum est enim picturam Apellis uel

Parthasij in accessionem uilissimæ tabulæ cedere. Vnde si a domino tabulæ, imaginem possidente, is, qui pinxit, eam petat, nec soluat pretiū tabulæ, poterit per exceptionem doli mali submoueri. At si is, qui pinxit, eam possideat, consequens est, ut utilis actio domino tabulæ aduersus eum detur, quo casu si non soluat impensam picturæ, poterit per exceptionem doli mali repelli: utique si bona fide possessor fuerit ille, qui picturam imposuit. Illud enim palam est, quod siue is, qui pinxit, subripuit tabulas, siue alius, competit domino tabularum furti actio.

A R G V M.

Titulo & bona fide alienum fundum possidens, perceptos fructus suos facit: male fidei vero possessor etiam consumptos restituit,

Si quis a non domino, quem dominū esse crediderit, bona fide fundū emerit, uel ex donatiōe, aliēque qualibet iusta causa æquē bona fide accepit, naturali ratione placuit fructus, quos percepit, eius esse pro cultura & cura. Et ideo si postea dominus superuenerit, & fundū uēdicet, de fructibus ab eo consumptis agere non potest. Eius uero, qui alienum fundū sciens possederit, nō idem concessum est: itaq; cum fundo etiam fructus licet consumpti sint, cogitur restituere.

Fructus à solo separati fructuarij sunt: non etiā pendentes: ideo nondum perceptos ad hæredes nō transfert.

Is uerò ad quem *ususfructus fundi* pertinet, non aliter fructuum dominus efficitur, quàm si ipse eos perceperit. Et ideo licet maturis fructibus, nondum tamen perceptis, decesserit: ad hæredes eius non pertinent, sed domino proprietatis acquiruntur. Eadem ferè & de colono dicuntur. In pecudum fructu etiam fœtus est, sicuti lac, pilus, & lana. itaq; agni, hædi, & vituli & equuli, & fuculi statim naturali iure domini fructuarij sunt. partus uerò ancillæ in fructu non est: itaq; ad dominū proprietatis pertinet. absurdū enim uidebatur, hominem in fructu esse: quum omnes fructus rerum natura gratia hominis comparauerit. Sed si gregis usum fructum quis habeat, in locum de mortuorum capitum ex fœtu fructuarij submittere debet (ut & Iuliano uisum est) & in uincarum de mortuarum uel arborum locū, alias debet substituere. rectè enim colere, & quasi bonus paterfamiliās uti debet. Theophrastus, quos quis in loco suo inuenerit, diuus Hadrianus naturalem æquitatem sequutus, ei concessit, qui eos inuenerit. Idemq; statuit, si quis in sacro,

sacro, aut religioso loco fortuito casu inuenerit. At si quis in alieno loco, non data ad hoc opera, sed fortuito inuenerit, dimidium domino soli concessit, & dimidium inuentori. Et conuenienter, si quis in Caesaris loco inuenerit, dimidium inuentoris, & dimidium esse Caesaris statuit. Cui conueniens est, ut si quis in fiscali loco, uel publico, uel ciuitatis inuenerit, dimidium ipsius esse debeat, & dimidium fisci, uel ciuitatis.

A R G V M.

Rerum corporalium traditio à domino facta ex causa ad dominij translationem idonea, accipientem dominum facit.

Per traditionem quoque iure naturali res nobis adquiruntur. nihil enim tam conueniens est naturali æquitati, quam uoluntatem domini uolentis rem suam in alium transferre, ratam haberi. & ideo, cuiuscumq; generis sit corporalis res, tradi potest, & à domino tradita alienatur. Itaq; stipendiaria quoque & tributaria prædia eodẽ modo alienantur. Vocantur autem stipendiaria & tributaria prædia, quæ in prouincijs sunt, inter quæ, necnon & Italica prædia, ex nostra constitutione nulla est differentia. sed si quidem ex causa donationis, aut dotis, aut qualibet alia ex causa tradantur sine dubio transferuntur.

A R G V M.

Ita demum traditione rei venditæ emptor dominus efficitur, si aut pretium venditori solutum sit, aut aliter satis ei factum sit, aut fides de pretio habita: & quod per alium facimus, ipsi quoque facere videmur.

Venditæ uerò res & traditæ, nõ aliter emptori adquiruntur, quàm si is uenditori pretium soluerit, uel alio modo ei satisfecerit: ueluti expromissore aut pignore dato. quod quãquam cauetur ex lege duodecim Tabularum, tamen recte dicitur & iure gentiũ, id est, iure naturali id effici. Sed si is, qui uendidit, fidei emptoris sequutus fuerit: dicendum est, statim rem emptoris fieri. Nihil autẽ interest, utrum ipse dominus tradat alicui rem suã, an uoluntate eius alius, cui eius rei possessio permissa sit. Quæ ratione, si cui libera uniuersorum negotiorũ administratio permissa fuerit à domino, isq; ex his negotijs rem uendiderit, & tradiderit: faciet eam accipientis.

A R G V M.

Qui rem suam iandudum alicui ex causa ad dominium minus idonea traditam, eidem postea iusto titulo concessit, dominium sine noua traditione transtulit.

Interdum etiam sine traditione nuda uoluntas domini sufficit ad rem transferendã: ueluti si rem, quã tibi aliquis cõmodauerit, aut locauerit

apud te deposuerit, postea aut uēdiderit tibi, aut donauerit, aut dotis nomine dederit. Quāuis enim ex ea causa tibi eam nō tradiderit, eo tamē ipso, quod patitur tuā esse, statim tibi acquiritur proprietas, perinde ac si eo nomine tibi tradita fuisset. Item si quis merces in horreo depositas uēdiderit, simul atq; clauēs horreī tradiderit emptorē, transfert proprietatem mercium ad emptorē.

A R G V M .

Etiam incertæ personæ fortuita à domino facta traditio dominium transfert: ideo misilia in uulgus iactata, & res pro derelicto habitæ, apprehendētis fiunt. Quæ autem pro derelicto habita dicantur, & quæ non, subiiciuntur.

Hoc amplius, interdum & in certam personam collata uoluntas domini transfert rei proprietatē: ut ecce, prætores & consules, cū misilia iactant in uulgi, ignorant quid eorum quisque sit excepturus: & tamen quia uolunt, quod quisque acceperit, eius esse: statim eum dominum efficiunt. Quæ ratione uerius esse uidetur, si rem pro derelicto à domino habitā occupauerit quis, statim eum dominū effici. Pro derelicto autē habetur, quod dominus ea mente abiecerit, ut id in numero rerum suarum esse nolit: idcoq; statim dominus eius esse desinit. Alia sanē causa est earum rerum, quæ in tempestate leuandæ nauis

causæ.

causa ejciuntur. hæ enim dominorū permanent: quia palām est eas non eo animo ejci, quōd quis eas habere nolit, sed quo magis cum ipsa nauis maris periculum effugiat. Quæ de causa, si quis eas fluctibus expulsas, uel etiam in ipso mari nactus, lucrādi animo abstulerit, furtum cōmittit. Nec longè uidentur discedere ab his, quæ de rheda currente non intelligentibus dominis cadunt.

De rebus corporalibus & incorporalibus,

TIT. II.

Hic tertia rerum diuisio adneēitur.

Quædam præterea res corporales sunt, quedam incorporales. Corporales hæc sunt, quæ sui natura tangi possunt: ueluti fundus, homo, uestis, aurum, argentum, & denique aliæ res innumerabiles. Incorporales autē sunt, quæ tangi non possunt: qualia sunt ea, quæ in iure consistunt: sicut hereditas, ususfructus, usus, & obligationes quoquo modo contractæ. Nec ad rem pertinet, quōd in hereditate res corporales continentur. nam & fructus, qui ex fundo percipiuntur, corporales sunt: & id, quod ex aliqua obligatione nobis debetur, plerūque corpo-

*rale est. ueluti fundus, homo, pecunia. nam ipsum
ius hereditatis, & ipsum ius utendi fruendi, &
ipsum ius obligationis incorporale est.*

*Eodem numero sunt iura prædiorum urba-
norum, & rusticorum, quæ etiam seruitutes uo-
cantur.*

De seruitutibus rusticorum & urbanorum prædiorum,

TIT. III.

A R G V M.

Animaduerte seruitutum quasdam à re rei debe-
ri, (quas reales appellamus) quasdam verò à re
personæ: de prioribus hoc titulo traditur, de reli-
quis, proximioribus titulis discutietur.

Est autem seruitus realis (vt Bartol. lib. viij.
Digestorum, titul. de seruitutib. in l. j. definit) ius
prædio inhærens, ipsius vtilitatem respiciens, & al-
terius libertatem diminuens.

Rusticorum prædiorum seruitutes sunt, quæ ru-
sticis prædijs (id est gratia fructuum percipiendi,
rum aut colligendorum factis) debentur: vt via,
iter, actus, & id genus similia.

Urbanorum verò prædiorum, sunt, quæ urbanis
prædijs (id est, ædificijs) debentur: quarum exem-
pla profuse hic traduntur: constituuntur autem ser-
uitutes, vt scribitur ad finem huius tituli.

Rusticorum prædiorum iura sunt hæc: iter,
actus, uia, aquæductus. Iter, est ius cundi-
ambulandi hominis, non etiam iumentum agendi,

uel uehiculum. Actus, est ius eundi ambulandi hominis, agendi iumentum, uel uehiculum. Itaque qui habet iter, actum non habet: sed qui actum habet, & iter habet, eoq; uti potest etiam sine iumento. Via, est ius eundi & agendi & ambulandi hominis: nam & iter & actum uia in se continet. Aqueductus, est ius aquae ducendae per fundum alienum. Praediorum urbanorum seruitutes sunt haec, quae aedificijs inhaerent. ideo urbanorum praediorum dictae, quonia aedificia omnia, urbana praedia appellamus, etsi in uilla aedificata sint. Item urbanorum praediorum seruitutes sunt haec, ut uicinus onera uicini sustineat: ut in pariete eius liceat uicino tignum immittere: ut stillicidium uel flumen recipiat quis in aedes suas, uel in arcem, uel in cloacam, uel non recipiat: & ne altius quis tollat aedes suas, ne luminibus uicini officiat. Inter rusticorum praediorum seruitutes quidam computari recte putant aquae haustum, pecoris ad aquam adpulsum, ius pascendi, calcis coquendae, arenae fodiendae. Ideo autem haec seruitutes praediorum appellantur, quoniam sine praedijs constitui non possunt. nemo enim potest seruitutem adquirere urbani uel rustici praedij, nisi qui habet praedium: nec quisquam debere nisi qui praedium habet. Si quis uelit uicino aliquod ius constitutere: pactio-

nibus.

nibus atq; stipulationibus id efficere debet. Potest etiam testamento quis heredem suum damnare, ne alius tollat aedes suas, ne luminibus aedium vicini officiat: uel ut patiatur cum tignum in parietem suum immittere, stillicidiumue aduersus eum habere: uel ut patiatur cum per fundum ire, agere, aquamue ex eo ducere.

De usufructu, TIT. IIII.

A R G V M.

Usufructus, seruitus est personalis, id est, à re personæ debita: definitur autem hic à Iustiniano, constituiturq; tam inter viuos quam in vltima voluntate. Itē usufructus à proprietate separatus est.

Usufructus, est ius alienis rebus utendi fruendi, salua rerum substantia. Est autem ius in corpore: quo sublato, & ipsum tolli necesse est. Usufructus à proprietate separationē recipit, idq; pluribus modis accidit. ut ecce, si quis usufructū alicui legauerit. nam haeres nuda habet proprietatem, legatarius uero usufructum. Et contra, si fundum legauerit, deducto usufructu: legatarius nudam habet proprietatē, haeres uero usufructum. Item alij usufructū, alij deducto eo fundum legare potest. Sine testamento

uerò si quis uelit usumfructum alij constitueret
pactionibus et stipulationibus id efficere debet.

Ne tamen in uniuersum inutiles essent pro-
prietates, semper abscedente usufructu, placuit
certis modis extinguere usumfructum, & ad pro-
prietatem reuerti.

A R G V M.

Usumfructum in quibusuis rebus constitui pos-
se explorati iuris est: his solis exceptis, quæ usu
pereunt, quia salua non manet rei substantia: quasi
tamen ususfructus in eis constituitur: quo casu
usufructuarius cautionem domino præstat (quæ lo-
co proprietatis succedit) de tanta pecunia aut re-
rum consumptarum iusta æstimatione usufructu li-
mito restituenda.

Constituitur autem ususfructus non tantum
in fundo & ædibus, uerumetiam in seruis, & iu-
mentis, & cæteris rebus, exceptis ijs, quæ ipso
usu consumuntur. Nam hæ res neq; naturali ra-
tione, neq; ciuili recipiunt usumfructum. quo in
numero sunt uinum, oleum, frumentum, uestimenta:
quibus proxima est pecunia numerata. Nanque
ipso usu assidua permutatione quodammodo extin-
guitur. Sed utilitatis causa senatus cõsuevit, posse
etiam earum rerum usumfructum constitui: ut
tamẽ eo nomine hæredi utiliter caueatur. Itaq; si
pecuniæ ususfructus legatus sit: ita datur lega-
tario, ut eius fiat, & legatarius satisfat hæredi
de tan-

de tanta pecunia restituenda, si morietur, aut capite minuitur. Ceteræ quoque res ita traduntur legatario, ut eius fiant: sed æstimatis his, satisfidatur, ut si moriatur, aut capite minuatur, tanta pecunia restituatur, quanti hæ fuerint æstimatæ. Ergo senatus non fecit quidem earum rerum usumfructum (nec enim poterat) sed per cautionem quasi usumfructum constituit.

A R G V M.

Habuiſti quibꝰ modis, in quibꝰſve rebus cõſtituatur uſusfructus: nũc accipe quibꝰ modis expiret.

Finitur autem uſusfructus morte uſuſfructuarij, & duabus capitis deminutionibus, maxima & media, & non utendo per modum & tempus: quæ omnia, noſtra ſtatuit conſtitutio. Item finitur uſusfructus, ſi domino p̄prietatis ab uſuſfructuario cedatur (nã cedendo extraneo, nihil agitur) uel ex cõtrario, ſi uſuſfructuarius proprietatẽ rei adquiſierit: quæ res cõſolidato appellatur.

Eo amplius cõſtat, ſi ades incendio conſumptæ fuerint, uel etiam terramotu, uel uitio ſuo corruerint: extingui uſumfructum, & ne aræ quidem uſumfructum deberi. Cum autem finitus fuerit totus uſusfructus: reuertitur ſcilicet ad proprietatẽ, & ex eo tẽpore nudæ proprietatis dominus incipit plenã in rẽ habere poteſtatem.

Institut. Lib. II.

De usu & habitatione,

TIT. V.

A R G V M.

Hæc quoque servitus usus, personalis est, id est, à re personæ debita: itidem dicitur in habitationis servitute: quid autem differat usus ab usufructu, aperit Iustinianus.

Iisdem illis modis, quibus usufructus constituitur, etiam nudus usus constitui solet: iisdemque illis modis finitur, quibus & usufructus desinit. Minus autem iuris est in usu, quam in usufructu. nam is, qui fundi nudum habet usum, nihil ulterius habere intelligitur, quam ut oleribus, pomis, floribus, fœno, stramentis, & lignis ad usum cotidianum utatur: in eoque fundo hæcenus, et morari licet, ut neque domino fundi molestus sit, neque iis, per quos opera rustica fiunt, impedimento. nec ulli alij ius, quod habet, aut locare, aut vendere, aut gratis concedere potest: quum is, qui usumfructum habet, possit hæc omnia facere.

Item is, qui adium usum habet, hæcenus ius habere intelligitur, ut ipse tantum inhabitet: nec hoc ius ad alium transferre potest. & vix receptum esse videtur, ut hospitem ei recipere liceat: & cum uxore, liberisque suis, item libertis, necnon personis alijs liberis, quibus non minus, quam ser-

uis

uis utitur, habitandi ius habeat. Et cōuenienter, si ad mulierem usus aduū pertineat, cum marito ei habitare liceat. Itē is, ad quem serui usus pertinet, ipse tantum opera atq; ministerio eius uti potest: ad alium uerò nullo modo ius suum trāsfere ei concessum est. Idē scilicet iuris est & in iumento. Sed & si pecorum, uel ouium usus legatus sit: neque lacte, neq; agnis, neque lana utetur, usufruius: quia ea in fructu sunt. Planē ad stercoreandum agrum suum pecoribus uti potest.

A R G V M.

Angustior est seruitus vsus, quā habitatio: nam cui habitatio data est, non tantum inhabitandi ius habet, sed etiā alteri locandi, & accomodandi: cui uerò vsus concessus fuit, ipsum solum uti oportet.

Sed si cui habitatio legata, siue aliquo modo constituta sit, neq; usus uidetur, neque usufructus, sed quasi proprium aliquod ius: quanquam habitationem habentibus, propter rerum utilitatem, secundum Marcelli sententiam nostra decisione promulgata, permisimus non solum in ea degere, sed etiā alijs locare. Hoc de seruitutibus, & usufructu, & usu, & habitatione dixisse sufficiat. De hereditatibus autē & obligationibus, suis locis proponemus. Exposuimus summatim quibus modis iure gentium res acquiruntur.

tur: modò uideamus, quibus modis legitimo & ciuili iure adquiruntur.

De usucapionibus, & longi temporis præscriptionibus,

TITVLVS VI.

ARGVM.

Qui bona fide rem à non domino emerit, aliò uero iusto titulo habuerit, eam, si mobilis sit, annis ubiq; tribus: si immobilis, decennio inter præseñtes, & inter absentes vicennio usucapit.

* Adnota, Institutam usucapionem rerum dominia diu in incerto maneat.

Iure ciuili constitutum fuerat, ut qui bona fide ab eo, qui dominus non erat, cum crederet meum dominum esse, rem emerit, uel ex donatione, aliàue quauis iusta causa acceperit: is eam rem, si mobilis erat, anno ubiq; uno: si immobilis, biennio tantum in Italico solo usucaperet, ne rerum dominia in incerto essent. Et cum hoc placitum erat, putantibus antiquioribus dominis sufficere ad inquirendas res suas præfata tempora: nobis melior sententia resedit, ne domini maturius suis rebus defraudentur, neq; certo loco beneficium hoc concludatur. & ideo constitutionem super hoc promulgauimus, qua cautum est, ut res quidem mobiles, per triennium: immobiles

uero

uero per longi temporis possessionem (id est, inter presentes decennio, inter absentes uiginti annis) usucapiatur. & his modis non solum in Italia, sed etiam in omni terra, quæ nostro imperio gubernatur, dominia rerum iusta causa possessionis præcedente adquirantur. Sed aliquando etiam si maxime quis bona fide rem possederit: non tamen illi usucapio ullo tempore procedit: ueluti si quis liberum hominem, uel rem sacram, uel religiosam, uel seruum fugitiuum possideat.

A R G V M.

Furti & violentiæ expulsiuæ vitium usque ad rei insigitur, ut furtiua res & uis possessa nec longi temporis curriculo, à quantumuis bonæ fidei possessore usucapi possint: tantum abest ut ab ipso fure aut violento occupatore usucapiantur.

Furtiua quoque res, & quæ ui possessæ sunt, nec si prædicto longo tempore bona fide possessæ fuerint, usucapi possunt. nam furtiuarum rerum lex duodecim tabularum, & lex Attilia inhibent usucapionem: ui possessorum, lex Iulia & Plautia, Quod autem dictum est, furtiuarum & ui possessorum rerum usucapionem per leges prohibitam esse: non eò pertinet, ut ne ipse fur, quiue per uim possidet, usucapere possit (nam his alia ratione usucapio non competit, quia scilicet mala fide possident) sed ne ullus

alius, quanuis ab eis bona fide emerit, uel ex alia causa acceperit, usucapiendi ius habeat. Vnde in rebus mobilibus non facile procedit, ut bonæ fidei possessoribus ususcāpio competat. Nam qui sciens alienā rem uendiderit, uel ex alta causa tradiderit, furtum eius committit.

A R G V M .

Rem alienam bona fide possessam, vitioq; reali carentem, si quis bona fide accipienti, ex causa ad dominium idonea tradiderit, tunc ususcāpio procedit: licet in factō uel in iure tradens errauerit.

Sed tamen id aliquando aliter se habet. nam, si hæres rem defuncto cōmodatam, aut locatam, uel apud eum depositā, existimās hereditariam esse, bona fide accipienti uendiderit, aut donauerit, aut dotis nomine dederit: quin is, qui acceperit, usucāpere possit, dubiū nō est: quippe quum hæres in furti uitium non ceciderit: quum utiq; hæres, qui bona fide tanquam suam alienauerit, furtum non committat. Item si is, ad quem ancillæ ususfructus pertinet, partem suam esse credens uendiderit, aut donauerit, furtum non committit. furtum enim sine affectu furandi non committitur. Alijs quoq; modis accidere potest, ut quis sine uitio furti, rem alienā ad aliquē transferat, & efficiat, ut à possessore usucapiatur.

Vacue possessionis occupator, si cuiuspiam bona fide accipienti, ex iusta causa eam tradiderit, vsu capiendi conditionem transfert.

* Adnota, Furtum in rebus soli nequaquam cadere.

Quod autem ad eas res, quæ solo continentur, expedit, ius ita procedit, ut si quis loci uacantis possessionem propter absentiam, aut negligenciam domini, aut quia sine successore decesserit, sine ui nanciscatur: quanuis ipse mala fide possideat (quia intelligit se alienum fundum occupasse) tamen si alij bona fide accipienti tradiderit, poterit ei longa possessione res adquiri: quia neque furtiuum, neque ui possessum acceperit. Abolita est enim quorundam ueterum sententia, existimantium etiam fundi, lociue furtum fieri. Et eorum utilitati, qui res soli possident, principalibus constitutionibus prospicitur, ne cui longa, & indubitata possessio debeat auferri. Aliquando etiam furtiuæ uel ui possessæ res usucapi potest: ueluti si in domini potestatem reuersa fuerit. tunc enim uitio rei purgato, procedit eius ususcipio. Res fisci non stri usucapi non potest: sed Papinianus scripsit, bonis uacantibus fisco nondum nuntiatis, bonæ fidei emptorem traditam sibi rem ex his bonis
usucap.

usucapere posse: & ita diuus Pius, & diui Scuerus, & Antoninus rescripserunt.

A R G V M.

Non aliter res vsucapibilis est, nisi & vitio reali aut quasi reali careat, & eius non sit commercium interdictum.

Novissimè sciendum est, rem talem esse debere, ut in se non habeat vitium, ut à bonæ fidei emptore usucapi possit, uel qui ex alia iusta causa possidet.

A R G V M.

Opinatio seu credulitas tituli, vsuscaptionem non inducit.

Error autem falsæ causæ vsuscaptionem non parit: ueluti si quis cum non emerit, emisse se existimans, possideat: uel cum ei donatum non fuerit, quasi ex donatione possideat.

A R G V M.

Bona fides in vsuscaptione ab exordio considerata est: ideo defuncti bona fides, vniuersalis successoris malam fidem excusat: continuatur enim defuncti possessio, & ex contrario, mala fides auctoris, hæredi utcumq; bonæ fidei obest. Item auctoris tempora, singulari successori ad vsuscaptionem complendam accedunt, & continuantur.

Diutina possessio, quæ prodesse cœperat defuncto, & hæredi, & bonorum possessori continuatur, licet ipse sciat prædiū alienum esse. Quod si ille initium iustum non habuit, hæredi & bonorum possessorum

possessori, licet ignoꝛanti, possessio non prodest.
 Quod nostra cōstitutio similiter et in ususcapi-
 nibus obseruari cōstituit, ut tēpora cōtinuētur.
 Inter uenditorē quoq; & emptorē cōiungi tēpo-
 ra, diui Seuerus, & Antoninus rescripserunt.

A R G V M.

Alienam rem à fisco quouis titulo idoneo ha-
 bens, mox tutus est, dominusq; sit: ius autem in re
 vel ad rem sese habuisse cōfidentes, intra quadriennium
 aduersus fiscum experiri debent.

Edicto diui Marci cauetur, eum, qui à fisco
 rem alienam emit, si post uenditionem quinquen-
 nium præterierit, posse dominum rei exceptione
 repellere. Constitutio autem diuæ memoriæ Ze-
 nonis bene prospexit ijs, qui à fisco per uenditio-
 nem, aut donationem, uel alium titulum accipiūt
 aliquid: ut ipsi quidem securi statim fiant, & ui-
 ctiores existant, siue experiantur, siue conuenian-
 tur. Aduersus autem sacratissimum ararium
 usque ad quadriennium liceat ijs intendere, qui
 pro dominio uel hypotheca earū rerum, quæ alic-
 natæ sunt, putauerint sibi quasdam competere
 actiones. Nostra autem diuina cōstitutio, quam
 nuper promulgauimus, etiam de ijs, qui à nostra
 uel uenerabilis Augustæ domo aliquid accepe-
 rint, hæc statuit, quæ in fiscalibus alienatiōibus
 præfatæ Zenoniæ cōstitutionis continentur.

De donationibus,

TIT. VII.

A R G V M.

Donatio mortis causa dicitur, quæ ob mortis imminæntis vel futuræ suspicionem fit: quæ (se-
mota veteri dubitatione) instar legatorum ferè
per omnia redacta est. Renocatur autem donato-
ris conualescentia, & pœnitentia, item donatario
præmoriēte.

Est & aliud genus acquisitionis, donatio.
Donationū autem duo sunt genera: mortis
causa, & non mortis causa. Mortis causa dona-
tio est, quæ propter mortis fit suspicionem: cum
quis ita donat, ut si quid humanitus ei cōtigiſſet,
haberet is, qui accepit. Sin autē superuixiſſet: is,
qui donauit, reciperet: uel si eum donationis pœ-
nituiſſet: aut prior decesserit is, cui donatum sit.
Hæ mortis causa donationes ad exemplum lega-
torum redactæ sunt per omnia. nam cum pruden-
tibus ambiguum fuerat, utrum donationis, an le-
gati instar eam obtinere oporteret: & utriusq;
causa quædam habebat insignia, & alij ad aliud
gēnus eam retrahēbant: à nobis cōstitutū est, ut
per omnia ferè legatis connumeretur, & sic pro-
cedat, quemadmodū nostra constitutio eam for-
mauit. Et in summa, mortis causa donatio est,
cum

*Cum magis se quis uelit habere, quàm eum, cui do-
nat: magisquē eum, cui donat, quàm heredē suum.
sic et apud Homerū Telemachus donat Πίραο.*

τὸν καὶ Πίραι⊕ πρότερον⊕ πρὸς μῦθον Οδυσσεύς
 εἰπὼν,
 Τηλέμαχ' αἰετ' ὄτρυνον ἑμὸν ποτὶ Δῶμα γυναι-
 κῆας,
 ὥς τοι Δῶρ' ἀπεπέμψω, ἅ τοι Μενέλαος ἔδωκε.
 Τὸν δ' αὖ Τηλέμαχος⊕ πεπνυμένος⊕ ἀντίοικον
 ἤϊδα,
 Πίραι, οὐ γάρ τ' ἴδμεν ὅπως ἔσαι τὰδε ἔργα,
 εἴ κερ' ἐμὲ μῆνῆες ἀγένηρες ἐρμιγάρροισι
 λάθρη κλίναντες πατρώϊα πάντα δάσοντες,
 αὐτὸν ἔχοντά σε βέλομε' ἐπανδρίμεν, ὃ τίνα
 τῶνδε.
 Εἰ δ' ἢ κ' ἐγὼ τέτοισι φόνον καὶ κῆρα φυτεύσω,
 δὴ τότε μοι χαίροντι φέροντες πρὸς Δῶματα
 χαίρωρ.
 Hoc est:
 Hoc sermone uirum Πίραeus commonet ultro,
 Telemache ad nostras famulas age dirige se-
 des,
 Ut tibi quæ dederat Menelaus dona reportent.
 Ad quæ Telemachus sapiens ita furier orsus,
 Πίραε, haud equidem hæc possum dignoscere
 facta:
 Nanque proci si mihi spatiosa per atria furtim
 Occidant

*Occidant, rapiantq; sibi patrimonii fortes,
His te mulo frui donis quam quemlibet horum.
Quod si illos fatis, merita & multa uero morte,
Tum mihi gaudēti referes dona omnia gaudēs.*

A R G V M.

Inter uiuos donatio est, quæ nulla mortis suspitione sit, sed ex puræ liberalitatis fontibus procedit: quæ solo consensu perfectæ, temerè non reuocatur: egeq; publica insinuatione, si quingentorum aureorum summam prætergrediatur: in certis tamen casibus etiam citra insinuationem effectum sortitur.

Aliæ autem donationes sunt, quæ sine ulla mortis cogitatione fiunt, quas inter uiuos appellamus, quæ non omnino cõparantur legatis. quæ si fuerint perfectæ, temerè reuocari non possunt. Perficiuntur autem, cùm donator suam uoluntatem scriptis, aut sine scriptis manifestauerit. Et ad exemplum uenditionis, nostra cõstitutio eas etiam in se habere necessitatē traditionis uoluit: ut etiam si non tradantur, habeant plenissimū, et perfectum robur, & traditionis necessitas incubat donatori. Et cum retro Principum dispositiones insinuari eas actis interuenientibus uolebant, si maiores fuerant ducentorum solidorum: cõstitutio nostra eam quantitatem usque ad quingentos solidos ampliavit, quam stare etiam sine

Sine insinuatione statuit. sed & quasdam donationes inuenit, quæ penitus insinuatione fieri minime desiderant, sed in se plenissimam habent firmitatem. Alia insuper multa ad huberiores exitum donationum inuenimus: quæ omnia ex nostris constitutionibus, quas super his exposuimus, colligenda sunt. Sciendum est tamen quod etsi plenissima sint donationes: si tamen ingrati existant homines, in quos beneficium collatum est: donatoribus per nostram constitutionem licetiam præstitimus certis ex causis eas reuocare: ne illi, qui suas res in alios contulerint, ab his quandam patiantur iniuriam uel iacturam, secundum enumeratos in constitutione nostra modos.

A R G V M.

Propter nuptias donatio (quæ olim ante nuptias dicebatur) non solum contractio matrimonio augeri potest, sed etiam constitui & initium sumere.

Est & aliud genus, inter uiuos donationis, quod ueteribus quidem prudenter penitus erat incognitum, postea autem diuiniore diuini principibus introductum est, quod ante nuptias uocabatur: & tacitam in se conditionem habebat, ut tunc ratum esset, cum matrimonium esset insecutum. Ideoque ante nuptias appellabatur, quod ante matrimonium efficiebatur, & nunquam post

nuptias celebratas talis donatio procedebat.

ia Sed primus quidem diuus Iustinus pater no-
sti ster, cum augeri dotes, & post nuptias fuerat
us permissum: si quid tale eueniret, & ante nuptias
 augeri donationem, & constāte matrimonio, sua
 constitutione permisit, sed tamē nomē inconue-
 niens remanebat, cum ante nuptias quidem uoca-
 batur, post nuptias autem tale accipiebat incre-
 mentum. Sed nos plenissimo fīui tradere sanctio-
 nes cupientes, & consequētia nomina rebus esse
 studentes: constituimus, ut tales donationes non
 augeantur tantum, sed etiam constāte matri-
 monio initiū accipiant: & non ante nuptias, sed
 propter nuptias uocētur: & dotibus in hoc ex-
 sequentur: ut quemadmodum dotes constāte ma-
 trimonio non solum augeantur, sed etiam fīat: ita
 & istae donationes, quae propter nuptias intro-
 ductae sunt, nō solum antecedāt matrimoniū, sed
 eo etiam contracto augeantur, & constituātur.

Erat olim & alius modus ciuilis adquisitio-
 nis per ius adcrescendi, quod est tale: Si comnu-
 nem seruū habēs aliquis cum Titio, solus liber-
 tatē ei imposuerit uel uindicta, uel testamēto: co-
 casu pars eius amittebatur, & socio adcresce-
 bat. Sed cum pessimū fuerat exēplo, & liberta-
 te seruū defraudari, & ex ea humilioribus qdē
 dominis

dominis damnum inferri, sæuioribus autem dominis lucrum accedere: hoc quasi inuidia plenū, pio remedio per nostram constitutionem mederi, necessarium duximus.

A R G V M.

Habes casum in quo contra iuris communis regulas quis inuitus rem suam vendere cogitur.

Et inuenimus uiam, per quam & manumissor, & socius eius, & qui libertatem accepit, nostro beneficio fruuntur, libertate cū effectu procedente (cuius fauore antiquos legū latores multa etiam contra cōmunes regulas statuisse manifestum est) & eo, qui eam libertatem imposuit, sua liberalitatis stabilitate gaudente: & socio indēni conseruato, pretiumq; serui secundū partem dominij, quod nos definiuimus, accipiente.

Quibus alienare licet,
vel non,

TIT. VIII.

A R G V M.

Etiam vxoris accedente consensu, fundi dotalis alienatio, & obligatio viro (quanuis ciuili iure dotis dominus sit) interdicta est.

Accidit aliquando, ut qui dominus rei sit, alienare non possit: & contra, qui dominus non sit, alienandæ rei potestatem habeat. Nam

dotale prædium maritus inuita muliere per legem Iuliam prohibetur alienare: quanuis ipsius sit dotis causa ei datum. quod nos, legem Iuliam corrigentes, in meliorem statum deduximus. Cum enim lex in solis tantummodo rebus locum habebat, quæ Italicæ fuerant: & alienationes inhibebat, quæ inuita muliere fiebant: hypothecas autem earum rerum, etiam uolente ea: utriq; remedium imposuimus, ut etiam in eas res, quæ in prouinciali solo positæ sunt, interdicta sit alienatio uel obligatio: ut neutrum eorum, neq; consentientibus mulieribus procedat, ne scelus muliebris fragilitas in perniciem substantiæ earum conuertatur.

A R G V M.

Pignus non solum ex debitoris pactione à creditore distrahi potest, quanuis dominus non sit, sed etiam si nulla pactio de vendendo pignore interuenierit, modo iuris præscripta forma seruetur.

Contrà autem creditor pignus ex pactione, quanuis eius ea res non sit, alienare potest. Sed hoc forsitan ideo uidetur fieri, quòd uoluntatē debitoris intelligitur pignus alienari, qui ab initio contractus pactus est, ut liceret creditori pignus uendere, si pecunia non soluatur. Sed ne creditores ius suum persequi impedirentur, neque debitores temere suarum rerum dominium amittere

terē uiderentur: nostra constitutione consultum est, & certus modus impositus est, per quem pignorum distractio possit procedere: cuius tenore utrique parti creditorum & debitorum, satis abundeque prouisum est.

A R G V M.

Pupillo rerum suarum sine tutoris auctoritate interdicta est alienatio: ideo mutuo datas pecunias, accipientis non facit, sed aut extantes vendicat, aut bona fide consumptas condicit, aut si mala fide absumptæ sint, de his exhibendis agit.

Nunc admonendi sumus, neque pupillū, neque pupillā, ullam rem sine tutoris auctoritate alienare posse. Ideoque si mutuam pecuniam sine tutoris auctoritate alicui dederit: non contrahit obligationem: quia pecuniam non facit accipientis. Ideoque uindicari nummi possunt, sicubi extant. Sed si nummi, quos mutuo minor dederit, ab eo, qui accepit, bona fide consumpti sunt, condici possunt: si mala fide, ad exhibendū de his agi potest.

A R G V M.

Solutione debiti facta pupillo, eiusve tutori, ita demum debitor plenissimam consequitur liberationem, si id iudicis interueniente decreto fieri contigerit: quod si soli pupillo solutum sit, & pecuniā adhuc saluam habeat, aut locupletior ex ea sit, exceptionis ope liberatur: aliās non liberatur.

At ex contrario, omnes res pupillo, & pupil-

læ sine tutoris auctoritate rectè dari possunt. Ideoq; si debitor pupillo soluat: necessaria est debitori tutoris auctoritas: alioqui non liberabitur. Sed hoc etiam euidentissima ratione statutum est in constitutione, quam ad Cæsarienses aduocatos ex suggestione Triboniani uiri eminentissimi quaestoris sacri palatii nostri promulgauimus: qua dispositum est, ita licere tutori uel curatori debitorem pupillare soluere, ut prius iudicialis sententia sine omni damno celebrata, hoc permittat. quo subsequuto, si & iudex pronuntiauerit, & debitor soluerit: sequatur huiusmodi solutionem plenissima securitas. Sin autem aliter, quam disposuimus, solutio facta fuerit, pecuniam autem saluam habeat pupillus, aut ex ea locupletior sit, & adhuc eadem pecunie summam petat: per exceptionem doli mali poterit submo-ueri. Quod si male consumpserit, aut furto aut ui amiserit: nihil proderit debitori doli mali exceptio, sed nihilominus condemnabitur: quia tunc merè sine tutoris auctoritate, & non secundum nostram dispositionem soluerit. Sed ex diuerso, pupilli uel pupillæ soluere sine tutoris auctoritate non possunt: quia id, quod soluunt, non fit accipientis: quum scilicet nullius rei alienatio eis sine tutoris auctoritate concessa sit.

Per quas personas cuique
adquiritur,

TIT. IX.

Adquiritur uobis, non solum per uosmet-
ipsos, sed etiam per eos, quos in potestate
habetis: item per seruos, in quibus usumfructum
habetis: item per homines liberos, & per seruos
alienos quos bona fide possidetis, de quibus sin-
gulis diligentius dispiciamus.

A R G V M.

Explosa veteri inhumanitate, hodie bonorum
aduentitiorum filij solus ususfructus patri adquire-
tur: profectitiorum verò etiā proprietates quæritur.

Igitur liberi uestri utriusq; sexus, quos in po-
testate habetis olim quidē, quidquid ad eos per-
uenerat (exceptis uidelicet castrēsi bus pecunijs)
hoc parentibus suis acquirebant sine ulla distin-
ctione: & hoc ita parentum fiebat, ut etiam esset
eis licētia, quod per unum uel unam eorū adqui-
situm esset, alij filio, uel extraneo donare, uel uen-
dere, uel quocunque modo uoluerant, adplicare.

Quod nobis inhumanum uisum est: & genera-
li cōstitutione emissa, & liberis pepercimus, &
parentibus honorem debitum reseruauimus. San-
citū etenim a nobis est, ut si quid ex re patris ei

obueniat, hoc secundum antiquam obseruationem totum parenti adquiratur. Quæ enim inuidia est, quod ex patris occasione profectum est, hoc ad eum reuertitur. Quod autem ex alia causa sibi filius familiæ adquisiuit: huius usumfructum patri quidem adquirat, dominium autem apud eum remaneat: ne quod ei suis laboribus, uel prospera fortunæ accesserit, hoc in alium perueniens, luctuosum ei procedat.

A R G V M.

Pater filium emancipans dimidiam ususfructus aduenientium filio, remunerationis causa conseruitur: quæ loco trientis dominij quem olim habebat, successit.

Hoc quoque à nobis dispositum est, & in ea specie, ubi pater emancipando liberos suos, ex rebus, quæ acquisitionem effugiebant, sibi tertiam partem retinere (si uoluerat) licentiam ex anterioribus constitutionibus habebat, quasi pro pretio quodammodo emancipationis: & inhumani quiddam accidebat, ut filius rerum suarum ex hac emancipatione dominio pro parte tertia defraudaretur: et quod honoris ei ex emancipatione additum erat, quod sui iuris effectus esset, hoc per rerum diminutionem decresceret. Ideoque statuimus, ut pater pro tertia parte dominij, quam retinere poterat, dimidiam non dominij rerum, sed ususfructus retineat.

tineat. Ita etenim res intactæ apud filiū remane-
bunt, & pater ampliore summi fruetur, pro ter-
tia, dimidia potiturus. Item uobis acquiritur,
quod serui uestri ex traditione nanciſcuntur: siue
quid stipulētur, siue ex donatione, uel ex legato,
uel ex qualibet alia causa adquirent. Hoc enim
uobis & ignorantibus & inuitis obuenit. Ipse
enim seruus qui in potestate alterius est, nihil
suum habere potest. Sed si hæres institutus sit,
non aliā nisi uestro iussu, hæreditatē adire po-
test. Et si uobis iubentibus adierit: uobis hæredi-
tas acquiritur, perinde ac si uos ipsi hæres
instituti essetis. Et conuenienter scilicet uobis
legatum per eos acquiritur. Non solū autem
proprietas per eos, quos in potestate habetis,
uobis acquiritur, sed etiam possessio. Cuiuscūq;
enim rei possessionē adepti fuerint: id uos possi-
dere uidemini. Vnde etiam per eos usucapio,
uel longi temporis possessio uobis accidit.

A R G V M.

Alienus seruus, cuius usufructum habemus,
item is, quem bona fide possidemus, siue liber sit,
siue seruus, si quid ex re nostra vel suis operis nan-
ciscatur, nobis acquiritur: quod verò extra has
causas assequitur, vero domino aut ipsi libero ho-
mini quæritur.

De ijs autem seruis, in quibus tantummodo

usumfructū habetis, ita placuit: ut quicquid ex
 re uestra, uel ex operis suis adquirunt, id uobis
 adijciatur. quod uero extra eas causas consequi
 ri sunt: id ad dominū proprietatis pertineat. Ita
 que si is seruus heres institutus sit, legatūue
 quid ei, aut donatū fuerit: non usufructuario, sed
 domino proprietatis acquiritur. Idem placet &
 de eo, qui a uobis bona fide possidetur: siue is li-
 ber sit, siue alienus seruus. Quod enim placuit de
 usufructuario, idem placet & de bona fidei pos-
 sessore. Itaque quod extra istas duas causas ad-
 quiritur: id uel ad ipsum pertinet, si liber est: uel
 ad dominū, si seruus est. Sed bona fidei posses-
 sor cum usuceperit seruum (quia eo modo domi-
 nus fit) ex omnibus causis per eum sibi acquire-
 re potest. Fructuarius uero usucapere non po-
 test: primū, quia non possidet, sed habet ius utē-
 di fruendi: deinde, quia scit seruum alienum esse.
 Non solum autem proprietās per eos seruos, in
 quibus usumfructum habetis, uel quos bona fide
 possidetis, aut liberam personam, quā bona fide
 uobis seruit, uobis acquiritur: sed etiā possessio.
 Loquimur autem in utriusque persona secundū
 distinctionē, quam proximē exposuimus: id est,
 si quam possessionē ex re uestra, uel ex suis ope-
 ris adepti fuerint.

Titulus II.

123

A R G V M.

Per prorsus extraneam personam (excepto procuratore, per quem possessio, dominium, & usufructus condiendi nobis quaeritur) nil nobis adquiri potest.

Ex his itaque apparet, per liberos homines, quos neque uestro iuri subiectos habetis, neque bona fide possidetis: item per alienos seruos, in quibus neque usufructum habetis, neque possessionem iustam: nulla ex causa uobis adquiri posse. Et hoc est, quod dicitur per extraneam personam nihil adquiri posse: excepto eo, quod per liberam personam (ueluti per procuratorem) placet non solum scientibus, sed & ignorantibus uobis adquiri possessionem, secundum diui Seueri constitutionem: & per hanc possessionem etiam dominium, si dominus fuerit, qui tradidit: uel ususcaptionem, aut longi temporis praescriptionem, si dominus non sit. Haecenus tantisper admonuisse sufficiat, quemadmodum singulae res uobis adquirantur. nam legatorum ius, quo & ipso singulae res uobis adquiruntur: item fideicommissorum, ubi singulae res uobis relinquuntur: opportunius inferiore loco referemus. Videamus itaque nunc, quibus modis per uniuersitatem res uobis adquirantur. Si cui ergo haeredes facti sitis, siue cuius bonorum possessionem petieritis, uel si quem adrogaueritis, uel si cuius bona libertatum confer

conseruādarum causa uobis addicta fuerint: eius res omnes ad uos transcūt. Ac prius de heredētatibus dispiciamus, quarū duplex conditio est. nā uel ex testamēto, uel ab intestato ad uos pertinet. Et prius est, ut de his dispiciamus, quæ ex testamento uobis obueniūt, qua in re necessariū est, initium de ordinandis testamētis exponere.

De testamentis ordinandis,

TIT. X.

*Adnota. Testamentum (ut Vlpianus libr. xxviii. ff. de test. tit. eod. l. j. plenius uerbis definit) est uolūtatis nostræ iusta sententia, de eo quod quis post mortē suam fieri uoluit.

Testamentū ex eo appellatur, quod testatio mentis sit. Sed ut nihil antiquitatis penitus ignoretur: sciendū est, olim quidē duo genera testamentorum in usu fuisse: quorū altero in pace & otio utebantur, quod calatis comitijs appellabāt: altero, cū in præliū exituri essent, quod procinctum dicebatur. Accessit deinde tertium genus testamēt orū, quod dicebatur per æs & librā: scilicet quod per emancipationē, id est imaginariam quandam uenditionē agebatur, quinque testibus, & libripēde, ciuibus Romanis puberibus præsens, & eo, qui familiae emptor diceba-

dicebatur. Sed illa quidem priora duo genera testamentorum, ex ueteribus temporibus in desuetudinem abierunt. quod uero per aes & libram fiebat, licet diutius permanserit, attamen partim & hoc in usu esse desijt. Sed prædicta quidem nomina testamentorum ad ius ciuile referebantur. postea uero ex edicto prætoris forma alia faciendorum testamentorum introducta est. Iure etenim honorario nulla mancipatio desiderabatur: sed septem testium signa sufficiebant, cum iure ciuili signa testium non essent necessaria.

A R G V M.

Testamenti in scriptis solennitas partim iure ciuili, partim sacris constitutionibus, & Prætorio iure, nititur: conficitur autem tale testamentum testibus septem vno contextu actui adhibitis, & facto testamento subscribentibus, ac demum illud suis sigillis munientibus.

Sed cum paulatim tam ex usu hominum, quam ex constitutionum emendationibus cœpit in unâ consonantiam ius ciuile & prætorium iungi: constitutum est, ut uno eodemque tempore (quod ius ciuile quodammodo exigebat) septem testibus adhibitis, & subscriptione testium (quod ex constitutionibus inuentum est, & ex edicto prætoris) signacula testamentis imponerentur: ita, ut hoc ius triperitum esse uideatur, & testes quidē &

eorum

Sed cum aliquis ex testibus testamenti quidem faciendi tempore liber existimabatur, postea autem servus apparuit: tam diuus Hadrianus Catoni, quam postea diui Seuerus & Antoninus rescripserunt subuenire se ex sua liberalitate testamento, ut sic habeatur firmum, ac si, ut oportebat factum esset: cum eo tempore, quo testamentum designaretur, omnium consensu hic testis liberi loco fuerit, neque quisquam esset, qui status ei quaestionem moueret. Pater, necnon is, qui in potestate eius est, item duo fratres, qui in eiusdem patris potestate sunt, utique testes in uno testamento fieri possunt: quia nihil nocet, ex una domo plures testes alieno negotio adhiberi.

A R G V M.

Testamentarii testes esse nequeunt, qui in testatoris est potestate, & qui testatorem in potestate habet, item heres scriptus, & qui in sacris eius sunt, quiue eum habet in potestate, & fratres sub eiusdem patrij nexibus existentes quibus heres: quicquid circa haec placitum fuerit antiquitati.

In testibus autem non debet esse is, qui in potestate testatoris est. Sed si filius familias de castrensi peculio post missionem faciat testamentum: nec pater eius recte adhibetur testis, nec is, qui in potestate eiusdem patris est: reprobatum est enim in eare domesticum testimonium.

Sed.

Sed neq; hæres scriptus, neq; is, qui in potestate eius est, neq; pater eius, qui eum habet in potestate, neq; fratres, qui in eiusdē patris potestate sunt, testes adhiberi possunt: quia hoc totum negotium, quod agitur testamēti ordinādi gratia, creditur hodie inter testatorem & heredē agi. Licet autē totum ius tale conturbatum fuerat, & Vēteres quidem familiæ emptorē, & eos, qui per potestatem ei coniuncti fuerant, a testamētarijs testimonijs repellabant: hæredi autē, & ijs, qui per potestatem ei coniuncti fuerāt, concedebāt testimonia in testamētis præstare: licet ij, qui id permittebant, hoc iure minimē abuti eos debere suadebāt: tamē nos eandē obseruationē corrigentes, & quod ab illis suasum est, in legis necessitatem transferentes, ad imitationem pristini familiæ emptoris, meritò nec hæredi, qui imaginem uetustissimi familiæ emptoris obtinet, neq; alijs personis, quæ ei (ut dictum est) coniunctæ sunt, licentiam concedimus, sibi quodammodo testimonia præstare. ideoq; nec eiusmodi ueteres constitutiones nostro Codici inseri permisimus.

A R G V M.

Cui legatum aut particulare fideicommissum relictum testamento fuit, (cum ad eum non pertineat hereditatis damnum, nec emolumentum) testis in eo testamento esse potest,

Lega

Legatarijs autem & fideicommissarijs, quia non iuris successores sunt, & alijs personis eis coniunctis testimonium non denegamus: imò in quadam nostra constitutione & hoc specialiter eis concessimus. Et multo magis ijs, qui in eorum potestate sunt, uel qui eos habent in potestate, huiusmodi licentiam damus. Nihil autem interest, testamentum in tabulis, an in chartis, membranisque, uel in alia materia fiat. Sed & unum testamentum pluribus codicibus conficere quis potest, secundum obtinentem tamen obseruationem omnibus factis. quod interdum etiam necessariū est: ueluti si quis nauigaturus & secum ferre, & domi relinquere iudiciorū suorum cōtestationē uelit, uel propter alias innumerabiles causas, quæ humanis necessitatibus imminēt.

A. R. G. V. M.

Supremæ voluntatis uiua voce, coram septem rogatis testibus, declaratio à testatore facta, nuncupatium testamentum dicitur.

Sed hæc quidem de testamentis, quæ scriptis conficiuntur, sufficiunt. si quis autem sine scriptis uoluerit ordinare iure ciuili testamentum: septem testibus adhibitis, & sua uoluntate coram eis nuncupata, sciat hoc perfectissimum testamentum iure ciuili, firmissimūq; constitutum.

De militari testamento,

TIT. XI.

SUpra dicta diligens obseruatio in ordinandis testamentis, militibus propter nimiam imperitiam eorum, constitutionibus principalibus remissa est. Nam quamuis ij neq; legitimum numerum testium adhibuerint, neq; allam testamentorum sollemnitate obseruauerint: recte nihilominus testantur, uidelicet cum in expeditionibus occupati sint. quod merito nostra constitutio introduxit. Quoquo enim modo uoluntas eius suprema inueniatur, siue scripta, siue sine scriptura: ualeat testamentum ex uoluntate eius.

A R G V M.

Miles etiam filiusfamilias tandiu iure militari testandi habet priuilegium, quandiu in expeditione est: qui si extra castra degat, communi omnium iure testari debet.

Illis autem temporibus, per quæ citra expeditionum necessitatem, in alijs locis, uel suis adibus degunt, minimè ad uendicandum tale priuilegium adiuuantur. Sed testari quidem, et si filijfamiliarum sint, propter militiam conceduntur: iure tamen communi eadem obseruatione & in eorū testamentis adhibenda, quam in testamentis paganorum proxime exposuimus.

A R G V M.

Milites quamvis à testandi solennibus immunen-
 sint, eorum tamen supremum iudicium coram testi-
 bus saltem duobus, ijsq; rogatis manifestari debet:
 quo probari postea possit illorum voluntas.

Plane de testamentis militum diuus Tra-
 ienus Catilio Scuero ita rescripsit: Id priuile-
 gium, quod militantibus datum est, ut quoquo-
 modo facta ab his testamenta, rata sint: sic intel-
 ligi debet, ut utiq; prius constare debeat, testa-
 mentum factum esse: quod & sine scriptura, & d
 non militantibus quoque fieri potest. Si er-
 go miles, de cuius bonis apud te quaeritur, con-
 uocatis ad hoc hominibus, ut uoluntatem suam
 testaretur, ita loquutus est, ut declararet, quem
 uellet sibi heredem esse, & cui libertatem tri-
 bueret: potest uideri sine scripto hoc modo esse
 testatus, & uoluntas eius rata habenda est. Cæ-
 terum si (ut plerumq; sermonibus fieri solet)
 dixit alicui. Ego te heredem facio: aut, Bo-
 na mea tibi relinquo: non oportet hoc pro
 testamento obseruari. Nec ullorum magis in-
 terest, quam ipsorum, quibus id priuilegium da-
 tum est, eiusmodi exemplum non admitti. alio-
 qui non difficulter post mortem alicuius militis
 testes existeret, qui adfirmarent se audisse dicen-
 tem aliquem, relinquere se bona, cui uisum sit: &

per hoc uera iudicia subuerteretur. Quinimo & mutus & surdus miles testamentum facere potest.

* Adnotato, Conditionem in testamentis retro trahi ad diem mortis testatoris.

Sed haecenus hoc illis à principalibus constitutionibus conceditur, quatenus militantes, & in castris degunt. Post missionem uero ueterani, uel extra castra alij, si faciant adhuc militantes testamentum; communi omnium ciuium Romanorum iure id facere debent. Et quod in castris fecerint testamentum, non communi iure, sed quomodo uoluerint: post missionem intra annum tantum ualebit. Quid ergo si intra annum quis decesserit, conditio autem heredi adscripta, post annum extiterit? an quasi militis testamentum ualeat? Et placet ualere quasi militis.

* Verbis aut facto confirmans inualidum, non iam dispositionem condere uidetur.

Sed & si quis ante militiam non iure fecit testamentum, & miles factus, & in expeditione degens resignauit illud, & quadam adiecit, siue detraxit, uel alias manifesta est militis uoluntas hoc ualere uolentis: dicendum est ualere hoc testamentum, quasi ex noua militis uoluntate. Denique & si in arrogationem datus fuerit miles, uel filiusfamilias emancipatus est; testamentum eius quasi

*quasi ex noua militis uoluntate ualet: nec uide-
tur capitis deminutione irritum fieri.*

A R G V M.

Qui de quasi castrensis testantur, iure com-
muni testari debent.

*Sciendum tamen est, quod cum ad exemplum
castrensis peculij, tam anteriores leges, quam
principales constitutiones quibusdam quasi ca-
strensis dederant peculia, & horum quibusdam
permisum fuerat etiam in potestate degentibus
testari: nostra id constitutio latius extendens,
permiserit omnibus in huiusmodi peculij, te-
stari quidem, sed iure communi. Cuius constitu-
tionis tenore perspecto: licentia est, nihil eorum,
quae ad praefatum ius pertinent, ignorare.*

**Quibus non est permisum fa-
cere testamentum,**

TIT. XII.

A R G V M.

In parentum potestate constituti (etiam si pater-
nus accedat consensus) iure testari nequeunt: his ta-
men deceptis, qui castrēse & quasi castrense peculium
habent, id est, qui vel in castris vel bonis literis mi-
litāt: quibus super eo (haud secus quam si sui iuris
essent) etiā inuito patre, testandi libertas data est.

* Adnotato, Castrensis aut quasi, mortuo
patre non communicanda fratribus.

Non tamen omnibus licet facere testamen-
 tum. Statim enim ij, qui alieno iuri subiecti
 sunt, testamēti faciendi ius non habēt: adeo quī-
 dem, ut quanuis parentes eis permiserint, nihilo
 magis iure testari possint: exceptis ijs, quos an-
 tea enumerauimus, & præcipue militibus, qui
 in potestate parētum sunt, quibus de eo, quod in
 castris adquisierunt, permissum est ex constitu-
 tionibus principū testamētū facere. Quod qui-
 dem ius ab initio tantum militantibus datū est,
 tã ex autoritate diui Augusti, quàm Neruæ,
 necnō optimi Imperatoris Traiani: postea uerò
 subscriptione diui Hadriani, etiã dimissis d' mi-
 litia, id est ueteranis concessum est. Itaq; si quidē
 fecerint de castrensi peculio testamentum: perti-
 nebit hoc ad eum, quem heredem reliquerunt. Si
 uerò intestati decesserint, nullis liberis uel fratri-
 bus superstitis: ad parentes eorū iure cōmuni
 pertinebit. Ex hoc intelligere possumus: quod
 in castris adquisierit miles, qui in potestate pa-
 tris est, neq; ipsum patrē adimere posse, neq; pa-
 tris creditores id uēdere, uel aliter inq̄tare, neq;
 patre mortuo cū fratribus cōmune esse: sed scili-
 cet proprium eius esse, qui id in castris adquisie-
 rit: quāquā iure ciuili omnīū, qui in potestate pa-
 rentum sunt, peculia perinde in bonis parentum
 compu

cōputentur, ac seruatorū peculia in bonis domino-
rū numerantur: exceptis uidelicet ijs, quæ ex sa-
cris cōstitutionibus, & precipuè nostris propter
diuersas causas nō adquiruntur. Præter hos igitur,
qui castrēse peculiū uel quasi castrēse habēt,
si quis alius filiusfamilias testamētū fecerit, in-
utilis est, licet suæ potestatis factus decesserit.

* Adnota, ab initio nullum, tractu tempo-
ris nō cōualescere: & versa vice, rē legitimè
factā, etiā si ad eum casum veniat à quo ini-
tiū sumere non potuit, nequaquam irritari.

Præterea testamentū facere non possunt im-
puberes: quia nullum eorum animi iudicium est.
Item furiosi: quia mente carent. nec ad rem perti-
net, si impubes, postea pubes: aut furiosus, postea
compos mētis factus fuerit, & decesserit. Furiosi
autem, si per id tempus fecerint testamentū quo
furor eorū intermissus est: iure testatī esse uiden-
tur: certè eo, quod ante furorē fecerint, testamen-
to ualente. Nam neq; testamentum rectè factum,
neque ullum aliud negotium rectè gestum, post-
ea furor interueniēs perimit. Item prodigus, cui
bonorum suorū administratio interdicta est, te-
stamentum facere nō potest: sed id, quod antè fe-
cerit, quā interdictio bonorum suorū ei fiat, re-
tinetur. Item: surdus & mutus non semper te-

stamentū facere possunt. Vtiq; autē de eo surdo loquimur, qui omnino non exaudit: nō qui tardē exaudit. nam & mutus is intelligitur, qui eloqui nihil pōt: nō qui tardē loquitur. Sæpe enim etiā literati & eruditi homines uarijs casibus & audiēdi & loquēdi facultatē amittūt. Vnde nostra cōstitutio etiā his subuenit, ut certis casibus & modis secundū normā eius possint testari, aliāq; facere, quæ eis permissa sunt. Sed si quis post testamentū factū, aduersa ualitudine, aut quolibet alio casu mutus aut surdus esse cœperit: ratum nihilominus manet eius testamentū. Cæcus autē non potest facere testamentū, nisi per obseruationē, quā lex diui Iustini patris nostri introduxit.

* Iure enim postliminij qui ab hostibus redijt, retrō fingitur semper in ciuitate fuisse: lege verò Cornelia qui apud hostes vita functus est, fingitur hora captiuitatis præambula (& sic in libertate) decessisse.

Eius, qui apud hostes est, testamentū, quod ibi fecit, nō ualet, quāuis redierit. sed quod, dū in ciuitate fuerat, fecit: siue redierit, ualet iure postliminij: siue illhic decesserit, ualet ex lege Cornelia.

De exheredatione liberorum, TIT. XIII.

Quisquis filium habens in potestate, ritè testari vult, operæpretium est vt eum aut instituat, aut nominatim exhæredem faciat, illius etenim præteritione vsque adeò nullum fit testamentum, vt etiam si viuo patre decesserit, non conualescat. in filiabus autem cæterisq; per virilem sexum descendenti- bus, longè diuersam rationem tenuit antiquitas: vt ex hoc textu degustare potes.

Non tamen, ut in viuo ualeat testamentum, sufficit hæc observatio, quam supra expo- suimus: sed qui filium in potestate habet, curare debet, ut eum hæredem instituat, uel exhæredem eum nominatim faciat. alioqui si cum silentio præterierit, inutiliter testabitur: adeò quidè, ut si uiuo patre filius mortuus sit, nemo hæres ex eo testamento existere possit: quia scilicet ab ini- tio non constiterit testamentum. Sed non ita de filiabus, & alijs per uirilem sexum descendenti- bus liberis utriusq; sexus antiquitati fuerat ob- seruatum: sed si non fuerant scripti hæredes scri- ptæcûc, uel exhæredati exhæredatæcûc: testamen- tum quidem non infirmabatur, ius tamen ad cre- scendi eis ad certam portionem præstabatur, sed nec nominatim eas personas exhæredare paren- tibus necesse erat, sed licebat inter cæteros hoc facere. Nominatim autem quis exhæredari uide-

tur, siue ita exheredetur, Titius filius meus exheres esto: siue ita, Filius meus exheres esto, non adiecto proprio nomine, scilicet si alius filius non extet.

A R G V M.

Posthumi præteritione non protinus ab initio infirmatur testamentum, sed ita demum cum natus fuerit posthumus: quo non nascente firmum manet testatoris iudicium.

Posthumi quoq; liberi, uel heredes institui debent, uel exheredari, Et in eo par omniū conditio est, quod & filio posthumio, & quolibet ex cæteris liberis, siue fæminini sexus, siue masculini, præterito: ualet quidẽ testamentũ, sed postea adgnatione posthumi siue posthumæ rûpitur, & euatione totũ infirmatur. Ideoq; si mulier, ex qua posthumus aut posthuma sperabatur, abortũ fecerit: nihil impedimẽto est scriptis hæredibus ad hereditatẽ adeundam. Sed fæminini quidem sexus personæ, uel nominatim, uel inter cæteros exheredari solebãt: dũ tamẽ, si inter cæteros exheredarẽtur, aliquid eis legaretur, ne uiderentur præterita esse per obliuionẽ. Masculos uerò posthumos, id est, filios, & deinceps, placuit non aliter rectẽ exheredari, nisi nominatim exheredarerentur, hoc scilicet modo, Quicumq; mihi filius genitus fuerit, exheres esto.

A R G V M.

Ex filio nepos viuo patre suus hæres aucto non est, quâuis in ei⁹ sit potestate: sed si viuo aucto patrē mori contigerit, eius patris locū subintrans, quasi adnascēdo suus hæres sit: idcirco instituivēl exhæres fieri debet, ne illius præteritio aucti testamentū infirmet.

Posthumorū autem loco sunt & hi, qui in sui hæredis locum succedēdo, quasi adnascēdo fiunt parentibus sui hæredes. ut ecce. si quis filium, & ex co nepotē, neptēmue in potestate habeat: quia filius gradu præcedit, is solus iura sui hæredis habet, quâuis nepos quoq; & neptis ex eo in eadem potestate sint. Sed si filius eius uiuo co moriatur, aut qualibet alia ratione exeat de potestate eius: incipit nepos, neptisue in eius locū succedere, & eo modo iura suorum hæredum quasi adgnatione nanciscitur. Ne ergo eo modo rumpatur eius testamentū: sicut ipsum filium, uel hæredē instituere, uel nominatim exhæredare debet testator, ne non iure faciat testamentum: ita & nepotē, neptēmue ex filio necesse est ei, uel hæredem instituere, uel exhæredare, ne fortē eo uiuo filio mortuo, succedendo in locū eius nepos, neptisue, quasi adgnatione rumpat testamentum.

Idq; lege Iulia Velleia prouisum est: in qua similis exhæredationis modus ad similitudinem posthumorum demonstratur.

A R G V M.

Emancipati quoque liberi institui, vel exheredari debent: alioqui eis præteritis (quanuis iure civili succursum non sit) iure Prætorio bonorum possessio contra tabulas datur.

Emancipatos liberos iure civili, neque heredes instituere, neque exheredare necesse est: quia non sunt sui heredes. Sed Prætor omnes, tam feminini sexus, quam masculini, si heredes non instituantur, exheredari iubet: virilis sexus nominatim: feminini uero, inter ceteros: quia si neque heredes instituti fuerint, neque ita (ut diximus) exheredati: permittit eis prætor contra tabulas testamenti bonorum possessionem.

A R G V M.

Adoptiui quandiu in adoptantis nexibus constituti sunt: haud secus quam naturales liberi instituti vel exheredandi sunt: adoptione uero soluta, impune ab adoptante patre prætereuntur: quod tamen ad naturalem patrem tanquam ab eo emancipati, haberi incipiunt.

Adoptiui liberi quandiu sunt in potestate patris adoptiui, eiusdem iuris habentur, cuius sunt iustis nuptiis quasi: itaque heredes instituendi, uel exheredandi sunt, secundum ea, quæ de naturalibus exposuimus. Emancipati uero à patre adoptiuo, neque iure civili, neque eo iure, quod ad edictum Prætoris attinet, inter liberos connumerantur.

rantur. Qua ratione accidit, ut ex diuerso (quod ad naturalem parentem attinet) quādiu quidem sunt in adoptiua familia, extraneorum numero habeantur: ut eos neque hæredes instituerent, neque ex hæredare necesse sit. cum uero emancipati fuerint ab adoptiuo patre: tunc incipiāt in ea causa esse, in qua futuri essent, si à naturali patre emancipati fuissent.

A. R. G. V. M.

Sublata veteri differentia, recentiori iure sancitum est: ut iisdem testamento modis & mares, & foeminae instituantur, vel ex hæredes fiant: idque in reliquis liberis, ut puta nepotibus, neptibus, & deinceps: necnon & in posthumis, & emancipatis filijs obseruare conuenit.

Sed hæc quidem uetustas introducebat. nostra uero constitutio inter masculos, & foeminas in hoc iure nihil interesse existimans: quia utraq; persona in hominum procreatione simili naturæ officio fungitur, & lege antiqua duodecim tabularū omnes similiter ad successionem ab intestato uocabantur, quod & prætores postea sequuti esse uidentur: ideo simplex ac simile ius, & in filiis, & in filiabus, & in cæteris descendantibus per uirilem sexum personis non solū iam natis, sed etiam posthumis, introduxit: ut omnes siue sui, siue emancipati sint, uel hæredes instituatur,

uel

uel nominatim exheredentur: & eundē hābēant effectum circa testamenta parentum suorū infirmū dē, & hēreditatem auferendam, quem filij sui uel emancipati hābent, siue iam nati sint, siue adhuc in utero constituti, postea nati sint. Circa adoptiuos autem filios certam induximus dīnisionem, quā in nostrā constitutione, quam super adoptiuis tulimus, continetur. Sed si in expeditione occupatus miles, testamentum faciat, & liberos suos iam natos uel posthumos nominatim non exheredauerit, sed silentio prāterierit, non ignorās, an habeat liberos: silentium eius pro exheredatione nominatim facta ualere, constitutionibus principum cautum ēst.

A R G V M.

Matris aliorū uel per lineam maternam ascendentium prāteritis, uim exheredationis obtinet: idcirco ad eorum successiōnē citra querelam aspirare non potest prāteritis filius.

Mater, uel auis maternus, necesse non habent liberos suos aut hāredes instituere, aut exheredare: sed possunt eos silentio omittere. nam silentium matris, aut aui materni, & ceterorum per matrem ascendentium tantū facit, quantum exheredatio patris. Neq; enim matri filium, filii māt, neque auo materno nepotem, neptēm uel ex filia si cum eā uel hāredem non instituat, exha

Exhæredare necesse est: siue de iure ciuili quaeramus, siue de edicto Prætoris, quo Prætor præteritis liberis contra tabulas bonorum possessionem permittit: sed aliud eis adminiculum seruatur, quod paulo post uobis manifestum fiet.

De hæredibus instituendis,

TIT. XIII.

A R G V M.

Seruo proprio scripto hæredi nulla libertatis mentione facta, videtur etiam data libertas.

Hæredes instituere permissum est, tam liberos homines, quam seruos: & tam proprios, quam alienos. Proprios autem olim quidem secundum plurimum sententias non aliter, quam cum libertate, recte instituere licebat, hodie uero etiam sine libertate, ex nostra constitutione hæredes eos instituere permissum est. Quod non per inuolutionem induximus, sed quoniam æquius erat, et Attilicino placuisse Paulus suis libris, quos tam ad Masurium Sabinum, quam ad Plautium scripsit, refert. Proprius autem seruus etiam is intelligitur, in quo nudam proprietatem testator habet, alio usumfructum habente. Est tamen casus, in quo nec cum libertate utiliter seruus & domina hæres instituitur, ut constitutione diuorum Seueri, & Antonini cauetur, cuius uerba

uerba hæc sunt: *Seruum adulterio maculatum, non iure testamento manumissum ante sententiã ab eã muliere uideri, quæ rea fuerat eiusdem criminis postulata, rationis est. Quare sequitur, ut in eundem à domina collata hæredis institutio, nullius momenti habeatur.*

A alienus seruus etiam is intelligitur, in quo usumfructum testator habet..

A. R. G. V. M.

Simplex proprii serui institutio eum & liberum & domino necessarium hæredem facit: qui si uiuo adhuc testatore libertate donetur, voluntarius efficitur: si autem à domino alienetur, nec liber, nec hæres fit: sed nouo domino hæreditatem quærit.

Seruus autem à domino suo hæres institutus, si quidem in eadem causa manserit: fit ex testamento liber, hæresq; ei necessarius. Si uero à uiuo testatore manumissus fuerit: suo arbitrio adire hæreditatem potest: quia non fit hæres necessarius, cum utrūq; ex domini testamento non consequatur. Quod si alienatus fuerit: iussu noui domini adire hæreditatem debet, & ea ratione per eum dominus fit hæres. nam ipse alienatus, neq; liber, neq; hæres esse potest, etiam si cum libertate hæres institutus fuerit. destitisse enim à libertatis datione uidetur dominus, qui eum alienauit,

nauit. Alienus quoq; seruus hæres institutus, si in eadẽ causa durauerit, iussu eius domini adire hæreditatẽ debet. Si uerò alienatus fuerit ab eo, aut uiuo testatore, aut post mortẽ eius, antequam adeat: debet iussu noui domini adire. At si manumissus est uiuo testatore, uel mortuo, antequam adeat: suo arbitrio adire potest hæreditatem. Seruus etiam alienus post domini mortẽ rectẽ hæres instituitur: quia & cū hæreditarijs seruis est testamẽti factio. Nondum enim adita hæreditas, personæ uicem sustinet, non hæredis futuri, sed defuncti: cū etiam eius, qui in utero est, seruus rectẽ hæres instituatur. Seruus autẽ pluriũ, cum quibus testamenti factio est, ab extraneo institutus hæres, unicuiq; dominorũ, cuius iussu adierit, pro portione dominij acquirit hæreditatem. Et unum hominẽ, & plures usque in infinitũ, quot quis hæredes uelit facere, licet.

A R G V M.

Vniuersa quæuis hæreditas in uncias xij. (quæ assis appellatione continentur) sciinditur: quarum quælibet certum nomen à lege sortita est: potest tamen in plures paucioresue uncias (prout testatori libitum erit) distribui.

Hæreditas plerunq; diuiditur in duodẽcim uncias, quæ assis appellatione cõtinentur. Habẽt autẽ & hæ partes propria nomina ab uncia usq;

ad assen hæc: sextans, quadrās, triens, quincunx, semis, septunx, bes, dodrans, dextans, deunx. Non autem utique semper duodecim uncias esse oportet. nam tot uncia assen efficiunt, quot testator uoluerit: & si unum tantum qui ex semisse (uerbi gratia) heredem scripserit, totus as in semisse erit. Neque enim idem ex parte testatus, & ex parte intestatus decedere potest: nisi sit miles, cuius sola uoluntas in testando spectatur. Et è contrario potest quis in quocumque uoluerit plurimas uncias suam hereditatē diuidere.

A R G V M.

Qui partibus non designatis hæredes scripti sunt, æquis portionibus scripti videntur: qui verò iam aliquot in certis partibus institutis, simpliciter instituuntur, quotquot sint, in residuo assis hæredes sunt: asse autem toto distributo, qui sine partibus scripti sunt, semissem hereditatis consequuntur.

Si plures instituantur hæredes: ita demum in hoc casu partium distributio necessaria est, si nolit testator eos ex æquis partibus hæredes esse. satis enim constat, nullis partibus nominatis, ex æquis partibus eos hæredes esse. Partibus autē in quorundā personis expressis, si quis alius sine parte nominatus erit, si quidem aliqua pars assiderit: ex ea parte hæres fit. Et si plures sine parte scripti sunt: omnes in eandē partem cōcurrūt

Si uerò totus as cōpletus sit: ij, qui nominatim expressas partes habent, in dimidiam partē uocantur: & ille uel illi omnes in alteram dimidiā. Nec interest, primus, an medius, an nouissimus, sine parte hæres scriptus sit. ea enim pars data intelligitur, quæ uacat. Videamus, si pars aliqua uacet, nec tamē quisquā sine parte sit hæres institutus, quid iuris sit, ueluti si tres ex quartis partibus hæreses scripti sunt. Et cōstat uacatē partē singulis tacitē pro hæreditaria parte accedere, & perinde haberi, ac si ex tertijs partibus hæreses scripti essent. & ex diuerso, si plures hæreses scripti in portionibus sint, tacitē singulis decrescere: ut si (uerbi gratia) quatuor ex tertijs partibus hæreses scripti sint, perinde habeantur, ac si unusquodque ex quarta parte hæres scriptus fuisset.

* Adnota, Dupōdiū appellat hæreditatē in x x i i i i. uncias distributā: quasi duo pōdo, id est, duo asses: sic in tripondio dicito.

Et si plures uncia, quā duodecim distributa sint: is, qui sine parte institutus est, quod dupondio deest, habebit. Idemquē erit, si dupondius expletus sit. quæ omnes partes ad assē postea reuocantur, quanuis sint pluriū unciarū. Hæres & purē, & sub cōditione institui potest: ex certo tēpore, aut ad certū tempus nō potest: ueluti,

Post quinquennium, quàm moriar, uel, Ex
Calendis illis. uel, Vsq̃ue ad Calendas illas
hæres esto. Denique diem adiectum haberi
pro superuacuo placet: & perinde esse, ac si pu-
rè hæres institutus esset.

A R G V M.

Impossibilis conditio adiecta institutioni, lega-
to, vel fideicommissio vitatur, dispositione pura
remanente.

Impossibilis conditio in institutionibus, &
legatis, necnon in fideicommissis, & libertati-
bus, pro non scripta habetur. Si plures cōditio-
nes in institutionibus adscripæ sunt: si quidem
coniunctim, ut puta, Si illud & illud factum
fuerit: omnibus parendum est. si separatim: ue-
luti, Si illud aut illud factum erit: cui libet
conditioni obtemperare satis est. Iti, quos nunquā
testator uidit, hæredes institui possunt. ueluti si
fratris filios peregrinantes, ignorans qui essent,
hæredes instituerit. ignorantia enim testantis
inutilem institutionem non facit.

De vulgari substitutione,

TIT. XV.

A R G V M.

Est autem substitutio (vt Accur. & interpretes,
eodem tit. ff. in rub. definiunt) secunda conditiona-
lis institutio, Vulgaris autem substitutio (de qua
hoc

hoc titulo differitur) vt ex dictis scribentium in. l. j. ff. eo. colligere est, sic potest definiri: Substitutio vulgaris est directa substitutio, in locum prioris institutionis effectum non sortiētis facta, quæ a quolibet, et cuilibet fieri potest, nihil specialitatis habēs.

Potesť autem quis in testamento suo plures gradus hæredum facere: ut puta, Si ille hæres non erit, ille hæres esto: & deinceps, in quantum uelit testator substituere potest: ut nouissimo loco in subsidium, uel seruum necessarium hæredem instituere possit. Et plures in unius locum possunt substitui, uel unus in plurius, uel singuli in singulorum, uel inuicē ipsi, qui hæredes instituti sunt.

A R G V M.

Quem testator instituendo prædilexit, eum etiā substituendo prædilexisse creditur: ideo hæredes ex disparibus partibus instituti, & inuicem simpliciter substituti, ex iisdem portionibus substituti censentur, ex quibus instituti fuerunt.

Et si ex disparibus partibus hæredes scriptos inuicem substituerit, & nullam mentionem partium in substitutione habuerit: eas uidetur in substitutione partes dedisse, quas in institutione expressit. & ita diuus Pius rescripsit.

A R G V M.

Vulgariter substitutus vni cohæredum, quem alteri cohæredi testator substituerat (neutro eorū adeunte) vtrique substitutus videtur,

Sed si instituto hæredi, cohærede substituto dato, alius ei substitutus fuerit: diui Scuerus & Antoninus sine distinctione rescripserunt, ad utranque partem substitutum admitti.

A R G V M.

Vulgariter substitutus alieno seruo, quem testator liberum opinabatur (quanuis domini iussu seruus hæreditatem adierit) ad partem hæreditatis admittitur: qualis autem sit horum verborum (si hæres non erit) interpretatio, hic traditur.

Si seruum alienum quis patremfamilias arbitratus, hæredem scripserit: & si hæres non esset, Mæuiū ei substituerit: isq; seruus iussu domini adierit hæreditatē: Mæuius substitutus in partem admittitur. illa enim uerba, Si hæres non erit: in eo quidem, quem alieno iuri subiectū esse testator scit, sic accipiuntur: si neque ipse hæres erit, neque alium hæredē effecerit, in eo uero, quē patremfamilias esse arbitratur, illud significant: si hæreditatē sibi, uel ei, cuius iuri postea subiectus esse cœperit, nō adquisierit. Idq; Tyberius Cæsar in persona Parthenij serui sui cōstituit.

De pupillari substitutione,

T I T. XVI.

A R G V M.

Qui liberos impuberes in suis habet sacris constitutos, non solum vulgariter: id est, si hæres nō erunt,

erunt, sed etiam pupillariter si hæredes fuerint & intra pubertatem decesserint, eis substituere potest: ideo primo casu contingente, substitutus sit testatoris hæres: secundo verò casu ipsi pupillo hæres efficitur.

Liberis suis impuberibus, quos in potestate quis habet, non solum ita, ut supra diximus, substituere potest: id est, ut si hæredes ei non extiterint, alius sit ei hæres: sed eo amplius, ut si hæredes ei extiterint, & adhuc impuberes mortui fuerint, sit eis aliquis hæres: ueluti si quis dicat hoc modo, Titius filius meus hæres mihi esto. Et si filius meus hæres mihi non erit: siue hæres erit, & prius moriatur, quàm in suam tutelam venerit: id est, antequàm pubes factus sit: tunc Seius hæres esto. quo casu, si quidem non extiterit hæres filius: tunc substitutus patri sit hæres. si uerò extiterit hæres filius, & ante pubertatem decesserit: ipsi filio sic hæres substitutus. nam moribus institutum est, ut quæ eius ætatis filij sint, in qua ipsi sibi testamentum facere non possunt: parentes eis faciant.

A R G V M.

Qua ratione potest pater filio impuberi pupillariter substituere, eadem poterit filio furioso, aut mente capto exemplarem substitutionem facere: itaq; sicuti pupillaris pubertate adueniēte expirat, ita exemplaris furore sedato & sanitate mentis

restituta euanesceat.

Qua ratione excitati, etiā constitutionē posuimus in nostro Codice, qua prospectum est, ut si qui mēte captos habeāt filios, uel nepotes, uel pronepotes, cuiuscumq; sexus uel gradus: liceat eis, etsi puberes sint, ad exemplū pupillaris substitutionis, certas personas substituere. Sin autē resipuerint: eandem substitutionē infirmari sancimus: & hoc ad exemplum pupillaris substitutionis: quæ postquā pupillus adoleuerit, infirmatur. Igitur in pupillari substitutione secundū præfatum modū ordinata, duo quodāmodo sunt testamēta: alterum patris, alterū filij, tanquam si ipse filius sibi heredē instituisset: aut certe unū testamētum est duarū causarum, id est, duarū hereditatum. Sin autē quis ita formidolosus sit, ut timeat, ne filius suus pupillus adhuc ex eo, quod palām substitutū acceperit, post obitū eius periculo insidiarū subiaceat: uulgarē quiddē substitutionē palām facere, & in primis testamenti partibus ordinare debet: illā autē substitutionē, per quā si haeres extiterit pupillus, & intra pubertatē decesserit, substitutus uocatur: separatim in inferioribus partibus scribere debet, camq; partē proprio lino, propriaq; cera cōsignare, & in priore partē testamenti cauere,

ne inferiores tabulæ uiuo filio & adhuc impube-
re,aperiatur. Illud palam est,non ideo minus
ualere substitutionem impuberis filij,quod in
eisdē tabulis scripta sit,quibus sibi quisq; heredē
instituisset:quāuis pupillo hoc periculosum sit.

A R G V M.

Etiam exhæredato filio parens pupillariter sub-
stituere potest:quo casu vndecunque pupillo qua-
sita ad substitutum pertinebunt.

Non solum autē heredibus institutis impu-
beribus liberis ita substituere parētes possūt, ut
si heredes eis extiterint, & ante pubertatē mor-
tui fuerint, si eis heres is,quē ipsi uoluerint: sed
etiam exhæredatis. Itaq; eo casu si quid exhære-
dato pupillo ex hereditatibus,legatisue,aut do-
nationibus propinquorum atque amicorū adqui-
situm fuerit: id omne ad substitutū pertinebit.
Quæcūque diximus de substitutione impuberū
liberorū,uel heredum institutorum,uel exhære-
datorū,eadem etiā de posthumis intelligimus.

* Adnotato,Principali causa non confi-
stente,nec sequelam consistere posse.

Liberis autem suis testamentum nemo facere
potest,nisi & sibi faciat. nam pupillare testame-
tū,pars & sequela est paterni testamenti: adeo,
ut si patris testamētum non ualeat,nec filij qui-

dem ualebit. Vel singulis liberis, uel ei, qui coram nouissimus impubes morietur, substitui potest. singulis quidem, si neminem eorum intestatum decedere uoluerit: nouissimo, si ius legitimarum hereditatum integrum inter eos custodiri uelit.

A R G V M.

Pupillo substitutus dari potest certo & proprio nomine, aut generaliter, his uerbis (quisquis mihi erit hæres, filio meo impuberi sit hæres) quo casu qui ex testatoris iudicio hæredes fuerint, pro hæreditarijs portionibus substituti videntur.

Substituitur autem impuberi aut nominatim, ueluti, Titius hæres esto, aut generaliter, ut, Quisquis mihi hæres erit. Quibus uerbis uocantur ex substitutione, impubere mortuo filio, illi, qui & scripti sunt hæredes, & extiterunt, & pro qua parte hæredes facti sunt.

A R G V M.

Pubertate euanesceat pupillaris substitutio: nec longiorem habet progressum quam in pubertatem usque.

Masculo igitur usque ad quatuordecim annos substitui potest: femina usque ad duodecim annos. & si hoc tempus excesserint, substitutio euanesceat.

A R G V M.

Extraneo & puberi filio post aditam hereditatem directo substitui non potest: sed per fideicommissum potest.

Extra

Extraneo uero, uel filio puberi heredi instituto, ita substituere nemo potest, ut si heres extiterit, & intra aliquod tempus decesserit, alius ei sit heres: sed hoc solum permissum est, ut cum per fideicommissum testator obliget alij hereditatem eius, uel totam, uel pro parte restituere. quod ius quale sit, suo loco trademus.

Quibus modis testamenta infirmentur,

TIT. XVII.

ARGV M.

Si quis facto testamento quempiam sibi ceu in filium adrogauerit, uel ex suis descendantibus alium quem adoptarit, protinus quasi sui heredis adgnatione, quod prius fecerat rumpitur testamentum.

T*estamentum iure factum, usque eo ualeat, donec rumpatur, irritumue fuit. Rumpitur autem testamentum, cum in eodem statu moriente testatore, ipsius testamenti ius uitiatur. Si quis enim post factum testamentum adoptauerit sibi filium per Imperatorem, cum, qui est sui iuris: aut per prætorem secundum nostram constitutionem cum, qui in potestate patris fuerit: testamentum eius rumpitur quasi adgnatione sui heredis.*

A R G V M.

Posteriore testamento ex quo iure civili aliquo casu adiri potuit hæreditas (quanuis adita non fuerit) rumpitur prius testamentum.

Posteriore quoque testamento, quod iure perfectum est, superius rumpitur: nec interest, extiterit aliquis hæres ex eo, an non. hoc enim solum spectatur, an aliquo casu existere potuerit. Ideo quæ si quis aut noluerit hæres esse, aut uiuo testatore, aut post mortem eius antè, quàm hæreditatem adiret, decesserit: aut conditione, sub qua hæres institutus est, defectus sit: in his casibus paterfamilias intestatus moritur. Nã & prius testamentum non ualet, ruptum à posteriore: & posterius æquè nullas habet uires, cum ex eo nemo hæres extiterit.

A R G V M.

Etiam posteriore ritè factò testamento, in quo in certis rebus quispiam institutus fuit, primum cui hæres est vniuersalis, tollitur testamentum: sin autem secundis tabulis ut priores quoque vim obtinerent iusserit testator, tunc qui ex re certa scriptus est, vniuersam hæreditatem hæredi qui priorè institutus est testamento, restituere tenetur.

Sed & si quis priore testamento iure perfectò, posterius æquè iure fecerit: etiã si ex certis rebus in eo heredem instituerit: superius tamen testamētum sublatū esse, diui Scuerus & Antoninus

Antoninus Augusti rescripserunt. cuius constitu-
tiōis uerba et hic inferi iussimus, quā aliud quo-
que præterea in ea constitutione expressum sit.
Imperatores Seuerus & Antoninus Augu-
sti Coccio Cāpano. Testamētū secūdo loco fa-
ctū, licet in eo certarū rerum hæres scriptus sit:
perinde iure ualere, ac si rerum mētio facta non
esset: sed & teneri hæredē scriptū, ut cōtētus re-
bus sibi datis, aut suppleta quarta ex lege Falci-
dii, hæreditatē restituat his, qui in priore testa-
mēto scripti fuerāt, propter inserta fideicōmissi
uerba, quibus ut ualeret prius testamētū, expres-
sum est: dubitari non oportet. Et ruptū quidem
testamentum hoc modo efficitur. Alio aut mo-
do testamenta iure facta infirmātur: ueluti cūm
is, qui fecit testamentum, capite deminutus sit.
quod quibus modis accidat, primo libro retuli-
mus. Hoc autem casu irrita fieri testamenta di-
cuntur: quum alioqui & quæ rumpuntur, irrita
fiant: & ea, quæ statim ab initio non iure fiunt,
irrita sint: sed & ea quæ iure facta sunt, et post-
ea per capitis deminutionē irrita fiūt, possumus
nihilominus rupta dicere. Sed quia sanē commo-
dius erat singulas causas singulis appellationi-
bis distingui: ideo quædam non iure facta dicun-
tur, quædam iure facta rumpi, uel irrita fieri.

A R G V M.

Capitis deminutione testatoris iure civili irritum sit testamentum: quod tamen (si hæres mortis tempore pristinum statum recuperarit) iure prætorio conualescit: & ex eo secundum tabulas bonorum possessione peti potest.

Non tamen per omnia inutilia sunt ea testamenta, quæ ab initio iure facta, per capitis deminutionem irrita facta sunt. nam si septem testium signis signata sunt: potest scriptus hæres secundum tabulas testamenti bonorum possessionem agnoscere: si modò defunctus, et ciuis Romanus, & suæ potestatis mortis tempore fuerit. Nam si ideo irritum factum sit testamentum, quia ciuitatem, uel etiam libertatem testator amisit, aut quia in adoptionem se dedit, & mortis tempore in adoptiui patris potestate sit: non potest scriptus hæres secundum tabulas bonorum possessionem petere.

A R G V M.

Simplici nudaq; voluntatis expressione præcedens ritè factum testamentum minimè infirmatur; item posterioribus tabulis imperfectis non fiunt irritæ priores perfectæ.

Ex eo autè solo nõ potest infirmari testamentum, quòd postea testator id noluerit ualere: usque adeò, ut & si quis post factum prius testamentum posterius facere cœperit, & aut mortalitate præuen

præuentus, aut quia cum eius rei pœnituit, id nõ
perfecerit: diui Pertinacis oratione cautũ sit, ne
aliàs tabulæ priores iure factæ, irritæ fiant, nisi
sequētes iure ordinatæ, & perfectæ fuerint. nam
imperfectum testamentũ sine dubio nullum est.

A R G V M.

Siquis idcirco principem hæredem scripserit, vñ
aduersario cum quo sibi lis erat, duriores consti-
tueret litigatorem, nulla est dispositio huiusmodi.

Eadem oratione expressit, ~~nam~~^{non} admissurum *non*
se hæreditatem eius, qui litis causa principem
reliquerit hæredem: neq; tabulas non legitimè
factas, in quibus ipse ob eam causam hæres insti-
tutus erat, probaturum: neque ex nuda uoce hæ-
redis nomen admissurum: neque ex ulla scriptu-
ra, cui iuris authoritas desit, aliquid adepturũ.
Secundum hoc diui Seuerus & Antoninus sæ-
pißime rescripserunt. Licet enim (inquiunt) le-
gibus soluti simus, attamen legibus uiuimus.

De inofficioso testamento,

TIT. XVIII.

A R G V M.

Liberi indebitè exhæredati, inofficiosi querela
proposita, parentũ impugnare possunt testamenta:
quod ius parentibus quoque à liberis exhæredi-
bus

bus faciis comperit: item fratribus, turpi scilicet persona instituta: reliquis autem cognatis non conceditur hoc querelæ beneficium.

Quia plerunq; parentes sine causa liberos suos exheredat, uel omittunt: inductum est, ut de inofficioso testamento agere possint liberi, qui queruntur aut iniquè se exheredatos, aut iniquè præteritos: hoc colore, quasi non sanæ mentis fuerint, cum testamentum ordinarent. Sed hoc dicitur, non quasi uerè furiosus sit, sed rectè quidem fecerit testamētum, non autem ex officio pietatis, Nam si uerè furiosus sit, nullum testamentū est. Non autem liberis tantum permissum est testamētum parentum inofficiosum accusare, uerum etiam liberorū parentibus. Soror autē & frater, turpibus personis scriptis hæredibus, ex sacris cōstitutionibus prælati sunt. Non ergo contra omnes hæredes agere possunt. Ultra fratres igitur & sorores cognati nullo modo aut agere possunt, aut agentes uincere.

A R G V M.

Subsidiarium est querelæ inofficiosi auxilium: idcirco alijs remedijs competentibus exerceri non potest.

Tam autem naturales liberi, quàm secundū nostræ cōstitutionis diuisionē adoptati, ita deum de inofficioso testamento agere possunt, si
nullo

nullo alio iure, ad defuncti bona uenire possint: Nam qui ad hereditatem totam uel partem eius alio iure ueniunt: de inofficioso agere non possunt. Posthumi quoque, qui nullo alio iure uenire possunt, de inofficioso agere possunt.

A R G V M.

Ad inofficiosi. testamenti querelam excludendam, quantulumcunque relictum fuisse sat est: quod si debito bonorum subsidio minus sit, quiescente querela, ad supplendum quod deest, agitur.

Sed hæc ita accipienda sunt, si nihil eis penitus à testatoribus testamento relictum est. quod nostra constitutio ad uerecundiam naturæ introduxit. Sin uero quantacunque pars hereditatis uel res eis fuerit relictæ: de inofficioso querela quiescente, id, quod eis deest, usque ad quartam legitimæ partis repleatur: licet non fuerit adiectum, boni uiri arbitrato debere eam compleri.

A R G V M.

Qui officij necessitate coactus legatum ex eo (in quo ex hæres factus fuerat) testamento petijt, non prohibetur illud inofficiosi querela impugnare: è regione etiã, qui impugnauit, legato sibi in eo testamento facto minime priuabitur.

Si tutor nomine pupilli, cuius tutelam gerebat, ex testamento patris sui legatum acceperit, cum nihil erat ipsi tutori relictum à patre suo: nihilo minus poterit nomine suo de inofficioso patris:

testamento agere. Sed si è contrario pupilli nomine, cui nihil relictum fuerat, de inofficioso egerit, & superatus est: ipse tutor, quod sibi in testamento eodem legatum relictum est, non amittit.

* Nouissimo tamen iure, institutionis titulo legitimam relictā esse, operæpretiū est.

Igitur quartam quis debet habere. ut de inofficioso agere non possit: siue iure hæreditario, siue iure legati, uel fideicommissi, uel si mortis causa ei quarta donata fuerit, uel inter uiuos: in ijs tantummodo casibus, quorum mentionem facit nostra constitutio, uel alijs modis, qui in nostris constitutionibus continentur. Quod autem de quarta diximus, ita intelligendum est: ut siue unus fuerit, siue plures, quibus agere de inofficioso testamento permittitur: una quarta eis dari possit, ut ea pro rata eis distribuatur.

De hæredum qualitate, & differentia,

TIT. XIX.

Hæredes autem, aut necessarij dicuntur, aut sui & necessarij, aut extranei. Necessarius hæres, est seruus hæres institutus. ideoq; sic appellatur, quia siue uelit, siue nolit, omnino post mortem testatoris protinus liber & necessarius

sarius hæres sit. Vnde qui facultates suas suspectas habent, solent seruum suum primo, aut secundo, aut etiam ulteriore gradu heredem instituere: ut si creditoribus satis non fiat, potius eius hæredis bona, quam ipsius testatoris à creditoribus possideantur, uel distrahantur, uel inter eos diuidantur. Pro hoc tamen incommodo, illud ei commodum præstat: ut ea, quæ post mortem patroni sui sui adquisierit, ipsi reseruentur. Et quamuis bona defuncti non sufficiant creditoribus: iterum tamen ex ea causa res eius, quas sibi adquisierit non ueneunt.

A R G V M .

Vt quis sui nomine dignus sit, duo copulatim interuenire necessum est, ut scilicet in potestate sit morientis, & priorem locum tunc temporis obtineat, quorum alterum nequaquam sufficere aperto iure ostenditur: & quanquam olim qui sui erant, ij quoque essent necessarij, iure tamen prætorio eis abstinendi beneficium conceditur.

Sui autem & necessarij hæredes sunt, ueluti filius, filia, nepos neptisue ex filio, & deinceps ceteri liberi, qui in potestate morientis modo fuerint. Sed ut nepos neptisue sui hæredes sint: non sufficit cum eamue in potestate aui morientis tempore fuisse: sed opus est, ut pater eius uiuo patre suo defierit suus hæres esse, aut morte interce-

ptus, aut qualibet alia ratione liberatus à patris potestate. tunc enim nepos neptisue in locum patris sui succedit. Sed sui quidem hæredes ideo appellantur, quia domestici hæredes sunt, & uiuo quoque patre quodammodo domini existimantur. Vnde etiam si quis intestatus moriatur: prima causa est in successione liberorum. Necessarii uero ideo dicuntur, quia omnino, siue uelint, siue nolint, tam ab intestato, quam ex testamento, ex lege duodecim tabularum hæredes fiunt. Sed his prætor permittit uolentibus abstinere hereditate: ut potius parentis, quam ipsorum bona, similiter à creditoribus possideantur. Ceteri, qui testatoris iuri subiecti non sunt, extranei hæredes appellantur. Itaque liberi quoque nostri, qui in potestate nostra non sunt, hæredes à nobis instituti, extranei hæredes à nobis uidentur. Quia de causa, & qui hæredes à matre instituantur, eodem numero sunt: quia feminae in potestate liberos non habent. Seruus quoque hæres à domino institutus, & post testamentum factum ab eo manumissus, eodem numero habetur.

A R G V M.

Extraneum hæredem (quo ex testamento sibi delatam assequatur hereditatem) tribus temporibus esse capacem iura requirunt, testamenti scilicet

cet.

tet tempore, & mortis testatoris, item aditionis: media autem tempora inter prædicta, hæreditatis capessendæ, eum minime inhabilem reddunt.

In extraneis hæredibus illud observatur, ut sit cum eis testamēti factio: siue hæredes ipsi instituantur, siue hi, qui in potestate eorū sunt. & id duobus tēporibus inspicitur: testamēti quidem facti tēpore, ut cōstiterit institutio: mortis uerò testatoris, ut effectū habeat. hoc amplius, et cūm adit hæreditatē, esse debet cum eo testamēti factio, siue purē, siue sub cōditione hæres institutus sit. nam ius hæredis eo maxime tēpore inspiciendum est, quo acquirit hæreditatem. Medio autem tempore inter factum testamētū, & mortem testatoris, uel cōditionem institutionis existentem, mutatio iuris non nocet hæredi: quia (ut diximus) tria tempora inspicere debent. Testamenti autem factionem non solum is habere uidetur, qui testamentum facere potest: sed etiam qui ex alieno testamento uel ipse capere potest, uel alij acquirere, licet nō possit facere testamētum. Et ideo furiosus, & mutus, & posthumus, & infans, & filiusfamiliās, & seruus alienus testamenti factionem habere dicuntur. Licet enim testamētū facere non possint: attamen ex testamēto uel sibi, uel alij acquirere possunt. Extra-

neis autem hæredibus deliberandi potestas est de adeunda hereditate, uel non adeunda. Sed siue is, cui abstinenti potestas est, immiscuerit se bonis hereditatis: siue extraneus, cui de adeunda hereditate deliberare licet, adierit: postea relinquendæ hereditatis facultatem nō habet, nisi minor sit uiginti quinque annis. Nam huius ætatis hominibus, sicut in cæteris omnibus causis, deceptis: ita & si temerè damnosam hereditatem susceperint, prætor succurrit. Sciendum est tamen diuum Hadrianum etiam maiori uiginti quinque annis ueniam dedisse, cum post aditam hereditatem grande æs alienum, quod aditæ hereditatis tēpore latebat, emerisset. Sed hoc quidem diuus Hadrianus cuidam speciali beneficio præstitit. diuus autem Gordianus postea militibus tantummodo hoc concessit.

A R G V M.

Quisquis inuentarium rerum hæreditariarum ritè confecerit, tutus etiam citra deliberationem subire hereditatem potest: creditoribus etenim eatenus tantum tenebitur, quatenus hereditatis vires sese extendunt.

Sed nostra beneuolentia commune omnibus subiectis imperio nostro hoc beneficiū præstitit: & constitutionē tam æquissimā, quā nobilissimā scripsit: cuius tenorē si obseruauerint homi-

ues, licet eis adire hereditatē, & in tantū teneri,
quantum ualere bona hereditatis cōtingit: ut ex
hac causa neq; deliberationis auxiliū sit eis neces-
sarium, nisi omīssa obseruatione nostrā consti-
tutionis, & deliberādū existimauerint, & sese uē-
teri grauamini aditionis supponere maluerint.

A R G V M.

Etiam nuda voluntate verbis aut factō declara-
ta, aditur hereditas, factō autem declarat qui se pro
herede gerit: id est, hos actus exercet, qui non nisi
ab herede & domino fieri queunt.

Item extraneus haeres testamento institutus,
aut ab intestato ad legitimam hereditatē uoca-
tus, potest aut pro herede gerendo, aut etiā nu-
da uolūtate suscipiendae hereditatis haeres fieri.
Pro herede autem gerere quis uidetur, si rebus
hereditarijs tanquam haeres utatur, uel uēdendo
res hereditarias, uel pradia colendo locandoue,
& quoquo modo uoluntatem suam declaret, uel
re, uel uerbo de aduenda hereditate: dummodo
sciat cum, in cuius bonis pro herede gerit, testa-
tum intestatumue obijssē, & se ei heredem esse.
Pro herede enim gerere, est pro domino gerere.
Ceteros enim haeres pro dominis appellabāt.
Sicut autē nuda uoluntate extraneus haeres fit:
ita contraria destinatione statim ab hereditate
expellitur. Eum, qui surdus uel mutus natus, uel

postea factus est: nihil prohibet pro hærede gerere, & adquirere sibi hæreditatem: si tamen intelligit quod agit.

De legatis,

TIT. XX.

ARGV M].

Legatarijs triplici actione eorum persequi posse legata, concessum est: videlicet personali, in rem, & hypothecaria.

Post hæc uideamus de legatis, quæ pars iuris extra propositam quidem materiam uidetur. (nam loquimur de ijs iuris figuris, quibus per uniuersitatē, res nobis acquiruntur) sed cum omnino de testamētis, & de hæredibus, qui in testamēto instituuntur, loquuti simus: nō sine causa sequenti loco potest hæc iuris materia tractari.

Legatum ita est donatio quædam a defuncto relictæ ab hærede præstanda. Sed olim quidē erant legatorum genera quatuor: per uindicationē, per damnationē, sciendi modo, per præceptionem: & certa quædam uerba cuique generi legatorū adsignata erāt, per quæ singula genera legatorū significabantur. Sed ex constitutionibus diuorum Principum solennitas huiusmodi uerborū penitus sublata est. Nostra autē constitutio, quam cum magna fecimus lucubra-

tionem, defunctorum uoluntates ualidiores esse cupientes, & non uerbis, sed uoluntatibus eorum fauētes: disposuit, ut omnibus legatis una sit natura: & quibuscumque uerbis aliquid relictum sit, liceat legatariis id persequi, non solum per actiones personales, sed etiam per in rem, & per hypothecariam. Cuius constitutionis per pensum modum ex ipsius tenore perfectissime accipere possibile est.

A R G V M.

Sublata legatorum & fideicommissorum multiplici differentia, omnium hodie una eademque natura est.

Sed non usque ad eam constitutionem standum esse existimauimus. Cum enim antiquitatem inuenimus legata quidem strictè concludentem: fideicommissis autem, quæ ex uoluntate magis descendebant defunctorum: pinguiorem naturam indulgentem: necessariū esse duximus, omnia legata fideicommissis ex æquare, ut nulla sit inter ea differentia: sed quod deest legatis, hoc repleatur ex natura fideicommissorum: & si quid amplius est in legatis, per hoc crescat fideicommissorum natura. Sed ne in primis legum cunabulis permistim de his exponendo, studiosis adolescentibus quādam introducamus difficultatem: operæ pretium esse duximus interim separatim prius de legatis, & postea de fideicommissis tractare, ut natura utrius.

que iuris cognita, facile possint permissionem eorum cruditi subtilioribus auribus accipere. Non solum autem testatoris uel heredis res, sed etiam aliena legari potest: ita, ut heres cogatur redimere eam, & prestare: uel si eam non potest redimere, & estimationem eius dare. Sed si talis sit res, cuius commercium non est, uel adipisci non potest: nec & estimatio eius debetur. ueluti si quis campum Martium, uel basilicas, uel templa, uel quae publico usui destinata sunt, legauerit. nam nullius momenti tale legatum est. Quod autem diximus alienam rem posse legari: ita intelligendum est, si defunctus sciebat alienam rem esse: non si ignorabat. Forsitan enim si sciisset alienam rem esse, non legasset. & ita diuus Pius rescriptis.

* Adnota, Ignorantiam in dubio praesumi: idcirco scientiam asserens onere probandi grauat.

Et ucrius est ipsum, qui agit, id est, legatarium probare oportere, sciuisse alienam rem legare defunctum: non heredem probare oportere, ignorasse alienam: quia semper necessitas probandi incumbit illi qui agit.

A R G V M.

Rei hypothecatae (quam testator cuiuspiam sciens prudensque legauerat) luitio ad heredem spectat: uisi aliud sensisse testatorem appareat,

Sed & si rem obligatam creditori aliquis legauerit, necesse habet hæres eam luere. Et in hoc quoque casu idem placet, quod in re aliena: ut ita demum luere necesse habeat hæres, si sciebat defunctus rem obligatam esse: & ita diui Seuerus & Antonius rescripserunt. Si tamen defunctus uoluerit legatarium luere, & hoc expresse-rit: non debet hæres eam luere.

A R G V M.

Legatarius rei sibi legatæ dominium ex causa lucratiua nactus, legatum nequaquam petere potest: diuersum erit si ex onerosa: qui tamen lucratiuo titulo æstimationem rei adeptus fuit, non prohibetur ex alio rem ipsam petere.

Si res aliena legata fuerit, & eius rei uiuo testatore legatarius dominus factus fuerit: siquidem ex causa emptionis: ex testamento actione pretiū consequi potest. Si uero ex causa lucratiua, ueluti ex donatione, uel ex alia simili causa: agere non potest. Nam traditū est duas lucratiuas causas in eundem hominem & eandem rem concurrere non posse. Hac ratione, si ex duobus testamentis eadem res eidem debeatur: interest, utrum rem, an æstimationem ex testamento consequutus sit, nam si rem habet: agere non potest, quia habet eā ex causa lucratiua. si æstimationem: agere potest. Ea quoque res, quæ in rerum

natura non est, si modò futura est, rectè legatur: ueluti fructus, qui in illo fundo nati erunt, aut quod ex illa ancilla natum erit.

A R G V M.

Eiusdē rei legatū duobus cōiunctim aut separatim factū, utriq; acceptatū æquis portionibus quæritur: sin autē alterius portio defecta fuerit, ad crescendi quodam iure ad collegatarium pertinebit.

Si eadem res duobus legata sit, siue coniunctim, siue disiunctim: si ambo perueniant ad legatum: scinditur inter eos legatum, si alter deficiat, quia aut spreuerit legatū, aut uiuo testatore decesserit, uel alio quoquo modo defecerit: totū ad collegatarium pertinet. Coniunctim autem legatur, ueluti si quis dicat, Titio & Seio hominem Stichum do, lego. Disiunctim ita, Titio hominem Stichum do, lego. Seio hominem Stichum do, lego. Sed & si expresserit eundem hominem Stichum, æquè disiunctim legatum intelligitur.

A R G V M.

Si legati fundi proprietas ad legatarium, oneroso titulo peruenerit, ususfructus verò lucratiuo, proprietatis æstimationem iudicis officio tantum consequetur.

Si cui fundus alienus legatus sit: & emerit proprietatem deducto usufructu, & usufructus ad

ad eū peruenerit, & postea ex testamento agat: recte cum agere, & fundum petere, Iulianus ait: quia ususfructus in petitione seruitutis locū obtinet. sed officio iudicis continetur, ut deducto ususfructu, iubeat aestimationē praestari. Sed si re legatarij quis ei legauerit, inutile est legatū: quia quod propriū est ipsius, amplius eius fieri nō potest. Et licet alienauerit eā, nō debetur nec ipsa res, nec aestimatio eius. Si quis rem suam quasi alienam legauerit: ualeat legatum. nam plus ualeat quod in ueritate est, quā quod in opinione. Sed & si legatarij esse putauit, ualere cōstat: quia exitum uoluntas defuncti habere potest.

A. R. G. V. M.

Ita demū rei legate alienatio aut pignori datio legatū adimit, si testatōrē adimēdi aīo alienasse cōstet,

Si rem suam legauerit testator, posteaq; eam alienauerit, Celsus putat, si non adimendi animo uendidit, nihilominus deberi. Idēq; diui Scuerus & Antoninus rescripserūt. Idem rescripserūt eum, qui post testamentum factum praedia, quae legata erāt, pignori dedit, ademisse legatum non uideri: & ideo legatariū cum hārede eius agere posse, ut praedia a creditore luātur. Si uerō quis partem rei legate alienauerit: pars, quae non est alienata, omnino debetur. Pars autē alienata ita

debe.

debetur, si non adimendi animo alienata sit.

A R G V M.

Liberationis legatum, tutum legatarium, edis q̄s in posterum iuris successores reddit: Actionem q̄s ei aduersus creditoris hæredem, vt liber ab obligatione fiat, adquiret.

Si quis debitori suo liberationem legauerit, legatum utile est: & neq; ab ipso debitore, neque ab hærede eius potest hæres petere, neq; ab alio, qui hæredis loco sit. sed & potest à debitore conueniri, ut libret eum. Potest etiam quis uel ad tempus iubere, ne hæres petat.

A R G V M.

Debitor creditori debitum legando, tunc vtiliter legat, cum qualecunque commodum creditor ex legato consequitur.

Ex contrario, si debitor creditori suo, quod debet, legauerit: inutile est legatum, si nihil plus est in legato, quàm in debito: quia nihil amplius per legatū habet. Quod si in diē, uel sub cōditione debitū ei, purē legauerit: utile est legatū, propter repræsentationē. Quod si uiuo testatore dies uenerit, uel cōditio extiterit: Papinianus scripsit, utile esse nihilominus legatū: quia semel cōstitit, quod & uerū est. Nō enim placuit sententia existimantiū extinctum esse legatū, quia in eā causam peruenerit, à qua incipere non potest.

A R G V M.

Dotis prælegatio vxori à marito facta, iure subsistit, propter commodum repræsentationis: dotem igitur (etiam si nullam dederit) consequetur vxor: modo certam dotis quantitatem testator legando expresserit.

Sed si uxori maritus dotem legaucrit, ualet legatum: quia plenius est legatum, quàm de dote actio. Sed si quam non accepit dotem, legaucrit: diui Seuerus & Antoninus rescripserunt, si quidè simpliciter legaucrit, inutile esse legatũ. si uerò certa pecunia, uel certũ corpus aut instrumenta dotis in prælegando demonstrata sunt: ualere legatum. Si res legata sine facto hæredis perierit: legatario decedit. Et si seruus alienus legatus, sine facto hæredis manumissus fuerit: non tenetur hæres. Si uerò hæredis seruus legatus sit, & ipse eum manumiserit: teneri ipsum Iulianus scripsit. nec interest, sciuerit, an ignorauerit d se legatũ esse. Sed & si alij donauerit seruum, & is cui donatus est, eum manumiserit: tenetur hæres, quanuis ignorauerit d se eum legatum esse.

A R G V M.

Copulatorum altero pereunte, aliud æquè principale firmum manet: quod si alteri fuerit accessorium, principali cernuente, & id quod accedit cernuere necessum est.

Si quis ancillas cū suis natis legauerit, etiam

si

si ancilla mortua fuerint, partus legato cedunt. Idē est, & si ordinarij serui cum uicarijs legati fuerint: quia licet mortui sint ordinarij, tamen uicarij legato cedunt. Sed si seruus fuerit cum peculio legatus: mortuo seruo, uel manumisso, uel alienato, peculij legatum extinguitur. Idem est, si fundus instructus, uel cum instrumento legatus fuerit. Nam fundo alienato, & instrumenti legatum extinguitur. Si grex legatus fuerit, & postea ad unam ouem peruenerit: quod superfuerit, uendicari potest. Grege autem legato, etiam eas oues, quæ post testamentum factum gregi adijciuntur, legato cedere, Iulianus ait. Est autem gregis unum corpus ex distantibus capitibus: sicut ordium unum corpus est ex coherentibus lapidibus. Adibus denique legatis, columbas & marmora, quæ post testamentum factum adiecta sunt, legato dicimus cedere..

A. R. G. V. M.

Quidquid legato peculio, adhuc uiuo testatore adcrefcit vel decrefcit, legatarij commodum vel damnum respicit: quidquid uerò mortuo testatore, nondumq; adita hæreditate accedit, ipsi seruo manumisso cedit: quod si alij quàm seruo legatum sit, quod ex rebus peculiaribus augmentum prouenit, tantum consequitur legatarius.

Si peculium legatum fuerit: sine dubio quid-
quid.

quid p̄culio accedit, uel dēcedit uiuo tēſtatore, legatarij lucro uel damno eſt. Quòd ſi poſt mortem tēſtatoris, ante aditam h̄reditatem aliquid ſeruus adquiſierit: Iulianus ait, ſi quidem ipſi manumiſſo peculium legatum fuerit: omne, quod ante aditam h̄reditatem adquiſitum eſt, legatario cedere: quia huiusmodi legati dies ab adita h̄reditate cedit. ſed ſi extraneo peculium legatum fuerit: non cedere ea legato, niſi ex rebus peculiaribus auctum fuerit peculium.

A R G V M .

Datus libertati in vltima voluntate, peculium (niſi expreſſim legatum ſit) nequaquam petere poſt: ſecus ſi inter viuos: ſi quid autem ſeruus cui peculium quoque legatum fuit, pro domino impenderit, non repetit. Item legata alicui libertate ſi rationes reddiderit, & reliqua intulerit, etiam legatū videtur peculium.

Peculium autē, niſi legatum fuerit, manumiſſo nō debetur: quamuis ſi uiuus manumiſcrit, ſufficit, ſi non adimatur. & ita diui Seuerus & Antoninus reſcripſerunt. Iidem reſcripſerūt, peculio legato, nō uideri id relictū, ut petitionē habeat pecuniæ, quā in rationes dominicas impenderit. Iidem reſcripſerunt, peculium uideri legatū, cum rationibus redditis liber eſſe iuſſus eſt, & ex eo reliqua inferre. Tam autē corporales res legari poſſunt, quā incorporales: et ideo...

quod defuncto debetur, potest alicui legari, ut actiones suas hæres legatario præstet: nisi exegerit uiuus testator pecuniam. nam hoc casu legatum extinguitur. Sed & tale legatum ualet, Damnas esto hæres meus, domum illius reficere. uel, Illum ære alieno liberare. si generaliter seruus uel res alia legatur: electio legatarij est, nisi aliud testator dixerit.

A R G V M.

Optandi ius (quicquid antiquo iure seruaretur) hodie ad hæres transfertur: pluribus autem quibus optio competit, inuicem circa optandum dissentientibus, illius in optione potior erit sententia, ad quem fors deuenierit.

Optionis legatū, id est, ubi testator ex seruis suis uel alijs rebus optare legatariū iusserat, habebat olim in se conditionem. & ideo nisi ipse legatarius uiuus optasset, ad hæredem legatū non trans mittebat. Sed ex cōstitutione nostra, & hoc in meliorem statum reformatum est: & data est licētia hæredi legatarij optare seruū, licet uiuus legatarius hoc nō fecerit. Et diligētiore tractatu habito, & hoc in nostra cōstitutione additū est: siue plures legatarij extiterint, quibus optio relicta est, & dissentiant in corpore eligēdo: siue unius legatarij plures hæres sint, et inter se circa optandū dissentiant, alio aliud corpus eligere cupi

cupiente: ne pereat legatum (quod plerique prudē-
tium contra beneuolentiam introducebant) fortu-
nam esse huius optionis iudicē, & sorte hoc esse
dirimendū, ut ad quem fors peruenierit, illius sen-
tentia in optione præcellat. Legari autem illis
solum potest, cum quibus testamenti factio est.
Incertis uero personis neque legata, neque fidei-
commissa olim relinqui concessum erat. Nam ne-
miles quidem incertæ personæ poterat relinque-
re, ut diuus Hadrianus rescripsit. Incerta autē
persona uidebatur, quam incerta opinione ani-
mo suo testator subiiciebat: ueluti si quis ita di-
cat, Quicūque filio meo, filiam suam in ma-
trimonium dederit, ei hæres meus illū fun-
dum dato. Illud quoque, quod ijs relinquebatur,
qui post testamentum scriptum primi consules
designati essent: æquē incertæ personæ legari ui-
debatur. & denique multæ aliæ huiusmodi spe-
cies sunt. Libertas quoque incertæ personæ non
uidebatur posse dari: quia placebat nominatim
seruos liberari. Sub certa uero demonstratione,
id est, ex certis personis incertæ personæ rectē
legabatur: ueluti, Ex cognatis meis, qui nunc
sunt, si quis filiam meam uxorem duxerit, ei
hæres meus illam rem dato. Incertis autem
personis legata, uel fideicommissa relicta, & per-

errorē soluta, repeti non posse, sacris cōstitutio-
 nibus cautū erat. Posthumus quoq; alieno inuti-
 liter antea legabatur. Est autē alienus posthu-
 mus, quī natus inter suos, hāres testatori futu-
 rus nō est. Ideoq; ex emancipato filio conceptus
 nepos, extraneus erat posthumus auo. Sed nec
 huiusmodi species penitus est sine iusta emēda-
 tione relicta: quum in nostro Codice cōstitutio
 posita sit, per quā, & huic parti medemur, nō so-
 lum in hāreditatibus, sed etiā in legatis, & fidei
 cōmissis: quod euidenter ex ipsius constitutionis
 lectiōe clarescit. Tutor autem nec per nostrā
 cōstitutionē incertus dari debet: quia certo iudi-
 cio debet quis pro tutela suā posteritati caue-
 re, Posthumus autem alienus, hāres institui &
 antē poterat, & nūc potest: nisi in utero eius sit,
 quæ iure nostro uxor esse nō potest. Si quidē
 in nomine, cognomine, prænominē, agnomine le-
 gatarij testator errauerit: cū de persona con-
 stat, nihilominus ualet legatū, Idemq; in hāredi-
 bus seruatur, & rectē. Nomina enim, significan-
 dorū hominū gratia reperta sunt: q si alio quoli-
 bet modo intelligātur, nihil interest. Huic pro-
 xima est illa iuris regula, Falsa demonstratione
 legatum non perimi. ueluti si quis ita legauerit,
 Stichum seruum meum uernam do, lego.

Licet

Licet enim non uerna, sed emptus sit: si tamen de seruo constat, utile est legatum. Et conuenienter, si ita demonstrauerit, Stichum seruum, quē à Seio emi, sit quē ab alio emptus: utile est legatum, si de seruo constat.

A R G V M.

Falsæ causæ adiectione ita demum legatum perimitur, si conditionaliter enuntietur.

Longè magis legato falsa causa adiecta non nocet: ueluti cum quis ita dixerit, Titio, quia me absente negotia mea curauit, Stichum do, lego: uel ita, Titio, quia patrocínio eius capitali crimine liberatus sum, Stichum do, lego. Licet enim neque negotia testatoris unquam gesserit Titius, neque patrocínio eius liberatus sit: legatum tamen ualet. Sed si conditionaliter enuntiata fuerit causa: aliud iuris est, ueluti hoc modo: Titio, si negotia mea curauerit, fundum meum do, lego.

A R G V M.

Hæredis seruo purè legari non potest, sub conditione potest: effectum quē sortitur tale legatum, si ueritate conditionis tempore ab hæredis nexibus seruus solutus sit: domino autem (cuius seruus hæres scriptus fuit) indistincte ualet factum legatum: quod tamen euanescit, seruo hæreditatem iussu do-

An seruo heredis recte legemus, quaeritur. & constat pure inutiliter legari, nec quicquam proficere, si uiuo testatore de potestate heredis exierit: quia quod inutile foret legatum, si statim post factum testamentum decessisset testator: hoc non debet ideo ualere, quia diutius testator uixerit. Sub conditione uero recte legatur seruo, ut requiramus, an quo tempore dies legati cedit, in potestate heredis non sit. Ex diuerso, herede instituto seruo, quin domino recte etiam sine conditione legetur, non dubitatur. Nam & si statim post factum testamentum decesserit testator: non tamē apud eum, qui heres sit, dies legati cedere intelligitur: cum hereditas à legato separata sit, & possit per eum seruū alius heres effici, si prius, quam iussu domini adeat, in alterius potestatem translatus sit: uel manumissus ipse heres efficitur: quibus casibus utile est legatum. Quod si in eadem causa permanserit, & iussu legatarij adierit: euanescit legatum.

** Adnotato, Potius spectandum voluntatem, quam scripturae ordinem.*

Ante heredis institutionē inutiliter antea legabatur: scilicet quia testamentā uim ex institutione heredis accipiūt: & ob id ueluti caput atq; fundamentū intelligitur totius testamenti heredis

dis institutio. Pari ratione nec libertas ad hanc
dis institutionem dari poterat. Sed quia inciuile
esse putauimus, scripturæ ordinem quidem
sequi (quod & ipsi antiquitati uituperandum
fuerat uisum) sperni autem testatoris uoluntatē:
per nostram constitutionem & hoc uitiū emen-
dauimus: ut liceat & ante hæredis institutionē,
& inter medias hæredum institutiones, legatum
relinquere: & multo magis libertatē, cuius usus
fauorabilior est. Post mortem quoque hæredis
aut legatarij simili modo inutiliter legabatur:
ueluti si quis ita dicat, Cum hæres meus mor-
tuus fuerit, do, lego. Item. Pridie quàm hæ-
res aut legatarius morietur. Sed simili modo
& hoc correximus, firmitatem huiusmodi lega-
tis ad fideicommissorum similitudinem præstare:
ne in hoc casu deterior causa legatorum,
quàm fideicommissorum inueniatur. Pænæ quo-
que nomine inutiliter antea legabatur, & adime-
batur, uel transferrebat. Pænæ autem nomine
legari uidetur, quod coercendi hæredis causa re-
linquitur, quo magis aliquid faciat, aut non fa-
ciat: ueluti si quis ita scripserit, Hæres meus
si filiam suam in matrimonium Titio collo-
cauerit: uel ex diuerso, Si non collocauerit,
dato decem aureos Seio: aut si ita scri-

De ademptione legatorum,
& translatione,
TIT. XXI.

A R G V M.

Quod cuiuspiam testamento relictum fuit, potest eodem, alterove testamento quibuslibet verbis adimi, vel ad alium transferri.

Ademptio legatorum (siue eodem testamento adimantur, siue codicillis) firma est. sed & siue contrariis uerbis fiat ademptio: ueluti si quis ita quid legauerit, Do, lego: ita adimatur, Nō do, non lego: siue in contrariis, sed alijs quibuscunque uerbis. Transferri quoque legatum ab alio ad alium potest: ueluti si quis ita dixerit, Hominem Stichum, quem Titio legavi, Seio, do, lego: siue in eodem testamento, siue in codicillis hoc fecerit. quo casu simul & Titio adimi uidetur, & Seio dari.

De lege Falcidia,
TIT. XXII.

A R G V M.

Ne suprema testantium iudicia non adita hæreditate corruant, lege Falcidia cautum fuit, ne cuiuspiam bonorum dodrantem legatis exhaustire fas sit: alioqui quadrans hæreditatis per legem Falcidiam resecatur, & penes unum pluresve hæredes remanet,

Sperest ut de lege Falcidia dispiciamus, quæ modus nouissimè legatis impositus est. Cum enim olim lege duodecim tabularum libera erat legandi potestas, ut liceret uel totum patrimonium legatis erogare (quippe cum ea lege ita cautum esset, Vti quisque legasset, suæ rei, ita ius esto) uisum est hanc legandi licentiam coartare: id quod ipsorum testatorum gratia prouisum est, ob id, quod plerumque intestati moriebantur, recusantibus scriptis heredibus, pro nullo aut minimo lucro hereditates adire. Et cum super hoc tam lex Furia, quam lex Voconia latae sunt, quarum neutra sufficiens ad rei consummationem uidebatur: nouissimè lata est lex Falcidia, qua cautetur, ne plus legare liceat, quam dodrantem totorum honorum: id est, ut siue unus heres institutus sit, siue plures, apud eum cõsue pars quarta remaneat.

A R G V M.

Hæredum quilibet partis suæ legatis exinanitæ quartam detrahere potest: quanuis cohæredis portio nullatenus grauata extiterit.

Et cum quæsitum esset, duobus heredibus institutis (ueluti Titio & Scio) si Titij pars aut tota exhausta sit legatis, quæ nominatim ab eo data sunt, aut supra modum onerata: à Scio uero aut nulla relicta sint legata, aut quæ e partem eius duntaxat in partem dimidiam diminuât: an quia is quartam

quartā partē totius hæreditatis aut amplius habet, Titio nihil ex legatis, quæ ab eo relicta sūt, retinere liceat, ut quartā partē suæ partis saluā habeat: placuit posse retinere. etenim in singulis hæredibus ratio legis Falcidiæ ponenda est.

A R G V M.

Vt Falcidiæ locus sit vel non, quantitas patrimonij testatoris à morte spectanda est: ideo ut bona mortuo testatore, hæreditate iacente aucta nihil obsunt hæredi, quin quartam de legatis detrahat, ita & diminuta non prohibent quin solida legata debeantur.

Quantitas autē patrimonij, ad quam ratio legis Falcidiæ redigitur, mortis tēpore spectatur. Itaq; (uerbi gratia) si is, qui centū aureorum patrimonium in bonis habeat, centū aureos legauerit: nihil legatarijs prodest, si ante aditam hæreditatem per seruos hæreditarios, aut ex partu ancillarū hæreditariarū, aut ex fœtu pecorū tantū accesserit hæreditati, ut centum aureis legatorū nomine erogatis, hæres quartam partē hæreditatis habiturus sit: sed necesse est, ut nihilominus quarta pars legatis detrahatur, Ex diuerso, si septuagintaquinq; legauerit, & ante aditam hæreditatē in tantū decreuerint bona (incendijs forte, aut naufragijs, aut morte seruorū) ut non amplius, quā septuagintaquinq; aureorū substantia,

ex bonis apud hæredem remanere oportet.

De fideicommissarijs hæreditatibus, & ad senatusconsultum Trebellianum.

TIT. XXII.

A R G V M.

Fideicommissa ab hæredis fide nomen acceperunt: quæ licet nulla iuris necessitate, sed solo fidei pudore olim præstarentur, hodie tamen ad iuris necessitatem reducta sunt.

Nunc transeamus ad fideicommissa. sed prius Nest, ut de hæreditatibus fideicommissarijs uideamus. Sciendum itaq; est, omnia fideicommissa primis temporibus infirma fuisse: quia nemo inuitus cogebatur præstare id, de quo rogatus erat. Quibus enim non poterant hæreditatē uel legata relinquere, si relinquebant, fidei cōmittebant eorum, qui capere ex testamento poterāt hæreditatem. Et ideo fideicommissa appellata sunt, quia nullo uinculo iuris, sed tantum pudore eorum, qui rogabantur, continebātur. Postea diuus Augustus primus, semel iterumq; gratia personarū motus, uel quia per ipsius salutē rogatus quis diceretur, aut ob insignem quorundā perfidiam, iussit Cōsulibus auctoritatem suam inter

interponere. Quod quia iustum uidebatur, & popolare erat: paulatim conuersum est in assiduam iurisdictionem: tantusq; eorum fauor factus est, ut paulatim etiam Prætor proprius crearetur, qui de fideicommissis ius diceret, quem fideicommissarium appellabant. In primis igitur sciendum est, opus esse, ut aliquis recto iure testamento hæres instituat: cuiusq; fidei committatur, ut eam hæreditatem alij restituat, aliõ qui inutile est testamētum, in quo nemo hæres instituitur. Cum igitur aliquis scripserit, Lucius Titius hæres esto: potest adijcere, Rogo te Luci Titi, ut cum primum poteris hæreditatem meam adire, eam Caio Seio reddas, restituas. Potest autem quisque & de parte restituenda hæredem rogare: & liberum est, uel præ, uel sub cõditione relinquere fideicommissum, uel ex certo die.

A R G V M .

Restituta hæreditate, nomen hæredis indelebile apud restituentem remanet: in fideicommissarium. verò actiue passiueq; actiones transferuntur.

Restituta autẽ hæreditate, is quidẽ, qui restituit, nihilominus hæres permanet: is uerò, qui recepit hæreditatẽ, aliquãdo hæredis, aliquãdo legatarij loco habetur. Et Neronis quidem temporibus

poribus Trebellio Maximo & Anneo Seneca Consulibus senatuscōsultū factū est: quo cautum est, ut si hareditas ex fideicommissi causa restituta sit: omnes actiones, quæ iure ciuili haredi & in haredem competrent, ei & in eum darentur, cui ex fideicōmissō restituta esset hareditas. Post quod senatuscōsultū Prator utiles actiones ei & in eum, qui recepit hareditatem, quasi haredi & in haredem dare cepit.

A R G V M.

Pegasiano senatusconsulto introducūm fuerat, haredem totam hareditatem restituere grauatum, quadrantem detrahere posse, ne solo nomine lites esset: actionibus tamen actiuis passiuisq; apud eum remanentibus, nisi stipulatione sibi prouideret ut damnum lucrumq; sibi & fideicommissario pro quota commune foret: sin autem intra dodrantem restituere rogabatur, tunc Trebelliano Senatusconsulto locus erat: ex quo tam hares quam fideicommissarius pro ratis portionib; onera sustinebāt.

Sed quia haredes scripti, cum aut totam hareditatē, aut penē totam plerunq; restituere rogabātur, adire hareditatem ob nullum uel minimum lucrum recusabant, atq; ob id extinguēbantur fideicommissa: postea Vespasiani Augusti temporibus Pegaso & Pusione Consulibus senatus censuit, ut ei, qui rogatus esset hareditatē restituere, perinde liceret quartam partē retine-

re, atq; ex lege Falcidia ex legatis retinere conceditur. Ex singulis quoq; rebus, quæ per fideicommissum relinquuntur, eadē retentio permissa est. Post quod senatusconsultum ipse hæres onera hæreditaria sustinebat: ille autem, qui ex fideicommissio recipiebat partem hæreditatis, legatarij partiarj loco erat, id est, eius legatarij, cui pars bonorum legabatur: quæ species legati, partitio vocabatur: quia cum hæredē legatarius particbatur hæreditatem. Vnde quæ solebant stipulationes inter hæredē & partiarjū legatarium interponi, eadē interponebantur inter eū, qui ex fideicommissio recepit hæreditatem, et hæredem id est, ut lucrum & damnum hæreditarium pro rata parte inter eos commune esset. Ergo si quidē non plus, quàm dodrantē hæreditatis scriptus hæres rogatus sit restituere: tunc ex Trebelliano senatusconsulto restituebatur hæreditas, & in utrunq; actiones hæreditariæ pro rata parte dabantur: in hæredē quidē iure civili: in eū uerò, qui recipiebat hæreditatē ex senatuscōsulto Trebelliano, tāquām in hæredē. At si plus quàm dodrantē, uel etiam totam hæreditatē restituere rogatus esset, locus erat Pegasiano senatuscōsulto: & hæres, qui semel adierat hereditatē (si modo sua uolūtate adierat) siue retinue-

rat quartam partem, siue retinere uoluerat: ipse
uniuersa onera hæreditaria sustinebat. Sed qua-
ta quidem retenta, quasi partis & pro parte sti-
pulationes interponebantur, tanquam inter par-
tium legatarium & heredem. si uero totam
hæreditatem restitueret: emptæ & uenditæ hæ-
reditatis stipulationes interponebantur.

A R G V M.

Hæreditatem restituere grauatus, inuitus adire
& restituere cogitur: quo casu in fideicommissarium
omnes transmittuntur actiones.

Sed si recusabat scriptus hæres adire hæredi-
tatem, ob id, quod diceret eam sibi suspectam esse.
quasi damnosam: cauebatur Pegasiano senatus-
consulto, ut desiderante eo, cui restituere rogatus
esset, iussu Prætoris adiret, & restitueret hæredi-
tatem: perindeq; ei & in eum, qui reciperet hære-
ditatē actiones darentur, ac iuris est ex Trebel-
liano senatusconsulto: quo casu nullis stipulatio-
nibus est opus: quia simul & huic, qui restituit,
securitas datur: & actiones hæreditariæ ei & in
eum transferuntur, qui recipit hæreditatē, utroq;
senatusconsulto in hac specie concurrente.

A R G V M.

Explosio Senatusconsulto Pegasiano; & omni-
eius auctoritate Trebelliano attributa, hodie hæ-
res restituere grauatus, quadrantē hæreditatis indi-

finde cōsequitur: actionesq; inter eū & fideicommissariū pro quota portione scindūtur: nisi aut totam hereditatē sponte restituat, aut coactus adeat: quibꝫ sanē casibus quicquid cōmodi vel oneris est in hereditate, id totū in fideicommissariū deuoluitur.

Sed quia stipulationes ex senatusconsulto Pegasiano descendentes, & ipsi antiquitati displicuerunt, & quibusdam casibus captiosas eas homo excelsi ingenij Papinianus appellat, & nobis in legibus magis simplicitas, quā difficultas placet: idcō omnibus nobis suggestis tam similitudinibus, quā differētijs utriusq; senatusconsulti, placuit, ex ipso senatusconsulto Pegasiano, quod postea superuenit, omnem auctoritatem Trebelliano senatuscōsulto praeferre, ut ex eo fideicommissariae hereditates restituātur: siue habeat haeres ex uoluntate testatoris quartā, siue plus, siue minus, siue nihil penitus: ut tunc quando uel nihil, uel minus quarta apud eū remanet, liceat ei uel quartā, uel quod deest, ex nostra auctoritate retinere, uel repetere solutū quasi ex Trebelliano senatusconsulto: pro rata portione actionibus, tam in haereditate, quā in fideicommissarium competentibus. Si uerō totam hereditatem sponte restituerit: omnes hereditariae actiones fideicommissario, & aduersus eum competent. Sed etiam id, quod praeceptum Pegasiani
senatus

senatusconsulti fuerat, ut quando recusaret hæres scriptus sibi datam hæreditatē adire, necessitas ei imponeretur totam hæreditatem uolenti fideicommissario restituere, & omnes ad eum & contra eum transferre actiones: & hoc trāsposui mus ad senatusconsultum Trebellianum, ut ex hoc solo necessitas hæredi imponatur, si ipso nolente adire, fideicommissarius desideret restitui sibi hæreditatem, nullo nec damno nec commodo apud hæredem remanente. Nihil autem interest, utrum aliquis ex asse hæres institutus, aut totam hæreditatem, aut pro parte restituere rogatur: an ex parte hæres institutus aut totam eam partem, aut partem partis restituere rogatur. Nam & hoc casu eadem obseruari præcipimus, quæ in totius hæreditatis restitutione diximus.

A R G V M .

Hæreditatem deducta quarta restituere grauat, pro ea parte hæreditaria onera sustinet: quod si certa re quantumuis maxima, certæ quantitate præcepta, restituere rogetur, nullatenus oneribus implicatur: sed vniuersa ad fideicommissarium conuolant.

Si quis una aliqua re deducta, siue præcepta, quæ quartam continet (ueluti fundo, uel alia re) rogatus sit restituere hæreditatē: simili modo ex Trebelliano senatuscōsulto restitutio fiat, per-

inde ac si quarta parte retenta rogatus esset reli-
quam hereditatem restituere. Sed illud interest,
quod altero casu, id est, cum deducta, siue præce-
pta aliquare, restituitur hereditas: in solidum ex
eo seuatus consulto actiones transferuntur: & res,
quæ remanet apud heredem, sine ullo onere heredi-
tario apud eum remanet, quasi ex legato ei adque-
sita. altero uero casu, id est, cum quarta parte re-
tenta rogatus est heres restituere hereditatem, &
restituit: scinduntur actiones, & pro dodrante qui-
dem transferuntur ad fideicommissarium, pro qua-
drante remanet apud heredem. Quinetiam licet
una res aliqua deducta, aut præcepta, restituere
aliquis hereditatem rogatus sit, in qua maxima
pars hereditatis contineatur: & quæ in solidum trans-
feruntur actiones. Et secum deliberare debet is, cui
restituitur hereditas, an expediat sibi restitui.
Eadem scilicet interueniunt, & si duabus pluri-
busue deductis præceptisue rebus restituere he-
reditatem rogatus sit. Sed et si certa summa dedu-
cta præceptaue, quæ quartam uel etiam maximam par-
tem hereditatis continet, rogatus sit aliquis heredi-
tatem restituere: idem iuris est. Quæ autem diximus
de eo, qui ex assse institutus est: eadem transferimus
& ad eum, qui ex parte heres scriptus est. Præ-
terea intestatus quoque moriturus, potest rogare

um, ad quem bona sua uel legitimo iure, uel honorario pertinere intelligit: ut hereditatem suam totam, partemue eius, aut rem aliquam (ueluti fundum, hominem, pecuniam) alicui restituat: cum alioqui legata, nisi ex testamento, non ualeant. Eum quoque, cui aliquid restituitur, potest rogare, ut id rursum alij aut totum, aut partem, uel etiam aliquid aliud restituat.

A R G V M.

Quis sit huius literæ sensus, acerrime inter iuris commentatores pugnatum est, ad extremumq; anhelitum usque laboratum: iuxta tamen receptiorem & communi calculo probatam sententiam, hoc dicat: Si quis legum solennia obseruare noluens, heredis fide ac legalitate fretus, fideicommissum reliquerit, iusiurandum subire cogitur hæres, num tale quid relictum fuerit: quod si recuset, ad fideicommissi solutionem arctatur: nec audiendus est si minus solennem voluntatem alleget.

Et quia prima fideicommissorum cunabula a fide heredum pendet, & tam nomine, quam substantiam acceperunt, ideo diuus Augustus ad necessitatem iuris retraxit. Nuper & nos eundem principem superare contendentes: ex facto, quod Tribonianus uir excellentissimus ex quaestor sacri palatii suggessit, constitutionem fecimus: per quam disposuimus, si testator fidei heredis sui commisit, ut uel hereditatem, uel speciale fideicommissum re-

stituat, & neq; ex scriptura, neque ex quinq; testium numero (qui in fideicommissis legitimus esse noscitur) possit res manifestari, sed uel pauciores, quàm quinq; uel nemo penitus testis interuenerit: tunc siue pater heredis, siue alius quicq; sit, qui fidem heredis elegerit, & ab eo restitui aliquid uoluerit, si heres perfidia tentus adimplere fidem recusat, negando rem ita esse subsequutam, si fideicommissarius iusiurandum ei detulerit, cum prius ipse de calumnia iurauerit: necesse eum habere uel iusiurandum subire, quòd nihil tale à testatore audiuerit, uel recusantem ad fideicommissi uel uniuersalis uel specialis solutionem coartari, ne depereat ultima uoluntas testatoris fidei heredis commissa. Eadem obseruari censuimus, & si à legatario uel fideicommissario aliquid similiter relictum sit. Quòd si is, à quo relictum dicitur, postquam negauerit, confiteatur quidem aliquid à se relictum esse, sed ad legis subtilitatem recurrat: omnino soluere cogendus est.

De singulis rebus per fideicommissum relictis,

TIT. XXIIII.

Potes tamen quis etiam singulas res per fideicommissum relinquere; ueluti fundum, argentum,

gentum, hominem, uestem, & pecuniam numeratam: & uel ipsum heredem rogare ut alicui restituat, uel legatarium, quanuis a legatario legari non possit.

* Adnota, Eatenus quem fideicommissis grauari posse, quatenus honoratur.

Potest autem non solum proprias res testator per fideicommissum relinquere: sed & heredis, aut legatarij, aut fideicommissarij, aut cuiuslibet alterius. Itaq; & legatarius & fideicommissarius non solum de ea re rogari potest, ut eam alicui restituat, quæ ei relicta sit: sed etiam de alia, siue ipsius, siue aliena sit. Hoc solum obseruandum est, ne plus quisquam rogetur alicui restituere, quàm ipse ex testamento ceperit. nam quod amplius est, inutiliter relinquitur. Cum autem alienares per fideicommissum relinquitur: necesse est ei, qui rogatus est, aut ipsam redimere & præstare, aut aestimationem eius soluere. Libertas quoq; seruo per fideicommissum dari potest, ut heres eum rogetur manumittere, uel legatarius, uel fideicommissarius nec interest, utrum de suo proprio seruo testator roget, an de eo, qui ipsius heredis, aut legatarij, uel etiã extranei sit. Itaq; & alienus seruus redimi & manumitti debet. Quod si dominus eum non uendat:

si modò nihil ex iudicio eius, qui reliquit libertatem, perceperit: non statim extinguitur fideicommissaria libertas, sed differtur: quoad possit tempore procedente, ubicunq; occasio serui redimendi fuerit, præstari libertas.

A R G V M.

Directæ libertati datus, testatoris libertus efficitur: fideicommissariam autem adeptus libertatem, hæredis est libertus.

Qui autem ex fideicommissi causa manumittitur: nō testatoris fit libertus, etiam si testatoris seruus sit, sed eius, qui manumittit. At is, qui directò ex testamēto liber esse iubetur, ipsius testatoris libertus fit: qui etiam orcinus appellatur. Nec alius ullus directò ex testamento libertatem habere potest, quàm qui utroq; tēpore testatoris fuerit, & quo faceret testamentum, & quo moreretur. Directò autem libertas tunc dari uidetur, cū non ab alia seruum manumitti rogat, sed uelut ex suo testamēto libertatem ei cōpetere uult. Verba autem fideicommissorum hæc maxime in usu habentur, Peto, rogo, volo, mando, fidei tuæ cōmitto, quæ perinde singula firma sunt, atque si omnia in unum congesta essent.

De codicillis,

TIT. XXV.

A R G V M.

Codicillos etiam non testatus quiuis facere potest: porro ante testamentum facti, nulla expressa confirmatione (uouo iure) indigent.

ANte Augusti tempora constat codicillorum ius in usum non fuisse, sed primus Lucius Lentulus (ex cuius persona etiam fideicommissa esse coeperunt) codicillos introduxit. Nam cum decederet in Africa, scripsit codicillos testamento confirmatos, quibus ab Augusto petijt per fideicommissum, ut faceret aliquid. Et cum diuus Augustus uoluntatem eius impleisset: deinceps reliqui eius auctoritatem sequuti, fideicommissa praestabant: & filia Lentuli legata, quae iure non debebat, soluit. Dicitur autem Augustus conuocasse sapientes uiros, inter quos Trebatium quoque, cuius tunc auctoritas maxima erat, & quassisse, an posset recipi hoc, nec absonas a iuris ratione codicillorum usus esset: & Trebatium suasisse Augusto, quod diceret utilissimum & necessarium hoc ciuibus esse propter magnas et longas peregrinationes, quae apud ueteres fuissent: ubi si quis testamentum facere non posset, tamen codicillos posset. Post quae tempora cum et Labeo codicillos fecisset: iam nemini dubium erat, quin codicilli iure optimo admitterentur.

Non tantum autem testamento factō potest quis codicillos facere, sed & intestatus quis decedens fideicommittere codicillis potest. Sed cum ante testamentum factum codicilli facti erant: Papinianus ait, non aliter vires habere, quam si speciali postea uoluntate confirmantur. Sed diui Seuerus et Antoninus rescripserunt: ex ijs codicillis, qui testamentū præcedunt, post se fideicommissum peti: si appareat cum, qui testamentum fecit, a uoluntate, quam in codicillis expresserat, non recessisse.

A R G V M.

Codicillis nec dari nec adimi directō hæreditas potest: nec instituto hæredi conditio adijci, nec directō substitui: fideicommitti autem potest.

Codicillis autem hæreditas, neque dari, neque adimi potest: ne confundatur ius testamentorum & codicillorum: & ideo nec ex hæredatio scribi. Directō autem hæreditas codicillis, neque dari, neque adimi potest. nam per fideicommissum hæreditas codicillis iure relinquitur. Nec conditionem hæredi instituto codicillis adijcere, neque substituere directō quis potest. Codicillos autem etiam plures quis facere potest, & nullam solennitatem ordinationis desiderant.

Institutionū, seu elementorum D. Iustitiani sacratissimi principis,

L I B E R I I I .

De hæreditatibus, quæ ab intestato deferuntur.

T I T V L V S I .



INTESTATVS decedit, quæ
aut omnino testamētum non
fecit: aut non iure fecit: aut
id, quod fecerat, ruptū, irri-
tūque factum est: aut si ex
eo nemo hæres extiterit.

A R G V M .

Intestatorum hæreditates suis hæredibus in pri-
mis deferuntur: in quorum numero sunt naturales
liberi, quàmprimùm legitimi (secundum præscri-
ptos in l. modos) sunt effecti.

Intestatorū autem hæreditates ex lege duo-
decim tabularum, primū ad suos hæredes per-
tinent. Sui autem hæredes existimantur (ut su-
prā diximus) qui in potestate morientis fuerint:

ueluti

aliqui

ueluti filius filiæ, nepos neptis ex filio, pronepos proneptis ex nepote, ex filio nato prognatus prognatæ. Nec interest, utrū naturales sint liberi, an adoptiui. Quibus cōnumerari necesse est etiā eos, qui ex legitimis quidē nuptijs, uel matrimonijs nō sunt progeniti, cuijs tamen ciuitatū dati secundū diualiu cōstitutionū, quæ super his posite sunt, tenorem, heredum suorum iura nanciscuntur. Necnon eos, quos nostræ amplexæ sunt cōstitutiones, per quas iussimus, ut si quis mulierē in suo cōtubernio copulauerit, nō ab initio affectione maritali, eam tamen, cū qua poterat habere coniugiū, & ex ea liberos sustulerit: postea uerō affectione procedente, etiā nuptialia instrumēta cū ea fecerit, & filios uel filias habuerit: non solum eos liberos, qui post dotem editi sunt, iustos, & in potestate patris esse: sed etiam anteriores, qui & ijs, qui postea nati sunt, occasionem legitimi nominis præstiterūt. Quod obtinere censuimus, & si non progeniti fuerint post dotale instrumentum confectum liberi, uel etiā nati ab hac luce fuerint subtrahēti.

A R G V M.

Nepotes & infra hos etiam posteriores tum deum suorum nomine digni sunt, si in potestate constituti, primarias etiam parteis in gradu occupent, quod accidit si qui eos præcedebat, uiuo adhuc

adhuc parente defierit in potestate esse.

Ita demum tamen nepos, neptisue, pronepos proneptisue, suorum heredū numero sunt, si præcedēs persona defierit in potestate parentis esse: siue morte id acciderit, siue alia ratione, ueluti emancipatione. Nam si per id tempus, quo quis moritur, filius in potestate eius sit: nepos ex eo, sius hæres esse non potest. Idq; & in cæteris deinceps liberorum personis dictum esse intelligimus. Posthumi quoque, qui si uiuo parente nati essent, in potestate eius futuri forent, sui hæredes sunt. Sui autem hæredes fiunt etiam ignorantes. & licet furiosi sint, hæredes possunt existere: quia quibus ex causis ignorantibus nobis acquiritur, ex his causis, & furiosis acquiri potest. Et statim à morte parentis quasi continuatur dominium. & ideo nec tutoris auctoritate opus est pupillis, cum etiam ignorantibus adquiratur suis heredibus hæreditas. nec curatoris assensu acquiritur furioso, sed ipso iure.

A R G V M.

Qui ab hostibus captus, sius esse desiit, etiam mortuo parente regressus, beneficio postliminii retro semper sius fuisse fingitur: Item patre etiam post obitum maiestatis damnato, filius iure suæ tatis priuatur.

Interdum autē, licet in potestate patris mor-

eis tempore suis hæres non fuerit, tamen suis
 hæres parenti efficitur: ueluti si ab hostibus
 quis reuersus fuerit. post mortem patris sui. ius
 enim postliminij hoc facit. Per contrarium au-
 tem hoc euenit, ut licet quis in familia defuncti
 sit mortis tempore, tamen suis hæres non fuit:
 ueluti si post mortem suam pater iudicatus fue-
 rit perduellionis reus, ac per hoc memoria eius
 damnata fuerit. suum enim heredem habere non
 potest, cum fiscus ei succedat: sed potest dici
 ipso quidē iure suum heredem esse, sed desinere.

A R G V M .

Nepotes ex præmortuo filio, eorū patris locū ad-
 sumētes simul cū patruo vel amita aui successione
 cōsequuntur, in stirpes scilicet non in capita: quòd
 si ex præmortuis fratribus nepotes tantū supersint,
 quæq; proles in eā dūtaxat partem succedet, quam
 pater si superstes esset, adsequuturus fuisset.

Cūm filius filiæue, & ex altero filio nepos ne-
 ptisue existūt, pariter ad hereditatē aui uocan-
 tur: nec qui gradu proximior est, ulteriorē exclu-
 dit. Nequē enim esse uidetur, nepotes neptesq;
 in patris sui locum succedere. Pari ratione, & si
 nepos neptisue sit ex filio, et ex nepote pronepos
 proneptisue: simul uocātur. Et quia placuit ne-
 potes neptēsue, item pronepotes proneptēsue in
 patris sui locū succedere: cōueniens esse uisum
 est,

est, non in capita, sed in stirpes hereditatem di-
uidi: ut filius partem dimidiam hereditatis ha-
beat, & ex altero filio duo pluresue nepotes al-
teram dimidiam. Item si ex duobus filijs nepotes
neptésue existant, ex altero tres aut quatuor: ad
unum aut duos dimidia pars pertineat, ad tres
uel ad quatuor altera dimidia.

A R G V M.

Vt quis suus dici queat, etiam destituti testa-
menti tempus inspicitur: quo sit, vt qui nepos mor-
tis auitæ tempore suus non erat, si tamen destituito
testamento priorem locum occupat, sui heredis iur-
ra nanciscatur: modo viuo auctore conceptus fuerit:
alioqui nullatenus admittetur.

Cùm autem quæritur, an quis suus hæres exi-
stere possit: eo tempore quærendum est, quo cer-
tum est, aliquem sine testamento decessisse. quod
accidit, & destituito testamento. Hac ratione, si
filius exheredatus fuerit, et extraneus hæres in-
stitutus, & filio mortuo, postea certum fuerit hæ-
redem institutum ex testamento non fieri hære-
dem, aut quia noluit esse hæres, aut quia non po-
tuit: nepos auctore suus hæres existet: quia quo tem-
pore certum est intestatum decessisse patrem fa-
miliæ, solus inuenitur nepos. & hoc certum est.
Et licet post mortem auctoris natus sit: tamen auctore ui-
uo conceptus, mortuo patre eius, posteaquæ deserto
aut

aut testamento, suus heres efficitur. Placuit si
 — conceptus & natus fuerit post mortem aui: mor-
 tuo patre suo, desertoq; postea aui testamento,
 suus heres aui non existet: quia nullo iure cognati-
 tionis patrem sui patris attigit. Sed nec ille est
 inter liberos aui, quem filius emancipatus adopta-
 uit. Hi autem, cum non sint sui (quantum ad ha-
 reditatem) liberi: neque bonorum possessionem pe-
 tere possunt, quasi proximi cognati. Hac de suis
 heredibus. Emancipati autem liberi, iure civili
 nihil iuris habent (neque enim sui heredes sunt, qui
 in potestate parentis esse desierunt) neque ullo alio
 iure per legem duodecim tabularum uocantur. sed
 Praetor naturali aequitate motus, dat eis bono-
 rum possessionem. Unde liberi, perinde ac si in
 potestate parentis tempore mortis fuissent: siue
 soli sint, siue cum suis heredibus concurrant.
 Itaque duobus liberis existentibus, emancipato
 uno, & eo, qui tempore mortis in potestate fuerit:
 sane quidem is, qui in potestate fuit, solus iure
 civili heres est, & solus suus heres. sed cum eman-
 cipatus beneficio Praetoris in partem admitti-
 tur: evenit, ut suus heres pro parte heres fiat.

A R G V M.

Emancipati filij, qui sese adoptandos extraneo
 dedere, ita demum naturali patri olim succede-
 bant, si eo vivo finita esset adoptio: quae si eo mor-

tuo dissolueretur, nec ad eius nec adoptiui patris successionem iullo iure peruenire poterant.

At hi, qui emancipati à parente in adoptionem se dederunt non admittuntur ad bona naturalis patris quasi liberi: si modo, cum is moreretur, in adoptiua familia fuerint. Nam uiuò eo emancipati ab adoptiuo patre, perinde admittuntur ad bona naturalis patris, ac si emancipati ab ipso essent, nec unquã in adoptiua familia fuissent. Et cõuenienter, quod ad adoptiuũ patrem pertinet, extraneorum loco esse incipiunt. Post mortẽ uerò naturalis patris emancipati ab adoptiuo patre: & quantũ ad hũc adoptiuũ patrem pertinet, æquẽ extraneorũ loco fiunt: & quantũ ad naturalis patris bona pertinet, nihilo magis liberorũ gradũ nanciscuntur. Quod ideo sic placuit, quia iniquum erat, esse in potestate patris adoptiui, ad quos bona naturalis patris pertineant, utrum ad liberos eius, an ad adgnatos.

** Ciuile ius ciuilia iura à se inducta tollere potest: naturalia non potest.*

Minus ergo iuris habet adoptiui filij, quàm naturales. Namq; naturales emancipati, beneficio Prætoris gradũ liberorum retinet, licet iure ciuili perdant. Adoptiui uerò emancipati, & iure ciuili perdũt gradum liberorum, & à Præ-

torē nō admittūtur: & rectē naturalia enim iura
 ciuili ratio perimere nō potest: nec quia desinūt
 sui hāredes esse, possūt desinere filij filiaē ue, aut
 nepotes neptēsue esse. adoptiui uerō emācipatī,
 extraneorū loco incipiunt esse: quia ius nomenq̃
 filij filiaē ue, quod per adoptionē cōsequuti sunt,
 alia ciuili ratione, id est, emancipatione perdūt.

* Qui ad intestati successionem non po-
 test aspirare, ei praterito contra tabulas nō
 datur.

Eadem hac obseruantur, & in ea bonorum
 possessione, quam contra tabulas testamenti pa-
 rentis liberis prateritis, id est, neque hāredibus
 institutis, neque, ut oportet, exhereditatis, Pra-
 tor pollicetur. Nam eos quidem, qui in potestate
 mortis tempore fuerint, & emancipatos, uocat
 Praetor ad eandem bonorum possessionē: eos ue-
 rō, qui in adoptiua familia fuerint per hoc tem-
 pus, quo naturalis patēs moreretur, repellit. Itē
 adoptiuos liberos emancipatos ab adoptiuo pa-
 tre, sicut nec ab intestato, ita longē minus con-
 tra tabulas testamenti ad bona eius admittit:
 quia desinunt in numero liberorum eius esse.

A R G V M.

Quauis olim emācipato filio, extraneo in ado-
 ptionem dato, ad patris naturalis successionē con-
 sequendam bonorum possessione, Vnde liberi vel
 Vnde

Vnde adgnati denegaretur, ei tamen Vnde cognati bonorum possessione omnibus demum liberis, & adgnatis deficientibus deferrebat.

Admonendi tamen sumus, eos, qui in adoptiua familia sunt, quive post mortem naturalis parentis ab adoptiuo patre emancipati fuerint: intestato parente naturali mortuo, licet ea parte edicti, qua liberi ad bonorū possessionem uocantur, non admittantur: alia tamē parte uocari, scilicet qua cognati defuncti uocantur. Ex qua parte ita admittuntur, si neque sui heredes liberi, neque emancipati obstant, neq; adgnatus quidem ullus interueniat. Antē enim Prætor liberos uocat tam suos heredes, quā emancipatos, deinde legitimos heredes, tertio proximōs cognatos.

A R G V M.

Filius qui ad extraneum patrē adoptione transfatus est, omnia sui naturalis patris inuiolata iura retinet; perinde atque si in familiam alienam datus non fuisset: idcirco ei intestato, aut testato succedit: adoptiuo autem patri ex intestato tantum succedit: condito autem testamento præteritus, testatoris nequaquam impugnat iudicium: nisi cuiusdam ascendentium in adoptionem datus sit.

Sed ea omnia antiquitati quidem placuerūt: aliquam autem emendationē à nostra constitutione acceperunt, quā super ijs personis exposuimus, quæ à patribus suis naturalibus in adoptionem

nem alijs datur. Inuenimus etenim nonnullos casus, in quibus filij, & naturalium parentum successionem propter adoptionem amittebant: & adoptione facile per emancipationem soluta, ad neutrius patris successionem uocabatur. Hoc solito more corrigentes, constitutionem scripsimus, per quam definimus, quando pater naturalis filium suum adoptandum alij dederit, integra omnia iura ita seruari, atque si in patris naturalis potestate permansisset, nec penitus adoptio fuisset subsequuta: nisi in hoc tantummodo casu, ut possit ab intestato ad patris adoptiui uenire successionem. Testamento autem ab eo facto: neque iure civili, neque pratorio, ex hereditate eius aliquid persequi potest, neque contra tabulas bonorum possessione agnita, neque inofficiosi quarela instituta: cum nec necessitas patri adoptiuo imponatur, uel heredem cum instituere, uel ex heredem facere, ut pote nullo uinculo naturali copulatum, neque si ex Sabiniano Senatusconsulto ex tribus matribus fuerit adoptatus. Nam & in eiusmodi casu, neque quarta ei seruetur, neque ulla actio ad eius persequutionem ei competat. Nostra autem constitutione exceptus est is, quem pater naturalis adoptandum suscepit. Vt quod enim iure tam naturali, quam legitimo in hanc personam concurrere: pristina iura tali adoptioni seruamus, quem

quemadmodū si paterfamiliās sese dederit adrogandū. quæ specialiter, & singulatim ex præfata constitutionis tenore possunt colligi.

A R G V M.

Exploſa veteri iniquitate Diualibus constitutionibus ſtatuitur, vt ex filia nepotes, pronepotésve cum reliquis filiis, & ex eis descendantibus, ad materni aui ſucceſſionem æquo iure vocentur, ſed cum trientis deminutione: quæ etiam locū obtinent cum nepotes vnà cum filiis aut filiabus ſuſperſtitibus auiæ ſuccedunt.

Item uetustas ex masculis progenitos plus diligēs, ſolos nepotes uel neptes, qui quæ ue ex uirili ſexu deſcēdūt, ad ſuorū uocabat ſucceſſionē, & iure adgnatorū eos anteponebat: nepotes aut, qui ex filiabus nati ſunt, & pronepotes ex neptibus, cognatorum loco connumerans, poſt adgnatorū lineā eos uocabat: tam in aui uel proauī materni, quā in auiæ uel proauīæ, ſiue paternæ ſiue maternæ ſucceſſionē. Diui autē principes non paſſi ſunt talē cōtra naturā iniuriā ſine competēti emendatione relinquere: ſed cum nepotis, & pronepotis nomē cōmune ſit utriſque, tam qui ex masculis, quā qui ex fœminis deſcēdūt: ideo eundē gradum, & ordinem ſucceſſionis eis donauerūt. Sed ut amplius aliquid ſit eis, qui nō ſolūm natura, ſed etiā ueteris iuris ſuffragijs muniuntur: portionem nepotū, uel neptum, uel deinceps

cepi (de quibus supra diximus) paulò minuendū
 esse existimauerunt, ut minus tertiā parte acci-
 perēt, qui in mater eorū uel auia fuerat acceptu-
 ra, uel pater eorū, uel auus paternus, siue mater-
 nus, quādo fœmina mortua sit, cuius de hœredi-
 tate agitur: ipsi (licet soli sint) adcūtibus, adgri-
 tos minimè uocabāt. Et quem admodū lex duo-
 decim tabularū filio mortuo nepotes uel neptes,
 pronepotes uel proneptes in locum patris sui ad
 successionem aui sui uocat: ita & principalis
 dispositio in locum matris sue, uel auie, eos cum
 iam designata partis tertiæ deminutione uocat.

A R G V M.

Quauis olim extantibus etiam ex filia nepoti-
 bus, quadrans hœreditatis adgnatis trāsuersalibus
 defuncti deberetur, hodie tamen non debetur: item
 nepotes ex filia ex persona matris cum aui filio suc-
 cedentes, in stirpes succedunt.

Sed nos, cū adhuc dubitatio maneret inter
 adgnatos, & memoratos nepotes, quartam partē
 substantiæ defuncti adgnatis sibi uindicātibus ex
 cuiusdam cōstitutionis auctoritate: memoratam
 quidem cōstitutionē à nostro Codice segregau-
 imus, neq; inferi eā ex Theodosiano Codice in
 eo cōcessimus. Nōstra autem cōstitutione pro-
 mulgata, toti iuri eius derogatum est: & sanxi-
 mus, talibus nepotibus ex filia, uel pronepoti-
 bus

bus ex nepte, & deinceps, superstitionibus, adgnationis nullā partē mortui successionis sibi vindicare: ne hi, qui ex trāsuersa linea ueniunt, potiores ijs habeantur qui recto iure descēdūt. Quā constitutionem nostram obtinere, secundū sui uigorē & tempora & nunc sancimus: ita tamen, ut quē admodū inter filios, & nepotes ex filio antiquitas statuit nō in capita, sed in stirpes diuidi hæreditatem: similiter nos inter filios & nepotes ex filia, distributionem fieri iubeamus, uel inter omnes nepotes, & neptes, & inter prouepotes & proneptes, & alias deinceps personas: ut utraq; progenies, matris uel patris, auiæ uel aui, portio nō sine ulla diminutione consequatur: ut si fortē unus uel duo ex una parte, ex altera tres aut quatuor extent: unus aut duo dimidiā, alteri tres aut quatuor alterā dimidiā hæreditatis habeāt.

De legitima adgnatorum successione,

TIT. II.

ARGV M.

Post suos hæredes eosquē qui eorum loco habentur, adgnatis proximis (id est, per virilis sexus cognationem iunctis) successio defertur: in quorū etiam albo sunt, qui ciuilitè (hoc est, per adoptionem) fiunt adgnati.

cepti (de quibus supra diximus) paulò minuendū
esse existimauerunt: ut minus tertiā parte acci-
perēt, quā in miter corū uel auia fuerat acceptu-
ra, uel pater corū, uel auus paternus, siue miter-
nus, quādo fœmina mortua sit, cuius de hœredi-
tate agitur: ipsiq; (licet soli sint) adcūtibz, adgnā-
tos minime uocabāt. Et quemadmodū lex duo-
decim tabularū filio mortuo nepotes uel neptes,
pronepotes uel proneptes in locum patris sui ad
successionem aui sui uocat: ita & principalis
dispositio in locum matris sue, uel auie, eos cum
iam designata partis tertiæ deminutione uocat.

A R G V M.

Quamuis olim extantibus etiam ex filia nepoti-
bus, quadrans hœreditatis adgnatis trāsuerſalibus
defuncti deberetur, hodie tamen non debetur: item
nepotes ex filia ex persona matris cum aui filio suc-
cedentes, in stirpes succedunt.

Sed nos, cū adhuc dubitatio maneret inter
adgnatos, & memoratos nepotes, quartam partē
substātis defuncti adgnatis sibi uindicātibus ex
cuiusdam cōstitutionis auctoritate memoratam
quidem cōstitutionē a nostro Codice segrega-
uimus, neq; inseri eā ex Theodosiano Codice in
eo cōcessimus. Nōstra autem cōstitutione pro-
mulgata, toti iuri eius derogatum est: & sanxi-
mus, talibus nepotibus ex filia, uel pronepoti-
bus

Titulus II.

219

bus ex nepte, & deinceps, superstitibus, adgnatos nullā partē mortui successionis sibi uindicare: ne hi, qui ex trāsuersa linea ueniunt, potiores ijs habeātur qui recto iure descēdūt. Quā constitutionem nostram obtinere, secundū sui uigorē & tempora & nunc sancimus: ita tamen, ut quē admodū inter filios, & nepotes ex filio antiquitas statuit nō in capita, sed in stirpes diuidi hæreditatem: similiter nos inter filios & nepotes ex filia, distributionem fieri iubeamus, uel inter omnes nepotes, & neptes, & inter prouepotes & proneptes, & alias deinceps personas: ut utraq; progenies, matris uel patris, auiæ uel aui, portio nē sine ulla deminutione consequatur: ut si forte unus uel duo ex una parte, ex altera tres aut quatuor extent: unus aut duo dimidiā, alteri tres aut quatuor alterā dimidiā hæreditatis habeāt.

De legitima adgnatorum successione,

TIT. II.

A R G V M.

Post suos hæredes eosque qui eorum loco habentur, adgnatis proximis (id est, per virilis sexus cognationem iunctis) successio defertur: in quorū etiam albo sunt, qui ciuilitè (hoc est, per adoptio-

SInemo suus hæres, uel eorum, quos inter suos hæredes Prætor uel constitutiones uocant, existat, qui successionem quoquo modo amplectatur: tunc ex lege duodecim tabularum ad adgnatum proximum pertinet hæreditas. Sunt autem adgnati (ut primo quoque libro tradidimus) cognati per uirilis sexus personas cognatione coniuncti, quasi à patre connati. Itaque ex eodem patre nati fratres adgnati sibi sunt, qui & consanguinei uocantur: nec requiritur, an etiã eandem matrem habuerint. Item patruus fratris filio, & inuicem is illi adgnatus est. Eodem numero sunt fratres patruels, id est, qui ex duobus fratribus procreati sunt: qui etiam consobrini uocantur. Qua ratione etiam ad plures gradus adgnationis peruenire poterimus. Ii etiam, quæ post mortem patris nascuntur, iura consanguinitatis nanciscuntur. Non tamen omnibus simul adgnatis dat lex hæreditatẽ: sed ijs, qui tunc proximior gradu sunt, cum certum esse cœperit aliquem intestatum decessisse. Per adoptionem quoque adgnationis ius consistit: ueluti inter filios naturales, & eos, quos pater eorum adoptauit. Nec dubium est, quin ij improprie cõsanguinei appellentur. Item si quis ex cæteris adgnatis tuis: ueluti frater, aut patruus, aut denique is, qui

*qui longiore gradu est, adoptauerit aliquem: ad-
gnatus inter suos haeredes esse non dubitatur.*

A R G V M.

Ex adgnatis mulieribus nulli penitus (nisi sorori) ad agnatorum successionem per mediam iuris prudentiam dabatur aditus: quamuis praetoris beneficio post omnes demum adgnatos cognatosque per unde cognati ad bonorum possessionem admitterebantur. Hodie autem constitutum est omnes adgnatos siue masculos siue feminas pari ratione ad iura successionis ab intestato vocari.

Ceterum inter masculos quidē agnationis iure hereditas, etiā si, longissimo gradu sint, ultro citroque capitur. Quod ad feminas uerò attinet, ita placebat, ut ipsae consanguinitatis iure tantum capiāt hereditatem: si sorores sint, ulterius non capiāt. masculi autem ad earum hereditates (etiam si longissimo gradu sint) admittantur. Quae de causa fratris tui aut patris tui filia, uel amicae tuae hereditas ad te pertinebat: tua uerò ad illas non pertinebat. Quod ideo ita constitutum erat, quia commodius uidebatur ita iura constitui, ut plerumque hereditates ad masculos confluerent. Sed quae sanē iniquum erat, in uniuersum eas quasi extraneas repelli: Praetor eas ad bonorum possessionem admittit ea parte, qua proximitatis nomine bonorum possessionem pollicetur, ex qua parte ita scilicet admittuntur, si neque adgnatus ullus,

neque proximior cognatus interueniat. Et hæc quidē lex duodecim tabularū nullo modo introduxit: sed simplicitatem legibus amicam amplexa, simili modo omnes adgnatos, siue masculos, siue feminas, cuiuscūq; gradus, ad similitudinē suorū inuicem ad successionem uocabat. Media autem iuris prudētia, quæ erat quidem lege duodecim tabularū iunior, imperiali autem dispositione anterior: subtilitate quadā excogitata præfatam differētiā inducebat, & penitus eas à successionē adgnatorū repellebat: omni alia successionē incognita, donec prætores paulatim asperitatem iuris ciuilibis corrigentes, siue quod deerat, implētes, humano proposito aliū ordinē suis edictis addiderūt: & cognatiōis linēa proximitatis nomine introducta, per honorum possessionē eas adiuuabant, & pollicebantur his honorū possessionem, quæ Vnde cognati appellatur. Nos uerò legem duodecim Tabularum sequentes, & eius uestigia in hac parte conseruātes: laudamus quidem Prætores suæ humanitatis, non tamē eos in plenum huic causæ mederi inuenimus. Quare etenim uno codēq; gradu naturali cōcurrente, & adgnationis titulis, tam in masculis, quā in feminis æqua lance constitutis: masculis quidē dabatur ad successionē uenire omniū adgnatorum:

ex agnatis autem mulieribus nulli penitus, nisi soli sorori, ad agnatorum successionem patebat aditus. Ideo nos in plenum omnia reducentes, & ad ius duodecim Tabularum eadem dispositio- nem ex æquantes: nostra constitutione sancimus, omnes legitimas personas, id est, per uirilem se- xū descendentes (siue masculini generis, siue fœ- minini sint) simili modo ad iura successionis le- gitimæ ab intestato uocari secundū sui gradus prærogatiuam: nec ideo excludendas, quia con- sanguinitatis iura, sicut germanæ, non habent.

A R G V M.

Uterinæ vel consanguineæ sororis filij filiæ uē ad auunculi successionem unā cum filiis fratrum defuncti (nō etiam cum ipsis fratribus) hoc iure ad- mittuntur, in capita scilicet, non in stirpes.

Hoc etiam addendum nostræ constitutioni existimauimus, ut transferatur unus tantummo- do gradus à iure cognationis in legitimā succe- sionem: ut non solum fratris filius & filia (se- cundum quod iam definiuimus) ad successionem patruī sui uocentur: sed etiam germanæ consan- guineæ uel sororis uterinæ filius & filia soli, & non deinceps personæ unā cum his ad iura auun- culi sui perueniant: & mortuo eo, qui patruus quidē est sui fratris filijs, auunculus autem soror-
ris

ris suæ soboli: simili modo ab utroq; latere succedant, tanquam si omnes ex masculis descendentes legitimo iure ueniant, scilicet ubi frater & soror superstites non sunt. His etenim personis præcedentibus, & successionem admittentibus: ceteri gradus remanent penitus semoti, uidelicet hereditate non in stirpes, sed in capita diuidenda. Si plures sint gradus adgnatorum: aperte lex duodecim Tabularum proximum uocat. Itaque si (uerbi gratia) sint defuncti frater, & alterius fratris filius, aut patruus: frater potior habetur. Et quauis singulari numero usa lex duodecim Tabularum proximum uocet: tamen dubium non est, quin si plures sint eiusdem gradus, omnes admittantur. Nam & propriè proximus & pluribus gradibus intelligitur: & tamē non dubium est, quin licet unus sit gradus adgnatorum, pertineat ad eos hereditas.

* Eum proximiores adgnatum etiam dicimus, qui destituti testamenti tempore proximior est.

Proximus autem, si quidem nullo testamēto facto quisquam decesserit, per hoc tēpus requiritur, quo mortuus est is, cuius de hereditate quaritur. Quod si facto testamento quisquā decesserit: per hoc tēpus requiritur, quo certū esse cō-

perit,

perit, nullum ex testamento heredem exiturum. tunc enim propriè quisque intestatus decessisse intelligitur. Quod quidem aliquando longo tempore declaratur. In quo spatio temporis sæpe accidit, ut proximior mortuo, proximus esse incipiat, qui moriēte testatore nō erat proximus.

A R G V M.

Lege duodecim tabularum cessabat edictum successorium de gradu in gradum (nisi quo ad tutelæ onera) vñius enim capitis persona defecta, sequentes in gradu personæ nequaquam admittebantur, sed protinus alteri capiti deferrebatur successio: quod hac constitutione emendatur.

Placebat autem in eo genere percipicndarū hereditatum successionē non esse: id est, ut quauis proximus, qui secundū ea, quæ diximus, uocatur ad hereditatem, aut spreuerit hereditatē, aut antequam adeat, decesserit: nihilo magis legitimo iure sequentes admittantur. Quod iterum Prætores imperfecto iure corrigentes, nō in totum sine adminiculo relinquebant: sed ex cognatorum ordine eos uocabāt, utpote adgnationis iure eis recluso. Sed nos nihil perfectissimo iuri deesse cupientes, nostra constitutione, quam de iure patronatus, humanitate suggerēte protulimus, sancimus successionem, in adgnatorū hereditatibus non esse eis denegandam: cum satis absurdū erat,

erat, quod cognatis à Pratore apertum est, hoc adgnatis esse reclusum: maxime cum in onere quidem tutelarum & primo gradu deficientem, sequens succedit, & quod in onere obtinebat, non erat in lucro permissum. Ad legitimam successionem ne o cōhilominus uocatur etiā parens, qui * contracta fiducia filium uel filiam, nepotem uel neptem, ac deinceps emancipat. quod ex nostra cōstitutione omnino inducitur, ut emancipationes liberorum semper uideantur quasi contracta fiducia fieri: cum apud ueteres non aliter hoc obtinebat, nisi specialiter contracta fiducia parens manumississet.

De senatusconsulto

Tertylliano,

TIT. III.

* Adnota, Filiam etiam nuptui datam in paterna semper residere potestate.

L Ex duodecim Tabularum ita stricto iure utebatur, & præponebat masculorum progeniem: & eos qui per feminini sexus necessitudinem sibi iunguntur, adeo expellebat, ut ne quidem inter matrem & filium filiamue ultro citroque hereditatis capiendæ ius daret: nisi quod Prætores ex proximitate cognatorum eas personas ad successionem bonorum possessionis Vnde cognati, adcom-

ad commodata, uocabant. Sed hæ iuris angustia
 postea emendatæ sunt. Et primus quidē diuus
 Claudius matri ad solatiū liberorum amissorū,
 legitimā eorum detulit hæreditatem. Postea au-
 tē senatusconsulto Tertylliano, quod diui Ha-
 driani temporibus factū est, plenissimē de tristi
 successione matri, non etiam auia deferenda cau-
 tum est: ut mater ingenua trium liberorum ius
 habens, libertina quatuor, ad bona filiorū filia-
 rumue admittatur intestatō mortuorum, licet in-
 potestate parentis sit: ut scilicet cū alieno iuri
 subiecta est, iussu eius adeat hæreditatem, cuius
 iuri subiecta est. Præferuntur autem matri libe-
 ri defuncti, qui sui sunt, qui uel suorū loco sunt,
 siue primi gradus, siue ulterioris. Sed & filia
 suæ mortuæ filius uel filia præponitur ex cōsti-
 tutionibus matri defunctæ, id est, auia suæ. Pa-
 ter uero utriusq; non etiam auus & proauus ma-
 tri anteponitur, scilicet cū inter eos solos de
 hæreditate agitur. Frater autem consanguineus
 tam filij, quā filia excludebat matrem: soror
 autem consanguinea pariter cum matre admitte-
 batur. Sed si fuerant frater & soror consangui-
 nei, & mater liberis onerata, frater quidem ma-
 trem excludebat, communis autem erat hæredi-
 tas ex æquis partibus fratribus & sororibus.

A R G V M.

Adiecta antiqui iuris impietate, hoc iure utimur: ut quæcunque matres (etiam si ter enixæ non fuerint) intestatorum filiorum successionem exclusis adgnatis consequantur: exceptis tamē defuncti filij fratribus ex utroque vel altero parente natis, qui vnā cum matribus forma hic tradita succedūt.

Sed nos cōstitutione, quam in codice nostro nomine decorato posuimus, matri subueniēdum esse existimauimus: respicientes ad naturam, & puerperiam, & periculum, & sæpe mortem ex hoc casu matribus illatā. Ideoq; impiū esse credidimus, casum fortuitum in eius admitti detrimētum. si enim ingenua ter, uel libertina quater non peperit: immeritō defraudabatur successiōe suorum liberorū. quid enim peccauit, si non plures sed paucos peperit? Et dedimus ius legitimum plenū matribus (siue ingenuis siue libertinis) & si non ter enixæ fuerint uel quater, sed cū tantū uel eam, qui quæcūq; morte intercepti sunt, ut sic uocentur in liberorum suorum legitimam successiōem. Sed cum antea cōstitutiones iura legitimæ successiōis perscrutantes, partim merem adiuuabāt, partim eam prograuebant, nec in solidum eam uocabant, sed in quibusdam casibus tertiam ei partem abstrahentes, certis legitimis dabant personis, in alijs autem contrariū faciebant:

faciebant: nobis uisum est recta & simplici uia matrem omnibus personis legitimis anteponi, et sine ulla deminutione filiorum suorum successionem accipere: excepta fratris & sororis persona, siue consanguinei sint, siue sola cognationis iura habentes: ut quemadmodum eam toti alij ordini legitimo præposuimus, ita omnes fratres & sorores, siue legitimi sint, siue non, ad capiendam hæreditates simul uocemus: ita tamen, ut si quidem solæ sorores adgnatæ uel cognatæ, & mater defuncti uel defunctæ supersint: dimidiam quidem mater, alteram uero dimidiam partem omnes sorores habeant. Si uero matre superstite & fratre uel fratribus solis, uel etiam cum sororibus, siue legitimæ, siue solæ cognationis iura habentibus, intestatus quis, uel intestata moriatur: in capita distribuatur eius hæreditas.

A R G V M.

Quæ filio suo impuberi intra anni spatium tutorem petere neglexerit, ab eius successione (si intra pubertatem decesserit) prorsus sit aliena.

Sed quemadmodum nos matribus prospeximus, ita eas oportet suæ soboli cōsulare: scituris eis, quod si tutores liberis uō petierint, uel in locum remoti uel excusati intra annum petere neglexerint: ab eorum impuberū morientium successione merito repellentur. Licet autē uulgo quæsi-

tus sit filius filiæ: potest tamen ad bona eius mater ex *Tertylliano* senatusconsulto admitti.

De senatuscōsulto Orficiano, TIT. IIII.

ARGV M.

Intestatæ matri vel auiæ succedunt liberi, siue legitimi sint, siue vulgo concepti, exclusis quibuscunque adgnatis: quæ successio minima capitis de minutione non perimitur.

PER contrarium autem liberi ad bona matrum intestatarum admittuntur ex senatusconsulto Orficiano, quod Orficio & Ruso consulibus effectum est diui Marci temporibus: & data est tam filio, quàm filiæ legitima hereditas, etiã si alieno iuri subiecti sint: & præferuntur consanguineis & adgnatis defunctæ matris. Sed cum ex hoc senatusconsulto nepotes, & neptes ad auiæ successionem legitimo iure non uocantur: postea hoc cōstitutionibus principalibus emendatū est, ut ad similitudinem filiorum filiarumq; & nepotes & neptes uocentur. Sciendum autē est huiusmodi successiones, quæ ex *Tertylliano* & Orficiano senatusconsultis deferuntur, capitis deminutione non perimi, propter illam regulam, quæ nouæ hereditates legitimæ capitis deminutione nō percutiunt, sed illæ solæ, quæ ex lege d. uo

*gē duodecim Tabularum defruntur. Nouissi-
me sciendum, est etiam illos liberos, qui uulgo
quasiti sunt, ad matris hereditatem ex hoc sena-
tusconsulto admitti.*

A R G V M.

Quoties pluribus legitimis hæredibus delata
est hæreditas, non adeuntium portio adeuntibus
adcrefcit: quod adcrefcendi ius ad hæredes quoq;
transfertur.

*Si ex pluribus legitimis hæredibus quidam
omiserint hereditatem, uel morte, uel alia causa
impediti fuerint, quo minus adcant: reliquis, qui
adierint, adcrefcit illorum portio: & licet ante
decefferint, ad hæredes tamen eorum pertinet.*

De successione cognatorum,

TIT. V.

A R G V M.

Vbi defunctio neq; suus hæres neque adgnatus
superest, tunc proximiores cognatos (id est, per for-
minas oriundos) ad successionem vocat prætor: in
quorum numero sunt emancipati adgnati, solis ta-
men fratre & sorore demptis,

Post suos hæredes, eosq; quos inter suos hæ-
redes Prætor & constitutiones uocant, &
post legitimos (quo numero sunt adgnati, &
hi, quos in locum adgnatorum tam supradicta se-
natusconsulta, quam nostra erexit constitutio)

proximos cognatos Prætor uocat, qua partē naturalis cognatio spectatur. nā adgnati capite deminuti, quiq; ex his progeniti sunt ex lege duodecim Tabularum inter legitimos non habentur, sed à Prætore tertio ordine uocantur: exceptis solis tantummodo fratre & sorore emancipatis, non etiam liberis eorum, quos lex Anastasiana cum fratribus integri iuris constitutis, uocat quidem ad legitimam fratris hereditatem, siue sororis: non aquis tamen partibus, sed cum aliqua deminutione, quam facile est ex ipsius constitutionis uerbis colligere. Alijs uero adgnatis inferioris gradus, licet capitis deminutionem passi non sunt, tamen anteposit eos, & proculdubio cognatis. Eos etiam, qui per fœminini sexus personas ex transuerso cognatione iunguntur, tertio gradu proximitatis nomine Prætor ad successionem uocat. Liberi quoq; qui in adoptiua familia sunt, ad naturalium parentum hereditatem hoc eodem gradu uocantur.

A R G V M.

Vulgo quoque quæsitī (id est, incerto patre uagōq; concubitu nati) cognati, non etiam adgnati dicendi sunt: quo fit ut eis bonorum possessione unde cognati à prætore concessa sit.

Vulgo quæsitos, nullos habere adgnatos, manifestū est: quum adgnatio à patre sit, cognatio à ma-

à matre, hi autem nullū patrē habere intelligantur. Eadem ratione ne inter se quidē possunt uideri consanguinei esse: quia cōsanguinitatis ius, species est adgnationis. Tantum ergo cognati sunt sibi, sicut & matri cognati sunt. Itaque omnibus istis ex ea parte cōpetit bonorū possessio, qua proximitatis nomine cognati uocantur.

A R G V M.

Adgnati ad decimum vsque gradum, cognati verò in sextum, ad hæreditates ex intestato admittuntur.

Hoc loco & illud necessario admonēdi sumus, adgnationis quidem iure admitti aliquē ad hæreditatem, & si decimo gradu sit: siue de lege duodecim tabularum quæramus, siue de edicto, quo Prætor legitimis hæredibus daturū se bonorum possessionem pollicetur. Proximitatis uerò nomine ijs solis Prætor promittit bonorū possessionē, qui usq; ad sextū gradū cognationis sunt, & ex septimo à sobrino sobrinaq; nato natæue.

De gradibus cognationum,

T I T. VI.

A R G V M.

Quo huiusce tituli perfectam notitiam, veramq; graduū cognitionem intus & in cute oculari quadam inspectione adsequaris, ad cuiusdam arboris figuram, quæ non ab re hic inseritur, adcurrito, Ad

hæc si quid sit cognatio, quid gradus, quid linea, quid adfinitas, ac pluriū deniq; vocum significationes scire concupiscas, amplissimus de gradibus adfinitatis tractatus, ex Pandectarum trigelimo octauo libro decerptus, omnia egregiè tibi supplebit.

HOc loco necessariū est exponere, quemadmodum gradus cognationis numerentur.

Quare in primis admonendi sumus, cognationem aliā suprà numerari, aliam infrà, aliam ex transuerso, quæ etiā à latere dicitur. Superior cognatio est parentum: inferior liberorum: ex transuerso fratrum sororumque, & eorum, qui quæcūque ex his generantur: & cōuenienter patruus, amicus, auunculus, matertera. Et superior quidē & inferior cognatio à primo gradu incipit: at ea, quæ ex transuerso numeratur, à secūdo. Primo gradu est suprà pater, mater: infrà filius, filia. Secūdo gradu suprà auus, auia: infrà nepos, neptis: ex transuerso frater, soror. Tercio gradu suprà proauus, proauia: infrà pronepos, proneptis: ex transuerso fratris sororisq; filius, filia, & cōuenienter patruus, amita, auunculus, matertera. Patruus est frater patris, qui Græcè πατράδελφος & appellatur. Auunculus est frater matris, qui Græcè μητράδελφος dicitur. & uterq; promiscue θάδελφος appellatur. Amita est patris soror, quæ Græcè

Græcè πατρᾷδιλφῃ appellatur. Matertera uero matris soror, quæ Græcè μητρᾷδιλφῃ dicitur, & utraq; promiscuè βίαια appellatur. Quarto gradu supra abauus, abauia: infra abnepos, abneptis: ex transuerso fratris sororisq; nepos neptisue: & conuenienter patruus magnus, amita magna, id est, aui frater & soror. item auunculus magnus, & matertera magna, id est, auiæ frater & soror. consobrinus, consobrina, id est, qui quæcūq; ex sororibus, aut fratribus procreantur. Sed quidam rectè consobrinos eos proprie dici putant, qui ex duabus sororibus progenerantur, quasi consororinos. eos uero, qui ex duobus fratribus progenerantur, proprie fratres patruelles uocari. Si autē ex duobus fratribus filii nascuntur, sorores patruelles appellari. At eos, qui ex fratre & sorore progenerantur, amitinos proprie dici putant. Amitæ tuæ filij consobrinum te appellant, tu illos amitinos. Quinto gradu supra atauus, atauia: infra atnepos, atneptis: ex transuerso fratris sororisq; pronepos, proneptis, & conuenienter propatruus, proamita, id est, proaui frater & soror: & proauunculus & promatertera, id est, proauiæ frater & soror. Item fratris patruelis, uel sororis patruelis, consobrinus & consobrina, amitini & amitina filius filia. pro-

pius sobrino, propius sobrina, hi sunt patruſ magni, amita magnæ, auunculi magni, materteræ magnæ filius filia. Sexto gradu ſuprà tritauus, tritauia: inſrà trinepos, trineptis: & conuenienter ab patruus, ab amita, id eſt, ab aui frater & ſoror: ab auunculus, ab matertera, id eſt, ab auiæ frater & ſoror. item propatruſ, proamita, proauunculi, promaterteræ filius filia. item propius ſobrino ſobrinaue filius, filia: item ſobrini, ſobrina, id eſt, qui quæue ex fratribus uel ſororibus patruelibus uel conſobrinis uel amitinis progeneratur.

Hactenus oſtendiſſe ſufficiat, quẽadmodum gradus cognationis numerentur. Nãq; ex his palim eſt intelligere, quẽadmodũ ulteriores quoq; gradus numerare debẽamus: quippe ſemper generata perſona gradu adijcit, ut lōgẽ facilius ſit reſpondere, quoto quiſq; gradu ſit, quàm propria cognationis appellatione quenquam denotare. Adgnationis quoq; gradus eodem modo numeratur. Sed cùm magis ueritas oculata fide, quàm per aures animis hominũ inſigatur: ideo neceſſarium duximus poſt narrationem graduum, eos etiam præſenti libro inſcribi, quatenus poſſint & auribus, & oculorũ inſpectione adoleſcentes perfectiſſimam graduum doctrinam adipiſci.

De seruilí cognatione,

TIT. VII.

A R G V M.

Cognitionem seruilem. (id est, sanguinis necessitudinem quam seruorum filij cum parentibus habent) antiqua iura non adiuuabant: hodie autem serui nati & deinde manumissi non modo parentibus etiam libertati donatis ex intestato succedunt, & parentes eis, sed etiam sibi inuicem, & cum reliquis fratribus ex legitimis nuptijs atque in libertate procreatis ad successionem vocantur.

Illud certum est, ad seruiles cognationes illam partem edicti, qua proximitatis nomine bonorum possessio permittitur, non pertinere. nam nec ulla antiqua lege talis cognatio computabatur. Sed nostra constitutione, quam pro iure patronatus fecimus (quod ius usque ad nostra tempora satis obscurum, atque nube plenum & undique confusum fuerat) et hoc humanitate suggerente concessimus, ut si quis in seruilí constitutus consortio, liberum uel liberos habuerit, siue ex libera, siue ex seruilis conditionis muliere: uel contra serua mulier ex libero uel seruo habuerit liberos cuiuscunque sexus: et ad libertatem his peruenientibus, ij, qui ex seruilí uentre nati sunt, libertatem meruerint, uel dum mulieres liberæ erant, ipsi in seruitute eos habuerint, & postea ad libertatem peruenierint: ut hi omnes

ad successionem patris uel matris ueniant, patronatus iure in hac parte sopito. Hos enim liberos non solum in suorum parentum successionem, sed etiam alterum in alterius successionem mutua uocauimus, ex illa lege specialiter eos uocantes: siue soli inueniantur, qui in seruitute nati & postea innumi sunt: siue una cum alijs, qui post libertatem parentum concepti sunt: siue ex eodem patre, siue ex eadem matre, siue ex alijs nuptijs similitudinem eorum, qui ex iustis nuptijs procreati sunt.

A R G V M.

Cum de intestatorum successione agitur, liberorum prima habetur ratio: qui etiam si gradus sint remotioris, quoscumque ascendentes & adgnatos quantumuis proximiores excludunt.

Repetitis itaque omnibus, quae iam tradidimus, apparet non semper eos, qui parum gradum cognationis obtinent, pariter uocari. eoque amplius, ne cum quidem, qui proximior sit cognatus, semper potior esse. Cum enim prima causa sit suorum haeredum, & eorum, quos inter suos haeredes enumerauimus: apparet pronepotem uel abnepotem defuncti potior esse, quam fratrem aut patrem matremque defuncti: cum alioqui pater quidem & mater (ut supra quoque tradidimus) primum gradum cognationis obtineant, frater uero secundum, prone

pronepos autem tertio gradu sit cognationis, & abnepos quarto. Nec interest, in potestate morientis fuerit, an nō, quod uel emancipatus, uel ex emancipato, aut ex fœmineo sexu propagatus est.

A R G V M.

Novissimo tamen iure, adgnationis, & cognationis sublato discrimine, omnes simul æquo iure succedunt: ita tamen ut eorum prior habenda sit ratio, qui sunt gradu proximiores.

Amotis quoq; suis hæredibus, & quos inter suos hæredes uocari diximus: adgnatus, qui integrum ius habet adgnationis, etiam si longissimo gradu sit, plerunq; potior habetur, quàm proximior cognatus. Nā patrui nepos, uel pronepos auunculo uel matertera præfertur. Toties igitur dicimus aut potiolem haberi cū, qui proximiolem gradum cognationis obtinet, aut pariter uocari eos, qui cognati sunt: quoties neq; suorum hæredum, quiq; inter suos hæredes sunt, neq; adgnationis iure aliquis præferri debeat; secundum ea, quæ tradidimus: exceptis fratre et sorore emancipatis, qui ad successionem fratrum, uel sororum uocantur: qui et si capite diminuti sunt, tamē præferuntur cæteris ulterioris gradus adgnatis.

De successione libertorum,

TIT. VIII.

Nunc

Nunc de libertorum bonis uideamus. Olim itaq; licebat liberto patronum suum impune testamento praterire: nam ita demum lex duodecim tabularum ad hereditatem liberti uocabat patronum, si intestatus mortuus esset libertus, herede suo nullo relicto. Itaq; intestato mortuo liberto, si is suum heredem reliquisset, patrono nihil in bonis eius iuris erat. Et si quidem ex naturalibus liberis aliquem suum heredem reliquisset: nulla uidebatur querela, si uero adoptiuus filius fuisset: aperte iniquum erat, nihil iuris patrono superesse.

Qua de causa postea Praetoris edicto haec iuris iniquitas emendata est. siue enim faciebat testamentum libertus: iubebatur ita testari, ut patrono partem dimidiam bonorum suorum relinqueret: et si aut nihil, aut minus parte dimidia reliquerat: dabatur patrono contra tabulas testamenti partis dimidia bonorum possessio. Siue intestatus moriebatur, suo herede relicto filio adoptiuo: dabatur aequum patrono contra hunc suum heredem, partis dimidia bonorum possessio. Prodesse autem liberto solebant ad excludendum patronum naturales liberi, non solum quos in potestate mortis tempore habebat, sed etiam emancipati, & in adoptione dati: si modo ex aliqua parte scripti heredes erant, aut prateriti contra tabulas bonorum possessio

sessionem ex edicto pratorio petierant. nam ex-
hæredatī, nullo modo repellebant patronum.

Postea uerò lege Papia adaucta sunt iura pa-
tronorū, qui locupletiores libertos habebāt. Cau-
tū est enim, ut ex bonis eius, qui scē tertium cen-
tum millium patrimonium reliquerat, & paucio-
res, quā tres liberos habebat: siue is testamento
facto, siue intestatus mortuus erat: uirilis pars
patrono deberetur. Itaq; cū unū quidem filium
filiāue hæredē reliquerat libertus, perinde pars
dimidia debebatur patrono, ac si is sine ullo filio
filiāue intestatus decessisset: cū uerò duos duas-
ue hæredes reliquerat, tertia pars debebatur pa-
trono: si tres reliquerat, repellebatur patronus.

A R G V M.

Abiecto antiquo iure, hoc utimur: ut liberti mi-
nori centenario, id est, cuius facultates minores
sunt aureis centum etiam præterito patrono, libe-
rum testandi ius sit: ei tamen intestato nulla sobole
relictā, patronus succedit: quod si maior sit cen-
tenario, & testatus fuerit, patronumq; præterierit,
tunc si careat liberis, vel eos exhæredes fecerit, pa-
tronis per contratabulas bonorū possessione qua-
drantem oneribus liberum aut illius supplementum
(si quid forsan ei relictum fuerit) consequetur.

Sed nostra cōstitutio (quā pro omni natio-
ne, Græca lingua compendioso tractatu habito
cōposuimus) ita huiusmodi causam definiuit, ut
si qui:

si quidem libertus uel liberta minores cētenarijs
 sint, id est, minus centū aureis habeant substan-
 tiam (sic enim legis Papiæ summā interpretati
 sumus, ut pro mille scētertijs unus aureus cōpu-
 tetur) nullum locū habeat patronus in corū suc-
 cessione: si tamen testamentū fecerint. Sin autem
 intestati decesserint, nullo liberorū relicto: tunc
 patronatus ius (quod erat ex lege duodecim ta-
 bularum) integrū reseruauit. Cū uerō maiores
 centenarijs sint, si heredes uel bonorū posses-
 ses liberos habeant, siue unum, siue plures, cuius-
 cunque sexus uel gradus: ad eos successiones pa-
 trētum deduximus, patronis omnibus modis undā
 cum sua progenie semotis. Sin autem sine liberis
 decesserint: si quidem intestati, ad omnem hare-
 ditatē patronos, patronasq; uocauimus. si uerō
 testamentū quidem fecerint, patronos autem aut
 patronas prāterierint, cū nullos liberos habe-
 rent, uel habentes eos exhæredauerint, uel mater
 siue auus maternus eos prāterierint, ita quod
 non possint argui inofficiosa corū testamenta:
 tunc ex nostra constitutione per bonorū posses-
 sionem contra tabulas, non dimidiam (ut antea)
 sed tertiā partem bonorū liberi cōsequantur: uel
 quod deest eis, ex cōstitutione nostra repleatur,
 si quando minus tertia parte bonorum suorū li-
 bertus

bertus, uel liberta eis reliquerit: ita sine onere, ut nec liberis, liberti, liberta uel ex ea parte legata, uel fideicommissa præstentur, sed ad coheredes eorum hoc onus redundet: multis alijs casibus & nobis in præfata constitutione congregatis, quos necessarios esse ad huiusmodi dispositionem iuris perspeximus: ut tam patroni, patronoq; , quam liberi eorum, nec non qui ex transuerso latere ueniunt, usque ad quintum gradum ad successionem libertorum, libertarum uocentur, sicut ex ea constitutione intelligendum est: etsi eiusdem patroni, uel patronæ, uel duorum, duarumque, plurius uel liberi sint: qui proximior est, ad liberti, uel libertæ uocetur successionem, & in capita, non in stirpes diuidatur successio: eodem modo, & in ijs, qui ex transuerso latere ueniunt, seruando. Penè enim consonantia iura ingenuitatis, et libertinitatis in successione fecimus. Sed hæc de ijs libertinis hodie dicenda sunt, qui in ciuitatem Romanam peruenerunt: cum nec sint alij liberti, simul & Dediti ijs, & Latinis sublati, cum Latinorum legitimæ successiones nullæ penitus erant: quia licet ut liberi uitam suam peragebant, attamen ipso ultimo spiritu simul animam, atq; libertatem amittebant, & quasi seruorum, ita bona eorum iu-

re quodammodo peculij ex lege Iunia Norbana manumissores detinebāt. Postea uerò senatusconsulto Largiano cautū fuerat, ut liberi manumissoris non nominatim exheredati facti, extraneis heredibus eorū in bonis Latinorū præponerentur. Quibus etiam superuenit diui Traiani edictū, quod eūdē hominē, si inuito uel ignorāte patrono ad ciuitatē Romanā uenire ex beneficio principis festinaret, faciebat quidē uiuū ciuem Romanū, Latinū uerò morientem. Sed nostrā constitutione propter huiusmodi conditionū uices, & alias difficultates, cū ipsis Latinis etiā legem Iuniam, & senatusconsultū Largianum, & edictū diui Traiani, in perpetuū deleri censuimus: ut omnes liberti ciuitatē Romana fruantur: & mirabili modo quibusdam adiectionibus ipsas uias, quæ in Latinitatem ducebāt, ad ciuitatem Romanam capiendam transposuimus.

De adsignatione libertorum, TIT. IX.

ARGV M.

Patrono duos, pluresve liberos: in potestate habenti concessum est libertum vni liberorum assignare: per quam assignationem is cui assignatur, solus efficitur patronus, & successor in bonis liberti, alijs liberis prorsus exclusis: quod si is cui assignatio

gnatio

gnatio facta fuit sine sobole decedat, ad cæteros ius patronatus transfertur. Item emancipatione eius cui fuit assignatus libertus, assignatio prius facta evanescit.

In summa (quod ad bona libertorum attinet) admonendi sumus, censuisse senatum, ut quavis ad omnes patroni liberos, qui eiusdē gradus sunt, æqualiter bona libertorum pertineāt: tamē licere parenti, uni ex liberis assignare libertū, ut post mortē eius solus is patronus habeatur, cui assignatus est: & ceteri liberi, q̄ ipsi quoq; ad eadem bona, nulla assignatione interueniēte pariter admitterētur, nihil iuris ī his bonis habeāt: sed ita demū pristinū ius recipiant, si is, cui assignatus est, decesserit nullis liberis relictis. Nec tantum libertum, sed etiam libertam: & non tantum filio, nepotiue, sed etiam filiæ neptiue assignare permittitur. Datur autem hæc assignandi facultas ei, qui duos pluresue liberos in potestate habebit, ut eis, quos in potestate habet, assignare libertū libertamue liceat. Vnde quarebatur, si eum, cui assignauit, postea emancipauerit: num evanescat assignatio? Sed placuit evanescere: quod & Iuliano, et alijs plerisq; uisum est. Nec interest, an testamēto q̄s assignet, an sine testamēto: sed etiā quibuscūq; uerbis patronis hoc permittitur facere, ex ipso Senatuscōsulto, quod

lau - *Claudianis temporibus factum est, Sabellio,
i. Rufo, & *Astero Scapula consulibus.

losto De bonorum possessionibus,

TIT. X.

ARGV M.

Bonorum possessiones introduxit prætor, iuris civilis emendandi, impugnandi, & adiuvandi seu confirmandi gratia: quæ tam ex testamento, quàm ab intestato competunt: ex testamento quidem duæ, ab intestato verò octo: quarum quatuor utpote superuacuas rescavit Iustitia, & ad sex ordinarias omnes redegit: septimamq; extraordinariam adiecit: cui locus est, quoties nova l. bonorum possessio ex testamento, vel ab intestato alii cui defertur.

Ius bonorū possessionis introductū est à Præ-
tore emendandi ueteris iuris gratia. Nec solum
intestatorum hereditatibus uetus ius eo modo
Prætor emendauit, sicut suprà dictum est: sed in
eorum quoque, qui testamento facto decesserint.
Nā si alienus posthumus hæres fuerit institu-
tus: quāuis hereditatem iure civili adire nō po-
terat, cum institutio non ualebat: honorario ta-
men iure bonorū possessor efficiebatur, uidelicet
cum à Præatore adiuvabatur. sed & is à nostra
cōstitutione hodie rectè hæres instituitur, quasi
& iure civili nō incognitus. Aliquādo tamen,
utq; emendandi, neq; impugnandi ueteris iuris,
sed

sed magis confirmādi gratia Prætor pollicetur bonorum possessionem. Nā illis quoq; qui rectē testamēto factō hæredes instituti sunt, dat secundum tabulas bonorum possessionem. Itē ab intestato suos hæredes, & adgnatos ad bonorum possessionem uocat. Sed & remota quoq; bonorum possessione, ad eos pertinet hæreditas iure ciuili. Quos autē solus uocat Prætor ad hæreditatem, hæredes quidem ipso iure nō fiunt: nam Prætor hæredē facere non potest, per legē enim tantum, uel similem iuris cōstitutionem hæredes fiunt, ueluti per senatusconsulta, & cōstitutiones principales: sed cū eis Prætor dat bonorū possessionem: loco hæredum cōstituuntur, & uocātur bonorum possessores. Adhuc autē, & alios cōplures gradus Prætor fecit in bonorū possessionibus dandis; dum id agebat, ne quis sine successore moreretur. Nā angustissimis finibus constitutum per legem duodecim tabularum ius percipiēdarum hæreditatū, Prætor ex bono, & æquo dilatauit. Sunt autē bonorum possessiones ex testamento quidem hæ: Prima, quæ præteritis liberis datur, uocaturq;. Contra tabulas. Secunda, quam omnibus iure scriptis hæredibus Prætor pollicetur, ideoq; uocatur Secundum tabulas. Et cū de testatis prius loquutus est, ad inte-

statos transitū fecit. Et primo loco suis heredi-
 bus, & ijs, qui ex edicto Prætoris inter suos hæ-
 redes connumerantur, dat bonorum possessionē,
 quæ uocatur Vnde liberi. Secundo, legitimis
 heredibus. Tercio, decem personis, quas extra-
 neo manumissori præferebat. sunt autem decem
 personæ hæ: Pater, mater, auus, auia, tã pater-
 ni, quàm materni: item filius, filia, nepos, neptis,
 tam ex filio, quàm ex filia: frater, sororue, cõsan-
 guinei, uel uterini. Quarto, cognatis proximis.
 Quinto, Tanquam ex familia. Sexto, patro-
 no, patronæq; liberisq; eorum, & parentibus.
 Septimo, uiro & uxori. Octauo, cognatis manu-
 missoris. Sed eas quidē Prætoria introduxit iu-
 risdictio. à nobis tamē nihil incuriosum præter-
 missum est, sed nostris cõstitutioib; omnia cor-
 rigētes, cõtra tabulas quidē, & secundū tabulas
 bonorū possessiones admisimus, utpote necessa-
 rias cõstitutæ: necnon ab intestato Vnde libe-
 ri, & Vnde legitimi, bonorū possessiones. Quæ
 autē in Prætoris edicto quinto loco posita fūe-
 rat, id est, Vnde decem personæ: cam pio pro-
 positò, & cõpendioso sermone superuacua ostē-
 dimus. Cū enim præfata bonorū possessio de-
 cē personas præponebat extraneo manumissori:
 nostra constitutio, quam de emancipatione libe-

rorum fecimus, omnibus parentibus, eis dēq; ma-
 numissoribus contracta fiducia manumissionem
 facere dedit: ut ipsa manumissio corū hoc in se
 habeat priuilegiū, & superuacua fiat supradi-
 cta bonorum possessio. Sublata igitur predicta
 quinta bonorum possessione, in gradū eius sex-
 tam antea bonorum possessionem induximus: &
 quintā fecimus, quam Prætor proximis cogna-
 ris pollicetur. Cumq; antea fuerat septimo loco
 bonorum possessio Tanquam ex familia, &
 octauo Vnde* patroni, patrōnæ que, & pa- * libe-
 rentes eorum: utraq; per cōstitutionē nostrā; patre
 quam de iure patronatus fecimus, penitus eua-
 cuauimus. Cum nim ad similitudinē successio-
 nis ingenuorum, libertinorū successiones posue-
 rimus, quas usq; ad quintum gradum tantummo-
 do coartauimus, ut sit aliqua inter ingenuos, &
 libertinos differentia: sufficit eis tam contra ta-
 bulas bonorū possessio, quā Vnde legitimi,
 & Vnde cognati, ex quibus possunt sui iura
 uindicare, omni scrupulositate, & inextricabili
 errore istarū duarū bonorū possessionū resoluta.
 Aliā uerō bonorū possessionē, quæ Vnde vir,
 & vxor appellatur, & nono loco inter ueteres
 bonorū possessiones imposita fuerat, & in suo ui-
 gore seruauimus, & altiore loco, id est, sexto cā

teri posuimus: decima quoque bonorum possessio, quæ
 erat Unde cognati manumissoris, propter
 causas enumeratas merito sublata: ut sex tantum
 modo bonorum possessiones ordinariae permanerent,
 suo uigore pollentes. Septima eas sequuta, quæ
 optima ratione Praetores introduxerunt. Nouissi-
 me enim permittitur edicto ijs etiam bonorum pos-
 sessio, quibus ut detur, lege, uel senatusconsulto,
 uel constitutione comprehensum est, quæ neque bo-
 norum possessionibus, quæ ab intestato ueniunt,
 neque ijs, quæ ex testamento sunt, Praetor stabili
 iure communerat: sed quasi ultimum & extraor-
 dinarium auxilium (prout res exegit) adcomoda-
 uit, scilicet ijs, qui ex legibus, senatusconsultis,
 constitutionibusue principum, ex nouo iure, uel
 ex testamento, uel ab intestato ueniunt.

A R G V M.

Ne diutius creditores suis actionibus experiri
 remorentur, ac percunctando eludantur, liberis &
 parentibus anni spatium: adgnatis uero & cognatis
 dierum centum, ad petendam bonorum posses-
 sionem praefinitur: portio autem non petentis pa-
 ri in gradu adcrefcit: uel si nullus extiterit, per
 edictum successorium qui in sequenti sunt gradu
 admittuntur.

Cum igitur plures species successionum Prae-
 tor introduxisset, easque per ordinem disposuisset:
 & in unaquaque specie successionis saepe plures,
 extent

extent dispari gradu personarum: ne actiones creditorum differrentur, sed haberent quos conuenirent, & ne facile in possessionem bonorum defuncti mitterentur, & eo modo sibi consulerent: ideo petenda bonorum possessioni certum tempus præfinit. Liberis itaque ex parentibus tam naturalibus, quam adoptiuis in petenda bonorum possessione anni spatium, cæteris autem adgnatis, uel cognatis, centum dierum dedit. Et si intra hoc tempus aliquis bonorum possessionem non petierit: eiusdem gradus personis ad crescit: uel si nullus sit, deinceps cæteris bonorum possessionem perinde ex successorio edicto pollicetur, ac si is, qui præcedebat, ex eo numero non esset. Si quis itaque delatam sibi bonorum possessionem repudiauerit: non quousque tempus bonorum possessioni præfinitum excesserit, expectatur: sed statim cæteri ex eodem edicto admittuntur.

A R G V M.

Dies ad bonorum possessionem agnoscendam præfixi utiles sunt non continui: & bonorum possessionem citra solennitatem coram iudice agnoscere sufficit.

In petenda autem bonorum possessione dies utiles singuli considerantur. Sed bene anteriores Principes & huic causæ prouiderunt, ne quis pro petenda bonorum possessione curet: sed quocumque modo

admittentis eam iudiciū (intra statuta tamē tempora) ostenderit, plenum habeat earū beneficiū.

De acquisitione per adrogationem,

TIT. XI.

ARGV M.

Quāuis omnia adrogati bona (his demptis quæ capitis deminutiōe pereunt) adrogatori patri olim pleno iure acquirerentur, hodie tamen solus aduentitiorum vsusfructus (iustar naturalium liberorū) illi quæritur.

Est & alterius generis per uniuersitatē successio, quæ neq; lege duodecim tabularū, neque Prætoris edicto, sed eo iure, quod cōsensu receptū est, introducta est. Ecce enim cū paterfamilias sese i adrogationē dat, omnes res eius corporales & incorporales, quæque ei debite sunt, adrogatori antea quidē pleno iure adquebantur exceptis ijs, quæ per capitis deminutionem pereūt. quales sunt operarū obligatiōes, & ius agnatiōis. usus etenim & ususfructus, licet his antea cōnumerabātur, attamē capitis deminutione minima eos tolli prohibuit nostra constitutio. nūc aut nos eandē acquisitionē, quæ per adrogationem fiebat, coartauimus ad similitudinē naturalium parētum. Nihil enim aliud, nisi tantummodo

modo usus fructus, tam naturalibus parentibus, quam adoptiuis per filios familiarum adquiritur in ijs rebus, quæ extrinsecus filiis obueniunt, dominio eis integro seruato.

A R G V M.

Adrogati filij in adrogatione vita functi successio ad adroгатorem pertinet: nisi supersint qui ei præferantur: Item pro debitis ante adrogationem contractis non tenetur adrogator.

Mortuo autem filio adrogato in adoptiua familia, etiam dominium rerum eius ad adroгатorem pertransit: nisi supersint aliæ personæ, quæ ex constitutione nostra patrem in ijs, quæ adquiri non possunt, antecedant. Sed ex diuerso, pro eo, quod is debuit, qui se in adoptionem dedit, ipso quidem iure adrogator non tenetur, sed nomine filij convenitur: & si noluerit eum defendere, permittitur creditoribus per competentes nostros magistratus bona, quæ eius cum usufructu futura fuissent, si se alieno iuri non subiecisset, possidere, & legitimo modo ea disponere.

De eo, cui libertatis causa
bona addicuntur,

TIT. XII.

Accessit nouus casus successionis ex constitutione diui Marci. Nam si ij, qui liberta-

tem acceperunt à domino in testamēto, ex quo nō
aditur hereditas, uelint bona sibi addici liberta-
tum cōseruandarū causa, audiuntur. Et ita diui
Marci rescripto ad Pompiliū Rufum cōtine-
tur. uerba rescripti ita se habent: Si Verginio
Valenti, qui testamēto suo libertatē quibusdam
adscripsit, neminē successore ab intestato existi-
te, in ea causa bona eius esse cōperunt, ut uenire
debeāt, is, cuius de ea re notio est, aditus, rationē
desiderij tui habebit, ut libertatū tam carū, quā
directō, quā carū, quā per speciem fideicōmissi
relictæ sunt, tuendarum gratia addicātur tibi: si
idonee creditoribus caueris de solido, quod cuiq̃
debetur, soluendo. Et ij quidē, quibus directā li-
bertas data est, perinde liberi erūt, ac si heredi-
tas adita esset. Ii autē, quos haeres manumittere
rogatus est, à te libertatē consequentur: ita, ut si
non alia conditione uelis tibi bona addici, quā
ut ij etiā, qui directō libertatem acceperunt, tui
liberti fiant. Nam huic etiā uoluntati tuæ, si ij,
quorum de statu agitur, consentiant, auctoritatē
nostram adcomodamus. Et ne huius rescriptio-
nis nostræ emolumētum alia ratione irritū fiat:
si fiscus bona agnoscere uoluerit, & ij, qui rebus
nostris attendunt, sciāt cōmodo pecuniario præ-
ferendam esse libertatis causam, & ita bona co-
genda

genda, ut libertas ijs salua sit, qui eā adipisci potuerūt, ac si hereditas ex testamēto adita esset. Hoc rescripto subuentū est & libertatibus, & defunctis, ne bona eorū a creditoribus possideantur & uaneant. Certē si fuerint hac de causa bona addicta, cessat bonorum uēditio. existit enim defuncti defensor, & quidē idoneus, qui de solido creditoribus cauet. In primis hoc rescriptū toties locū habet, quoties testamento libertates datae sunt. Quid ergo si quis intestatus decedens, codicillis libertates dederit, neque adita sit ab intestato hereditas: an fauor cōstitutionis debet locum habere? Certē si intestatus decesserit, & codicillis dederit libertatem, competere eam, nemini dubium est: tunc enim constitutioni locū esse uerba ostēdunt, cum nemo successor ab intestato existat. Ergo quandiu incertū erit, utrum existat, an non: cessabit cōstitutio. Si uerō certum esse coeperit, neminē existere, tunc erit constitutioni locus. Si is, qui in integrum restitui potest, abstinuerit hereditate: an quāuis potest in integrū restitui, possit admitti cōstitutio, & bonorum addictio fieri? Quid ergo si post additionem libertatū conseruandarum causa factam, in integrum sit restitutus? Vtique nō erit dicendum reuocari libertates: quia semel cōpetierunt.

Hac

Hæc constitutio libertatum tuendarum causa introducta est. Ergo si libertates nullæ sunt datæ: cessat hæc constitutio. Quid ergo si uiuus dederit libertates, uel mortis causa: & ne de hoc quærat, utrum in fraudem creditorum, an non factum sit, idcirco uelint sibi addici bonæ: an audiendi sint? Et magis est, ut audiri debeant, et si deficient uerba constitutionis. Sed cum multas diuisiones eiusmodi constitutioni deesse perspeximus: lata est a nobis plenissima constitutio, in qua multæ species collatæ sunt, quibus ius huiusmodi successionis plenissimum est effectum, quas ex ipsius lectione constitutionis potest quis cognoscere.

**De successionibus sublatiis,
quæ fiebant per bonorum ven-
ditiones, & ex senatusconsul-
to Claudiano,**

TIT. XIII.

ERant ante prædictā successionem olim & alia per uniuersitatem successionēs: quālis fuerat bonorum emptio, quæ de bonis debitoris uendendis per multas ambages fuerat introdu-
cta, & tunc locum habebat, quādo iudicia ordi-
nariæ

uaria in usu fuerant. sed cum extraordinarijs iudicijs posteritas usa est: ideo cum ipsis ordinarijs iudicijs etiam bonorum uenditiones expirauerunt, & tantummodo creditoribus datur officio iudicis bona possidere, & prout utile eis uisum est, ea disponere, quod ex latioribus Digestorum libris perfectius apparebit. Erat & ex Senatusconsulto Claudiano miserabilis per uersitatem adquisitio: cum libera mulier seruili amore bacchata, ipsam libertatem per senatusconsultum amittebat, & cum libertate substantiam. quod indignum nostris temporibus esse existimantes, & a nostra ciuitate deleri, & non in serinostris Digestis concessimus.

De obligationibus, TIT. XIII.

*Tertiam iuris ciuilis partem expositurus, de obligationibus unde actiones ceu ex matre oriuntur, titulum generalem, atque deinceps earum species præponit: quo prælibatis obligationibus, naturas actionum maturius adsequamur.

Nunc transcamus ad obligationes. Obligatio est iuris uinculum, quo necessitate adstringimur alicuius rei soluendæ secundum nostræ ciuitatis iura. Omnium autem obligationum
Summa

summa diuifio in duo genera diducitur: nãq; aut ciuiles sunt, aut prætorie. Ciuiles sunt, quæ aut legibus constitutæ, aut certo iure ciuili comprobata sunt. Prætorie sunt, quas Prætor ex sua iurisdictione constituit, quæ etiã honorariæ uocantur. Sequens diuifio in quatuor species diuiditur. Aut enim ex contractu sunt, aut quasi ex contractu, aut ex maleficio, aut quasi ex maleficio. Prius est, ut de ijs, quæ ex contractu sunt, dispiciamus. Harum æquæ quatuor sunt species. Aut enim re cõtrahuntur, aut uerbis, aut literis, aut consensu de quibus singulis dispiciamus.

Quibus modis re contrahitur obligatio,

TIT. XV.

A R G V M.

Mutuum ex eo dictum quod de meo tutum fiat, in ijs rebus tãtum consistit quas numero, pondere, vel mensura constantes, in hoc damus, ut eorum fiant à quibus recipiuntur; & ad nos non illæ ipsæ, sed eiusdem qualitatis aliæ reuertantur.

RE cõtrahitur obligatio, ueluti mutui datione. Mutui autẽ datio in ijs rebus consistit, quæ pondere, numero mensuræ uel constãt, ueluti uino, oleo, frumento, pecunia numerata, ære, argento,

argento, auro: quas res aut numerādo, aut metiēdo, aut adpēdendo in hoc danus, ut accipiētium fiant. Et quoniam nobis non eadem res, sed alie eiusdem naturæ & qualitatis redduntur: inde etiam mutuum appellatum est, quia ita à me tibi datur, ut ex meo tuum fiat: & ex eo cōtractu nascitur actio. quæ uocatur certi condictio.

A R G V M.

Indebito errore soluto perinde re obligatur recipiens, atque si ei mutuum factum fuisset: idcirco in eum condictitia actio datur: impuberes autem sine tutore indebitum recipientes, nihilo magis re obligantur quàm ex mutuo.

Is quoq̃, qui non debitum accepit ab eo, qui per errorem soluit, re obligatur: daturq̃ agenti contra eū. propter repetitionē condictitia actio, Nam perinde ei condici potest, si apparet eum dare oportere, ac si mutuū accepisset. Vnde pupillus, si ei sine tutoris authoritate indebitū per errorē datum est, non tenebitur indebiti condictione: non magis, quàm mutui datione. Sed hæc species obligationis nō uidetur ex contractu consistere: cum is, qui soluendi animo dat, magis uoluerit negotium distrabere, quàm contrahere.

A R G V M.

Non minus re obligatur qui commodatum accepit, quàm qui mutuum: in hoc tamen differunt, quod mutuū accipiens, rei dominiū assequitur:

¶ ob

& ob id aduerso casu non liberatur: is autem cui commodatur, dominus non fit: qui quantum rei custodiendæ exactissimam curam præstare debeat, de casu tamen fortuito (nisi culpa præcesserit) minime tenetur.

Item is, cui res aliqua utenda datur, id est, commodatur, re obligatur, & tenetur commodatæ actione. Sed is, ab eo, qui mutuum accepit, longè distat. namque non ita res datur, ut eius fiat: & ob id de ea re ipsa restituenda tenetur. Et is quidem, qui mutuum accepit, si quolibet fortuito casu amiserit, quod accepit: ueluti incendio, ruina, naufragio, aut latronum hostiumue incurso: nihilo minus obligatus remanet. At is, qui utendum accepit, sanè quidem exactam diligentiam custodiendæ rei præstare iubetur: nec sufficit ei tantam diligentiam adhibuisse, quantum suis rebus adhibere solitus est: si modo alius diligentior poterat eam custodire. sed propter maiorem uim maiorisue casus non tenetur: si modo non ipsius culpa is casus interuenerit. alioqui si id, quod tibi commodatum est domi, peregre tecum ferre malueris, & uel incurso hostium prædonumue, uel naufragio amiseris: dubium non est, quin de restituenda ea retenearis. Commodata autem res tunc proprie intelligitur, si nulla mercede accepta uel constituta, res tibi utenda data est. alioqui mercede interue-

terueniente, locatus tibi usus rei uidetur. Gratuitum enim debet esse commodatum.

* Adnota, Malam electionem eligenti imputandam.

Præterea & is, apud quem res aliqua deponitur, re obligatur, teneturq; actione depositi: quia & ipse de eare, quam accepit, restituenda tenetur. Sed is ex eo solo tenetur, si quid dolo commiserit. culpæ autem nomine, id est, desidia ac negligentia, non tenetur. Itaq; securus est, qui parum diligenter custodit rem furto amisserit: quia qui negligenti amico rem custodiendam tradit, non ei, sed suæ facilitati id imputare debet.

A R G V M.

Pignoris quoque obligatio re contrahitur: quæ quia vtriusque contrahentis gratia celebratur, creditorem de dolo & leui culpa tantum, obnoxium reddit.

Creditor quoq; qui pignus accepit, re obligatur: quia & ipse de eare, quã accepit, restituenda tenetur actione pignoratitia. Sed quia pignus utriusq; gratia datur, & debitoris, quo magis pecunia ei credatur: & creditoris, quo magis ei tuto sit creditum: placuit sufficere, si ad eã rem custodiendã exactam diligentiam adhibeat: quam si præstiterit, & aliquo fortuito casu rem amisserit, securum esse, nec impediri creditum petere.

De verborū obligationibus,

TIT. XVI.

A R G V M.

Quæ ex stipulatione, id est, vltro citroq; facta interrogatione & responsione obligatio oritur, verborum obligatio dicitur: ex qua si certum in ea deductum sit, certi conditio: si incertum, ex stipulatu actio proficiscitur. & quamvis solenni quadam verborum formula olim concipi deberet, hodie tamen quibuscunque verbis (modò vterque contrahentium quid alter velit intelligat) fieri potest.

Verbis obligatio contrahitur ex interrogatione & responsione, cum quid dari fieriue nobis stipulamur, ex qua duæ proficiscuntur actiones, tam conditio certi, si certa sit stipulatio: quàm ex stipulatu, si incerta sit. quæ hoc nomine inde utitur, quòd stipulum apud ueteres firmum appellabatur, fortè à stipite descendens. In hac re olim talia uerba tradita fuerunt, Spondes? Spondeo. Promittis? Promitto. Fidepromittis? Fidepromitto. Fideiubes? Fideiubeo. Dabis? Dabo. Facies? Faciam. *Utrum autem Latina, an Græca, uel qualibet alia lingua stipulatio concipiatur, nihil interest: scilicet si uterque stipulantium intellectum eius lingue habeat; nec necesse est eadem lingua utrumq;*

utrunq; uti, sed sufficit congruenter ad interrogata respondere. Quinetiam duo Græci Latina lingua obligationem contrahere possunt. Sed hæc solennia uerba olim quidem in usu fuerunt: postea autem Leonina constitutio lata est, quæ solennitate uerborum sublata, sensum & consonantem intellectum ab utraq; parte solum desiderat, quibuscumq; tandem uerbis expressum est.

A R G V M .

Stipulationis puræ statim cedit dies, & petendi ius competit: stipulationis verò in diem quamvis statim dies cesserit, non tamen antea promissum peti potest, quàm etiam tota dies in quam stipulatio facta fuit præterierit.

Omnis stipulatio, aut purè, aut in diem, aut sub conditione fit. Purè: ueluti, Quinque aureos dare spondes? Idq; confestim peti potest. In diem: cum adiecto die, quo pecunia solvatur, stipulatio fit: ueluti. Decem aureos primis Calendis Martijs dare spondes? Id autem, quod in diem stipulamur, statim quidem debetur: sed peti prius, quàm dies uenerit, non potest. at ne eo quidem ipso die, in quem stipulatio facta est, peti potest: quia totus is dies arbitrio soluentis tribui debet. Neq; enim certum est eo die, in quem promissum est, datum non esse, prius quàm is præterierit.

* Adnota, Tempus ipso iure non posse tollere obligationem, sed exceptionis ope.

At si ita stipuleris, Decem aureos annuos, quoad viuā dare spondes? & purē facta obligatio intelligitur, & perpetuatur: quia ad tēpus non potest deberi, sed hæres petēdo, pacti exceptione submouēbitur. Sub cōditione stipulatio fit, cū in aliquē casum differtur obligatio: ut si aliquid factum fuerit, uel non fuerit, cōmittatur stipulatio: ueluti, Si Titius Consul fuerit factus, quinque aureos dare spondes?

A R G V M.

Stipulatio sub negatiua conditione concepta, cum uiuo stipulatore impleri nequeat, eo mortuo effectum sortitur.

Si quis ita stipuletur, Si in Capitolium non ascendero, dare spondes? prinde erit, ac si stipulatus esset, cum moreretur, sibi dari.

A R G V M.

Conditionalis stipulationis spes transmittitur ad hæres.

Ex cōditionali stipulatione tātū spes est debitū iri: eāq; ipsam spē in heredē trāsmissimus, si prius quā cōditio extet, mors nobis cōtigerit.

A R G V M.

Si certo loco solutio fienda destinetur, etiam pura stipulatio tacitam habet diem, qua scilicet ad locum verosimiliter perueniri possit.

Loca

Titulus XVI.

26

Loca etiam inferi stipulationi solent: ueluti, Carthagini dare spondes? Quæ stipulatio licet purè fieri uideatur: tamen re ipsa habet tempus adiectum, quo promissor utatur ad pecuniam Carthagini dandam. Et ideo si quis Romæ ita stipuletur, Hodie Carthagini dare spondes? inutilis erit stipulatio: cum impossibilis sit repromissio.

A R G V M.

Eam propriè conditionem dicimus, quæ futurum respicit: idcirco conditio quæ ad præsens aut præteritum refertur, stipulationem conditionalem non reddit: sed aut puram, aut nullam.

Conditiones, quæ ad præsens uel præteritum tēpus referuntur: aut statim infirmant obligationem, aut omnino non differunt. ueluti, Si Titius Consul fuit. uel, Si Mæuius uiuit, dare spondes? Nam si ea ita non sunt: nihil ualet stipulatio. sin autem ita se habent: statim ualet. Quæ enim per rerum naturam sunt certa: non morantur obligationem, licet apud nos incerta sint.

A R G V M.

Factum in stipulationibus deduci posse explorati iuris est: quibus (cum inter esse præstando à facti obligatione eximatur promissor) utile est pœnam adijci: propter eius quod interest difficilem probationem.

Non solum res in stipulatum deduci possunt

sed etiam facta: ut si stipulemur aliquid fieri, uel non fieri, & in huiusmodi stipulationibus optimum erit pœnam subijcere, ne quantitas stipulationis in incerto sit, ac necesse sit actori probare, quod eius intersit. Itaq; si quis, ut fiat aliquid, stipuletur: ita adijci pœna debet, Si ita factum non erit, tunc pœnæ nomine decem aureos dare spondes? Sed si quædam fieri, quædam non fieri, una eademq; conceptione stipuletur quis: clausula huiusmodi erit adijcienda, Si aduersus ea factum erit, siue quid ita factum non fuerit: tunc pœnæ nomine decem aureos dare spondes?

De duobus reis stipulandi & promittendi,

TIT. XVII.

A R G V M .

Ne credito hic reos à reatu siue delicto dici: sed eos reos stipulandi dicimus, qui duo, pluresve ab aliquo sibi quid dari aut fieri stipulantur, quibus simul respondetur: promittendi verò reos, qui separatim interrogati, cuiuspiam idem dare aut facere singuli promittunt: proinde quod duobus reis stipulandi debetur, singulis in solidum debetur: & è regione quod plures promittendi rei sponderunt singuli solidum dare tenentur: vnius tamen solutione aut receptione, vtriusq; perimitur obligatio.
Et.

ET stipulandi & promittendi duo pluresue rei fieri possunt. Stipulandi ita, si post omnium interrogationem promissor respondeat, Spondeo: ut puta cum duobus separatim stipulantibus ita promissor respondeat, Vtrique vestrum dare spondeo. Nam si prius Titio sponderit, deinde alio interroganti respondeat: alia atque alia erit obligatio, nec creduntur duo rei stipulandi esse. Duo pluresue rei promittendi ita fiunt, Mæui, decem aureos dare spondes? & Sei, eosdem decem aureos dare spondes? si respondeant singuli separatim, Spondeo: ex huiusmodi obligationibus, & stipulationibus solidum singulis debetur, & promittentes singuli in solidum tenentur. In utraque tamen obligatione una res uertitur: & uel alter debitum accipiendo, uel alter soluendo, omnium perimit obligationem, & omnes liberat. Ex duobus reis promittendi, alius pure, alius in diem, uel sub conditione obligari potest: nec impedimento erit dies aut conditio, quo minus ab eo, qui pure obligatus est, petatur.

De stipulatione seruorum,

TIT. XVIII.

A R G V M.

Si quid hæreditarius seruus iacente adhuc hæ-

reditate stipuletur, futuro hæredi acquiritur. Item
vtrunque concepta fuerit serui aut filij stipulatio,
domino aut patri protinus quæritur.

Seruus ex persona domini ius stipulandi ha-
bet. Sed & hæreditas in plerisque personæ
defuncti vicem sustinet: ideoq; quod seruus hæ-
reditarius ante aditam hæreditatem stipulatur:
adquirat hæreditati, ac per hoc etiam hæredi
postea factæ acquiritur. Siue autem domino, si-
ue sibi, siue conseruo suo, siue impersonaliter ser-
uus stipuletur: domino acquirit. Idem iuris est
& in liberis, qui in potestate patris sunt, ex qui-
bus causis acquirere possunt.

A R G V M.

Seruus factum suam ipsius personam respiciens sti-
pulando, sibi, non domino quærit.

Sed cum factum in stipulatione continebitur:
omnimodo persona stipulantis continetur: uelu-
ti si seruus stipuletur, ut sibi ire agere liceat.
ipse enim tantum prohiberi non debet, nõ etiam
dominus eius.

A R G V M.

Ex communis serui stipulatione unicuique do-
minorum pro portione scilicet dominica, adquiri-
tur: nisi vnus domini iussu aut nomine stipulatus
sit: quod autem vni dominorum quæri non potest,
alteri adcrefcit.

*Seruus communis stipulando, unicuiq; domi-
norum*

orum pro portione dominij acquirit: nisi iussu
unius eorum, aut nominatim alicui eorū stipula
tus est. tūc enim soli ei acquiritur. Quod seruus
cōmunis stipulatur, si alteri ex dominis adquiri
non potest: solidum alteri acquiritur. ueluti si
res, quam dari stipulatus est, unius domini sit.

De diuisione stipulationum,

TIT. XIX.

Stipulationū aliæ sunt iudiciales, aliæ præ
toriæ, aliæ cōventionales, aliæ cōmunes, tam
prætoriæ, quàm iudiciales. Iudiciales sunt dun
taxat, quæ à mero iudicis officio proficiſcūtur:
ueluti de dolo cautio, uel de perſequendo ſeruo,
qui in fuga eſt, reſtituendōue pretio. Prætoriæ
ſunt, quæ à mero Prætoris officio proficiſcūtur:
ueluti dāni infecti, uel legatorū. Prætorias au
tem ſtipulationes ſic exaudiri oportet, ut in his
etiā contineantur ædilitiæ. nam & hæ à iuriſdi
ctione Prætoris ueniunt. Conuentionales ſunt,
quæ ex conuentione utriuſq; partis cōcipiūtur,
hoc eſt, neq; iuſſu iudicis, neque iuſſu Prætoris,
ſed ex cōuentione contrahentiū, quarū cotidē ge
nera ſunt quot (penè dixerim) rerū cōtrahēdarū.

Communes ſunt, ueluti rem ſaluā fore pupil
lo (nā & Prætor iubet rem ſaluā fore pupillo;

caueri: & interdum iudex, si aliter hæc res expē-
diri non potest) uel de rato stipulatio.

De inutilibus stipulationibus,

TIT. XX.

OMnis res, quæ domino nostro subijcitur,
in stipulationem deduci potest: siue illa
mobilis sit, siue soli. At si quis rem, quæ in re-
rum natura non est, aut esse non potest, dari sti-
pulus fuerit: ueluti Stichum, qui mortuus sit,
quem uiuere credebat: aut hippocentaurum, qui
esse non possit: inutilis erit stipulatio. Idem iu-
ris est, si rem sacrā, aut religiosam, quam huma-
ni iuris esse credebat: uel rem publicam, quæ usi-
bus populi perpetuò exposita sit, ut forum, uel
theatrum: uel liberū hominem, quem seruum esse
credebat: uel cuius cōmercium non habuerit: uel
rem suam dari quis stipuletur.

* Adnota, Euentum rei ad quem præsens
status non tendit, nequaquā considerandū.

Nec in pendentī erit stipulatio ob id, quod
publica res in priuatam deduci, & ex libero ser-
uus fieri potest, & commercium adipisci stipu-
lator potest, & res sua stipulatoris esse desinere
potest: sed protinus inutilis est.

Adnota,

* Adnota, Etiam quod à principio valuit, si ad eum perueniat casum à quo initium sumere nequit, vitari.

Item contra, licet initio utiliter res in stipulatum deducta sit: si tamen postea in aliquam eorum causam, de quibus suprà dictum est, sine facto promissoris deuenierit: extinguitur stipulatio. At nec statim ab initio talis stipulatio ualebit, Lucium Titium, cum seruus erit, dare spondes? & similia. quæ enim natura sui dominio nostro exempta sunt, in obligationem deduci nullo modo possunt.

A R G V M.

Alieni facti promissio inuutilis est: facti autem proprii, utilis.

Si quis alium daturum facturumue quid promiserit, non obligabitur: ueluti si spondeat Titium quinque aureos daturum. Quod si effecturum se, ut Titius daret, sponderit: obligatur.

A R G V M.

Stipulari nemo potest ut alteri (quàm ei cuius iuri subiectus sit) aliquid detur aut fiat.

Si quis alij, quàm ei, cuius iuri subiectus sit, stipuletur: nihil agit.

A R G V M.

Adiectio solutioni obligatio non quæritur, ei tamen rectè soluitur: talisq; solutio obligationem perimit: tenetur tamen adiectus mandati actione propo

proposita, stipulanti quod accepit restituere.

Planè solutio etiã in extraneã personã cõferri potest: ueluti si quis ita stipuletur, Mihi aut Seio dare spondes? ut obligatio quidem stipulatori adquiratur, solui tamẽ Seio, etiam inuito co, rectè possit, ut liberatio ipso iure contingat: sed ille aduersus Sciũ habeat mādati actionem.

* Adnota, Ea est ratio: nam extranei adiectio inutilis, vtilem pro parte stipulatoris vitare non debet stipulationem: vtile enim per inutile nequaquam vitatur.

Quòd si quis sibi, & alijs, cuius iuri subiectus non sit, dari decem aureos stipulatus est: ualet quidem stipulatio. sed utrum totum debeatur stipulatori, quod in stipulationem deductum est, an uerò pars dimidia: dubitatũ est. sed placuit, non plus quàm dimidiam partem ei adquiri. Ei uerò, qui iuri tuo subiectus est, si stipulatus sis, tibi adquiris: quia uox tua, tanquam filij sit, sicuti & filij uox, tanquam tua intelligitur in ijs rebus, quæ tibi adquiri possunt.

A R G V M.

Responsio interrogationi non conueniens, stipulationem nullam efficit: & qui interrogatis simpliciter responderet, cum omnibus interrogationi connexis qualitatibus respondisse censeretur: quandoquidem ad omnia in interrogatione deducta, referretur simplex responsio.

Præterea

Præterea inutilis est stipulatio, si quis ad ea, quæ interrogatus fuerit, non respondeat: ueluti si quis decem aureos à te dari sibi stipuletur, tu quinq; promittas, uel cōtrā: aut si ille purè stipuletur, tu sub conditione promittas, uel contrā: si modò scilicet id exprimas, id est, si cui sub conditione, uel in diē stipulanti, tu respōdeas, Præsentī die spōdeo. Nā si hoc solum respondeas. Promitto: breuiter uideris in eandem diem, uel conditionem spopondisse. Neq; enim necesse est in respōdendo eadē omnia repeti, quæ stipulator expresserit. Item inutilis est stipulatio, si uel ab eo stipuleris, qui tuo iuri subiectus est, uel si is à te stipuletur. Sed seruus quidē non solū domino suo obligari nō potest, sed ne quidē ulli alijs. filij uerò familiarū alijs obligari possunt. Mutū neq; stipulari, neq; promittere posse, palām est. quod & in surdo receptum est: quia & is, qui stipulatur, uerba promittentis: & is, qui promittit, uerba stipulantis audire debet. unde apparet, non de eo nos loqui, qui tardius exaudit: sed de eo, qui omnino non audit. Furiosus nullum negotium gerere potest: quia non intelligit, quod agit.

A R G V M.

'Qui infantiam excessit, alium sibi obnoxium (etiam sine tutoris autoritate) reddere potest: ipse autem alteri obligari non potest.

Pupillus:

Pupillus omne negotiū rectē gerit: ita tamen, ut ubi tutoris auctoritas necessaria sit, adhibeatur tutor: ueluti si ipse obligetur. nam alium siibi obligare etiam sine tutoris auctoritatē potest. Sed quod diximus de pupillis, utiq; de ijs uerum est, qui iam habent aliquē intellectū. nam infans, & qui infantiae proximus est, non multum a furioso distant: quia huiusmodi ætatis pupilli nulum habent intellectū. Sed in proximis infantia, propter utilitatem eorum, benignior iuris interpretatio facta est: ut idem iuris habeant, quod pubertati proximi. Sed qui in potestate parentis est impubes, ne auctorē quidē patre obligatur.

* Adnota, Conditionem impossibilem negatiuē conceptam (cū potius necessaria, quā impossibilis dicatur) stipulationem non vitare, nec suspendere, sed puram reddere.

Si impossibilis conditio obligationibus adijciatur: nihil ualet stipulatio. Impossibilis autem conditio habetur, cui natura impedimento est, quo minus existat: ueluti si quis ita dixerit, Si digito cælum attigero, dare spondes? At si ita stipuletur, Si digito cælum non attigero, dare spondes? purē facta obligatio intelligitur, ideoq; statim peti potest.

A R G V M.

Stipulationis contractus partium præsentiam expostulat: publicæ tamen scripturæ partes præsentibus fuisse enarranti, vsque adeò fides adhibetur, ut nisi absentiam allegans eam legitimè probarit, perpetuò illi stetur.

Item uerborum obligatio inter absentes concepta, inutilis est. Sed cum hoc materiã litium contentiosis hominibus præstabat, fortè post tempus tales allegationes opponentibus, & non præsentibus fuisse, uel se, uel aduersarios suos contendentibus: ideo nostra constitutio propter celeritatem dirimendarum litium introducta est, quam ad Cæsarienses aduocatos scripsimus: per quam disposuimus, tales scripturas, quæ præsto esse partes indicant, omnino esse credendas: nisi is, qui talibus utitur improbis allegationibus, manifestissimis probationibus uel per scripturam, uel per testes idoneos adprobauerit, toto codice, quo conficiebatur instrumentum, se se uel aduersarium suum in alijs locis fuisse.

A R G V M.

Actiones hodie ab hæredibus, & contra hæredes initium capere possunt.

Post mortem suam dari sibi nemo stipulari poterat: non magis, quàm post eius mortem, à quo stipulabatur. Ac nec is, qui in alicuius potestate est, post mortem eius stipulari poterat: quia patris

patris uel domini uoce loqui uideretur. Sed & si quis ita stipuletur, Pridie quàm moriar: uel, Pridie quàm morieris, dare spondes? *inutilis erat stipulatio.* Sed cùm (ut iam dictum est) ex consensu contrahentium stipulationes ualeant: placuit nobis etiam in hunc iuris articulum necessariam inducere emendationem: ut siue post mortem, siue pridie quàm moriatur stipulator, siue promissor, stipulatio concepta sit: stipulatio ualeat.

A R G V M.

Præpostera stipulationis conceptio, inutilem minime reddit stipulationem.

Item si quis ita stipulatus erat, Si naui cras ex Asia venerit, hodie dare spondes? *inutilis erat stipulatio, quia præposterè concepta est.* Sed quum Leo inclytæ recordationis in dotibus eadem stipulationem, quæ præpostera nuncupatur, non esse reiiciendam existimauerit: nobis placuit, & huic perfectum robur adcommodare, ut non solum in dotibus, sed etiam in omnibus ualeat huiusmodi conceptio stipulationis. Ita autem stipulatio concepta, ueluti si Titius dicat, Cum moriar, dare spondes? uel, Cum morieris: & apud ueteres utilis erat, & nunc ualeat. Item post mortem alterius rectè stipulamur.

*Adnota, Ea est ratio, nam omnia solenniter acta præsumuntur.

Si scriptum in instrumēto fuerit, promississe aliquem: perinde habetur, atq; si interrogatione præcedente responsum sit.

*Adnota, Tot inesse stipulationes, quot res in stipulationem deductæ.

Quoties plures res una stipulatione comprehenduntur, si quidem promissor simpliciter respondeat, Dare spondeo: propter omnes tenetur. Si uerò unam ex his, uel quasdam daturū se sponderit: obligatio in ijs, pro quibus sponderit, contrahitur. Ex pluribus enim stipulationibus una, uel quædam uidentur esse perfectæ: singulas enim res stipulari, & ad singulas respondere debemus.

A R G V M.

Vt alteri detur vel fiat, stipulari non possumus, quandoquidem alteri adquiri, nostra minimè interest: pœnam tamen, si promissa nō præstentur, stipulari nobis non prohibemur.

Alii stipulari (ut supra dictum est) nemo pōt. Inuentæ enim sunt huiusmodi stipulationes uel obligationes ad hoc, ut unusquisq; adquirat sibi, quod sua interest. cæterū si alij detur: nihil interest stipulatoris. Planè si quis uelit hoc facere, pœnā stipulari conueniet: ut nisi ita factū sit,

ut est cōprehensum, committatur pœna stipulatio etiam ei, cuius nihil interest. Pœnā enim cum stipulatur quis, non illud inspicitur, quod intersit eius, sed quæ sit quantitas in conditione stipulationis. Ergo si quis ita stipuletur, Titio dari? nihil agit, sed si adiecerit pœnam. Nisi dederis, tot aureos dare spondes? tunc committitur stipulatio.

A R G V M.

Quoties nostra interest extraneo dari, toties ei stipulari possumus.

Sed & si quis stipuletur alij, cū eius interest, placuit stipulationē ualere. Nam si is, qui pupilli tutelam administrare cœperat, cesserit administrationē cōtutori suo, & stipuletur rem pupilli saluam fore: quoniā interest stipulatoris fieri, quod stipulatus est (cū obligatus futurus sit pupillo, si male res gesserit) tenet obligatio. Ergo & si quis procuratori suo dari stipulatus sit: habebit uires stipulatio. Et si creditori suo quis stipulatus sit: quod sua interest, ne fortē uel pœna committatur, ut prædia distrabātur, quæ pignori data erant: ualet stipulatio. Versa uice, qui alium facturum promisit, uidetur in ea esse causa, ut non teneatur, nisi pœnam ipse promiserit. Item nemo rem suam futuram, in eum casum, quo sua sit, utiliter stipulatur.

A R G V M.

Inutilis est stipulatio si in re quæ in stipulationem deducitur, dissensus versetur.

Si de alia re stipulator senserit, de alia promissor: perinde nulla contrahitur obligatio, ac si ad interrogatum, responsum non esset: ueluti si hominem Stichum à te quis stipulatus fuerit, tu de Pamphilo senseris, quem Stichum uocari credideris. Quod turpi ex causa permissum est: ueluti si quis homicidium, uel sacrilegium se facturum promittat: non ualet. Cum quis sub aliqua conditione stipulatus fuerit: licet ante conditionem decesserit: postea existente conditione hæres eius agere potest. Idem est, & ex promissoris parte. Qui hoc anno, aut hoc mense dari stipulatus est: nisi omnibus partibus anni uel mensis præteritis, non rectè petet.

A R G V M:

Etiam si pura fuerit stipulatio, eius tamen executioni tacitè id tempus adiectum videtur, quo commodè promissa à debitore impleri queant.

Si fundum dari stipuleris, uel hominem: non poteris continuo agere, nisi tantum spatium præterierit, quo traditio fieri possit.

De fideiussoribus,

TIT. XXI.

Quandoquidem nō semper ei qui promittit tutum est credere, cautius erit alium adsumere, qui obligationem illam in se recipiat, promissore quoque remanente obligato: quem fideiussorem à fide promissa appellamus, qui quidem cuius obligatio, ni utcumque contractæ (etiam si naturalis tantum sit) accedere potest.

Pro eo qui promittit, solēt aliī obligari, qui fideiussores appellantur: quos homines accipere solent, dum curant, ut diligentius sibi cautum sit. In omnibus autē obligationibus adsumi possunt: id est, siue re, siue uerbis, siue literis, siue consensu contractæ fuerint. At nec illud quidem interest, utrū ciuilis, an naturalis sit obligatio, cui adijcitur fideiussor: adeo quidem, ut pro seruo quoq; obligetur, siue extraneus sit, qui fideiussorem à seruo accipiat, siue ipse dominus in id, quod sibi naturaliter debetur. Fideiussor non tantum ipse obligatur, sed etiam heredem relinquit obligatum. Fideiussor & præcedere obligationem & sequi potest.

Si plures sint fideiussores pro eodē interueniētes, in solidū tenentur singuli: diui tamen Hadriani beneficio (si omnes litis contestatæ tēpore soluendo existant) in viriles scinditur debitum: quod si vnus fideiussorū neglecto diui Hadriani beneficio, solidum debitū exoluerit, frustra à confideiussoribus

viriles repetere nitetur, sed ei; cum principali debi-
tore experiendum est.

*Si plures sint fideiussores: quotquot erunt nu-
mero, singuli in solidū tenentur. Itaq; liberū est
creditori, a quo uelit solidū petere. Sed ex epi-
stola diui Hadriani cōpellitur creditur a singu-
lis, qui modò soluendo sunt litis contestata tēpo-
re, partes petere. Ideoq; si quis ex fideiussoribus
eo tempore soluendo non sit: hoc ceteros onerat.
Sed si ab uno fideiussore creditor totū consequu-
tus fuerit: huius solius detrimentū erit, si is, pro
quo fideiussit, soluendo nō sit: & sibi imputare de-
bet, cū potuerit iuuari ex epistola diui Hadria-
ni, & desiderare, ut pro parte in se detur actio.*

A R G V M.

Fideiussoria obligatio accessoria est principali:
quo fit ut maior principali esse nequeat: minor au-
tem queat.

* Ad no. illud vulgatū: Qui citò dat: bis dat.

*Fideiussores ita obligari non possunt, ut plus
debeant, quàm debet is, pro quo obligantur. Nam
eorum obligatio, accessio est principalis obliga-
tionis: nec plus in accessione potest esse, quàm in
principalis re. At ex diuerso, ut minus debeant,
obligari possunt. Itaque si reus decē aureos pro-
misit: fideiussor i quinque rectè obligatur: cōtra
uero obligari non potest. Itē si ille purè promi-*

serit, fideiussor sub cōditione promittere potest: contrā uerò nō potest. Non solū autem in quantitate, sed etiam in tempore minus aut plus intelligitur. Plus est enim statim aliquid dare: minus est post tempus dare. Si quid autē fideiussor pro reo soluerit: eius recuperādi causa habet cum eo mandati iudicium. Græcè etiā fideiussor ita accipitur, τῇ ἐμῇ πείσῃ κελύω ἐγώ. sed & si dixerit διλω, siue, βέλομαι, sed & φημί: pro eo erit, ac si dixerit λέγω.

A R G V M.

Solennitas intrinseca interuenisse præsumitur, quando scripturæ verba apta sunt illam comprehendere.

In stipulationibus fideiussorum sciendū est hoc generaliter accipi: ut quodcumq; scriptum sit quasi actum, uideatur etiā actum. Ideoq; constat, si quis scripserit se fideiussisse: uideri omnia solenniter acta.

De literarum obligationibus,

TIT. XXII.



A R G V M.

Qui se mutuum accepisse (numerationis futuræ spe) in scriptis confessus fuerit, ni intra biennij spatium non numeratæ pecuniæ exceptionem obiecerit, postea literis effectualiter obligatur,

Olim

Olim scriptura fiebat obligatio, quæ nomi-
nibus fieri dicebatur, quæ nomina hodie nō
sunt in usu. Planè si quis debere se scripserit,
quod sibi numeratū non est, de pecunia minimè
numerata, post multū tēporis exceptionē oppo-
nere nō potest, hoc enim sapiēsimè cōstitutum
est: sic fit, ut & hodie, dum queri nō potest, scri-
ptura obligetur: & ex ea nascatur cōditio, cessan-
te scilicet uerborū obligatione. Multum autem
tēpus in hac exceptione antea quidem ex princi-
palibus constitutionibus usq; ad quinquennium
procedebat: sed ne creditores diutius possint suis
pecunijs forsitan defraudari: per cōstitutionem
nostrā tempus coartatum est, ut ultra biennij
metas huiusmodi exceptio minimè extendatur.

De obligationibus ex consensu,

TIT. XXIII.

* Adnota, In contractibus, quæ consensu
perficiuntur, ea omnia venire, quæ ex bono
& æquo præstari oportet: in stipulationi-
bus verò ea sola, que ex conventionē par-
tium, expressim stipulationi adiecta sunt.

Consensu fiūt obligationes in emptionibus,
quæditionibus, locationibus, cōductionibus,

societatibus, mandatis. Ideo autem istis modis obligatio dicitur cōsensu cōtrahi: quia neq; scrīptura, neq; præsentiā omnimodo opus est. at nec dari quid iurum necesse est, ut substantiam capiat obligatio: sed sufficit eos, qui negotia gerūt, consentire. unde inter absentes quoq; talia negotia cōtrahuntur, ueluti per epistolā, uel per nuntium. Item in his contractibus alter alteri obligatur in id, quod alterum alteri ex bono & æquo præsistere oportet: cum alioquin in uerborum obligationibus alius stipuletur, alius permittat.

De emptione & venditione, TIT. XXIIII.

ARGV M.

Emptio & venditio sine scriptis contracta, solo consensu perficitur, quamprimum de pretio conuenit, etiam si nil sit numeratum, aut arrhæ nomine datum: quæ verò in scriptis conficitur, non aliter perfecta est, nisi instrumenta emptionis completa, atque in mundum recepta, & partibus prælecta fuerint: quibus nondum absolutis, impune contrahentibus ab emptione recedere licet: si harum interuenierint: quas perdit emptor, venditor autem duplicatas restituit.

EMPTIO & uenditio contrahitur simulatq; de pretio conuenierit: quauis nōdum pretium numeratum sit, ac ne arrha quidem data fuerit, Nam quod arrha nomine datur, argumētum est
emtionis

emtionis & uenditionis cōtractæ. Sed hoc quidem de emtionibus & uenditionibus, quæ sine scriptura consistunt, obtinere oportet, nā nihil à nobis in huiusmodi emptiōibus & uēditionibus innouatum est. in ijs autem, quæ scriptura consi-
ciuntur: non aliter perfectam esse uenditionem & emptionem cōstituimus, nisi & instrumēta em-
ptionis fuerint cōscripta, uel manu propria cō-
trahentium, uel ab alio quidē scripta, à contra-
hentibus autem subscripta: & si per tabellionē
fiunt, nisi & completiones acceperint, & fuerint
partibus absolutæ. Donec enim aliquid deest ex
his, & pœnitētiæ locus est, & potest emptor uel
uenditor sine pœna recedere ab emptione & uen-
ditione. Ita tamem impunè eis recedere cōcedi-
mus, nisi iam arrharum nomine aliquid fuerit da-
tum: hoc enim subsequuto: siue in scriptis, siue
sine scriptis, uenditio celebrata est: is, qui recu-
sat adimplere contractum, si quidem est em-
ptor, perdit quod dedit. si uero uenditor: duplum
restituere compellitur, licet super arrhis nihil
expressum sit.

A R G V M.

Contractui emtionis certum debet interuenire
pretium: pretio autem in arbitrium tertij collato,
suspenditur effectus emtionis, ut si tertius arbitre-
tur valeat, eo non arbitrate non valeat.

Pretium autem constitui oportet: nam nulli emptio sine pretio esse potest. Sed & certum esse pretium debet. alioqui si inter aliquos ita conuenierit, ut quanti Titius rem aestimauerit, tanti sit empti: inter ueteres satis abundeque hoc dubitabatur constaretne uenditio, an non. Sed nostra decisio ita hoc constituit, ut quoties sic composita sit uenditio, Quanti ille aestimauerit, sub hac conditione staret contractus: ut si quidem ille, qui nominatus est, pretium definiat: tunc omnimodo secundum eius estimationem & pretium persoluitur, & res tradatur, & uenditio ad effectum perducatur: emptore quidem ex empto actione, uenditore ex uendito agente. Sin autem ille, qui nominatus est, uel noluerit, uel non potuerit pretium definire: tunc pro nihilo esse uenditionem, quasi nullo pretio statuto. Quod ius cum in uenditionibus nobis placuerit: non est absurdum & in locationibus & in conductionibus trahere.

A R G V M.

Venditæ rei pretium in numerata pecunia consistere debet: non etiam in alijs rebus: alioqui facile discerni non posset vter emptor & venditor sit: nec quæ res vendita, quodve pretium: ideo tunc potius permutatio dicitur, quæ separatim ab emptoris specie parit.

Item pretium in numerata pecunia consistere debet.

debet. Nā in cæteris rebus, an pretiū esse posset, ualde quærebatur: ueluti an homo, aut fundus, aut toga alterius rei pretium esse posset. Et Sabinus & Cassius etiam in alia re putabant pretium posse consistere. unde illud est, quod uulgo dicebatur: permutatione rerum emptionē & uenditionem contrahi, eamq; speciem emptionis & uenditionis uetustissimam esse: argumentoq; utebantur Græco poëta Homero, qui aliquā partem exercitus Achiuorum uinū sibi cōparasse ait, permutatis quibusdam rebus, his uerbis:

Νῆες δ' ἐκ λήμνοιο παρ' ἱσαῶν, οἶνον ἄγασαι.
 Ενθεμ ἄρ' οἶνι ζεντο καρηκομόωντες ἄχαίει,
 Ἀλλοι μὲν χαλκῷ, ἄλλοι δ' αἰθωνι σιδῆρῳ,
 Ἀλλοι ὃ ῥινοῖς, ἄλλοι δ' αὐτοῖσι βόειον,
 Ἀλλοι δ' ἀνδραπόδειαι.

Diuersæ scholæ authores contrā sentiebant: aliudq; esse existimabant permutationē rerum, aliud emptionem & uenditionē: alioqui nō posset rem expediri, permutatis rebus, quæ uideatur res uenisse, & quæ pretij nomine data esse. nam utraq; uideri & uenisse, & pretij nomine datam esse, rationem nō pati. Sed Proculi sententia, dicentis permutationem propriā esse speciem contractus à uenditione separatā, merito præualuit: cum & ipse alijs Homericis uersibus adiuuabatur,

tur, & ualidioribus rationibus argumētabatur: quod & anteriores diui principes admisserunt, & in nostris Digestis latius significatur.

A R G V M.

Absoluta venditione, rei venditæ commodum, & periculum (licet res nondum tradita sit) ad emptorem pertinet: modo neque dolus, neque culpa venditoris interuenerit: aut periculum custodiæ usque ad traditionem venditor susceperit.

Quum autem emptio & uenditio contracta sit. (quod effici diximus, simulatque de pretio conuenerit) cū sine scriptura res agitur: periculum rei uenditæ statim ad emptorem pertinet, tametsi adhuc ea res emptori tradita non sit. Itaq; si homo mortuus sit, uel aliqua parte corporis latus fuerit, aut ædes totæ uel aliqua ex parte incendio consumptæ fuerint, aut fundus ui fluminis totus uel aliqua ex parte ablatus sit, siue etiam inundatione aquæ, aut arboribus turbine deiectis longè minor aut deterior esse cœperit: emptoris damnum est, cui necesse est, licet rem non fuerit nactus, pretium soluere. Quidquid enim sine dolo & culpa uenditoris accidit, in eo uenditor securus est. Sed & si post emptionem fundo aliquid per alluionem accesserit: ad emptoris commodum pertinet: Nam & commodum eius esse debet, cuius periculum

lum est. Quod si fugerit homo, qui uenijt, aut subreptus fuerit, ita ut neque dolus, neque culpa uenditoris interuenerit: animaduertendum erit, an custodiam eius usque ad traditionē uenditoris susceperit. Sanē enim si susceperit: ad ipsius periculum is casus pertinet. si non susceperit: securus est. Idem & in cæteris animalibus, cæterisque rebus intelligimus.

*Adnota, Quoties quis ideo tenetur quia actionem habet, eam cedendo liberatur: alioqui secus.

Vtique tamen uiudicationē rei & condictio-
nem exhibere debet emptori: quia sanē qui nō-
dum rem emptori tradidit, adhuc ipse dominus
est. Idem etiam est de furti & de damni iniu-
rie actione. Emptio tam sub conditione, quā
purē contrahi potest. Sub conditione: ueluti,

Si Stichus intra certum diem tibi placue-
rit, erit tibi emptus aureis tot. Loca sacra
uel religiosa, item publica (ueluti forum, basili-
cam) frustra quis sciens emit: quæ tamen si pro
profanis uel priuatis deceptus à uenditore quis
emerit: habebit actionem ex empto, quod non
habere ei liceat, ut cōsequatur, quod sua interest
eum deceptum non esse. Idem iuris est, si homi-
nem liberum pro seruo emerit.

De locatione & conductione.

TIT. XXV.

A R G V M.

Sicut emptio, & venditio solo consensu simul atq; de pretio conuenit, perficitur, ita locatio, & conductio quamprimum merces constituta est: quæ usque adeo emptioni similis est, ut eisdem regulis constet: idcirco si locationi incerta merces interuenerit, à contrahentibus tamen postea certum, eandem, non proprie est locatio, sed inuominatus contractus.

Locatio & conductio proxima est emptioni & uenditioni, iisdemq; iuris regulis consistit. Nam ut emptio & uenditio ita contrahitur, si de pretio conuenerit: sic & locatio & conductio ita contrahi intelligitur, si merces constituta sit, & competit locatori quidē locati actio, conductori uerò conducti. Et quæ supra diximus, si alieno arbitrio pretium permissum fuerit: eadem & de locatione & conductione dicta esse intelligimus, si alieno arbitrio merces permissa fuerit. Qua de causa si fulloni polienda curam laue, aut sarcinatori sarcieda uestimenta quis dederit, nulla statim mercede constituta, sed postea tantum daturus, quantum inter eos conuenerit, non proprie locatio & conductio contrahi intelligitur, sed eo nomine actio præscriptis uerbis datur.

A R G V M.

Locatæ rei merces in numerata pecunia consistere debet, alioquin si in specie consistat, non locatio quidem, sed innominatus contractus est, ex quo præscriptis verbis actio oritur.

Præterea sicut ulgò quærebatur, an permutatis rebus emptio & uenditio contraheretur: ita quæri solebat de locatione & cōductione, si forte rem aliquam utendam siue fruendam tibi aliquis dederit, & inuicem à te utendam siue fruendam aliam rem acceperit. Et placuit non esse locationem & conductionem, sed proprium genus contractus. ueluti si cum unus bouem quis haberet, & uicinus eius unum, placuerit inter eos, ut per denos dies inuicem boues commodarent, ut opus facerent, & apud alterum alterius bos perierit: neq; locati, neq; conducti, neq; commodati competit actio: quia non fuit commodatum gratuitum, uerum præscriptis uerbis agendum est.

A R G V M.

Emphyteuseos cōstitutio (id est, cum prædium perpetuò fruendum annua pensione constituta cuiuspiam cōceditur) neq; uenditio, neq; locatio est: sed propriam contractus speciem parit: in qua si de rei periculo nihil inter contrahentes actum sit, totius rei interitus ad dominum, particularis uero ad emphyteutam spectat.

Adco

Adeo autem aliquam familiaritatē inter se uidentur habere emptio & uenditio, itē locatio, & cōductio, ut in quibusdā causis quari soleat, utrum emptio & uēditio cōtrahatur, an locatio & conductio. ut ecce de prædijs, quæ perpetuò quibusdam fruenda traduntur, id est, ut quandiu pensio siue redditus pro his domino præstetur, neq; ipsi cōductori, neq; hæredi eius, cuius cōductor hæresue eius id prædiū uēdiderit, aut donauerit, aut dotis nomine dederit, aliòue quocūq; modo alienauerit, auferre licet. Sed talis cōtractus, quia inter ueteres dubitabatur, & à quibusdam locatio, à quibusdā uēditio existimabatur: lex Zenoniāna lata est, quæ emphyteuscos contractus propriam statuit naturam, neq; ad locationem, neq; ad uēditionem inclinantem, sed sui pactionibus fulciendam: & si quidē aliquid pactum fuerit, hoc ita obtinere, ac si naturalis esset contractus, si autem nihil de periculo rei fuerit pactum: tunc si quidē totius rei interitus accesserit: ad dominum super hoc redundare periculum. si autem particularis, ad emphyteuticariū huiusmodi damnum uenire. quo iure utimur.

A R G V M .

Conuentio ut ex artificis materia opus fiat mercede certa constituta, uenditio est: quòd si ex cōductoris materia, locatio est,

Item

Item quaeritur, si cum aurifice Titius conuenerit, ut is ex auro suo certi ponderis certaq; formæ annulos ei faceret, et acciperet (uerbi gratia) decem aureos: utrum emptio & uenditio, an locatio & conductio contrahi uideatur? Cassius ait, materiæ quidem emptionem & uenditionem contrahi, operæ autem locationem & conductionem. Sed placuit tantum emptionem & uenditionem contrahi. Quod si suum aurum Titius dederit, mercede pro opera constituta: dubium non est, quin locatio & conductio sit.

A R G V M .

Quæ partium expressa conuentione promissa fuerunt, necnon & quæ ex bono & æquo præstari debent (licet de ijs conuentum non sit) hæc in contractu seruanda sunt.

Conductor autem omnia secundum legem conductionis facere debet: & si quid in lege prætermissum fuerit, id ex bono & æquo præstare.

Qui pro usu aut uestimentorum, aut argenti, aut iumentum mercedem aut dedit, aut promisit: ab eo custodia talis desideratur, qualem diligentissimus paterfamilias suis rebus adhibet. quam si præstiterit, & aliquo casu fortuito eam rem amiserit: de restituenda ea non tenebitur. Mortuo conductore intra tempora conductionis: hæres eius eodem iure in conductione succedit.

De societate,
TIT. XXVI.

A R G V M.

Et omnium bonorum, & certæ negotiationis coiri potest societas: in qua quæ circa lucrum aut damnum pacta sunt, seruari oportet: quod si nihil conuentum sit, æquas partes & in lucro, & in danno, inuicem referre decet: in hac tamen socij pacisci queunt, ut alteri plus lucri, alteri plus damni obueniat: quinimo & quod vnus lucri partem ferat, de damno verò non teneatur.

* Annota, Id lucrum dici quod omni damno deducto superest.

Societatem coire solemus aut totorum bonorum, quam Græci specialiter κοινοῦσιον appellant: aut unius alicuius negotiationis, ueluti mancipiorum uendendorum emendorumque, aut olei, aut uini, aut frumenti emendi uendendi que. Et quidem si nihil de partibus lucri et damni nominatim conuenerit: æquales scilicet partes & in lucro & in damno spectantur. Quod si expressæ fuerint: partes hæc seruari debent. Nec enim unquam dubium fuit, quin ualeat conventio, si duo inter se pacti sint, ut ad unum quidem duæ partes & lucri & damni pertineant, ad alium tertia. De illa sane conventionem quæ situm est, si Titius et Seius inter se pacti sint, ut ad Titium lucri duæ partes

partes pertineant, damni tertia: ad Seicum duæ partes damni, lucri tertia: an rata debeat haberi conuentio? Quintus Mutius contra naturam societatis talem pactionem esse existimauit, & ob id non esserata habendam. Seruius Sulpitius (cuius sententia prauauit) contra sensit: quia sæpe quorundam ita pretiosa est opera in societate, ut eos iustum sit conditione meliore in societatem admitti. Nam & ita coiri posse societatem non dubitatur, ut alter pecuniam conferat, alter non conferat, & tamen lucrum inter eos commune sit: quia sæpe opera alicuius pro pecunia ualet. Et adeo contra Quinti Mutij sententiam obtinuit, ut illud quoque constiterit posse conuenire, ut quis lucri partem ferat, de damno non teneatur. quod & ipsum Seruius conuenienter sibi fieri existimauit. Quod tamen ita intelligi oportet, ut si in alia re lucrum, in alia damnum illatum sit: compensatione facta, solum, quod superest, intelligatur lucro esse.

A R G V M.

Pars in lucro adiecta, in damno quoque adiecta videtur: & è diuerso.

Illud expeditum est, si in una causa pars fuerit expressa, ueluti in solo lucro, uel in solo dāno, in altera uero omissa: in eo quoque, quod præter-

missum est, eandem partem seruari.

A R G V M.

Renuntiatione soluitur societas: quo fit, vt quæ post renuntiationem obuenere, cõmunicanda non sint: nisi callide quis societati ideo renuntiarit, vt solum expectatum lucrum consequeretur.

Manet autem societas cõ usq; donec in eodem cõsensu perseuerauerint. At cùm aliquis renuntiauerit societati, soluitur societas. Sed planè si quis callidè in hoc renuntiauerit societati, ut obueniens aliquod lucrum solus habeat: ueluti si totorum bonorum socius, cùm ab aliquo hæres esset relictus, in hoc renuntiauerit societati, ut hæreditatẽ solus lucrificeret: cogitur hoc lucrũ cõmunicarẽ. Si quid uerò aliud lucrificiat, quod non captauerit: ad ipsum solũ pertinet. Ei uerò, cui renuntiatum est, quicquid omnino post renuntiatã societatẽ adquiratur, soli conceditur.

A R G V M.

Adijciuntur quatuor modi quibus finitur societas: scilicet, morte socij, negotio finito, publicatione, & bonorum cessione.

Soluitur adhuc societas etiam morte socij: quia qui societatem contrahit, certam personam sibi eligit. sed & si consensu plurium societas contracta sit: morte unius socij soluitur, etsi plures supersint: nisi in coeunda societate aliter conuenierit.

uenērit. Item si alicuius rei contracta societas sit, & finis negotio impositus est: finitur societas. Publicatione quoque distrabi societatem, manifestum est: scilicet si uniuersa bona socij publicentur. non cum in eius locum alius succedat, pro mortuo habetur. Item si quis ex socijs mole debiti pragrauatus, bonis suis cesserit, & ideo propter publica aut priuata debita substantia eius ueneat: soluitur societas. sed hoc casu, si adhuc consentiant in societatem, noua uidetur incipere societas.

A R G V M.

Socium in communi re tantam adhibere diligentiam quantam in re propria sufficit: ideo eo nomine tantum tenetur, si quid in communibus rebus segnus egerit, quam in suis.

Socius socio utrum eo nomine tantum teneatur pro socio actione, si quid dolo commiserit, sicut is, qui deponi apud se passus est: an etiam culpa, id est, desidia atque negligentia nomine, qua situm est: praualeuit tamen etiam culpa nomine teneri eum. Culpa autem non ad exactissimam diligentiam dirigenda est. Sufficit enim talem diligentiam communibus rebus adhibere socium, qualem suis rebus adhibere solet. Nam qui parum diligentem socium sibi adsumit: de se queri, sibiq; hoc imputare debet.

De mandato,

TIT. XXVII.

Mandatum contrahitur quinque modis: siue sua tantum gratia aliquis tibi mandet, siue sui & tua, siue aliena tantum: siue sua & aliena, siue tua & aliena. At si tua tantum gratia tibi mandatum sit: superuacuum est mandatum, & ob id nulla ex eo obligatio, nec mandati inter uos actio nascitur.

A R G V M.

Eius gratia fieri mandatum dicitur, cuius emolumentum respicit.

Mandantis tantum gratia interuenit mandatum: ueluti si quis tibi mandet, ut negotia eius gereres, uel ut fundum ei emereres, uel ut pro eo sponderes. Tua gratia & mandantis: ueluti si mandet tibi, ut pecuniam sub usuris crederes ei, qui in rem ipsius mutuaretur: aut si uolente te agere cum eo ex fideiussoria causa, mandet tibi, ut cum eo ageres, periculo mandantis: uel ut ipsius periculo stipuleris ab eo, quem tibi deleget in id, quod tibi debebat. Aliena autem tantum causa interuenit mandatum: ueluti si tibi aliquis mandet, ut Titij negotia gereres, uel ut Titio fundum emereres, uel ut pro Titio sponderes. Sua & aliena: ueluti si de communibus suis & Titij negotijs gerendis tibi mandet,

mandet, uel ut sibi & Titio fundum emeret, uel ut pro eo & Titio sponderet. Tua & aliena: ueluti si tibi mandet, ut Titio sub usuris crederet: quia si sine usuris pecuniam crederet, aliena tantum gratia intercedit mandatum.

A R G V M .

Mandatū gratia mādatarij tantū faciūm, potius consiliū quā mandatū est: quā ob rem mādantem nō ligat: cū ex cōsilio etiā pernicioso nemo obligetur: nisi ut certæ psonæ mutuetur mādātū fuerit,

Tua tantum gratia interuenit mandatum: ueluti si tibi mādet, ut pecunias tuas in emptiones potius prädiorū colloques, quā fœneres: uel ex diuerso, ut pecunias tuas fœneres potius, quā in emptiones prädiorū colloques. Cuius generis mandatū, magis consilium, quā mandatum est, & ob id non est obligatoriu: quia nemo ex cōsilio mādati obligatur, etiā si non expediat ei, cui mandabatur: cū liberum cuique sit apud se explorare, an sibi expediat cōsiliū. Itaq; si otiosam pecuniā domi te habentem hortatus fuerit aliquis, ut rem aliquam emeret, uel eam crederet: quamuis non expediat eam tibi emisse, uel credidisse, non tamen tibi mandati tenetur. Et adeo hæc ita sunt, ut quasitū sit, an mādati teneatur, quā mandauit tibi, ut pecuniā Titio fœnerares. sed obtinuit Sabini sentētia, obligatoriu esse in

hoc casu mādatū: quia nō aliter Titio credidisses, quā si tibi mandatū esset. Illud quoq; mandatum non est obligatorium, quod contra bonos mores est: ueluti si Titius de furto, aut de dāno faciendo, aut de iniuria faciēda mandet tibi. licet exim pœnā istius facti nomine praestiteris, non tamen ullam habes aduersus Titium actionem.

A R G V M.

• Mandati fines excedere nequaquam licet: alio, qui excedenti (quatenus excesserit) mandati actio denegatur.

Is, qui exequitur mandatum, non debet excedere fines mandati. ut ecce, si quis usque ad centum aureos mandauerit tibi ut fundum emerēs, uel ut pro Titio spōderēs: neq; pluri emergere debes, neq; in ampliorem pecuniā fideiubere, alioqui non habebis cum eo mandati actionem: adeo quidem, ut Sabino & Cassio placuerit, etiam si usque ad centum aureos cum eo agere uolueris: inutiliter te acturum. Sed diuersæ scholæ authores recte usque ad centum aureos te acturum existimant, quæ sententia sanè benignior est. Quod si minoris emeris, habebis scilicet cum eo mandati actionem: quoniam qui mandat, ut sibi centum aureorū fundus emeretur, is utique mandasse intelligitur, ut minoris (si possit) emeretur.

A R G V M.

Mandatum re integra reuocatum extinguitur: rem autem integram appellamus, si quando nihil quod ad mandati consummationem attinet, vel factum vel inchoatum sit: morte quoque mandantis re integra contingente, euanesceat mandatum: mandatario tamen mortem aut reuocationem ignorantibus subuenitur.

Recte quoque mandatum contractum, si dum adhuc integra res sit, reuocatum fuerit, euanesceat. Item si adhuc integro mandato, mors alterutrius interueniat, id est, uel eius, qui mandauerit, uel illius, qui mandatum suscepit: soluitur mandatum. Sed utilitatis causa receptum est. si eo mortuo, qui tibi mandauerat, tu ignorans cum decessisse, executus fueris mandatum: possit te agere mandati actione. alioqui iusta & probabilis ignorantia tibi damnum adferet. Et hic simile est, quod placuit, si debitores manumisso dispensatore Titij, per ignorantiam liberti soluerint, liberari eos: cum alioqui stricta iuris ratione non possent liberari, quia alij soluissent, quam cui soluere debuerint.

A R G V M.

Mandatum suscipere, voluntatis est: susceptum uero adimplere, necessitatis: nisi congruo tempore illi renuntietur: quod si aut non renuntietur: aut intempestiue renuntiatum sit, mandati actio aduersus mandatarium competit: nisi iusta ratione excusetur.

Mandatum non suscipere, cui libet liberum est: susceptum autem consummandum est, aut quam primum renuntiandum, ut per semetipsum, aut per alium eandem rem mandator exequatur. Nam nisi ita renuntietur, ut integra causa mandatori reseruetur eandem rem explicandi: nihilominus mandati actio locum habet: nisi iuste causa intercesserit, aut non renuntiandi, aut in tempestive renuntiandi. Mandatum & in diem differri, & sub conditione fieri potest.

A R G V M .

Gratuitum debet esse mandatum: quandoquidem si certa merces aut constituta, aut promissa sit, in aliam contractus speciem transmutatur.

In summa sciendum est, mandatum, nisi gratuitum sit, in aliam formam negotij cadere. Nam mercede constituta, incipit locatio & conductio esse. Et (ut generaliter dicamus) quibus casibus sine mercede suscepto officio, mandati siue depositi contrahitur negotium: ijs casibus interueniente mercede locatio & conductio intelligitur contrahi. Et ideo si fulloni polienda curandaue quis dederit uestimenta, aut sarcinatori sarcienda, nulla mercede constituta, neque promissa: mandati competit actio.

De obligationibus, quæ quasi ex contractu nascuntur,

TIT. XXVIII.

Post genera contractuum enumerata, dispi-
ciamus etiã de ijs obligationibus, quæ qui-
dem non propriè nasci ex contractu intelligun-
tur: sed tamen quia non ex maleficio substantiam
capiunt, quasi ex contractu nasci videntur.

A R G V M.

Cum quis absentis negotia sine mandato cura-
uit, hincinde ex quasi contractu nascitur obliga-
tio: ex qua duæ proficiuntur actiones: altera ne-
gotiorum gestori aduersus dominum (si quid eius
nomine utiliter impenderit) competit: altera verò
domino cōtra gestorem, ut administrationis ratio-
nem reddat: qui quidem si minus, quàm oportebat
gesserit, tunc etiã de leuissima culpa tenetur, cum
alius commodius negotia erat administraturus.

Igitur cū quis negotia absentis gesserit: ultro
citroq; inter eos nascuntur actiones, quæ appellan-
tur negotiorum gestorum. sed domino quidem rei
gestæ aduersus eum, qui gessit, directæ competit
actio: negotiorum autem gestori, contraria. quas
ex nullo contractu propriè nasci, manifestū est:
quippe ita nascuntur istæ actiones, si sine ma-
dato quisq; alienis negotijs gerendis se obtulerit,

ex qua causa ij, quorum negotia gesta fuerint, etiam ignorantes obligantur. Idq; utilitatis causa receptum est: ne absentium, qui subita festinatione coacti, nulli demandata negotiorum suorum administratione, peregrinè profecti essent, desererentur negotia: quæ sanè nemo curaturus esset, si de eo, quod quis impendisset, nullam habiturus esset actionem. Sicut autem is, qui utiliter gessit negotia, dominum habet obligatum negotiorum gestorum: ita & contrà, iste quoq; tenetur, ut administrationis reddat rationem. quo casu ad exactissimam quisque diligentiam compellitur reddere rationem: nec sufficit talem diligentiam adhibere, qualem suis rebus adhibere solet: si modò alius diligentior eo commodius administraturus esset negotia.

A R G V M.

Et quæ inter tutorem, & pupillum, ex gestione tutelæ oritur obligatio, ex quasi contractu nasci dicitur: ex qua tutelæ actio directa, & contraria resultat: prima pupillo datur ut tutelæ rationem consequatur: reliqua tutori, ut quod ei pupilli nomine abest, recuperet.

Tutores quoq;, qui tutelæ iudicio tenentur, non propriè ex contractu obligati esse intelliguntur (nullum enim negotium inter tutorem, & pupillum contrahitur) sed quia sanè non ex malefici-

cio tenentur, quasi ex contractu teneri videntur. Hoc autem casu mutue sunt actiones. Non tantum enim pupillus cum tutore habet tutelæ actionem, sed & contra tutor cum pupillo habet contrariam tutelæ, si uel impenderit aliquid in rem pupilli, uel pro eo fuerit obligatus, aut rem suam creditoribus eius obligauerit.

A R G V M.

Habentes rem aliter, quam ex contractu societatis, communem, vltro citroq; ex quasi contractu obligantur: quæ obligatio actionem familiæ ercisundæ, & communi diuidundo producit.

Item si inter aliquos communis res sit sine societate: ueluti quod pariter eis legata, donata uel esset: & alter eorum alteri idco taneatur communi diuidundo iudicio, quod solus fructus ex ea re perceperit, aut quod socius eius solus in eam rem necessarias impensas fecerit, non intelligitur ex contractu proprie obligatus esse, quippe nihil inter se contraxerunt, sed quia ex maleficio non tenetur: quasi ex contractu teneri uidetur. Idem iuris est de eo, qui cohæredi familiæ ercisundæ iudicio ex his causis obligatus est.

A R G V M.

Additione hæreditatis quasi contrahere hæres cum legatarijs dicitur.

Hæres quoq; legatorum nomine non proprie

ex contractu obligatus intelligitur (neque enim cum herede, neque cum defuncto ullum negotium legatarius gessisse proprie dici potest) & tamen, quia ex maleficio non est obligatus: quasi ex contractu debere intelligitur.

* Adnota, Videto paragraphum, is quoque. *suprà*, Quibus modis re contrahitur obligatio.

*Item is, cui quis per errorem non debitum soluit, quasi ex contractu debere videtur. Adeo enim non intelligitur proprie ex contractu obligatus esse, ut si certiore ratione sequamur: magis (ut *suprà* diximus) ex distractu, quam ex contractu possit dici obligatus esse. Nā qui solvendi animo pecuniā dat: in hoc dare videtur, ut distrahat potius negotium, quam contrahat. Sed tamen perinde is, qui accipit, obligatur, ac si mutuum ei daretur, & ideo condictione tenetur.*

A R G V M .

Si in eo causarum genere, quæ inficiando duri plantur, indebitum solutum fuerit, repetitio cessat: ideo quod ex l. Aquilia, vel legato religionis, & pietatis intuitu venerabilibus rebus facto, solutum est, non repetitur.

Ex quibusdam tamen causis repeti non potest, quod per errorem non debitum solutum sit. sic namque definiunt veteres, ex quibus causis inficiando

riando lis crescit, ex ijs causis non debitum solum, repeti non posse: ueluti ex lege Aquilia, item ex legato. Quod ueteres quidem in ijs legatis locum habere uoluerunt, quæ certa constituta, per damnationem cuiq; legata fuerant. nostra autem constitutio, cum unam naturam omnibus legatis, & fideicommissis indulgit, huiusmodi augmentum in omnibus legatis, & fideicommissis extēdi uoluit: sed non omnibus legatarijs hoc præbuit. sed tantummodo in ijs legatis, & fideicommissis, quæ sacrosanctis ecclesijs, & ceteris uenerabilibus locis, quæ religionis, uel pietatis intuitu honorantur, relicta sunt: quæ si indebita soluantur, non repetuntur.

Per quas personas nobis
obligatio acquiritur,

TIT. XXIX.

* Adnota, Patrem legitimum bonorum aduentitiorum filij administratorem esse: eiq; soli actiones intentandi ius cōpetere.

EXpositis generibus obligationum, quæ ex contractu, uel quasi ex cōtractu nascuntur: admonendi sumus acquiri nobis non solum per nosmetipsos, sed per eas quoq; personas, quæ in
nostra

nostra potestate sunt, ueluti per seruos, & filios nostros: ut tamen, quod per seruos nostros nobis acquiritur, totum nostrum fiat: quod autem per liberos, quos in potestate habemus, ex obligatione fuerit acquisitum, hoc diuidatur secundum imaginem rerum proprietatis, & ususfructus, quam nostra decreuit constitutio: ut quod ab actione commodum perueniat, huius usumfructum quidem habeat pater, proprietas autem filio seruetur, scilicet patre actionem mouente secundum nouellæ nostræ constitutionis diuisionem. Item per liberos homines, & alienos seruos; quos bona fide possidemus, acquiritur nobis: sed tantum ex duabus causis, id est, si quid ex operis suis, uel ex re nostra adquirant. Per eum quoque seruum, in quo usumfructum, uel usum habemus, similiter ex duabus istis causis nobis acquiritur. Communem seruum pro dominica parte dominis adquirere certum est: excepto eo, quod nominatim uni stipulando, aut per traditionem accipiendo, illi soli acquirit: ueluti cum ita stipulatur, Titio domino meo dare spondes? Sed si domini unius iussu seruus fuerit stipulatus, licet antea dubitabatur: tamen post nostram decisionem res expedita est, ut illi tantum adquirat, quia hoc ei facere iussit, ut supra dictum est.

Quibus

Quibus modis tollitur obligatio,

TIT. XXX.

ARGV M.

Eius quod debetur solutio, à debitore vel à quouis ipsius nomine facta, omnem obligationem perimit: quo fit vt solutione principalis, euanescat fideiussoria obligatio: & versa vice idem dicito.

Tollitur autem omnis obligatio solutione eius, quod debetur: uel si quis, consentiente creditore, aliud pro alio soluerit. Nec interest, quis soluat: utrū ipse, qui debet, an alius pro eo. liberatur enim & alio solvente: siue sciente, siue ignorante debitore, uel inuito eo solutio fiat. Item si reus soluerit: etiam ij, qui pro eo interuenerunt, liberantur. Idem ex contrario contingit, si fideiussor soluerit. non enim ipse solus liberatur, sed etiam reus.

ARGV M.

Acceptilatione (id est, imaginaria quadam & ficta solutione, mutua interrogatione & responsione concepta) verborum obligatio tantum tollitur: reliquæ vero obligationes ex re consensu, & alio quouis modo contrahæ, nō antea solvuntur quàm in Aquilianam stipulationem, id est, verborū obligationem deducantur: vt sic demum acceptilatio ne sopiri queant.

Item per acceptilationem tollitur obligatio. Est aut acceptilatio, imaginaria solutio. Quod enim ex uerborum obligatione Titio debetur, id si uelit Titius remittere, poterit sic fieri, ut patiatur hæc uerba debitorē dicere: Quod ego tibi promisi, habes ne acceptum? & Titius respondeat, Habeo. Sed & Græcè potest acceptilatio fieri: dummodo sic fiat, ut Latinis uerbis solet exigi, ἔχεις λαβὼν δ' ἀνάγκη τόσα, ἔχω λαβὼν. Quo genere (ut diximus) tantum ea soluentur obligationes, quæ ex uerbis consistunt, non etiam cæteræ. Consentaneum enim uisum est, uerbis factam obligationem, alijs posse uerbis dissolui. Sed & id, quod alia ex causa debetur, potest in stipulationem deduci, & per acceptilationem dissolui. Sicut autem quod debetur, pro parte rectè soluitur, ita in parte debiti acceptilatio fieri potest. Est autem prodita stipulatio, quæ uulgo Aquiliana appellatur, per quā contingit, ut omnium rerum obligatio in stipulatum deducatur, & ea per acceptilationem tollatur. Stipulatio enim Aquiliana renouat omnes obligationes, & à Gallo Aquilio ita cōposita est. Quid quid te mihi ex quacumq; causa dare facere oportet, oportebitue, præsens in diemue, aut sub conditione: quaruncumq; rerum mihi tecum actio est, quæq;.

quæq; aduersus te petitio, uel aduersus te persecutio est eritue: quôd uic tu mecum habes, tenes, possides, dolô uic malo fecisti, quo minus possideas: quanti quæq; earum rerum res erit, tantam pecuniâ dari stipulatus est Aulus Agerius, sponpōdit Numerius Nigidius. quod Numerius Nigidius Aulo Agerio sponpondit, id haberetne à se acceptum Numerius Nigidius Aulum Agerium rogauit. Aulus Agerius Numerio Nigidio acceptum fecit.

A R G V M.

Nouatio est prioris debiti in aliam obligationem transfusio: quo fit ut anteriori obligatione sublata, noua constituitur: quæ olim nouæ personæ interuentu (etiam quæ naturaliter tantum obligari posset) inducebatur: eadem uero interueniente persona, ita demum nouatio facta erat, si quid priori obligationi posterior adijceret, uel detraheret: hodie autem nunquam inducta censetur nouatio, nisi expressim à contrahentibus hoc agatur: alias anterior firma manet, & posterior loco incrementi accedit.

Præterea nouatione tollitur obligatio: ueluti si id, quod tibi Seius debebat, à Titio dari stipulatus sis. Nā interuēt u nouæ psonæ, noua nascitur obligatio, et prima tollitur, trās lata in posteriore: adeo, ut interdū, licet posterior stipulatio inutilis sit, tamē prima nouationis iure tollatur: ueluti si id, quod tu Titio debes, à pupillo sine

tutoris auctoritate stipulatus fuerit. quo casu res amittitur. nam & prior debitor liberatur, & posterior obligatio nulla est. Non idem iuris est, si à seruo quis fuerit stipulatus. nam tunc prior perinde obligatus manet, ac si postea nullus stipulatus fuisset. Sed si eadem persona sit, à qua postea stipuleris: ita demum nouatio fit, si quid in posteriore stipulatione noui sit: fortè si conditio, aut dies, aut fideiussor adijciatur, aut detrahatur. Quod autem diximus, si conditio adijciatur, nouationem fieri: sic intelligi oportet, ut ita dicamus factam nouationem, si conditio extiterit: alioqui si defecerit, durat prior obligatio. Sed cum hoc quidem inter ueteres constabat, tunc fieri nouationem, cum nouandi animo in secundam obligationem itum fuerat: per hoc autem dubium erat, quando nouandi animo uideretur hoc fieri, & quasdam de hoc præsumptiones alij in alijs casibus introducebant: ideo nostra processit constitutio, quæ apertissime definiuit, tunc solum nouationem prioris obligationis fieri, quoties hoc ipsum inter contrahentes expressum fuerit, quod propter nouationem prioris obligationis conuenerunt. alioqui & manere præstinam obligationem, & secundam ei accedere, ut maneat ex utraque causa obligatio secundum

dum nostræ constitutionis definitionem, quam
licet ex ipsius lectione apertius cognoscere.
Hoc amplius, eæ obligationes, quæ consensu co-
trahuntur, contraria uoluntate dissoluuntur.
Nam si Titius, & Scius inter se consenserint,
ut fundum Tusculanum emptum Scius haberet
centum aureis: deinde renondum sequuta, id est,
neque pretio soluto, neque fundo tradito, pla-
cuerit inter eos, ut discederetur ab ea em-
ptione, & uenditione: inuicem liberan-
tur. Idem est in conductione, &
locatione, & in omnibus con-
tractibus, qui ex consensu
descendunt, sicut
iam dictum
est.

TERTII LIBRI

FINIS.

*

Institutionū, seu elementorum D. Iustizi niani sacratissimi principis,

LIBER IIII.

De obligationibus, quæ ex
delicto nascuntur,
TITVLVS I.

ARGV M.

Furtum latius, clariusquæ sic definitur : furtum est contrectatio rei alienæ, inuito domino, fraudulosa, lucri faciendi gratia, vel ipsius rei, vel etiam vsus eius, vel possessionis.



*Q*UOD sit expositum superiore libro de obligationibus ex contractu, & quasi ex contractu: sequitur, ut de obligationibus ex maleficio, & quasi ex maleficio discipiamus. Sed illæ quidē (ut suo loco tradidimus) in quatuor genera diuiduntur. hæc uerò unius generis sunt. nam omnes ex re nascuntur, id est, ex ipso maleficio, ueluti ex furtio, rapina, dāno, iniuria. Furtum est contrectatio fraudulosa, lucri faciendi gratia,

gratia, uel ipsius rei, uel etiā usus eius, possessio-
nisue, quod lege naturali prohibitū est admitte-
re. Furtum autem uel à furuo, id est, nigro dictū
est, quod clam & obscure fiat, & plerunque no-
ctē: uel à fraude, uel à ferendo, id est, auferendo:
uel à Græco sermone, quod φῶρος appellant fu-
res. Imò & Græci à ferendo φῶρος dixerunt.

A R G V M.

Qui cum re furtiua antequā eo perueniret, quo
furtum] perferre destinarat, ubiuis locorum depre-
hensus fuit, fur est manifestus: qui si locum desti-
natum iam aduentarit, etiam si demum cum re de-
prehendatur, non manifestus dicitur.

Furtorum autem duo sunt genera: manifestū,
& nec manifestum. Nam conceptum & obla-
tū, species potius actionis sunt furto coharētes,
quā genera furtorum, sicut inferius apparebit.
Manifestus fur est, quem Græci ἐπ' αὐτοφῶρος
appellant: nec solū is, qui in ipso furto deprehen-
ditur, sed etiā is, qui in eo loco deprehēditur, quo
furtū fit: ueluti qui in domo furtū fecit, & non-
dum egressus ianuam deprehensus fuerit: & qui
in oliueto, oliuarum: aut in uincto, uuarum furtū
fecit, quādiu in eo oliueto aut uincto deprehēsus
fuerit. Imò ulterius furtum manifestū est exten-
dendum, quādiu eam rem fur tenens uisus uel de-
prehensus fuerit: siue in publico, siue in privato.

uel à domino, uel ab alio, antequam eò peruen-
rit, quò deferre uel deponere destinasset. Sed si
pertulit, quò destinauit, tametsi deprehendatur
cum re furtiua, non est manifestus fur. Nec ma-
nifestum furtum quid sit, ex ijs, quæ diximus,
intelligitur. nam quod manifestum non est, id sci-
licet nec manifestum est.

A R G V M.

Varia furtorum genera, ex quibus quoque va-
riæ actionum species prodibant, hodie in desuetu-
dinem abierunt: Qui sciens prudensque rei furtivæ
& receptator & occultator est, furti non manifesti
obnoxius sit.

Conceptum furtū dicitur, cum apud aliquem
testibus præsentibus furtiua res quæsita & in-
uenta sit. nam in eū propria actio cōstitutata est,
quāuis fur non sit, quæ appellatur cōcepti. Ob-
latum furtum dicitur, cum res furtiua ab aliquo
tibi oblata sit, eaq; apud te concepta sit: utiq; si
ea mēte tibi data fuerit, ut apud te potius, quā
apud eum, qui dedit, cōciperetur. nam tibi, apud
quē concepta sit, propria aduersus eū, qui obtu-
lit, quanuis fur non sit, constituta est actio, quæ
appellatur oblati. Est etiam prohibiti furti
actio aduersus eum, qui furtum querere testibus
præsentibus uolētē prohibuerit. Præterea pæ-
na cōstituitur edicto prætoris per actionē fur-
ti non

zī non exhibiti, aduersus eum, qui furtiuam rem apud se quasitam & inuentam nō exhibuit. Sed hæ actiones, scilicet concepti & oblati, & furti prohibiti, nec non furti nō exhibiti, in desuetudine abierūt. Quū enim requisitio rei furtiue hodie secundum ueterem obseruationem non fiat: meritō ex consequentia etiam præfatæ actiones ab usu cōmuni recesserūt: quum manifestum sit, quod omnes, qui scientes rem furtiuam susceperint & celauerint, furti nec manifesti obnoxij sunt. Pœna manifesti furti, quadrupli est, tã ex serui, quàm ex liberi psona, nec manifesti, dupli.

A R G V M.

Quæuis indebita alienæ rei contræctatio, inuito domino facta, furti alligat contræctatē: quapropter, qui re aliena abutitur, furtum committit.

Furtum autem fit, nō solūm cū quis intercipiendi causa rem alienā amouet: sed generaliter cū quis alienam rem inuito domino cōtræctat. Itaq; siue creditor pignore, siue is, apud quē res deposita est, ea re utatur: siue is, qui rem utendā accipit, in alium usum eam transferat, quā cuius gratia ei data est, furtum cōmittit: ueluti si quis argentum utendum acceperit, quasi amicos ad coenam inuitaturus, & id peregrè secum tulerit: aut si quis equum gestandi causa commoda-

tum sibi, longius aliquò duxerit: quod ueteres scripserunt de eo, qui in aciem equum perduxisset. Placuit tamen eos qui rebus commodatis aliter uterentur, quàm utendas acceperint, ita furtum committere, si se intelligant, id inuito domino facere: cumq; si intellexisset, non permissurum. at si permissurum credat: extra crimen uideri, optima sanè distinctione: quia furtum siue affectu furandim committatur.

A R G V M.

Qui etiam inuito domino contrectare falso credit, si id volente domino faciat, furti reus non est: excipe alieni serui improbum sollicitatorem: quippe qui etiam si domini applausu, eius rem assequutus fuerit, furti obnoxius est: nihilominus serui corrupti iudicium subiturus.

Sed & si credat aliquis inuito domino se rem commodatam sibi contrectare, domino autē uolente id fiat: dicitur furtum non fieri. Vnde illud quasitum est, cum Titius seruum Mæuij sollicitauerit, ut quasdam res domino subriperet, & ad eum perferret, & seruus id ad Mæuium pertulerit: Mæuius autē, dum uult Titium in ipso delicto deprehendere, permiserit seruo quasdam res ad eum perferre: utrum furti, an serui corrupti iudicio teneatur Titius, an neutro? Et cum nobis super hac dubitatione suggestū est, & antiquo-
rum

rum prudentium super hoc altercationes perspe-
ximus, quibusdam neque furti, neque serui corru-
pti actionem præstantibus, quibusdā furti tan-
tummodo: nos huiusmodi calliditati obuiam cū-
tes, per nostram decisionem sancimus, nō solum
furti actionem, sed & serui corrupti contra cum
dari. licet enim is seruus deterius a sollicitate re-
minime factus est, & ideo non concurrant regu-
læ, quæ serui corrupti actionem introducunt: ta-
men consilium corruptoris ad perniciem probi-
tatis serui introductū est, ut sit ei pœnalis actio
imposita, tanquam si re ipsa fuisset seruus corru-
ptus: ne ex huiusmodi impunitate & in alium
seruum, qui facile posset corrumpi, tale facinus a
quibusdam perpetretur. Interdum etiam libero-
rum hominum furtum fit: ueluti si quis liberorū
nostrorum, qui in potestate nostra sunt, subre-
ptus fuerit. Aliquando autem etiam suæ rei
furtum quis committit: ueluti si debitor rem,
quæ creditori pignoris causa dedit, subtraxerit.

A R G V M.

Furti quoque actione tenetur non modo qui fur-
ratur, verum etiam qui opem & consilium ad id
patrandum præstat: eademque pœna qua fur con-
demnandus est: qui si consilium tantum dederit, nō
tenetur.

Interdum quoque furti tenetur, qui ipse furtū

non fecit: qualis est is, cuius ope & consilio furtum factum est. In quo numero est, qui tibi nummos excussit, ut alius eos raperet: aut tibi obstiterit, ut alius rem tuam exciperet: aut oues tuas uel boues fugauerit, ut alius eas acciperet. Et hoc ueteres scripserunt de eo, qui panno rubro fugauit armentum. Sed si quid eorum per lasciuiam, & nō data opera, ut furtum admitteretur, factum est: in factum actio dari debet. At ubi ope Mauij Titius furtum fecerit: ambo furti tenentur. Ope & consilio eius quoque furtum admitti uidetur, qui scalas forte fenestris supponit: aut ipsas fenestras uel ostium effringit, ut alius furtum faceret: quūc ferramenta ad effringendum, aut scalas, ut fenestris supponerentur, commodauerit, sciens cui rei gratia commodauerit. Certē qui nullam opem ad furtum faciendum adhibuit, sed tantum consilium dedit, atque hortatus est ad furtum faciendum, nō tenetur furti.

A R G V M.

Si quid filius patri furto subripiat, furtum facit, idque furtiuum efficitur: & eapropter inusu capibile: filius tamen furti conueniri minime potest: opem autem & consilium illi præstans potest.

Hi, qui in parentiū uel dominorū potestate sunt, si rem eis subripiunt, furtum quidē faciūt,

Et res in furtiuam causam cadit (nec ob id ab ullo usucapi potest, antequam in domini potestatem reuertatur) sed furti actio non nascitur: quia nec ex alia ulla causa potest inter eos actio nasci. Si uero ope & consilio alterius furtum factum fuerit: quia utique furtum committitur, conuenienter ille furti tenetur: quia uerum est, ope & consilio eius furtum factum esse. Furti autem actio ei competit, cuius interest rem saluam esse, licet dominus non sit. Itaque nec domino aliter competit, quam si eius intersit rem non perire. Vnde constat creditorem de pignore subrepto furti actione agere posse, etiam si idoneum debitorem habeat: quia expedit ei pignori potius incumbere, quam in personam agere: adeo quidem, ut quamuis ipse debitor eam rem subripuerit, nihilominus creditori competat actio furti.

A R G V M.

Qui alienae rei custodiendae exactam curam praestare tenetur (ut puta fullo & sarcinator) re furto sublata, contra furem experiri possunt: modo integre soluendo existant.

Item si fullo polienda curandaeue, aut sarcinator sarcienda uestimenta mercede certa constituta acceperit, ea que furto amiserit: ipse furti habet actionem, non dominus: quia domini nihil interest eam rem non perire, quam iudicio locati de fullo

lone aut sarcinatore rem suam persequi possit. Sed & bonæ fidei emptori subrepta re, quam emerit, quamvis dominus non sit, omnino competit furti actio, quemadmodum & creditori. Fullo uero & sarcinatori non aliter furti actionē competere placuit, quā si soluēdo fuerint: hoc est, si domino rei æstimationem soluere possint.

Nam si soluendo non sint: tunc quia ab eis suum dominus consequi non possit, ipsi domino furti competit actio: quia hoc casu ipsius interest rem saluam esse. Idem est, & si in parte soluendo fuerit fullo aut sarcinator.

A R G V M.

Qui ē duabus experiundi vijs alterutram elegerit, ita demum alteri renuntiasse videtur, si sciens prudensque plures sibi competere, alteram intenta- rit: quod si aut nescius, aut dubitans egerit, nil prohibet, quin iam instituta actione omiſsa, sibi competentem proponat.

Quæ de fullone & sarcinatore diximus, eadē & ad eum, cui commodata res est, transferenda ueteres existimabant. Nam ut ille fullo mercedem accipiendo, custodiā præstat: ita is quoque, qui commodatum utendi causa accepit, similiter necesse habet custodiam præstare. Sed nostra prouidentia etiā hoc in nostris decisionibus emendauit, ut in domini uolūtate sit: siue commodati actio:

actionem aduersus eum, qui rem commodatā accepit mouere desiderat: siue furti aduersus eum, qui rem subripuit: & alterutra earum electa, dominum non posse ex poenitentia ad alterā uenire actionem. sed si quidem furcm elegerit: illum, qui rem utendam accepit, penitus liberari. sin autē commodator ueniat aduersus eum, qui rem utendam accepit: ipsi quidem nullo modo competere posse aduersus furcm furti actionem. cum autē, qui pro re commodata cōuenitur, posse aduersus furcm furti habere actionem: ita tamen si dominus sciens rem esse subreptā, aduersus eum, cui res cōmodata fuerit, peruenit. sin autem nescius & dubitans rem esse subreptam, apud eum commodati actionē instituerit: postea autē re comperta uoluerit remittere quidē cōmodati actionem, ad furti autem actionem peruenire: tunc licentia ei conceditur & aduersum furcm uenire, obstaculo nullo ei opponēdo, quoniam incertus constitutus mouit aduersus eum, qui rem utendam accepit, commodati actionem: nisi domino ab eo satisfactū fuerit. tunc etenim omnino furē a domino quidē furti actione liberari: suppositū autem esse ei, qui pro re sibi commodata domino satisfecit: quum manifestissimum sit, etiam si ab initio dominus actionem cōmodati instituerit,

ignarus rem esse subreptam, postea autem hoc eî cognito, aduersus furem transierit: omnino liberari eum, qui rem commodatam acceperit, quencunque causa exitum dominus aduersus furem habuerit: eadē definitione obtinente siue in parte, siue in solidum soluendo sit is, qui rem commodatam acceperit. Sed is, apud quem res deposita est, custodiam non præstat: sed tantum in eo obnoxius est, si quid ipse dolo malo fecerit. quæ de causa si res ei subrepta fuerit: quia restituendæ eius rei nomine depositi non tenetur, nec ob id eius interest rem saluam esse: furti agere non potest, sed furti actio domino compētīt.

A R G V M.

Quum ex furandi dolo animo furtum consistat, is tantum furti tenetur, qui doli capax est.

In summa, sciendum est, quæ situm esse, an impubes rem alienā amouēdo, furtū faciat? Et placuit, quia furtum ex affectu furandi consistit: ita demū obligari eo crimine impuberē, si proximus pubertati sit, & ob id intelligat se delinquere.

A R G V M.

Duplum aut quadruplum quod in furti actione venit, ad pœnæ persecutionem tantum pertinet, cū præterea res ipsa furto subtrahita, aut à quocunque possessore per rei vindicationem, aut ab ipso fure eiusque hærede per conditionem furtiuam extorqueri queat.

Furti actio, siue dupli, siue quadrupli, tātūm ad pœnæ persecutionem pertinet. Nam ipsius rei persecutionem extrinsecus habet dominus, quam aut uindicando, aut condicendo potest auferre. Sed rei uindicatio quidem aduersus possessorē est: siue fur ipse possidet, siue alius quilibet. condictio autem aduersus furem ipsum hæredēque eius, licet non possideat, competit.

De vi bonorum raptorum,

TIT. II.

A R G V M.

Quisquis res alienas rapit, non tantum furti obnoxius est, sed etiam vi bonorum raptorum actione conueniri potest: quæ intra annum à commissa rapina in quadruplum, post verò in simplum datur: ita quòd in quadruplo etiam rei persecutio contineatur: eius enim triplum in pœnam, simplum verò in rem computatur.

Q*ui ui res alienas rapit, tenetur quidem etiam furti (quis enim magis alienā rem inuito domino contrectat, quàm qui ui rapit? ideoq; rectè dictum est, eum improbum furem esse) sed tamen propriam actionem eius delicti nomine Prætor introducit, quæ appellatur vi bonorū raptorū: & est intra annum quadrupli: post annum, simpli: quæ actio utilis est, etiam si quis unam rem, licet minimā, rapuerit. Quadru-*

plum autem non totum pœna est, sicut in actio-
ne furti manifesti diximus: sed in quadruplo in-
est & rei persecutio: ut pœna tripli sit, siue cõ-
prehendatur raptor in ipso delicto, siue non. Ri-
diculum enim esset, leuioris conditionis esse eum,
qui ui-rapit, quàm qui clãm amouet.

A R G V M.

Si quis rem suam, aut quam suam opinabatur
penes alium constitutam, violenter aut rapuerit,
aut inuaserit, is si dominus sit à dominio cadet: sin
non sit, post rei restitutionem, eiusdem quoq; æsti-
mationem vim passo præstare cogitur.

Ita tamen competit hæc actio, si dolo malo
quis rapuerit. Nam qui aliquo errore ductus,
rem suam esse existimans, & imprudens iuris, cõ-
animo rapuerit: quasi domino liceat etiã per uim
rem suam auferre à possessoribus, absolui debet.
Cui scilicet cõueniens est, nec furti teneri eum,
qui eodem hoc animo rapuit. Sed ne, dum talia
excogitatur, inueniatur uia, per quam raptores
impunẽ suam exerceant auaritiã: melius diuali-
bus constitutionibus pro hac parte prospectum
est: ut nemini liceat ui-rapere uel rem mobilẽ, uel
se mouentẽ, licet suam eandem rem existimet. sed
si quis contra statuta principum fecerit: rei qui-
dem suæ dominio cadere. sin autem aliena res sit:
post restitutionẽ eius, etiam æstimationẽ eius-
dem

dem ei præstare. Quod non solum in mobilibus rebus, quæ rapi possunt, constitutiones obtinere censuerunt: sed etiam in inuasionibus, quæ circa res soli fiunt, ut ex hac causa ab omni rapina homines abstineant.

A R G V M.

Is cuius interest rapinam factam non fuisse, quâquam dominus non sit, vi bonorum raptorum actio, nem mouere potest: vt id scilicet cõsequatur, quod sibi abesse docuerit.

Sanè in hac actione nõ utiq; expectatur, rem in bonis actoris esse. nã siue in bonis sit, siue non: si tamen ex bonis sit, locum hæc actio habebit. Quare siue locata, siue commodata, siue etiam pignorat, siue deposita sit res apud Titium, sic ut intersit eius eam rem per vim nõ auferri (uelut si in deposita re culpam quoq; promisit) siue bona fide possideat, siue usumfructum quis habeat in ea, uel quid aliud iuris, ut intersit eius nõ rapi: dicendum est ei competere hanc actionem, non ut dominium accipiat: sed illud solum, quod ex bonis eius, qui rapinã passus est, id est, quod ex substantia eius ablatum esse proponatur. Et generaliter dicendum est, ex quibus causis furti actio competit in re clam facta, ex cisdem causis omnes habere hanc actionem.

De lege Aquilia,

TIT. III.

A R G V M.

Primo legis Aquiliæ capite cautum est, ut qui alienum seruum aut quadrupedem (quæ eorum numero est, quæ gregatim pasci consueuerunt) iniuria occiderit, quanti ea res eo anno retrorsum plurimi fuerit, tantum domino præstare cogitur.

DAmni iniuriæ actio constituitur per legem Aquilianam: cuius primo capite cautum est, ut si quis alienum hominem, alienamue quadrupedem, quæ pecudum numero sit, iniuria occiderit: quanti ea res in eo anno plurimi fuerit, tantum domino dare damnetur. Quod autem non præcise de quadrupede, sed de ea tantum, quæ pecudum numero est, cauetur: eo pertinet, ut neq; de feris bestiis, neq; de canibus cautum esse intelligamus: sed de iis tantum, quæ gregatim proprie pasci dicuntur: quales sunt equi, muli, asini, oues, boues, capræ. De suis quoque idem placuit. Nam & suæ pecudum appellatione continentur: quia & hi gregatim pascuntur. Sic deniq; & Homerus in Odyssæa ait (sicut Aelius Martianus in suis Institutionibus refert.)

Δῆεις τόν γε σύεσσι πρὸς κτήνη, οἱ δ' ἄλλοι
 Πάρ κ' ὁράει & πῶς τε κτήνη ἀρεθίσθαι.

Qui casu occidit l. Aquilia non obligatur: qui autem aut dolo, aut culpa, obligatur.

Iniuria autem occidere intelligitur, qui nullo iure occidit. Itaque qui latronem insidiatorem occiderit: non tenetur, utique si aliter periculum effugere non potest. Ac ne is quidem hac lege tenetur, qui casu occidit: si modo culpa eius nulla inueniatur. nam alioqui non minus ex dolo quam ex culpa quisque hac lege tenetur. Itaque si quis dum iaculis ludit, uel exercitatur, transcurrentem seruum tuum traiecerit: distinguitur. Nam si id a milite in eo campo, ubi solitum est exercitari, admissum est: nulla culpa eius intelligitur. si alius tale quid admisit: culpa reus est. Idem iuris est de milite, si in alio loco, quam qui ad exercitandum militibus destinatus est, id admisit. Item si putator ex arbore deiccto ramo seruum tuum transcurrentem occiderit: si prope uiam publicam, aut uicinalem id factum est, neque proclamauit, ut casus euitari posset: culpa reus est. sed si proclamauit, nec ille curauit precauere: extra culpam est putator. Acque extra culpam esse intelligitur, si scorsum a uia forte, uel in medio fundo cadebat, licet non proclamauit: quia in eo loco nulli extraneo ius fuerat uersandi.

A R G V M.

Imperitia culpæ adscribenda est: quo fit, vt qui onus peritiæ & viribus impar subierit, si ob eius imperitiam vel imbecillitatem quid damni datum sit, culpæ reus dicatur.

Præterea si medicus, qui seruū tuum secuit, dereliquerit curationem eius, & ob id mortuus fuerit seruus, culpæ reus erit. Imperitia quoque culpæ adnumeratur: ueluti si medicus ideo seruū tuum occiderit, quia male cum secuerit, aut perperam ei medicamentum dederit. Impetu quoque muliarum, quas mulio propter imperitiā retinere nō potuit, si seruus tuus oppressus fuerit: culpæ reus est mulio. Sed & si propter infirmitatē eas retinere non potuerit, cum alius firmior eas retinere potuisset: æquē culpa tenetur. Eadem placuerunt de eo quoque, qui cum equo ucheretur, impetum eius aut propter infirmitatē, aut propter imperitiam suam retinere non potuerit.

A R G V M.

Pœnales actiones in delinquentis hæredes non dantur.

His autem uerbis legis, Quanti id eo in anno plurimi fuerit, illa sententiā exprimitur: ut si quis hominem tuum, qui hodie claudus, aut mancus, aut luscus erit, occiderit, qui in eo anno integer, aut pretiosus fuerit; non tanti teneatur,
quanti

quanti hodie erit, sed quanti in eo anno plurimi fuerit. quæ ratione creditum est pœnalem esse huius legis actionem: quia non solum tanti quisque obligatur, quantum damni dederit, sed aliquando longè pluris. Ideoq; constat in heredem eam actionem non transire: quæ transitura fuisset, si ultra damnum nunquam lis æstimeretur.

A R G V M .

In lege Aquilia non modo illud damnum perempti corporis æstimatur: sed eo amplius quidquid perempto eo corpore damni patimur siue in amittendo, siue in non adquirendo consistat.

Illud nõ ex uerbis legis, sed ex interpretatione placuit: nõ solum perempti corporis æstimationem habendam esse, secundũ ea, quæ diximus: sed eo amplius, quidquid præterea perempto eo corpore damni nobis illatum fuerit: ueluti si seruum tuum heredem ab aliquo institutum, antè quis occiderit, quàm is iussu tuo hereditatẽ adierit. nam hereditatis quoq; amissæ rationem esse habendã constat. Item si ex pari mularũ unam, uel ex quadrigis equorũ unum quis occiderit, uel ex comœdis unus seruus occisus fuerit, non solum occisi fit æstimatio, sed eo amplius id quodq; cõputatur, quanti depretiati sunt qui supersunt. Liberum autem est ei, cuius seruus occisus fuerit, & ex iudicio priuato legis Aquiliæ dñum

persequi, & capitalis criminis eum reum facere.
 Caput secundum legis Aquiliæ in usu non est.

A R G V M .

Reliqua quæ (præter mortem serui aut quadrupedis, quæ pecudum numero est) rebus nostris animatis vel anima carentibus damna illata sunt, capite I. Aquiliæ tertio vindicantur : quapropter quisquis alteri vrendo, frangendo, depascendo, secando, rumpendo, & id genus modis damnum fecerit, quanti ea res in diebus triginta retro proximis plurimi fuerit, domino dare damnabitur.

Capite tertio de omni cætero dāno cauetur.
 Itaq; si quis seruum uel eam quadrupedem, quæ pecudum numero est, uulnerauerit: siue eā quadrupedem, quæ pecudum numero non est, ueluti canē, aut ferā bestiā uulnerauerit, aut occiderit: hoc capite actio constituitur. In cæteris quoque omnibus animalibus, itē in omnibus rebus, quæ anima carent, damnum per iniuriam datum, hac parte uindicatur. Si quid enim uisū, aut ruptū, aut fractum fuerit: actio ex hoc capite constituitur: quanquam poterat sola rupti appellatio in omnes istas causas sufficere. Ruptū enim intelligitur, quod quoquomodo corruptum est. Vnde non solum fracta, aut uisā, sed etiā scissa, & collisa. & effusa, & quoquo modo precepta atque deteriora facta, hoc uerbo continentur. Deniq; responsum

Sponsum est, si quis in alienum uinum aut oleum id miscuerit, quo naturalis bonitas uini aut olei corrumpatur: ex hac parte legis Aquilia eum teneri. Illud palam est, sicut ex primo capite ita demum quisque tenetur, si dolo aut culpa eius homo aut quadrupes occisus occisusue fuerit: ita ex hoc capite, de dolo aut culpa, & de cetero danno quousque teneri. ex hoc tamen capite non quanti in eo anno, sed quanti in diebus triginta proximis res fuerit, obligatur is, qui damnum dederit. At nec Plurimi quidem uerbum adijcitur. Sed Sabino recte placuit, perinde habendam aestimationem, ac si etiam hac parte Plurimi uerbum adiectum fuisset. nam plebem Romanam, quae Aquilio tribuno interrogante hanc legem tulit, contentam fuisse, quod prima parte eo uerbo usa esset.

A R G V M.

Directa l. Aquiliae actio competit, si corpori à corpore damnum illatum sit: quod si à non corpore corpori, uelutis dabitur: si autem neque à corpore datum sit, neque corpus laesum, in factum actioni locus est.

Ceterum placuit, ita demum directam ex hac lege actionem esse, si quis precipue corpore ~~damnum~~ damnum dederit. Ideoque in eum, qui alio modo damnum dederit, utiles actiones dari solent. uelut si quis hominem alienum, aut pecus ita incluscrit, ut fame

necaretur: aut iumentum ita uehementer egerit, ut rumperetur: aut pecus in tantum exagitaue- rit, ut præcipitaretur. aut si quis alieno seruo persuaferit, ut in arborem ascenderet, uel in pu- teum descenderet, & is ascendendo, uel descenden- do, aut mortuus, aut aliqua parte corporis laesus fuerit: utilis actio in eum datur. Sed si quis alie- num seruum, aut de ponte, aut de ripa in flumen deiecerit, & is suffocatus fuerit: eo, quod proie- cit, corpore suo damnum dedisse, non difficulter intelligi potest: ideoq; ipsa lege Aquilia tene- tur. Sed si non corpore damnum fuerit datum, neq; corpus laesum fuerit, sed alio modo alicui damnum contigerit, quum non sufficiat, neq; di- recte, neq; utilis legis Aquiliae actio: placuit eum, qui obnoxius fuerit, in factum actione teneri: ueluti si quis misericordia ductus, alienum ser- uum compeditum soluerit, ut fugeret.

De iniurijs,

TIT. II II.

Generaliter iniuria dicitur omne, quod non iure fit. specialiter, alijs contumelia, quæ a contēnendo dicta est, quam Græci ὕβρις appel- lant: alijs culpa, quam Græci ἑγκλημα dicunt, sicut in lege Aquilia damnum iniuria datum ac- cipitur:

ripitur: aliàs iniquitas, & iniustitia, quã Græci ἀνομία καὶ ἀδίκημα uocant. cùm enim Prætor uel Iudex non iure contra quem pronuntiat: iniuriam accepisse dicitur.

A R G V M.

Iniuria non solum committitur in corpus, ut uerberibus, & pulsatione: sed etiam extra corpus, ut conuitijs, famolis libellis, pudicitia attentata, alijsq; modis innumeris.

Iniuria autem committitur non solum cùm quis pugno pulsatus, aut fustibus cæsus, uel etiã uerberatus erit: sed & si cui conuitium factum fuerit, siue cuius bona quasi debitoris, qui nihil deberet, possessa fuerint ab eo, qui intelligebat nihil eũ sibi debere: uel si quis ad infamiã alicuius libellũ, aut carmen, aut historiam scripserit, cõposuerit, ediderit, doloue malo fecerit. quoquid corũ fieret: siue quis matrẽ familiã, aut prætecta tũ prætectatã uel adsectatus fuerit: siue cuius pudicitia attentata esse dicitur: & denique alijs plurimis modis admitti iniuriã, manifestum est.

A R G V M.

Quæ liberis, uxori, aut nurui irrogatur iniuria: parenti, marito, aut socero illata uidetur: quæ quandoq; pro eadem iniuria pluribus personis iniuriarum actio competat: viro tamen illatam iniuriam, uxori vindicare non licet.

Patitur autem quis iniuriã non solum per se
mçt

metipsum, sed etiam per liberos suos, quos in potestate habet: item per uxorem suā, id enim magis praeualuit. Itaque si filia alicuius, quae Titio nupta est, iniuriam fecerit: non solum filiae nomine tecum iniuriarum agi potest, sed etiam patris quoque, & mariti nomine. Contra, autem si uiro iniuria facta sit: uxor iniuriarum agere non potest. Defendi enim uxores a uiris, non uiros ab uxoribus, æquum est. Sed & socer nurus nomine, cuius uir in eius potestate est, iniuriarum agere potest. Seruis autem ipsis quidem nulla iniuria fieri intelligitur, sed domino per eos fieri uidetur, non tamen iisdem modis, quibus etiam per liberos, & uxores: sed ita, cum quid atrocius commissum fuerit, & quod aperte ad contumeliā domini respicit: ueluti si quis alienum seruum atrociter uerberauerit: & in hunc casum actio proponitur. At si quis seruo conuicium fecerit, uel pugno cum percusserit: nulla in eum actio domino competit. Si communi seruo iniuria facta sit: æquum est, non pro ea parte, qua dominus quisque est, estimationem iniuriæ fieri, sed ex domino. ~~in~~ persona, quia ipsi fit iniuria. Quod si ususfructus in seruo Titij est, proprietatis Mauij, magis Mauij iniuria fieri intelligitur. Sed si libero homini, qui tibi bona fide seruit, iniuria facta

facta sit: nulla tibi actio dabitur, sed suo nomine is experiri poterit: nisi in contumeliam tuā pulsatus sit. tunc enim competit & tibi iniuriarum actio. Idē ergo est, et in seruo alieno bona fide tibi seruiēte: ut toties admittatur iniuriarū actio, quoties in tuam contumeliam iniuria ei facta sit.

A R G V M.

Reiecta talionis poena, quæ olim iniuriōsis irrogabatur, hodie pecuniaria imponitur: ut scilicet tanti reus condēnetur, quanti iniuriam passus æstimandam duxerit, aut iudici taxanti æquum visum fuerit: quippe qui pro dignitate illius cui infertur, pluris, minorisve iniuriam æstimabit.

Pœna autem iniuriarum ex lege duodecim Tabularū propter membrū quidē ruptū talio erat: propter os uerō fractum, nummariæ pœnæ erant constitutæ, quasi in magna ueterum paupertate. Sed postea Prætores pēmittebāt ipsis, qui iniuriam passi sunt, eam æstimare: ut iudex uel tanti reū condēnet, quāti iniuriā passus æstimauerit, uel minoris, prout ei uisum fuerit. Sed pœna quidē iniuriæ, quæ ex lege duodecim tabularū introducta est, in desuetudinē abiit. quam autem Prætores introduxerunt (quæ etiā honoraria appellatur) in iudijs frequentatur. Nam secundum gradum dignitatis, uitæq; honestatem, crescit aut minuitur æstimatio iniuriæ, qui gra-

du

ius condēnationis, & in seruili persona non im-
 meritō seruatur: ut aliud in seruo actore, aliud in
 medijs actus homine, aliud in uiliſſimo uel cōpe-
 dito ius æſtimationis conſtituatur. Sed & lex
 Cornelia de iniurijs loquitur, & iniuriarum
 actionem introduxit, quæ competit ob eam rem,
 quòd ſe pulſatum quis, uerberatūmue, uel domum
 ſuam ui introitam eſſe dicat. Domū autem acci-
 pinus, ſiue in propria domo quis habitet, ſiue in
 conductā: ſiue gratis, ſiue hoſpitiū receptus ſit.

A R G V M.

Atrox iniuria grauius punitur: atrocem autem
 iniuriam ex factō, loco, persona, & corporis parte,
 quæ læſa fuit, reputamus.

*A*trox iniuria æſtimatur uel ex factō: ueluti
 ſi quis ab alio uulneratus ſit, uel fuſtibus caſus.
 uel ex loco: ueluti ſi cui in theatro, uel in foro, uel
 in cōſpectu Prætoris iniuria facta ſit. uel ex pſo-
 na: ueluti ſi magiſtratus iniuriā paſſus fuerit,
 uel ſi ſenatori ab humili persona iniuria facta
 ſit, aut parēti, patronōue fiat à liberis uel liber-
 tis. Aliter enim ſenatoris, & parētis patroniq̃s,
 aliter extranei, & humilis persona iniuria æſti-
 matur. Nonnunquam & locus uulneris atrocem
 iniuriam facit, ueluti ſi in oculo quis percuſſus
 fuerit. Parui autē refert, utrū patriſfamiliās, an
 filio

*filiofamilias talis iniuria facta sit. nam & hæc
atrox iniuria æstimabitur.*

A R G V M .

Illata iniuria aut ciuilitè, aut criminaliter vici-
scitur: ciuilitè, quando multa iniuriato adiudica-
tur: criminaliter, si quando reus iudicis arbitrio
extra ordinem puniendus committitur: quo casu
procurator interuenire nequaquam potest: nisi qui
iniuriam persequitur, vel se defendit, aut illustris,
aut superillustris sit.

In summa sciendum est, de omni iniuria, cum
qui passus est, posse uel criminaliter agere, uel
ciuilitè. Et si quidè ciuilitè agatur: æstima-
tione facta secundum quod dictum est, pœna reo
imponitur. Sin autem criminaliter: officio iudi-
cis extraordinaria pœna reo irrogatur: hoc ui-
delicet obseruâdo, quod Zenoniana constitutio
introduxit, ut uiri illustres, quique super eos sunt,
& per procuratores possint actionè iniuriarum
criminaliter, uel persequi, uel suscipere secundum
eius tenorem, qui ex ipsa manifestius apparet.

A R G V M .

Etiam qui curauit, ut cuiuspiam per alium iniuria
fieret, iniuriarum tenetur.

Non solum autem is iniuriarum tenetur, qui fe-
cit iniuriam, id est, qui percussit: uerum ille quoque
tenetur, qui dolo fecit iniuriam, uel qui procurauit,
ut cui mala pugno percuteretur. Hæc actio dissi-
mula

mulatione aboletur. & ideo si quis iniuriam dereliquerit, hoc est, statim passus ad animū suum non reuocauerit: postea ex pœnitētia remissam iniuriam non poterit recolare.

De obligationibus, quæ quasi ex delicto nascuntur,

T I T. V.

A R G V M.

Obligatio ex quasi delicto oriri dicitur, quando non ex dolo malo, sed magis imperitia quadam, & minus prouidē delinquitur: quo pacto & iudex si per imprudentiam perperam pronuntiavit, facit litem suam, id est, damnum eius litis ut æquitati iudicantis videbitur læso restaurare compellitur.

SI iudex litem suam fecerit: non propriè ex maleficio obligatus uidetur. sed quia neq; ex maleficio, neque ex contractu obligatus est, & utiq; peccasse aliquid intelligitur, licet per imprudentiam: ideo uidetur quasi ex maleficio teneri, & in quantum de ea re æquum religioni iudicantis videbitur, pœnam sustinebit.

A R G V M.

Si ex ædibus quas quis inhabitat, quippiam deiectum, effusumve fuerit, quod transeunti damnum intulerit, aut ea parte qua vulgo iter fit, aliquid suspensum habeat, cuius casus periculosus sit, ex quasi

Quasi delicto obligatus, poenas hic descriptas incurrit.

Item is, ex cuius coenaculo, uel proprio ipsius, uel conducto, uel in quo gratis habitat, deiectum effusum ue aliquid est, ita ut alicui noceret: quasi ex maleficio obligatus intelligitur. Ideo autem non proprie ex maleficio obligatus intelligitur, quia plerumque ob alterius culpam tenetur, aut serui, aut liberi. Cui similis est is, qui ea parte, qua uulgo iter fieri solet, id positum aut suspensum habet, quod potest (si ceciderit) alicui nocere: quo casu poena decem aureorum constituta est. De eo uero, quod deiectum effusum ue est, dupli, quantum damni datum sit constituta est actio. Ob hominem uero liberum occisum, quinquaginta aureorum poena constituitur. Si uero uiuat, nocitumque ei esse dicatur: quantum ob eam rem aequum iudici uidetur, actio datur. Iudex enim computare debet mercedem medicis praestitas, caeteraque impedia, quae in curatione facta sunt: praeterea operas, quibus caruit, aut cariturus est ob id, quod inutilis est factus. Si filius familiaris scorsum a patre habitauerit, & quid ex coenaculo eius deiectum effusum ue fuerit, siue quid positum suspensum ue habuerit, cuius casus periculosus est: Iuliano placuit in patrem nullam esse actionem, sed cum ipso filio agen-

dum esse. Quod & in filiofamiliâs iudice obseruandum est, qui litem suam fecerit.

A R G V M .

Nauis, cauponæ, & stabuli exercitio præfectus, & ij quorum opera utitur. furtum aut dolum, in naui, caupona, & stabulo commiserint, ex quali delicto obligatus, eorum factum præstare debet.

Itē exercitor nauis aut cauponæ aut stabuli de dolo aut furto, quod in naui aut caupona aut stabulo factū erit, quasi ex maleficio teneri uidetur: si modo ipsius nullum est maleficiū, sed aliquius eorum quorū opera nauem aut cauponam aut stabulum exercet. Cum enim neq; ex maleficio, neq; ex cōtractu sit aduersus eum constituta hic actio, & aliquatenus culpæ reus est, quod opera malorum hominum uteretur: ideo quasi ex maleficio teneri uidetur. In his autem casibus in factum actio competit: quæ hæredi quidem datur, aduersus heredem autem non competit.

De actionibus,

TIT. VI.

* Adnota, Tertiam iuris ciuilis partem, quæ actiones respicit, adgreditur Imperator : quas meritò tractatui obligationum postposuit, cū ab obligationibus, utpote à matre originem ducant.

Superest

Superest, ut de actionibus loquamur. Actio autem nihil aliud est, quam ius persequendi, in iudicio, quod sibi debetur.

A R G V M.

Prima actionum diuisio hæc est, ut quædam reæ les sint, quædam personales. Personalibus etenim cum eo experimur, qui nobis aut ex contractu, aut quasi, vel ex delicto, aut quali, obnoxius est: realibus verò quotiescūq; cū eo agimus, qui nullo iure nobis obligatur, rei tamen nostræ possessor est.

Omniū autem actionum, quibus inter alios quos apud iudices arbitrosue de quacunque re queritur, summa diuisio in duo genera deducitur. aut enim in rem sunt, aut in personā. Namq; agit unusquisq; aut cum eo, qui obligatus est, uel ex contractu, uel ex maleficio, quo casu proditæ sunt actiones in personā, per quas intendit aduersarium ei dare aut facere oportere, & alijs quibusdam modis. Aut cum eo agit, qui nullo iure ei obligatus est, mouet tamen alicui de aliqua re controuersiam, quo casu proditæ actiones in rem sunt: ueluti si rem corporalem possideat quis, quam Titius suam esse affirmet. possessor autem dominum eius se esse dicat. nam si Titius suam esse intendat: in rem actio est.

A R G V M.

Etiam pro incorporalibus rebus in rem pro-

ditæ sunt actiones, confessoria scilicet, & negatoria: prior quidē ei, qui sibi personalem, siue realem seruitutem vrbani vel rustici prædij debitam contendit, conceditur: altera pro libertate vindicāda, contra vicinum agimus: cui ius seruitutis in re nostra esse negamus: incorporalium autem rerum huiusmodi actiones, ab ijs quæ pro corporalibus rebus competunt, in hoc differunt, quòd illæ possidenti conceduntur: hæ verò non.

Atque si agat quis, ius sibi esse fundo forte uel adibus utendi fruendi, uel per fundum uicini eundi agendi, uel ex fundo uicini aquam ducendi: in rem actio est. Eiusdem generis est actio de iure prædiorum urbanorum: ueluti si quis agat ius sibi esse altius ædes suas tollendi, prospiciendū, uel proijciendi aliquid, uel immittendi tignum in uicini ædes. Contra quoque de usufructu, & de seruitutibus prædiorum rusticorum, item prædiorum urbanorum, inuicem quoque proditæ sunt actiones: ut si quis intendant ius non esse aduersario utendi fruendi, eundi, agendi, aquamue ducendi, item altius tollendi, prospiciendū, uel proijciendi immittendū: istæ quoque actiones in rem sunt, sed negatiuæ. Quod genus actionis in controuersijs rerum corporalium proditum non est. Nam in his is agit, qui nō possidet. ei uerò, qui possidet, non est actio prodita, per quam neget rem actoris esse. San e

uno casu qui possidet, nihilominus is actoris partes obtinet. sicut in latioribus Digestorum libris opportunius apparebit.

A R G V M.

Iam secunda actionum sectio pertractanda capitur: & primo de in rem prætorijs. Qui iusto titulo ab eo quem dominum credebat, rem traditam accepit, si prius à rei possessione ceciderit, quam usucapionem absoluerit, is aduersus possessorem publicianam in rem actionem intentare potest: ut perinde ei restituatur, ac si usucapione, eius rei dominium nactus fuisset,

Sed istæ quidem actiones, quarum mentionem habuimus, & si quæ sunt similes ex legitimis, & ciuilibus causis descendunt. Aliæ autem sunt, quas Prætor ex sua iurisdictione comparatas habet tam in rem, quam in personam, quas & ipsas necessarium est exemplis ostendere. ut ecce, plerumque ita permittit Prætor in rem agere, ut uel actor dicat se quasi usucepisse, quod non usuceperit: uel ex diuerso possessor dicat aduersarium suum non usucepisse, quod usuceperit. Namque si cui ex iustâ causa res aliqua tradita fuerit (ueluti ex causa emptionis, aut donationis, aut dotis, aut legatorum) & necdum eius rei dominus effectus est: si eius rei possessionem casu amiserit, nullam habet in rem directam actionem ad eam persequendam: quippe ita proditæ sunt iure ciuili actiones,

ut quis dominiū suum uindictet, sed quia sanè durum erat, eo casu deficere actionem: inuenta est à Pratore actio, in qua dicit is, qui possessionem amisit, eam rem se usucepisse, quam usu non cepit, & ita uindicat suam esse. quæ actio Publiciana appellatur, quoniam primum à Publicio Pratore in edicto proposita est.

A R G V M.

Quemadmodum publiciana pro re nōdum vsu capta recuperanda datur, ita ex diuerso rescissoria actio pro re quæ vsucapta est à parte rehabenda: si quis itaq; Reipublicæ aliāve quauis causa absens, rem præsentis vsuceperit, domino concessum est, reuerso possessore (impetrata prius rescissione vsucapionis) statim intra annū rescissoriam actionem instaurare: perindeq; rem petere, atque si vsu nunquam capta fuisset.

Rursus ex diuerso, si quis cūm rei publicæ causa abesset, uel in hostium potestate esset, rem eius, qui in ciuitate esset, usuceperit: permittitur domino, si possessor rei publicæ causa abesse desierit, tunc intra annum rescissa ususcapione eam petere, id est, ita petere, ut dicat possessor rem usu non cepisse, & ob id suam rem esse. Quod genus actionis quibusdam & alijs simili æquitate motus Prætor adcommodat, sicut ex latiore Digestorum seu Pandectarum uolumine intelligere licet.

A R G V M.

Quæ in creditorum fraudem alienata fuere, perinde à quibuscunque possessoribus per creditores prius in bonorum debitoris possessionem missos, reuocari possunt, atq; tradita non fuissent, & semper in debitoris patrimonio mansissent.

Item si quis in fraudem creditorum rem suam alicui tradiderit: bonis eius à creditoribus possessis, ex sententia praesidis permittitur ipsis creditoribus, rescissa traditione, eam rem petere, id est, dicere eam rem traditam non esse, & ob id in bonis debitoris mansisse.

A R G V M.

Seruiana quoq; & quasi Serviana, quæ etiam hypothecaria dicitur, in rem prætoriarum sunt: prima locatori competit, in res inquilini vel coloni ædibus vel fundo locatis inuectas: quæ pro mercede locationis (etiam si nihil conuenerit) tacite hypothecatae sunt: altera verò reliqui creditores pignora & eorum hypothecas persequuntur: nec refert an id cuius nomine experiuntur, pignus sit (id est, in re mobili tradita) an verò hypotheca (id est, in re soli consistens) utique enim hypothecariae semper locus est.

Item Serviana & quasi Serviana (quæ etiam hypothecaria uocatur) ex ipsius Prætoris iurisdictione substantiâ capiunt. Serviana autem experitur quis de rebus coloni, quæ pignoris iure pro mercedibus fundi ei tenentur. Quasi Serviana autem est, quæ creditores pignora hypothecarum

persequuntur. Inter pignus autem & hypothecam (quantum ad actionem hypothecariam attinet) nihil interest. nam de qua re inter creditorem & debitorem conuenerit, ut sit pro debito obligata: utraq; hac appellatione continetur: sed in alijs differentia est. Nam pignoris appellatione cum proprie rem contineri dicimus, quæ simul etiam traditur creditori, maxime si mobilis sit. At eam, quæ sine traditione, nuda conuentione tenetur, propriæ hypothecæ appellatione contineri dicimus.

A R G V M.

Hactenus de prætorijs in rem, nunc de ijs quæ sunt in personam: quæ quamuis innumeræ sunt, de tribus tantum hic differitur.

In personam quoq; actiones ex sua iurisdictione propositas habet Prætor: ueluti de pecunia constituta: cui similis uidebatur receptitia. sed ex nostra constitutione (cum & si quid plenius habebat, hoc in actione pecuniæ constitutæ transfusum est) & ea quasi superuacua iussa est cum sua authoritate à nostris legibus recedere. Item Prætor proposuit actionem de peculio seruorum, filiorumq; familiarum: & eam, ex qua queritur, an actor iurauerit, & alias complures.

A R G V M.

Quisquis quod à se alioque debetur, sese soluturum nudo pacto constituat, actione de constituta

tuta conueniri potest.

De constituta autem pecunia cum omnibus agitur, quicumque uel pro se uel pro alio soluturos se constituerint: nulla scilicet stipulatione interposita. nam alioqui si stipulanti promiserint, iure ciuili tenentur.

A R G V M .

Pro filij vel serui contractu eatenus pater aut dominus actione de peculio impeti possunt, quatenus peculij vires patiuntur.

Actiones autem de peculio, ideo aduersus patrem dominumue comparauit Prætor: quia licet ex contractu filiorum seruorumue ipso iure non teneantur: æquum tamen est peculio tenus (quod ueluti patrimonium est filiorum filiarumque, item seruorum) condemnari eos.

A R G V M .

Si deferente reo, actor eum sibi debitorem iure iurando asseuerarit, usque adeo plena fides illi adhibetur, ut omissa quaestione an deberetur, in factum actio iuranti aduersus reum competat.

Item si quis postulante aduersario iurauerit deberi sibi pecuniam, quam peteret, neque ei solvatur: iustissime ad commodat ei talem actionem, per quam non illud queritur, an ei pecunia debeatur, sed an iurauerit.

* Adnota, Hic de tertio prætoriarum

actionum genere: quas ideo pœnales appellamus, quia ad pœnam, non etiã rei persequendæ causa competunt.

Pœnales quoq; actiones Prætor penè multas ex sua iurisdictione introduxit: ueluti aduersus eum, qui quid ex albo eius corrupisset: & in eum, qui patronum uel parentem in ius uocasset, cum id non impetrasset. item aduersus eum, qui ui exemerit eum, qui in ius uocaretur, cuius uo do alius exemerit, & alias innumerabiles.

A R G V M.

Actiões quibus quæritur an quis sit liber, an seruus, libertus, an ingenuus, filius an non, præiudiciales in rem sunt: quarum prima ciuilis est, reliquæ uerò prætorix: ideo sic dictæ, quia magnum in eis præiudiciũ versatur, cum per eas de statu hominis quærat: aut quia cæteris quæstionibus præiudiciũ faciant: ut scilicet in re rea sileant quando diu hæc ventilantur.

Præiudiciales actiones in rem esse uidentur: quales sunt per quas quæritur, an aliquis liber, an libertus sit, uel seruus, uel de partu agnoscendo. Ex quibus ferè una illa legitimam causam habet, per quam quæritur, an aliquis liber sit, cæteræ ex ipsius Prætoris iurisdictione substantiam capiunt.

A R G V M.

Eam rem quæ nostra est, actione personali non adsequimur: ineptè igitur agit, qui rem suam sibi dari

dari petit: cū dare, sit dominium transferre: excepta tamen conditione furtiua, quæ aduersus furem competit.

Si itaq; discretis actionibus: certum est non posse actorem suā rem ita ab aliquo petere, si apparet eū dare oportere. Nec enim quod actoris est, id ei dari oportet: scilicet quia dari cuiquā id intelligitur, quod ita datur, ut eius fiat. Nec res quæ iam actoris est, magis eius fieri potest. Planè odio furū, quo magis pluribus actionibus teneantur, effectum est, ut extra pœnam dupli aut quadrupli, rei recipiendæ nomine fures etiam hac actione teneantur, si appareat eos dare oportere: quamuis sit aduersus eos etiam hæc in rem actio, per quam rem suam quis esse petit.

A R G V M.

Reales actiones ad vindicandum dantur, personales verò (quas etiam abusiue conditiones appellamus) ad dandum vel faciendum competunt.

Appellamus autē in rem quidem actiones, vindicationes: in personam uerò actiones, quibus dare aut facere oportere intenditur, cōditiones. Condicere enim est denuntiare prisca lingua: nunc uerò abusiue dicimus conditionem actionem in personam esse, qua actor intēdit dari sibi oportere. Nulla enim hoc tempore eo nomine denuntiatio fit.

A R G V M.

Nunc tertiam actionum diuisionem exorditur Iustinianus, scilicet, quod quædam rei persecutorie sunt, quædam pœnales, quædam mixtam causam habentes. Persecutorie rei dicuntur, quæ eius rei quæ nobis abest, & alteri adest, persequendæ causa comparatæ sunt: ideo omnes & reales & personales ex contractu (dempta depositi actione in quatuor casibus) rei persecutorie sunt. Pœnales quibus meram pœnam persequimur: ut actio furti, & id genus aliæ. Mixtæ quæ tam pœnæ quàm rei persequendæ causa institutæ sunt: hoc est, in quibus rei persequitio in pœna continetur, ut vi bonorum raptorum legis Aquiliæ, & eæ quæ inficiando crescunt.

Sequens illa diuisio est, quod quædam actiones rei persequendæ gratia comparatæ sunt, quædam pœnæ persequendæ, quædam mixtæ sunt. Rei persequendæ causa comparatæ, sunt omnes in rem actiones. Earum uero actionum, quæ in personam sunt, eæ quidē, quæ ex contractu nascuntur, ferè omnes rei persequendæ causa comparatæ uidentur: ueluti quibus mutuam pecuniam, uel in stipulatum deductam petit actor, item commodati, depositi, mandati, pro socio, ex empto, uendito, locato, conducto. Planè si depositi agatur eo nomine, quod tumultus, incēdij, ruinæ, naufragij causa depositum sit: in duplū actionem Prætor reddit: si modò cum ipso, apud quem depositum sit,
aut

aut cum herede eius de dolo ipsius agitur, quo casu mixta est actio. Ex maleficijs uero proditæ actiones, aliæ tantum pœnæ persequendæ causa cõparatæ sunt: aliæ tam pœnæ, quàm rei persequendæ, & ob id mixtæ sunt. Pœnā tantū persequitur quis actione furti. siue enim manifesti agatur quadrupli, siue non manifesti dupli: de sola pœna agitur. nā ipsam rem propria actione persequitur quis, id est, suam esse pctēs: siue fur ipse eam rem possideat, siue alius quilibet. Eo amplius aduersus furem etiā condictio est rei. Vi autem bonorum raptorū actio, mixta est: quia in quadruplo rei persecutio continetur: pœna autē tripli est. Sed & legis Aquiliæ actio de dāno iniuria dato, mixta est: nō solūm si aduersus inficiantem in duplum agatur, sed interdum & si in simplum quisq; agat: ueluti si quis hominem claudū aut luscum occiderit, qui in eo anno integer & magni pretij fuerit, tanti enim damnatur, quāti is homo in eo anno plurimi fuerit, secundū iam traditam diuisionem. Item mixta est actio contra eos, qui relictæ sacrosanctis ecclesijs, uel alijs uenerabilibus locis legati uel fideicomissi nomine, dare distulerint usq; adeo, ut etiā in iudicium uocarentur. tunc enim & ipsam rem uel pecuniam, quæ relictæ est, dare compelluntur, & aliud

aliud tantum pro poena, & ideo in duplum eius fit condemnatio.

A R G V M.

Aliæ quoq; sunt actiones mistam causam tam in rem, quam in personam habentes: cuiusmodi sunt tria diuisoria iudicia: in quibus quoties res (quæ commodam diuisionem accipere nequit) occurrit, permittitur iudici, vni ex litigatoribus eam in solidum adiudicare, & eum inuicem alteri certa pecunia condemnare.

Quædã actiones mistam causam obtinere videntur, tam in rem, quam in personam: qualis est familia erciscundæ actio, quæ cõpetit cohæredibus de diuidenda hæreditate. Item cõmuni diuidendo, quæ inter eos redditur, inter quos aliquid commune est, ut id diuidatur. Item finium regundorũ actio, qua inter eos agitur, qui cõfines agros habent. In quibus tribus iudicijs permittitur iudici rẽ alicui ex litigatoribus ex bono & æquo adiudicare: & si unius pars prægrauari uidebitur, cum inuicẽ certa pecunia alteri cõdemnare.

A R G V M.

Iam ad quartã actionum diuisionem properat.

Omnes autem actiones, uel in simplũ conceptæ sunt, uel in duplũ, uel in triplũ, uel in quadruplum, ulterius autem nulla actio extenditur. In simplũ agitur: ueluti ex stipulatione, ex mutui datione, ex empto, uendito, locato, conducto,
munda.

mandato, & denique ex alijs quamplurimis causis. In duplū agimus: ueluti furti nec manifesti, dāni iniuriæ. ex lege Aquilia, depositi, ex quibusdam causis. Item serui corrupti: quæ competit in eum, cuius hortatu consilioue seruus alienus fugerit, aut cōtumax uduersus dominum factus est, aut luxuriosè uiuere cœperit, aut denique quolibet modo deterior factus sit. In qua actione earum etiam rerum, quas fugiendo seruus abstulerit, æstimatio deducitur. Item ex legato, quod uenerabilibus locis relictum est, secundum ea, quæ supra diximus.

A R G V M :

Qui maiorem summam ideo in libello complexus fuit, ut reus maioribus grauaretur sportulis, eius damni, quod reus ob id passus est, triplum præstare cogitur: in quo tamen inest ipsius damni persequutio.

Tripli uerò agimus, cū quidam maiorem uera æstimatione quantitātē in libello cōuentionis inserūt, ut ex hac causa uiatores, id est, executores litiū, ampliorem summam sportularum nomine exigrēt. tūc enim id, quod propter eorum causam damniū passus fuerit reus, in triplū ab actore consequetur: ut in hoc triplo etiā simplum, in quo damnum passus est, connumeretur. Quod nostra cōstitutio introduxit, quæ in nostra

Codice

Codice fulget, quam proculdubio certum est ex lege condictitia emanare. Quadrupli autem agitur, ueluti furti manifesti, item de eo, quod metus causa factum sit, deq; ea pecunia, quæ in hoc data sit, ut is cui datur calumniæ causa, negotium aliqui faceret, uel non faceret.

* Adnota, Executorem maiores iusto extorquentem sportulas, earum quadruplum restitnere debere.

Item ex lege condictitia nostra constitutio oritur, in quadruplum condemnationem imponens ijs executoribus litium, qui contra nostræ constitutionis normam a reis quidquam exegerint.

A R G V M.

Furti actio, & serui corrupti, earum origine semper poenales sunt: actio uero l. Aquiliæ, depositi in quatuor casibus, & quæ pro legatis locis venerabilibus factis competit, ex accidenti poenales sunt: hoc est, vel inficiatione, aut morosa dilatione: alias rei persecutoria sunt.

Sed furti quidẽ nec manifesti actio, & serui corrupti, a cæteris, de quibus simul locuti sumus, eo differunt, quod hæ actiones omnimodo duplici sunt, at illæ, id est dani iniuriæ, ex lege Aquilia, & interdum depositi, inficiatione duplicantur: in cõfitentem autẽ in simplum dantur. Sed illa, quæ de ijs cõpetit, quæ relicta uenerabilibus locis sunt, non solum inficiatione duplicatur, sed etiam

etiam si distulerit relictæ solutionem usque quò iussu magistratuum nostrorum conueniatur. In confitètem uerò antè quàm iussu magistratuum conueniatur, soluentem, simpli redatur.

A R G V M.

Qui illato metu quicquam ab altero extorserit, si illud iubente iudice restituat metum passio, poenā quadrupli euitat, quam non parèdo incurrisset: & in hoc à cæteris quæ in quadruplum dantur differt quod metus causa actio.

Item actio de eo quod metus causa factum sit, à cæteris, de quibus simul locuti sumus, eo differt, quòd eius natura tacitè continetur, ut qui iudicis iussu ipsam rem actori restituat, absoluetur. quod in cæteris casibus non est ita: sed omnimodo quisq; in quadruplum condemnatur: quod est & in furti manifesti actione.

A R G V M.

Accipe quintam actionem sectionem: & quamcunque hic enumeratam non inueneris, stricti iuris eam iudicato.

Actionum autem quædam bonæ fidei sunt, quædam stricti iuris. Bonæ fidei sunt hæ: ex empto, uendito, locato, cōducto, negotiorum gestorū, mandati, depositi, pro socio, tutelæ, cōmodati, pignoratitia, familiæ erciscūda, cōmuni diuidūdo, præscriptis uerbis, quæ de æstimatione proponitur, & ea quæ ex permutatione cōpetit, &

hereditatis petitio. Quamuis enim usque adhuc incertū erat, inter bonæ fidei iudicia cōnumeranda hereditatis petitio esset, an nō: nostra tamen cōstitutio aperte eam esse bonæ fidei disposuit.

A R G V M.

Rei uxoriæ actione sublata, hodie dotis exigendæ vel recuperandæ causa, ex stipulatu actio competit: quæ illius in locum subrogata, & bonæ fidei est, & tacitæ hypothecæ priuilegio suffulta: vsque adeo, vt in ea mulier reliquis creditoribus similī hypotheca nitentibus, longo interuallo preferatur.

Fuerat antea & rei uxoriæ actio una ex bonæ fidei iudicijs: sed cū pleniorē esse ex stipulatu actionem inuenientes, omne ius, quod res uxoria antea habebat, cum multis diuisionibus in actionē ex stipulatu, quæ de dotibus exigendis proponitur, transtulerimus: merito rei uxoriæ actione sublata ex stipulatu actio, quæ pro ea introducta est, naturā bonæ fidei iudicij tantum in exactione dotis meruit, ut bonæ fidei sit. Sed & tacitam ei dedimus hypothecam. Präferri autem alijs creditoribus in hypothecis tūc censuimus, cum ipsa mulier de dote sua expeririatur, cuius solius prouidentia hoc induximus.

A R G V M.

Quæ olim inter bonæ fidei iudicia & stricti iuris circa compensationes fiebat differentia (vt scilicet in illis ipso iure, in his opposita doli exceptione

ptione fieret compensatio) hodie sublata est: hoc igitur iure utimur, ut quibuscumque actionibus obijciatur compensatio, illas statim iure ipso aut perimit, aut minuit: deinde depositi actionem, quæ nulla compensationis exceptione tollitur.

In bonæ fidei iudicijs libera potestas permitti uidetur iudici ex bono & æquo æstimandi, quantum auctori restitui debeat. In quo & illud continetur, ut si quid inuicem præstare auctorem oporteat: eo compensato, in reliquum is, cum quo actum est, debeat condemnari. Sed & in stricti iuris iudicijs ex rescripto diui Marci, opposita doli mali exceptione, compensatio inducebatur. Sed nostra constitutio easdem compensationes, quæ iure aperto nituntur, latius introduxit, ut actiones ipso iure minuant, siue in rem, siue in personam, siue alias quasque: excepta sola depositi actione, cui aliquid compensationis nomine opponi, sanè iniquum esse credimus: ne sub prætextu compensationis, depositarum rerum quis ex actione defraudetur.

A R G V M.

Arbitrarias actiones eas cognominamus, quæ à mero iudicis arbitrio pendent: in quibus si iubente iudice reus non restituat rem, soluat, vel exhibeat, potest iudex ipsum quantum interesse parti perpenderit, pro arbitrio condemnare: illud tamen pro viribus curet ius dicens, ut in his alijsque

omnibus actionibus certam ferat sententiam: etiam si petitio incerta sit.

Præterea quasdam actiones arbitrarias, id est, ex arbitrio iudicis pendentes appellamus: in quibus, nisi arbitrio iudicis is, cum quo agitur, actori satisficiat: ueluti rem restituat, uel exhibeat, uel soluat, uel ex noxali causa seruū dedat: condemnari debeat. Sed istæ actiones, tam in rem, quàm in personā inueniuntur. In rem: ueluti Publiciana, Seruiana de rebus coloni, quasi Seruiana, quæ etiam hypothecaria uocatur. In personam: ueluti quibus de eo agitur, quod ui aut metus causa, aut dolo malo factū est. Item cum id, quod certo loco promissum est, petitur. Ad exhibendum quoq; actio, ex arbitrio iudicis pendet. In his enim actionibus & cæteris similibus permittitur iudici ex bono & æquo secundū cuiusque rei, de qua actum est, naturam æstimare, quemadmodū actori satisfieri oporteat. Curare autem debet iudex, ut omnino quantum possibile ei sit, certæ pecuniæ uel rei sententiā ferat: etiam si de incerta quantitate apud eum actum est.

A R G V M.

Quisquis olim re, loco, tempore, aut causa, plus quàm sibi debebatur petisset, totam rem amitteret, sed D. Iustiniani cōstitutione cautū est, ut qui loco, quantitate aut causa, plus iusto petierit, atq;

ex ho.

ex hoc damni aliquid aduersario inferatur, eius damni triplum restituat: si autem ante tempus solutionis litem moueat, inducias quas ex conuentione debitori dederit, vel quæ ex natura actionis indulgentur, in duplum habeat debitor.

Si quis agens, intentione sua plus complexus fuerit, quàm ad eum pertineat: à causa cadebat, id est, rem amittebat: nec facile in integrum restituebatur à prætoribus, nisi minor erat uiginti quinque annis. Huic enim, sicut in alijs causis causa cognita succurrebatur, si lapsus iuuentute fuerat: ita & in hac causa succurri solitum erat. Sanè si tam magna causa iusti erroris interueniebat, ut etià constantissimus quisq; labi posset: etià maiori uiginti quinque annis succurrebatur. ueluti si quis totum legatum petierit: post deinde prolatis fuerint codicilli, quibus aut pars legati adempta sit, aut quibusdam alijs legata data sint, quæ efficiebāt, ut plus petiisse uideretur petitor, quàm dodrantem, atque ideo lege Falcidia legata minuebantur. Plus autem quatuor modis petitur: re, tempore, loco, & causa. Re: ueluti si quis pro decem aureis, qui ei debebātur, uiginti petierit: aut si is, cuius ex parte res est, totā eam, uel maiorem partem suā esse intenderit. Tempore: ueluti si quis ante diem, uel ante conditionem petierit. Qua enim ratione qui tardius soluit, quàm

Soluere deberet, minus soluere intelligitur: eadē
 ratione qui prematurē petit, plus petere uide-
 tur. Loco plus petitur: uelut i cūm quis id, quod
 certo loco sibi dari stipulatus est, alio loco petit,
 sine cōmemoratione illius loci, in quo sibi dari
 stipulatus est. uerbi gratia, si is, qui ita stipula-
 tus fuerit, Ephesi dare spondes? Roma purē
 intēdat sibi dari oportere. Ideo autē plus petere
 intelligitur: quia utilitatē, quā haberet promiss-
 sor, si Ephesi solueret, adimit ei pura intētiōne.
 Propter quam causam alio loco petēti arbitra-
 ria actio proponitur: in quā scilicet ratio habe-
 tur utilitatis, quae promissori cōpetitura fuisset,
 si illo loco solueret, quo se soluturum spondit.
 Quae utilitas plerūq; in mercibus maxima inne-
 nitur: ueluti uino, oleo, frumētō: quae per singulas
 regiones diuersa habent pretia. Sed & pecuniae
 numeratae nō in omnibus regionibus sub eisdem
 usuris foenerantur. Si quis tamen Ephesi petat,
 id est, eo loco petat, quo ut sibi detur, stipulatus
 est: pura actione rectē agit. Idq; etiam Praetor
 monstrat, scilicet quia utilitas soluendi salua
 est promissori. Huic autem, qui loco plus petere
 intelligitur, proximus est is, qui causa plus pe-
 tit. ut ecce, si quis ita a te stipuletur, Hominem
 Stichum, aut decem aureos dare spondes?
 deinde

deinde alterum petat, ueluti hominem tantum,
aut decem aureos tantum. Ideo autem plus pete-
re intelligitur, quia in eo genere stipulationis
promissoris est electio, utrum pecuniā, an homi-
nem soluere malit. Qui igitur pecuniam tantum,
uel hominem tantum sibi dari oportere intēdit,
eripit electionem aduersario: & eo modo suam
quidē conditionē meliorem facit, aduersarij ue-
rò sui deteriore. Quā de causa talis in ea re
prodicta est actio, ut quis intendat hominem Sti-
chum, aut aureos decē sibi dari oportere, id est,
ut eodem modo peteret, quo stipulatus est. Pro-
terea si quis generaliter hominem stipulatus sit,
& specialiter Stichū petat: aut generaliter ui-
num stipulatus sit, & specialiter Campanum
petat: aut generaliter purpuram stipulatus sit,
deinde specialiter Tyriam petat: plus petere
intelligitur: quia electionem aduersario tollit,
cui stipulationis iure liberum fuit, aliud soluere,
quā quod peteretur. Quinetiā licet uilissimum
sit, quod quis petat: nihilominus plus petere in-
telligitur: quia saepe accidit, ut promissori faci-
lius sit illud soluere, quod maioris pretij est. Sed
hac quidem antea in usu fuerāt: postea uerò lex
Zenoniana & nostra rem coarctauit. Et si qui-
dem tēpore plus fuerit petitū: quid statui oportet.

teat. Zenonis diuæ memoriæ loquitur constitutio. Sin autē quantitate, uel alio modo plus fuerit petatum: in omne, si quod forte' damnum ex hac causa acciderit, ei, contra quem plus petatum fuerit, commissa tripli condemnatione (sicut suprà diximus) puniatur.

A R G V M.

Qui minus quàm sibi deberetur, iudiciali libello petierit, nihil prohibet, quin coram eodem iudice quod reliqui est petere possit: idem quoq; iuris est in eo, qui errans aliud pro alio sibi deberi intenderit, cui etiam in eadem instantia errorem corrigere conceditur.

Si minus intentione sua complexus fuerit actor, quàm ad eum pertineat: ueluti si cum ei decem aurei deberentur, quinque sibi dari oportere intēderit: aut si cum totus fundus eius esset, partem dimidiam suam esse petierit: sine periculo agit. in reliquum enim nihilominus iudex aduersarium eodem iudicio ei cōdenmat, ex constitutione diuæ memoriæ Zenonis. Si quis aliud pro alio intēderit: nihil eum periclitari placet, sed in eodem iudicio, cognita ueritate, errorem suū corrigere ei permittitur: ueluti si is, qui hominem Stichum petere deberet, Erotem petierit: aut si quis ex testamento dari sibi oportere intenderit, quod ex stipulatu debetur.

A R G V M .

Adest sexta, huiusque tractatus nouissima actio-
num diuisio, vt quædam sint solidi persequutoria,
quædam verò quibus non semper solidum conse-
quimur: quarum aliquot exempla vsque ad tituli
metas subiiciuntur.

*Sunt præterea quædam actiones, quibus non
semper solidū, quod nobis debetur, persequimur:
sed modo solidum persequimur, modo minus. ut
ecce, si in peculium filij seruie agamus. Nam si
non minus in peculio sit, quàm persequimur: in-
solidum dominus patêrue condemnatur. si uerò
minus inueniatur: eatenus condēnat iudex, qua-
tenus in peculio sit. Quemadmodum autem pe-
culiū intelligi debeat, suo ordine proponemus.*

* Adnota, Maritum, dotis restituendæ no-
mine conuentum, non vltra quàm facere
possit condemnandum.

*Item si de dote in iudicio mulier agat: placet
eatenus maritū cōdemnari debere, quatenus face-
re possit, id est, quatenus facultates eius patien-
tur. Itaq; si dotis quantitati concurrant faculta-
tes eius: in solidū damnatur. si minus: in tantum,
quantū facere potest. Propter retentionē quoq;
dotis repetitio minuitur. Nam ob impensas in
res dotales factas, marito quasi retentio concessa
est: quia ipso iure necessarijs sumptibus dos mi-*

Nunc tertiam actionum diuisionem exorditur Iustinianus, scilicet, quod quædam rei persecutorie sunt, quædam pœnales, quædam mixtam causam habentes. Persecutorie rei dicuntur, quæ eius rei quæ nobis abest, & alteri adest, persequendæ causa comparatæ sunt: ideo omnes & reales & personales ex contractu (dempta depositi actione in quatuor casibus) rei persecutorie sunt. Pœnales quibus meram pœnam persequimur: vt actio furti, & id genus aliæ. Mixtæ quæ tam pœnæ quàm rei persequendæ causa institutæ sunt: hoc est, in quibus rei persecutio in pœna continetur, vt vi bonorum raptorum legis Aquiliæ, & eæ quæ infliciendo crescunt.

Sequens illa diuifio est, quod quædam actiones rei persequendæ gratia comparatæ sunt, quædam pœnæ persequendæ, quædam mixtæ sunt. Rei persequendæ causa comparatæ, sunt omnes in rem actiones. Earum uero actionum, quæ in personam sunt, eæ quidẽ, quæ ex contractu nascuntur, ferè omnes rei persequendæ causa comparatæ uidentur: ueluti quibus mutuam pecuniam, uel in stipulatum deductam petit actor, item cõmodati, depositi, mandati, pro socio, ex empto, uendito, locato, conducto. Planè si depositi agatur eo nomine, quod tumultus, incendij, ruinæ, naufragij causa depositum sit: in duplicem actionem Prætor reddit: si modo cum ipso, apud quem depositum sit,

aut cum herede eius de dolo ipsius agitur, quo casu mista est actio. Ex maleficijs uero proditæ actiones, aliæ tantum pœnæ persequendæ causa cõparatæ sunt: aliæ tam pœnæ, quàm rei persequendæ, & ob id mistæ sunt. Pœnā tantū persequitur quis actione furti. siue enim manifesti agatur quadrupli, siue non manifesti dupli: de sola pœna agitur. nā ipsam rem propria actione persequitur quis, id est, suam esse petēs: siue fur ipsam rem possideat, siue alius quilibet. Eo amplius aduersus furem etiā condictio est rei. Vi autem bonorum raptorū actio, mista est: quia in quadruplo rei persecutio continetur: pœna autē tripli est. Sed & legis Aquiliæ actio de dāno iniuria dato, mista est: nō solūm si aduersus iniificantem in duplum agatur, sed interdum & si in simplum quisq; agat: ueluti si quis hominem claudū aut luscum occiderit, qui in eo anno integer & magni pretij fuerit, tanti enim damnatur, quāti is homo in eo anno plurimi fuerit, secundū iam traditam diuisionem. Item mista est actio contra eos, qui relictæ sacrosanctis ecclesijs, uel alijs uenerabilibus locis legati uel fideicomissi nomine, dare distulerint usq; adeo, ut etiā in iudicium uocarentur. tunc enim & ipsam rem uel pecuniam, quæ relictæ est, dare compelluntur, & aliud

aliud tantum pro pœna, & ideo in duplum eius fit condemnatio.

A R G V M.

Aliæ quoq; sunt actiones mistam causam tam in rem, quam in personam habentes: cuiusmodi sunt tria diuisoria iudicia: in quibus quoties res (quæ commodam diuisionem accipere nequit) occurrît, permittitur iudici, vni ex litigatoribus eam insolidum adiudicare, & eum inuicem alteri certa pecunia condemnare.

Quedã actiones mistam causam obtinere videntur, tam in rem, quam in personam: qualis est familia erciscundæ actio, quæ cõpetit cohæredibus de diuidenda hæreditate. Item cõmuni diuidendo, quæ inter eos redditur, inter quos aliquid commune est, ut id diuidatur. Item finium regundorũ actio, qua inter eos agitur, qui cõfines agros habent. In quibus tribus iudicijs permittitur iudici rē alicui ex litigatoribus ex bono & æquo adiudicare: & si unius pars prægrauari uidebitur, eum inuicẽ certa pecunia alteri cõdemnare.

A R G V M.

Iam ad quartã actionum diuisionem properat.

Omnes autem actiones, uel in simplũ conceptæ sunt, uel in duplũ, uel in triplũ, uel in quadruplum, ulterius autem nulla actio extenditur. In simplũ agitur: ueluti ex stipulatione, ex mutui datione, ex empto, uendito, locato, conducto,
munda.

mandato, & denique ex alijs quamplurimis causis. In duplū agimus: ueluti furti nec manifesti, dāni iniuriæ. ex lege Aquilia, depositi, ex quibusdam causis. Item serui corrupti: quæ competit in eum, cuius hortatu consilioue seruus alienus fugerit, aut cōtumax uersus dominum factus est, aut luxuriose uiuere cœperit, aut denique quolibet modo deterior factus sit. In qua actione earum etiam rerum, quas fugiendo seruus abstulerit, æstimatio deducitur. Item ex legato, quod uenerabilibus locis relictum est, secundum ea, quæ suprà diximus.

A R G V M :

Qui maiorem summam ideo in libello complexus fuit, ut reus maioribus grauaretur sportulis, eius damni, quod reus ob id passus est, triplum præstare cogitur: in quo tamen inest ipsius damni persequutio.

Tripli uero agimus, cū quidam maiorem uera æstimatione quantitātē in libello cōuentionis inserūt, ut ex hac causa uiatores, id est, executores litiū, ampliorem summam sportularum nomine exigerent. tūc enim id, quod propter eorum causam damniū passus fuerit reus, in triplū ab actore consequetur: ut in hoc triplo etiā simplum, in quo damnum passus est, connumeretur. Quod nostra cōstitutio introduxit, quæ in nostra

Codice

Codice fulget, quam proculdubio certum est ex lege condictitia emanare. Quadrupli autem agitur, ueluti furti manifesti, item de eo, quod metus causa factum sit, deq; ea pecunia, quæ in hoc data sit, ut is cui datur calumniæ causa, negotium aliqui faceret, uel non faceret.

* Adnota, Executorem maiores iusto extorquentem sportulas, earum quadruplū restitnere debere.

Item ex lege condictitia nostra constitutio oritur, in quadruplū condemnationem imponens ijs executoribus litium, qui contra nostræ constitutionis normam a reis quidquam exegerint.

A R G V M .

Furti actio, & serui corrupti, earum origine semper poenales sunt: actio uero l. Aquiliæ, depositi in quatuor casibus, & quæ pro legatis locis venerabilibus factis competit, ex accidēti poenales fiunt: hoc est, vel inficiatione, aut morosa dilatione: aliàs rei persecutoriæ sunt.

Sed furti quidē nec manifesti actio, & serui corrupti, a cæteris, de quibus simul locuti sumus, eo differūt, quod hæ actiones omnimodo dupli sunt, at illæ, id est dāni iniuriæ, ex lege Aquilia, & interdū depositi, inficiatione duplicantur: in cōfitemem autē in simplū dantur. Sed illa, quæ de ijs cōpetit, quæ relicta uenerabilibus locis sunt, non solum inficiatione duplicatur, sed etiam

etiam si distulerit relictæ solutionem usque quod iussu magistratuum nostrorum conueniatur. In confitentem uero ante quàm iussu magistratuum conueniatur, solucentem, simpli reddatur.

A R G V M.

Qui illato metu quicquam ab altero extorserit, si illud iubente iudice restituat metum passo, poenam quadrupli euitat, quam non parèdo incurrisset: & in hoc à cæteris quæ in quadruplum dantur differt quod metus causa actio.

Item actio de eo quod metus causa factum sit, à cæteris, de quibus simul locuti sumus, eo differt, quod eius natura tacite continetur, ut qui iudicis iussu ipsam rem actori restituat, absoluitur. quod in cæteris casibus non est ita: sed omnimodo quisque in quadruplum condemnatur: quod est & in furti manifesti actione.

A R G V M.

Accipe quintam actionem sectionem: & quamcunque hic enumeratam non inueneris, stricti iuris eam iudicato.

Actionum autem quædam bonæ fidei sunt, quædam stricti iuris. Bonæ fidei sunt hæ: ex empto, uendito, locato, conducto, negotiorum gestorum, mandati, depositi, pro socio, tutelæ, commodati, pignoratitia, familiæ erciscundæ, comuni diuidendo, præscriptis uerbis, quæ de æstimato proponitur, & ea quæ ex permutatione cõpetit, &

hereditatis petitio. Quamuis enim usque adhuc incertū erat, inter bonæ fidei iudicia cōnumerāda hereditatis petitio esset, an nō: nostra tamen cōstitutio aperte eam esse bonæ fidei disposuit.

A R G V M .

Rei uxoriæ actione sublata, hodie dotis exigendæ vel recuperandæ causa, ex stipulatu actio competit: quæ illius in locum subrogata, & bonæ fidei est, & tacitæ hypothecæ priuilegio suffulta: usque adeo, ut in ea mulier reliquis creditoribus similī hypotheca nitentibus, longo interuallo preferatur.

Fuerat antea & rei uxoriæ actio una ex bonæ fidei iudicijs: sed cū pleniorē esse ex stipulatu actionem inuenientes, omne ius, quod res uxoria antea habebat, cum multis diuisionibus in actionē ex stipulatu, quæ de dotibus exigendis proponitur, transtulerimus: merito rei uxoriæ actione sublata ex stipulatu actio, quæ pro ea introducta est, naturā bonæ fidei iudicij tantum in exactione dotis meruit, ut bonæ fidei sit. Sed & tacitam ei dedimus hypothecam. Praferri autem alijs creditoribus in hypothecis tūc censuimus, cum ipsa mulier de dote sua experiat, cuius solius prouidentia hoc induximus.

A R G V M .

Quæ olim inter bonæ fidei iudicia & stricti iuris circa compensationes fiebat differentia (ut scilicet in illis ipso iure, in his opposita doli exceptione

ptione fieret compensatio) hodie sublata est: hoc igitur iure utimur, ut quibuscumque actionibus obijciatur compensatio, illas statim iure ipso aut perimit, aut minuit: deme depositi actionem, quæ nulla compensationis exceptione tollitur.

*In bonæ fidei iudicijs libera potestas per-
mitti uidetur iudici ex bono & æquo æstimandi, quantum auctori restitui debeat. In quo & illud continetur, ut si quid inuicem præstare auctorem oporteat: eo compensato, in reliquum is, cum quo actum est, debeat condemnari. Sed & in stricti iuris iudicijs ex rescripto diui Marci, opposita doli mali exceptione, compensatio inducebatur. Sed nostra constitutio easdem compensationes, quæ iure aperto nituntur, latius introduxit, ut actiones ipso iure minuant, siue in rem, siue in personam, siue alias quascunque: excepta sola deposui actione, cui aliquid compensationis nomine opponi, sanè iniquum esse credimus: ne sub prætextu compensationis, depositarum rerum quis ex actione defraudetur.*

A R G V M .

Arbitrarias actiones eas cognominamus, quæ à mero iudicis arbitrio pendent: in quibus si iubente iudice reus non restituat rem, soluat, vel exhibeat, potest iudex ipsum quantum interesse parti perpenderit, pro arbitrio condemnare: illud tamen pro viribus curet ius dicens, ut in his alijsque

omnibus actionibus certam ferat sententiam: etiam si petitio incerta sit.

Præterea quasdam actiones arbitrarias, id est, ex arbitrio iudicis pendentes appellamus: in quibus, nisi arbitrio iudicis is, cum quo agitur, actori satisfaciat: ueluti rem restituat, uel exhibeat, uel soluat, uel ex noxali causa seruū dedat; condēnari debeat. Sed istæ actiones, tam in rem, quàm in personā inueniuntur. In rem: ueluti Publiciana, Seruiana de rebus coloni, quasi Seruiana, quæ etiam hypothecaria uocatur. In personam: ueluti quibus de eo agitur, quod ui aut metus causa, aut dolo malo factū est. Item cū id, quod certo loco promissum est, petitur. Ad exhibendum quoq; actio, ex arbitrio iudicis pendet. In his enim actionibus & cæteris similibus permittitur iudici ex bono & æquo secundū cuiusque rei, de qua actum est, naturam æstimare, quemadmodū actori satisfieri oporteat. Curare autem debet iudex, ut omnino quantum possibile ei sit, certæ pecuniæ uel rei sententiā ferat: etiam si de incerta quantitate apud eum actum est.

A R G V M .

Quisquis olim re, loco, tempore, aut causa, plus quàm sibi debebatur petisset, totam rem amitteret, sed D. Iustiniani cōstitutione cautū est, ut qui loco, quantitate aut causa plus iusto petierit, atq;

ex ho

ex hoc damni aliquid aduersario inferatur, eius damni triplum restituat: si autem ante tempus solutionis litem moueat, inducias quas ex conuentione debitori dederit, vel quæ ex natura actionis indulgentur, in duplum habeat debitor.

Si quis agens, intentione sua plus complexus fuerit, quàm ad eum pertineat: à causa cadebat, id est, rem amittebat: nec facile in integrum restituebatur à prætore, nisi minor erat uiginti quinque annis. Huic enim, sicut in alijs causis causa cognita succurrebatur, si lapsus iuuentute fuerat: ita & in hac causa succurri solitum erat. Sanè si tam magna causa iusti erroris interueniebat, ut etiã constantissimus quisq; labi posset: etiã maiori uiginti quinque annis succurrebatur. ueluti si quis totum legatum petierit: post deinde prolatis fuerint codicilli, quibus aut pars legati adempta sit, aut quibusdam alijs legata data sint, quæ efficiebãt, ut plus petiisse uideretur petitor, quàm dodrantem, atque ideo lege Falcidia legata minuebantur. Plus autem quatuor modis petitur: re, tempore, loco, & causa. Re: ueluti si quis pro decem aureis, qui ei debebãtur, uiginti petierit: aut si is, cuius ex parte res est, totã eam, uel maiorem partem suã esse intenderit. Tempore: ueluti si quis ante diem, uel ante conditionem petierit. Quæ enim ratione qui tardius soluit, quàm

solvere deberet, minus solvere intelligitur: eadē
 ratione qui pramaturē petit, plus petere uide-
 tur. Loco plus petitur: ueluti cū quis id, quod
 certo loco sibi dari stipulatus est, alio loco petit,
 sine cōmemoratione illius loci, in quo sibi dari
 stipulatus est. uerbi gratia, si is, qui ita stipula-
 tus fuerit, Ephesi dare spondes? Romæ purē
 intēdat sibi dari oportere. Ideo autē plus petere
 intelligitur: quia utilitatē, quā haberet promiss-
 sor, si Ephesi solueret, adimit ei pura intētiōne.
 Propter quam causam alio loco petēti arbitra-
 ria actio proponitur: in quā scilicet ratio habe-
 tur utilitatis, quæ promissori cōpetitura fuisset,
 si illo loco solueret, quo se soluturum spondit.
 Quæ utilitas plerūq; in mercibus maxima inne-
 nitur: ueluti uino, oleo, frumētō: quæ per singulas
 regiones diuersa habent pretia. Sed & pecunie
 numeratæ nō in omnibus regionibus sub eisdem
 usuris fœnerantur. Si quis tamen Ephesi petat,
 id est, eo loco petat, quo ut sibi detur, stipulatus
 est: pura actione rectē agit. Idq; etiam Prætor
 monstrat, scilicet quia utilitas soluendi salua
 est promissori. Huic autem, qui loco plus petere
 intelligitur, proximus est is, qui causa plus pe-
 tit. ut ecce, si quis ita a te stipuletur, Hominem
 Stichum, aut decem aureos dare spondes?
 deinde

deinde alterum petat, ueluti hominem tantum,
aut decem aureos tantum. Ideo autem plus pete-
re intelligitur, quia in eo genere stipulationis
promissoris est electio, utrum pecuniā, an homi-
nem soluere malit. Qui igitur pecuniam tantum,
uel hominem tantum sibi dari oportere intēdit,
eripit electionem aduersario: & eo modo suam
quidē conditionē meliorem facit, aduersarij ue-
rò sui deteriore. Quae de causa talis in ea re
prodita est actio, ut quis intendat hominem Sti-
chum, aut aureos decē sibi dari oportere, id est,
ut eodem modo peteret, quo stipulatus est. Pro-
terea si quis generaliter hominem stipulatus sit,
& specialiter Stichū petat: aut generaliter ui-
num stipulatus sit, & specialiter Campanum
petat: aut generaliter purpuram stipulatus sit,
deinde specialiter Tyriam petat: plus petere
intelligitur: quia electionem aduersario tollit,
cui stipulationis iure liberum fuit, aliud soluere,
quā quod peteretur. Quinetiā licet uilissimum
sit, quod quis petat: nihilominus plus petere in-
telligitur: quia saepe accidit, ut promissori faci-
lius sit illud soluere, quod maioris pretij est. Sed
haec quidem antea in usu fuerāt: postea uerò lex
Zenoniana & nostra rem coarctauit. Et si qui-
dem tēpore plus fuerit petitū: quid statui opor-

teat. Zenonis diuæ memoriæ loquitur constitutio. Sin autē quantitate, uel alio modo plus fuerit petitum: in omne, si quod fortē damnum ex hac causa acciderit, ei, contra quem plus petitum fuerit, commissa tripli condemnatione (Sicut suprà diximus) puniatur.

A R G V M.

Qui minus quàm sibi deberetur, iudiciali libello petierit, nihil prohibet, quin coram eodem iudice quod reliquū est petere possit: idem quoq; iuris est in eo, qui errans aliud pro alio sibi deberi intenderit, cui etiam in eadem instantia errorem corrigere conceditur.

Si minus intentione sua complexus fuerit actor, quàm ad eum pertineat: ueluti si cum ei decem aurei deberentur, quinque sibi dari oportere intēderit: aut si cum totus fundus eius esset, partem dimidiam suam esse petierit: sine periculo agit. in reliquum enim nihilominus iudex aduersarium eodem iudicio ei cōdemnat, ex constitutione diuæ memoriæ Zenonis. Si quis aliud pro alio intēderit: nihil eum periclitari placet, sed in eodem iudicio, cognita ueritate, errorem suū corrigere ei permittitur: ueluti si is, qui hominem Suchum petere deberet, Erotem petierit: aut si quis ex testamento dari sibi oportere intenderit, quod ex stipulatu debetur.

A R G V M.

Adest sexta, huiusque tractatus nouissima actio-
num diuifio, vt quædam fint solidi persequutoriæ,
quædam verò quibus non femper solidum confe-
quimur: quarum aliquot exempla vsque ad tituli
metas subiiciuntur.

*Sunt præterea quædam actiones, quibus non
semper solidū, quod nobis debetur, persequimur:
sed modo solidum persequimur, modo minus. ut
ecce, si in peculium filij seruiue agamus. Nam si
non minus in peculio sit, quàm persequimur: in-
solidum dominus patèrue condemnatur. si uerò
minus inueniatur: eatenus condēnat iudex, qua-
tenus in peculio sit. Quemadmodum autem pe-
culiū intelligi debeat, suo ordine proponemus.*

* Adnota, Maritum, dotis restituendæ no-
mine conuentum, non vltra quàm facere
possit condemnandum.

*Item si de dote in iudicio mulier agat: placet
eatenus maritū cōdemnari debere, quatenus face-
re possit, id est, quatenus facultates eius patiun-
tur. Itaq; si dotis quantitati concurrant faculta-
tes eius: in solidū damnatur. si minus: in tantum,
quantū facere potest. Propter retentionē quoq;
dotis repetitio minuitur. Nam ob impensas in
res dotales factas, marito quasi retentio concessa
est: quia ipso iure necessarijs sumptibus dos mi-*

nuitur, sicut ex latioribus Digestorum libris cognoscere licet. Sed & si quis cum parente suo patronoue agat: item si socius cum socio, iudicio societatis agat: non plus actor consequitur, quam aduersarius eius facere potest. Idem est, si quis ex donatione sua conueniatur.

A R G V M .

Compensationis exceptio obiecta petitioni, efficit ut vltro citroque debito compensato, in eo iudex reum petitori condemnet, quod reliquum tantum debet.

Compensationes quoque oppositæ plerunque efficiunt, ut minus quisque consequatur, quam ei debeatur. Nam ex bono & æquo habita ratione eius, quod inuicem actorem ex eadē causa præstare oportet, in reliquum eum, cum quo actum est, condemnat, sicut iam dictum est.

A R G V M .

Qui bonis celsit, quamuis postea pinguior attulerit fortuna, non tamen ulterius quam facere potest conueniendus est.

Cum eo quoque qui creditoribus suis bonis celsit, si postea aliquid adquisierit, quod idoneum emolumentum habeat: ex integro in id, quod facere potest, creditores experiuntur. inhumum enim erat spoliatum fortunæ suis, in solidum damuari.

Quod

Quod cum eo, qui in aliena
potestate est, negotium
gestum esse di-
citur,

TIT. VII.

Quia tamen superius mentionem habuimus de actione qua in peculiū filiorum seruorumq; agitur: opus est, ut de hac actione & de ceteris, quæ eorundem nomine in parentes dominosue dari solent, diligentius admoncamus. Et quia siue cum seruis negotium gestum sit, siue cum ijs, qui in potestate parentum sunt, eadem ferè iura seruantur: ne uerbosa fiat disputatio, dirigamus sermonem in personam serui dominiq; idem intellecturi de liberis quoq; & parentibus, quorum in potestate sunt. Nam si quid in his propriè seruetur, separatim ostendemus. Si igitur iussu domini cum seruo negotium gestum erit: in solidum Prætor aduersus dominum actionem pollicetur: scilicet quia is, qui ita contrahit, fidem domini sequi uidetur.

A R G V M.

Qui seruum aut hominem liberum, nauis, tabernæ, aut cuius negotiationi præfecerit, in id quod cuius rei nomine, cui præpositus fuerit, contractum est, in solidum obligatur.

Eade

Eadem ratione Prætor duas alias in solidum actiones pollicetur: quarum altera exercitoria, altera institoria appellatur. Exercitoria tunc habet locum, cum quis seruum suum magistrum naui præposuerit, & quid cum eo eius rei gratia, cui præpositus erit, contractum fuerit. Ideo autem exercitoria uocatur, quia exercitor is appellatur, ad quem quotidianus naui quaestus pertinet. Institoria tunc locum habet, cum quis tabernæ fore, aut cuilibet negotiationi seruum suum præposuerit, & quid cum eo eius rei causa, cui præpositus erit, contractum fuerit. Ideo autem institoria appellatur, quia qui negotiationibus præponuntur, institores uocantur. Istas tamen duas actiones Prætor reddit, & si liberum quis hominem, aut alienum seruum naui, aut tabernæ, aut cuilibet negotiationi præposuerit: scilicet, quia eadem æquitatis ratio etiam eo casu interueniat.

A R G V M.

Si seruus in peculiari merce sciente domino negotians, ex contractu quibusdam creditoribus obnoxius fiat, tunc si quid inde etiam domino debeatur, inter eum cæterosque creditores merces peculiaris secundum ratum cuiusque portionē inuicem contribuitur: quod, si cui creditorum minus quam oporteat contigerit, actione (quæ tributoria dicitur) aduersus dominum perperitur.

Introduxit & aliam actionem Prætor, quæ
 tributoria uocatur. Namq; si seruus in peculiari
 merce sciente domino negotietur, & quid cū eo
 eius rei causa contractum erit: ita Prætor ius di-
 cit, ut quicquid in his mercibus erit, quodq; inde
 receptum erit, id inter dominum. si quid ei debe-
 bitur, & cæteros creditores, pro rata portione di-
 stribuatur. & ideo tributoria uocatur, quia ipsi
 domino distributionē Prætor permittit. Nam
 si quis ex creditoribus queratur quasi minus ei
 tributum sit, quā oportuerit, hanc ei actionem
 ad commodat, quæ tributoria appellatur.

A R G V M.

Quod ex contractu serui (etiam inscio domino
 inito) in domini utilitatem versum est, id solidum
 soluere cogitur: in rem autem versum intelligimus,
 si quid seruus impenderit, quo meliorem rem do-
 minus habeat, aut non deteriorem: ut exemplis ape-
 ritur. Quod si versum non fuit, eatenus tantum te-
 netur dominus, quatenus vires peculij sese exten-
 dunt.

Præterea introducta est actio de peculio, deq;
 eo, quod in rem domini uersum erit: ut quāuis sine
 uoluntate domini negotium gestum erit: tamen
 siue quid in rem eius uersum fuerit, id totū præ-
 stare debeat: siue quid nō sit in rem eius uersum,
 id eatenus præstare debeat, quatenus peculium
 patitur. In rem autem domini uersum intelli-

tur, quidquid necessario in re eius impedierit seruus: ueluti si mutuatus pecuniam creditoribus eius soluerit, aut aedificia ruentia fulserit, aut familiae frumentum emerit, uel etiam fundum, aut quolibet aliam rem necessariam mercatus erit. Itaque si ex decem puta aureis, quos seruus tuus a Titio mutuo accepit, creditori tuo quinque aureos soluerit, reliquos uero quinque quolibet modo consumpserit: pro quinque quidem in solidum damnum debes: pro ceteris uero quinque eatenus, quatenus in peculio sit. Ex quo scilicet apparet, si toti decem aurei in rem tuam uersi fuerint: totos decem aureos Titium consequi posse. Licet enim una est actio, qua de peculio, de quo co, quod in rem domini uersum sit, agitur: tamen duas habet condemnationes. Itaque iudex, apud quem de ea actione agitur, ante dispicere solet, an in rem domini uersum sit: nec aliter ad peculij aestimationem transit, quam aut nihil in rem domini uersum intelligatur, aut non totum. Cum autem quaeritur, quantum in peculio sit: ante deducitur, quidquid seruus domino, eiusque, qui in potestate eius sit, debet: & quod superest, id solum peculium intelligitur. Aliquando tamen id, quod ei debet seruus, qui in potestate domini sit, non deducitur ex peculio: ueluti si is in ipsius peculio sit, quod eo pertinet, ut si quid uicario

cario suo seruus debeat: id ex peculio eius nō deducatur. Caterum dubiū non est, quin is quoq; qui iussu domini contraxerit, cuiq; institoria uel exercitoria actio competit: de peculio, deq; eo, quod in rem domini uersum est, agere possit. Sed erit stultissimus, si omissa actione, qua facillimè solidum ex contractu consequi possit: se ad difficultatem perducatur probandi in rem domini uersum esse, uel habere seruum peculium, & tantum habere, ut solidum sibi solui possit.

A R G V M'.

Hæc inter actionem de peculio, & tributariam inest differentia, quod in priori quod domino debetur ante omnia deducitur: in posteriori uero, dominus tanquam extraneus cum cæteris creditoribus in tributum vocatur: item in illa, totius peculij ratio habetur: in hac, eius tantum in quo negotiatus est seruus: quo fit, ut quandoque vna, quandoque altera experiri expediat.

Is quoq; cui tributaria actio competit, æquè de peculio, & de in rem uerso agere potest. Sed sanè huic modò tributaria expedit agere, modò de peculio, et de in rem uerso. Tributaria ideo expedit agere, quia in ea domini cōditio præcipua nō est, id est, quod domino debetur, nō deducitur, sed eiusdē iuris est dominus, cuius & cæteri creditores. At in actiōe de peculio antè deducitur, quod

quod domino debetur: & in id, quod reliquū est, creditori dominus condemnatur. Rursus de peculio ideo expedit agere, quod in hac actione totius peculij ratio habetur: at in tributoria, eius tantum, quo negotiatur. Et potest quisq; tertia forte parte peculij, aut quarta, uel etiam minima negotiari: maiorem autē partem in prædijs, uel mæcipijs, aut fœnebris pecunia habere. Prout ergo expedit, ita quisq; uel hanc actionem uel illam eligere debet. Certē qui potest probare in rem domini uersum esse: de in rem uerso agere debet. Quæ diximus de seruo & domino, eadem intelligimus & de filio, & filia, & nepote, & nepte, & patre auoue, cuius in potestate sunt.

A R G V M.

Qui filiofamilias in patria potestate constituto mutuam dederit pecuniam, is neque in patrem, neq; in filium (etiam postquam sui iuris effectus est) ullam habet actionem Senatusconsulto Macedonia, no ita constituyente.

Illud propriè seruatur in eorū persona, quod senatusconsultum Macedonianū prohibuit mutuas pecunias dari eis, qui in potestate parentis sunt: & ei qui crediderit, dēnegatur actio tā aduersus ipsum filium filiāue, nepotē neptemue (siue adhuc in potestate sint. siue morte parētis. uel emācipatione, suæ potestatis esse cœperint)

quā

quàm aduersus patrem auumue: siue eos habeat adhuc in potestate, siue emancipauerit. Quæ ideo senatus prospexit, quia sæpe onerati a re alieno creditarum pecuniarum, quas in luxuriâ consumiebant, uitæ parentum insidiabantur. Illud in summa admonēdi sumus, id, quod iussu patris dominiue contractū fuerit, quodq; in rem eius uersum erit: directò quoq; posse à patre dominoue cōdici, tanquā si principaliter cū ipso negotium gestum esset. Ei quoq; qui exercitoria uel institoria actione tenetur, directò posse condici placet: quia huius quoq; iussu cōtractū intelligitur.

De noxalibus actionibus,

TIT. VIII.

A R G V M .

Quoties alienus seruus noxam seu damnum cuiuspiam intulerit, actio noxalis aduersus dominū instituitur: quā si condēnatus fuerit, ei licet aut damnum soluere, aut ipsius serui datione, damni vitare æstimationem, is tamen cui noxæ deditus est, quāuis dominus serui sit effectus, eum tamen postea damnum resarcientem, manumittere cogitur.

EX maleficijs seruorum: ueluti si furtum fecerint, aut bona rapuerint, aut damnum dederint, aut iniuriā cōmiserint: noxales actiones proditæ sunt, quibus domino dānato permittitur, aut litis æstimationem sufferre, aut ipsum

hominem noxæ dedere. Noxa autem est ipsum corpus, quod nocuit, id est, seruus: noxia ipsum maleficiū, ueluti furtū, damnum, rapina, iniuria. Summa autem ratione permissum est noxæ deditio-
 ne fungi. Nāq; erat iniquū, nequitia corū ultra ipsorū corpora dominis damnosam esse. Dominus noxali iudicio serui sui nomine conuēctus, seruū actori noxæ dedendo liberatur: nec minus in perpetuū eius serui dominiū à domino transfertur. Sin autē damnu ei, cui deditus est, seruus resarcierit quæsitā pecuniā: auxilio Prætoris inuito domino manumittetur. Sūt autē cōstitutæ noxales actiones, aut legibus, aut edicto Prætoris. Legibus: ueluti furti ex lege duodecim Tabularū, damni iniuriæ ex lege Aquilia. Edicto Prætoris: ueluti iniuriarū, et ui bonorū raptorū.

* Adnotato, Noxalem actionem sequi caput, quod noxam dedit: id est, dari aduersum quoscunque serui possessores: tamen si adhuc liber esset, cum deliquit.

Omnis autem noxalis actio caput sequitur. Nam si seruus tui noxam commiserit: quādiu in tua potestate sit, tecum est actio. Si autem in alterius potestatem peruenerit: cum illo incipit actio esse. At si manumissus fuerit, directo ipse tenetur, & extinguitur noxæ deditio. Ex diuer-

so quo q

so quoque directa actio noxalis esse incipit. Nam si liber homo noxiam commiserit, & is servus tuus esse coeperit (quod quibusdam casibus effici primo libro tradidimus) incipit tecum esse noxalis actio, quæ antè directa fuisset.

* Adnotato, Quoties ab initio actionis ortus impeditur, quanquam res ad eum casum perueniat, in quo nasci actio posset, nihilo magis suscitatur vel oritur actio: è re gione autem, quæ semel nata est obligatio, si in eum casum res perducatur, à quo initium capere non posset, evanescit.

Si servus domino noxiam commiserit: actio nulla nascitur. Namque inter dominum, & eum, qui in potestate eius est, nulla obligatio nasci potest. Ideoque & si in alienam potestatem servus peruenerit, aut manumissus fuerit: neque cum ipso, neque cum eo, cuius nunc in potestate sit, agi potest. Vnde si alienus servus noxiam tibi commiserit, & is postea in potestate tua esse coeperit, interdicatur actio: quia in eum casum deducta sit, in quo consistere non potuit. Ideoque licet exierit de tua potestate, agere non poteris: quemadmodum si dominus in servum suum aliquid commiserit: nec si manumissus aut alienatus fuerit servus, ullam actionem contra dominum habere potest.

Veteri iure filijfamilias noxiam inferentes, non secus atque serui, noxæ debebantur: quod vtpote asperum, & inhumanum hoc iure exauthoratum fuit: cum filiusfamilias qui deliquit, ipse conveniri possit.

Sed ueteres quidem hoc in filiis familiarum masculis, & foeminis admisere, noua autem hominum conuersatio huiusmodi asperitatem rectè respuendā esse existimauit, & ab usu communi hoc penitus recessit. Quis enim patiatur filium suum, & maxime filiam, in noxam alij dari: ut penè per filij corpus pater magis, quàm filius periclitetur? cum in filiabus, etiam pudicitiae fauor hoc bene excludat. Et ideo placuit in seruos tantummodo noxales actiones esse proponendas: cum apud ueteres legū commentatores inuenerimus sæpius dictum, ipsos filios familiarum pro suis delictis posse conveniri.

Si quadrupes pauperiem
fecisse dicatur,

TIT. IX.

A R G V M .

Quoties quadrupes contra innatam sui generis consuetudinem commota, feritate, lasciuia, vel alio quouis modo damnum intulerit, actio noxalis aduersum quadrupedis dominum ad commodatur: vt

aut damni æstimationem soluat, aut animal noxæ dedat.

A Nimalium nomine, quæ ratione carent, si Aqua lasciuia, aut * pauore, aut feritate pau * feri pericū fecerint: noxalis actio lege duodecim. tabularū prodita est. Quæ animalia si noxæ dedantur, proficiunt reo ad liberationem: quia ita lex duodecim tabularum scripta est: ut puta, Si equus calcitrosus calce percusserit: aut bos cornu petere solitus, cornu petierit. Hæc autem actio in ijs, quæ contra naturā mouentur, locum habet. Caterū si genitalis sit feritas: cessat actio. Deniq; si ursus fugerit à domino, & sic nocuerit: nō potest quondā dominus cōueniri: quia desijt dominus esse, ubi fera euasit. Pauperies autē est damnu sine iniuria facientis datū. Nec enim potest animal iniuriā fecisse dici, quod sensu caret. Hæc quidē ad noxalē pertinet actionē.

* Adnota, Quoties plures pœnales actiones pro eodem facto competunt, concurrū inuicem nequaquam se perimunt.

Caterū sciendum est, ædilitio edicte prohiberi nos canem, uerrem, aprū, ursum, leonē ibi habere, quā uulgo iter sit. & si aduersus ea factū erit, & nocitum libero homini esse dicatur: quod bonum, & æquum iudici uidetur, tanti dominus

condemnetur. cætera rñ uerò rerum, quanti dam-
num datum sit, dupli. Præter has autem ædili-
tias actiones, & de pauperie locum habebit.
Nunquam enim actiones, præsertim pœnales, de
eadem re concurrentes, alia aliam consumit.

De ijs per quos agere possumus, TIT. X.

Nunc admonendi sumus agere posse quem-
libet hominem, aut suo nomine, aut alieno.
Alieno, ueluti procuratorio, tutorio, curato-
rio: cum olim in usu fuisset, alterius nomine agere
non posse, nisi pro populo, pro libertate, pro
tutela. Præterea lege Hostilia permissum erat
furti agere eorū nomine, qui apud hostes essent,
aut rei publicæ causa abessent, qui uel in eorum
cuius tutela essent. Sed quia hoc non minimam
incommoditatem habebat, quod alieno nomine,
neq; agere, neq; excipere actionem licebat: cœ-
perunt homines per procuratores litigare. Nam
& morbus, & ætas, & necessaria peregrinatio,
itemq; aliæ multæ causæ sæpe hominibus impe-
dimento sunt, quo minus rem suam ipsi exequi
possint. Procurator neq; certis uerbis, neq; præ-
sente semper aduersario, imò plerunq; co igno-
rante

rante constituitur. Cuiusq; enim permiseris rem tuam agere, aut defendere: is tuus procurator intelligitur. Tutores & curatores quemadmodum constituantur, primo libro expositum est.

De satisfactionibus,

T I T . X I .

A R G V M .

Antiquo iure, quisquis in rem vel in personam suo nomine agebat, satisfacere non adstringebatur: alieno autem nomine agens, rem ratam dominum habiturum præstare debebat. Cæterum reus in rem actione conuentus, siue suo, siue alieno nomine iudicium susciperet, satisfactionis iudicatum solui, onere grauabatur: personali verò actione impetitus, ita demum, si alieno nomine defendebatur.

Satisfactionum modus alius antiquitati placuit, alium nouitas per usum amplexa est. Olim enim si in re agebatur, satisfacere possessor compellebatur: ut si uictus esset, nec re ipsam restitueret, nec litis æstimationem: potestas esset petitori, aut cum eo agendi, aut cum fideiussoribus eius, quæ satisfactio appellatur Iudicatum solui. Vnde autem sic appelletur, facile est intelligere. Namq; stipulabatur quis, ut solueretur si bi, quod fuisset iudicatum. Multo magis is, qui in re actione conueniebatur, satisfacere cogebatur, si alieno no-

mine iudiciū accipiebat. Ipse aut, qui in rē agebat, si suo nomine petebat, satisfdare nō cogebatur. Procurator uerō si in rem agebat: satisfdare iubebatur, rem ratā dominū habiturū. Periculū enim erat, ne iterū dominus de eadem re experiretur. Tutores uerō & curatores eodem modo, quo & procuratores satisfdare debere, uerba edicti faciebāt: sed, aliquādo his agentibus satisfdatio remittebatur. Hæc ita erat, si in rem agebatur. Si uerō in personā: ab actoris quidem parte eadē obtinebant, quæ diximus in actione, quæ in rē agitur: ab eius uerō parte, cum quo agitur, si quidē alieno nomine aliquis interueniret: omnimodo satisfdaret, quia nemo defensor in aliena re sine satisfdatione idoneus esse creditur. Quod si proprio nomine aliquis iudiciū accipiebat in personā: iudicatum solui satisfdare cogebatur.

A R G V M .

Supraſcriptis ſatisfdationibus exauthoratis hodie reus quauis actione ſuo nomine conuentus, de lite ad linem uſque proſequenda quandoque ſatisfdatione idonea, quandoque iuratoria cautione cauere debet.

Sed hodie hæc aliter obſeruantur. Siue enim quis in rem actione cōuenitur, ſiue perſonali ſuo nomine: nullam ſatisfdationem pro litis æſtimatione dare cōpellitur: ſed pro ſua tantū perſona, quod

quod in iudicio permineat usq; ad terminum litis, uel committitur suæ promissioni cū iureiurando (quam iuratoriam cautionem uocant) uel nudam promissionem, uel satisfactionē pro qualitate personæ suæ dūc compellitur.

A R G V M .

Toties actoris procurator rati cautionem præstare debet quoties de mandato dubitatur: quod etiam in procuratore eorum locum sibi vendicat, qui alienarum rerum administratores sunt. rei autem conuenti procurator (etiā mandato munitus) iudicatum solui satisfacere debet: à quo satisfaciendi onere releuatur, domino iudicialiter, uel extra, eius nomine cum clausulis opportunis, & bonorum hypotheca, de iudicato soluendo sidiuente.

Sinautem per procuratorem lis, uel infertur, uel suscipitur: in actoris quidem persona, si non mādātū actis insinuatū est, uel præsens dominus litis in iudicio procuratoris sui personā confirmauerit: ratam rem dominum habiturum satisfactionem procurator dare cōpellitur: eodem obseruando, & si tutor, uel curator, uel aliæ tales personæ, quæ alienarū rerum gubernationem receperunt, litem quibusdam per alium inferunt. Si uerò aliquis conuenitur: si quidē præsens, procuratorē dare paratus est: potest uel ipse in iudiciū uenire, & sui procuratoris personā per iudicatum solui satisfactionem solēni stipulatio-

ne firmare: uel extra iudicium satisfactionē exponere, per quā ipse sui procuratoris fideiussor existat pro omnibus iudicatum solui satisfactionis clausulis, ubi & de hypotheca suarum rerum conuenire compellitur: siue in iudicio promiserit, siue extra iudicium cauerit: ut tam ipse, quā heredes eius obligentur,

A R G V M .

Qui (lite à domino contestata) procurator constitutus est, cauere debet, dominum sententiæ recitandæ tempore in iudicium venturum, alioqui litis æstimationem se præstiturum.

Alia in super cautela uel satisfactione propter personam ipsius exponenda, quod tempore sententiæ recitandæ in iudicium ueniet, uel si nō uenerit, omnia dabit fideiussor, quæ in condemnatione continentur, nisi fuerit prouocatum.

A R G V M .

Quisquis absentis defensionem subire vult, eum iudicatum solui satisfacere operæpretium est.

Si uirō reus præsto ex quacūq; causa non fuerit, & alius uelit defensionē eius subire: nulla differentia inter actiones in rem uel personales introducenda, potest hoc facere: ita tamen, ut satisfactionem iudicatum solui pro litis æstimatione præstet. Nemo enim secundum ueterem regulam (ut iam dictum est) alienæ rei sine satisfactione defensor idoneus intelligitur.

Quæ omnia apertius & perfectius quotidiano iudiciorum usu in ipsis rerū documentis apparent. Quam formam non solum in hac regia urbe, sed etiam in omnibus nostris provincijs (et si propter imperitiam forte aliter celebratur) obtinere censemus: quum necesse sit omnes provincias, caput omnium nostrarū ciuitatum, id est, hanc regiam urbem, eiusq; obseruantiam sequi.

De perpetuis & temporalibus actionibus, & quæ ad hæredes & in hæredes transeunt,

TIT. XII.

A R G V M .

Quæq; à iure civili institutæ fuerunt actiones, olim quidē perpetuæ erant: hodie verò certis sunt finibus limitatæ, prætorix autem si pœnales existant, anno perimuntur: dēptæ furti manifesti actione, si rei persequutorix sunt, perpetuo dantur.

H*oc loco admonēdi sumus, eas quidē actiones, quæ ex lege, senatûsue consulto, siue ex sacris constitutionibus proficiscuntur: perpetuo solere antiquitus competere, donec sacra cōstitutiones, tam in rē, quàm in personā actionibus*

nibus certos fines dederūt, eas uerò, quæ ex propria Prætoris iurisdictione pendēt, plerūq; intra annum uiuere, nam & ipsius Prætoris intra annum erat imperium. Aliquando tamen & in perpetuum extenduntur, id est, usq; ad finē constitutionibus introductum: quales sunt eæ quas bonorum possessori, cæterisq; qui hæredis loco sunt: ad commodat. Furti quoq; manifesti actio, quanuis ex ipsius Prætoris iurisdictione profiscatur, tamen perpetuò datur. absurdum enim esse existimauit anno eam terminari.

A R G V M .

Ex maleficijs pœnales actiones quanuis contra hæredes non dentur, hæredibus tamen offensi dantur, excepta actione iniuriarum: actiones autem ex cōtractu dolo inuito aduersum hæredes (si nihil ex eo ad eos peruenerit) minime competunt. Omnes tamen pœnales actiones, lite contestata contra hæredes transeunt.

Non autem omnes actiones quæ in aliquẽ aut ipso iure competunt, aut a prætore dantur: & in hæredem æquẽ competunt, aut dari solent. Est enim certissima iuris regula, ex maleficijs pœnales actiones in hæredem rei non cōpetere: ueluti furti, ui bonorum raptorum, iniuriarum, damni iniuriæ. Sed hæredibus huiusmodi actiones cōpetunt, nec denegantur: excepta iniuriarũ actione, & si qua alia similis inueniatur. Aliquando
tamen

tamen etiam ex contractu actio contra heredem non competit: ueluti cum testator dolose uersatus sit, & ad heredem eius nihil ex eo dolo peruenit. Poenales autem actiones, quas supra diximus, si ab ipsis principalibus personis fuerint contestatae: & heredibus dantur: & contra heredes transcunt.

A R G V M .

Si pendente adhuc iudicio reus satisfecerit, ab obseruatione iudicij absoluendus est.

Superest, ut admoncamus, quod si ante rem iudicatam is, cum quo actum est, satisfacia t actori: officio iudicis conuenit cum absolucere, licet in ea causa fuisset iudicij accipiendi tempore, ut damnari deberet, & hoc est, quod antea uulgo dicebatur, omnia iudicia absolutoria esse.

De exceptionibus,

TIT. XIII.

A R G V M .

Institutae idcirco fuerunt exceptiones, ut qui ipso iure obnoxij sunt, iniquas petitorum actiones excludant: quod exemplis aperitur.

Sequitur, ut de exceptionibus dispiciamus. Comparatae autem sunt exceptiones defendendorum eorum gratia, cum quibus agitur. Soepe enim accidit, ut licet ipsa persecutio, qua actor experitur, iusta sit, tamen iniqua sit aduersus eum,
cum

cum quo agitur. Verbi gratia, si metu coactus, aut dolo inductus, aut errore lapsus, stipulanti Titio promissisti quod non debueras promittere: palam est, iure civili te obligatum esse: & actio qua intenditur, dare te oportere, efficax est: sed iniquum est te condemnari. Ideoque datur tibi exceptio, quod metus causa, aut doli mali, aut in factum composita ad impugnandum actionem.

A R G V M.

Qui futuræ numerationis spe mutuum recepisse scriptis fassus fuit, exceptione non numeratæ pecuniæ tutus est.

Idem iuris est, si quis quasi credendi causa pecuniam à te stipulatus fuerit, neque numerauerit. Nam eam pecuniam à te petere posse eum, certum est, dare enim te oportet, quum ex stipulatione tenearis. Sed quia iniquum est, eo nomine te condemnari: placet exceptione pecuniæ non numeratæ te defendi debere, cuius tempora nos (secundum quod iam superioribus libris scriptum est) constitutione nostra coartauimus.

A R G V M.

Si debitori creditor non petere pactus fuerit, ex pacto præcedens obligatio non perimitur: sed pacti conuenti exceptio aduersus creditorem agentem paratur.

Præterea debitor, si pactus fuerit cum creditore, ne à se pecunia peteretur: nihilominus obligatus

gatus manet: quia pacto conuento obligationes non omnino dissoluantur: quae de causa efficax est aduersus eum actio, quam actor intendit, si apparet eum dare oportere, sed quia iniquum est, contra pactiōem eum condemnari: defenditur per exceptionem pacti conuenti.

A R G V M .

Qui iureiurando delato se nihil debere asseruit, ipso iure liberatus non est: sed exceptione iurisiurandi munitus aequè si quis in rem conuentus, rem petitam suam esse iurauerit, nō propterea actor domihus esse desinit, verum exceptio iurisiurandi sibi postea vindicanti obstat.

Aequè si debitor creditore deferente iurauerit, nihil se dare oportere: adhuc obligatus permānet, sed quia iniquum est de periurio quæri: defenditur per exceptionem iurisiurandi. In ijs quoq; actionibus, quibus in rem agitur, aequè necessariae sunt exceptiones, ueluti si petitor deferente possessor iurauerit eam rem suam esse, & nihilominus petitur eandem rem uindict: licet enim uerum sit, quod intendit, id est, rem eius esse: iniquum tamen est possessorem cōdemnari.

A R G V M .

Absolutio rei conuenti primæuam obligationem minime tollit, absolutio tamen rei iudicatæ exceptionem acquirit.

Item si iudicio tecum actum fuerit, siue in

rem, siue in personam: nihilominus obligatio du-
ret: & ideo ipso, iure de eadem re postea aduer-
sus te agi potest, sed debes per exceptionem rei
iudicatae adiuuari. Hæc exempli causa retulisse
sufficiat.

A R G V M .

Hæc est prior exceptionum diuisio, vt quædam
ciuiles sint, quædam prætorix.

Alioqui quàm ex multis uarijsq; causis ex-
ceptiones necessariae sint: ex latioribus Digesto-
rum seu Pandectarum libris intelligi potest.
Quarum quædam ex legibus, uel ex ijs, quæ legis
uicem obtinent, uel ex ipsius Prætoris iurisdic-
tione substantiam capiunt.

A R G V M .

Iam adest posterior exceptionum actio: vt quæ-
dam perpetuæ, & peremptoriæ sint, quædam tem-
porales & dilatorix. perpetuæ & peremptoriæ sunt
quæ & semper locum habent, & causam principa-
lem perimunt: dilatorix uero sunt, quæ ad tempus
nocent: & actionē in tempus differre solent: vt ex-
ceptio pacti ne intra certū tempus petatur, & simi-
les: quæ olim ante tempus agenti oppositæ, actio-
nem omnino consumeabant, hodie uero duplum in-
duciarum debitori tribuunt: item finito tempore
non antea actor audiendus est, quàm expensas litis
refuderit.

Appellantur autē exceptiones aliæ perpe-
tuæ & peremptoriæ, aliæ temporales & dilato-
rix.

ria. Perpetua et peremptoria sunt, quæ semper agentibus obstat, & semper rem, de qua agitur, perimunt: qualis est exceptio doli mali, & quod metus causa factum est, & pacti conuenti, cum ita cõuenerit, ne omnino pecunia peteretur. Temporales atq; dilatoria sunt, quæ ad tempus nocent, & temporis dilationem tribuunt: qualis est pacti cõuenti, cum ita cõuenerit, ne intra certum tempus ageretur, ueluti intra quinquenniũ. nam finito eo tẽpore, nõ impeditur actor rem exequi. Ergo ij, quibus intra certum tempus agere uolentibus obijcitur exceptio, aut pacti cõuenti, aut alia similis: differre debent actionẽ, & post tempus agere. Ideo enim & dilatoria istæ exceptio nes appellatur. Alioqui si intra tẽpus egerint, obiecta q; sit exceptio: neq; eo iudicio quidquam consequerentur; propter exceptionem; neq; post tempus olim agere poterant: cum temere rem in iudicium deducebãt, & consumeabant, qua ratione rem amittebant. Hodic autem non ita strictè hoc procedere uolumus: sed cum, qui ante tẽpus pactionis uel obligationis litẽ inferre ausus sit: Zenoniane cõstitutioni subiaccere cõsemus, quã sacratissimus legislator de ijs, qui tẽpore plus petierint, protulit: & inducias, quas ipse actor sponte indulserit, uel quas natura actionis cõti-

ita exceptionem replicatio, & replicationem duplicatio, rursus triplicatio duplicationem, & deinceps vltiores defensiones multiplicatis nominibus, vbi opus fuerit proponi possunt.

Interdū euenit, ut exceptio, quæ prima facie iusta uidetur, tamen iniquè noceat. quod cum accidit, alia allegatione opus est, adiuuādi actoris gratia: quæ replicatio uocatur, quia per eam replicatur atq; resoluitur ius exceptionis: uelut cum pactus est aliquis cū debitore suo, ne ab eo pecuniā petat, deinde postea in contrarium pacti sunt, id est, ut creditori petere liceat: si creditor agat, & excipiat debitor, ut ita demum condemnetur, si non conuenerit, ne eam pecuniā creditor petat: nocet ei exceptio. conuenit enim ita. nāq; nihilominus hoc uerū manet, licet postea in contrariū pacti sint. sed quia iniquum est creditore excludi: replicatio ei dabitur ex posteriore pacto cōuento. Rursus interdū euenit, ut replicatio, quæ prima facie iusta est, iniquè noceat. quod cum accidit, alia allegatione opus est, adiuuādi rei gratia, quæ duplicatio uocatur. Et si rursus ea prima facie iusta uideatur, sed propterea aliquā causam actori iniquè noceat: rursus alia allegatione opus est, qua actor adiuuetur, quæ dicitur triplicatio. Quarū omnium exceptionū usum interdū ulterius, quā diximus, uarietas nego-

tiorum introducit: quas omnes apertius ex Digestorum latiore uolumine facile est cognoscere.

A R G V M.

In rem defensiones debitori competentes (vt patet de non petendo) fideiussoribus etiam competunt: quia si quid fideiussores pro reo soluerunt, id actione mandati ab eo repetunt, exceptiones uero in personam (vt cessionis bonorum & id genus aliæ) ad fideiussores non porriguntur.

Exceptiones autem, quibus debitor defenditur, plerumque ad commodari solent etiam fideiussoribus eius, & rectè: quia quod ab ijs petitur, id ab ipso debitore peti uidetur: quia mandati iudicio redditurus est eis, quod ei pro eo soluerint. Qua ratione, & si de non petenda pecunia pactus quis cum reo fuerit: placuit perinde succurrendum esse per exceptionem pacti conuenti illis quoque, qui pro eo obligati sunt, ac si etiam cum ipsis pactus esset, ne ab eis ea pecunia peteretur. Sanè quedam exceptiones non solent his ad commodari. Ecce enim debitor, si bonis suis cesserit, & cum eo creditor experiatur: defenditur per exceptionem, si bonis cesserit. Sed hæc exceptio fideiussoribus non datur: id eo scilicet, quia qui alios pro debitore obligat, hoc maxime prospicit, ut cum facultatibus lapsus fuerit debitor, possit ab ijs, quos pro eo obligauit, suum consequi.

De.

De interdictis,

TIT. XV.

Sequitur, ut dispiciamus de interdictis seu actionibus, quæ pro his exercentur. Erant autem interdicta formæ atq; conceptiones uerborum, quibus Prætor aut iubebat aliquid fieri, aut fieri prohibebat. quod tunc maximè fiebat, cum de possessione, aut quasi possessione inter aliquos contendebatur.

A R G V M.

Prima interdictorum diuisio hæc est, quòd quædam prohibitoria sunt, ut interdictum ne vis fiat ei, de mortuo inferendo, & similia: quædam restitutoria, ut interdictum quorum bonorum, unde vi, & id genus alia: quædam exhibitoria, ut de libero homine exhibendo, de liberis exhibendis, & huiusmodi.

Summa autem diuisio interdictorum hæc est, quòd aut prohibitoria sunt, aut restitutoria, aut exhibitoria. Prohibitoria sunt, quibus Prætor uetat aliquid fieri: ueluti uim sine uitio possidenti, uel mortuum inferenti, quò ei ius erat inferendi: uel in sacro loco ædificari, uel in flumine publico ripæ eius aliquid fieri, quo peius nauigetur. Restitutoria sunt, quibus restitui aliquid iubet: ueluti bonorum possessori possessionem eorum, quæ quis pro hærede, aut pro possessore possidet ex ea

hæreditate: aut cùm iubet ei, qui ui de possessione deiectus sit, restitui possessionem. Exhibitoria sunt, per quæ iubet exhiberi: ueluti eum, cuius de libertate agitur: aut libertum, cui patronus operas indicere uelit: aut parēti liberos, qui in potestate eius sunt. Sunt tamen, qui putent, propriè interdicta ea uocari, quæ prohibitoria sunt, quia interdicere sit denuntiare & prohibere: restitutoria autem & exhibitoria, propriè decreta uocari. Sed tamen obtinuit omnia interdictiones appellari: quia inter duos dicuntur.

A R G V M.

Iam secundam interdictionum diuisionem adgre-
ditur, quorum bonorum interdictum, adipiscendæ
possessionis gratia comparatum est: quod iure præ-
torio succedenti conceditur, pro adipiscenda scili-
cet possessione hæreditariarum rerum, quæ apud
eum sunt qui pro hærede vel pro possessore possi-
det: interdictum quoque Saluiantum causa adipi-
scendæ possessionis rerum per colonum fundo il-
latarum (quæ tacitè pro mercede hypothecata sunt)
contra quoscunque possessores datur.

*Sequens diuisio interdictionum hæc est, quod
quædam adipiscendæ possessionis causa cõpara-
ta sunt, quædam retinendæ, quædam recuperan-
dæ. Adipiscendæ possessionis causa interdictum
ad commodatur bonorum possessori, quod appel-
latur, Quorum bonorum, eiusq; uis & po-
testas*

Titulus XV.

testas hac est: ut quod ex hoc loco possit
rum possessio alicui data est, pro herede suo
possessore possideat. id est, cui heres non
data est, restituere debet. Pro herede autem
possidere videtur, qui pater si heres est. Pro
possessore is possidet, qui talis heres est. Item
riam, uel etiam totam hereditatem, si non
non pertinere, possidet. Item autem possessio
possessiois uocatur interdictum: quia si non
usile est, qui nunc primus interdictum
possessiois. Itaque si quis aliquid possidet
amiserit eam: hoc interdictum a iudice est. Item
dictum quoque, quod appellatur interdictum
secunda possessiois causa est, et si quis
tur dominus fundi de rebus suis, pater et
mercedibus fundi pater et

[
)

ca-
tis,
tis.

A R G U M E N T U M

Interdictum ut possidetis. Item autem
nende possessiois, quae possessiois
si de proprietate dicuntur, ut si quis
sia: an sequam eam proprietatem, quae
viter ex litigantibus possidet. Item
beat, inuestigandum est, quid sit
possessore, utrum si perperam
dicuntur, ut si quis
qua remanet, et si quis
sit) quoad perperam

Restituitur possessio

ne firmare: uel extra iudicium satisfactionē exponere, per quā ipse sui procuratoris fideiussor existat pro omnibus iudicatum solui satisfactionis clausulis, ubi & de hypotheca suarum rerum conuenire compellitur: siue in iudicio promiserit, siue extra iudicium cauerit: ut tam ipse, quā haredes eius obligentur,

A R G V M .

Qui (lite à domino contestata) procurator constitutus est, cauere debet, dominum sententiæ recitandæ tempore in iudicium venturum, alioqui litis æstimationem se præstiturum.

Alia insuper cautela uel satisfactione propter personam ipsius exponenda, quod tempore sententiæ recitandæ in iudicium ueniet, uel si nō uenerit, omnia dabit fideiussor, quæ in condemnatione continentur, nisi fuerit prouocatum.

A R G V M .

Quisquis absentis defensionem subire uult, eum iudicatum solui satisfacere operæpretium est.

Si uirō reus præsto ex quacunque causa non fuerit, & alius uelit defensionē eius subire: nulla differentia inter actiones in rem uel personales introducenda, potest hoc facere: ita tamen, ut satisfactionem iudicatum solui pro litis æstimatione præstet. Nemo enim secundum ueterem regulam (ut iam dictum est) alienæ rei sine satisfactione defensor idoneus intelligitur.

Quæ omnia apertius & perfectius quotidiano iudiciorum usu in ipsis rerū documentis apparent. Quam formam non solum in hac regia urbe, sed etiam in omnibus nostris prouincijs (et si propter imperitiam fortè aliter celebratur) obtinere censemus: quum necesse sit omnes prouincias, caput omnium nostrarū ciuitatum, id est, hanc regiam urbem, eiusq; obseruantiam sequi.

De perpetuis & temporalibus actionibus, & quæ ad hæredes & in hæredes transeunt,

TIT. XII.

A R G V M .

Quæq; à iure ciuili institutæ fuerunt actiones, olim quidē perpetuæ erant: hodie verò certis sunt finibus limitatæ, prætorix autem si pœnales existant, anno perimuntur: dēptæ furti manifesti actione, si rei persequutorix sunt, perpetuo dantur.

H*oc loco admonēdi sumus, eas quidē actiones, quæ ex lege, senatūsue consulto, siue ex sacris constitutionibus proficiuntur: perpetuo solere antiquitus competere, donec sacra cōstitutiones, tam in rē, quàm in personā actionibus*

nibus certos fines dederūt, eas uerò, quæ ex propria Prætoris iurisdictione pendēt, plerūq; intra annum uiuere, nam & ipsius Prætoris intra annum erat imperium. Aliquando tamen & in perpetuum extenduntur, id est, usq; ad finē constitutionibus introductum: quales sunt eæ quas bonorum possessori, cæterisq; qui hæredis loco sunt: ad commodat. Furti quoq; manifesti actio, quanuis ex ipsius Prætoris iurisdictione profiscatur, tamen perpetuò datur. absurdum enim esse existimauit anno eam terminari.

A R G V M .

Ex maleficijs pœnales actiones quanuis contra hæredes non dentur, hæredibus tamen offensi dantur, excepta actione iniuriarum: actiones autem ex cōtractu dolo innito aduersum hæredes (si nihil ex eo ad eos peruenerit) minime competunt. Omnes tamen pœnales actiones, lite contestata contra hæredes transeunt.

Non autem omnes actiones quæ in aliquē aut ipso iure competunt, aut à prætore dantur: & in hæredem æquè competunt, aut dari solent. Est enim certissima iuris regula, ex maleficijs pœnales actiones in hæredem rei non cōpetere: ueluti furti, ui bonorum raptorum, iniuriarum, damni iniuriæ. Sed hæredibus huiusmodi actiones cōpetunt, nec denegantur: excepta iniuriarū actione, & si qua alia similis inueniatur. Aliquando
tamen

tamen etiam ex contractu actio contra heredem non competit: ueluti cum testator dolose uersatus sit, & ad heredem eius nihil ex eo dolo peruenit. Pœnales autem actiones, quas supra diximus, si ab ipsis principalibus personis fuerint contestatæ: & heredibus dantur: & contra heredes transcunt.

A R G V M .

Si pendente adhuc iudicio reus satisfecerit, ab obseruatione iudicij absoluendus est.

Supereſt, ut admoneamus, quod si ante rem iudicatam is, cū quo actum eſt, ſatisfaciat actori: officio iudicis conuenit cum abſolucere, licet in ea causa fuiſſet iudicij accipiendi tempore, ut damnari deberet, & hoc eſt, quod antea uulgo dicebatur, omnia iudicia abſolutoria eſſe.

De exceptionibus,

TIT. XIII.

A R G V M .

Inſtitutæ idcirco fuerunt exceptiones, ut qui ipſo iure obnoxij ſunt, iniquas petitorum actiones excludant: quod exemplis aperitur.

Sequitur, ut de exceptionibus diſpiciamus. Comparatæ autē ſunt exceptiones defendendorum eorum gratia, cum quibus agitur. Sepe enim accidit, ut licet ipſa perſecutio, qua actor experitur, iuſta ſit, tamē iniqua ſit aduerſus eū,
cum

cum quo agitur. Verbi gratia, si metu coactus, aut dolo inductus, aut errore lapsus, stipulanti Titio promissisti quod nō debueras promittere: palam est, iure ciuili te obligatum esse: & actio qua intenditur, dare te oportere, efficax est: sed iniquum est te condemnari. Ideoq; datur tibi exceptio, quod metus causa, aut doli mali, aut in factum composita ad impugnandum actionem.

A R G V M.

Qui futuræ numerationis spe mutuum recepisse scriptis fassus fuit, exceptione non numeratæ pecuniæ tutus est.

Idem iuris est, si quis quasi credēdi causa pecuniam à te stipulatus fuerit, neq; numerauerit. Nam eam pecuniam à te petere posse eum, certum est, dare enim te oportet, quum ex stipulatione tenearis. Sed quia iniquum est, eo nomine te condemnari: placet exceptione pecuniæ non numeratæ te defendi debere, cuius tempora nos (secundum quod iam superioribus libris scriptū est) constitutione nostra coartauimus.

A R G V M.

Si debitori creditor non petere pactus fuerit, ex pacto præcedens obligatio non perimitur: sed pacti conuenti exceptio aduersus creditorem agentem paratur.

Præterea debitor, si pactus fuerit cum creditore, ne à se pecunia petretur: nihilominus obli-
gatus

gatus manet: quia pacto conuento obligationes non omnino dissoluantur: quae de causa efficax est aduersus eum actio, quam actor intendit, si apparet eum dare oportere, sed quia iniquum est, contra pactiōem eum condemnari: defenditur per exceptionem pacti conuenti.

A R G V M .

Qui iureiurando delato se nihil debere asseruit, ipso iure liberatus non est: sed exceptione iurisiurandi munitus æque si quis in rem conuentus, rem petitam suam esse iurauerit, nō propterea actor dominus esse desinit, verum exceptio iurisiurandi sibi postea vindicanti obstat.

Æque si debitor creditore deferente iurauerit, nihil se dare oportere: adhuc obligatus permanet, sed quia iniquum est de periurio queri: defenditur per exceptionem iurisiurandi. In ijs quoque actionibus, quibus in rem agitur, æque necessariae sunt exceptiones, ueluti si petitor deferente possessor iurauerit eam rem suam esse, & nihilominus petitur eandem rem uindicare: licet enim uerum sit, quod intendit, id est, rem eius esse: iniquum tamen est possessorem condemnari.

A R G V M .

Absolutio rei conuenti primæuam obligationem minime tollit, absolutio tamen rei iudicatæ exceptionem acquirit.

Item si iudicio tecum actum fuerit, siue in

*rem, siue in personam: nihilominus obligatio du-
ret: & ideo ipso, iure de eadem re postea aduer-
sus te agi potest, sed debes per exceptionem rei
iudicatae adiuuari. Hæc exempli causa retulisse
sufficiat.*

A R G V M .

*Hæc est prior exceptionum diuisio, vt quædam
ciuiles sint, quædam prætorix.*

*Alioqui quàm ex multis uarijsq; causis ex-
ceptiones necessariae sint: ex latioribus Digesto-
rum seu Pandectarum libris intelligi potest.
Quarum quædam ex legibus, uel ex ijs, quæ legis
uicem obtinent, uel ex ipsius Prætoris iurisdic-
tione substantiam capiunt.*

A R G V M .

*Iam adest posterior exceptionum actio: vt quæ-
dam perpetuæ, & peremptoriæ sint, quædam tem-
porales & dilatoriæ. perpetuæ & peremptoriæ sunt
quæ & semper locum habent, & causam principa-
lem perimunt: dilatoriæ verò sunt, quæ ad tempus
nocent: & actionē in tempus differre solent: vt ex-
ceptio pacti ne intra certū tempus petatur, & simi-
les: quæ olim ante tempus agenti oppositæ, actio-
nem omnino consumeabant, hodie verò duplum in-
duciarum debitori tribuunt: item finito tempore
non antea actor audiendus est, quàm expensas litis
refuderit.*

*Appellantur autē exceptiones aliæ perpe-
tua & peremptoria, aliæ temporales & dilato-
ria.*

ria. Perpetua et peremptoria sunt, quæ semper agentibus obstat, & semper rem, de qua agitur, perimunt: qualis est exceptio doli mali, & quod metus causa factum est, & pacti conuenti, cum ita cõuenerit, ne omnino pecunia peteretur. Temporales atq; dilatoria sunt, quæ ad tempus nocent, & temporis dilationem tribuunt: qualis est pacti cõuenti, cum ita cõuenerit, ne intra certum tempus ageretur, ueluti intra quinquenniũ. nam finito eo tẽpore, nõ impeditur actor rem exequi. Ergo ij, quibus intra certum tempus agere uolentibus obijcitur exceptio, aut pacti cõuenti, aut alia similis: differre debent actionẽ, & post tempus agere. Ideo enim & dilatoria istæ exceptiones appellatur. Alioqui si intra tẽpus egerint, obiecta q; sit exceptio: neq; eo iudicio quidquam consequerentur, propter exceptionem; neq; post tempus olim agere poterant: cum temere rem in iudicium deducebāt, & consumebant, qua ratione rem amittebant. Hodic autem non ita strictẽ hoc procedere uolumus: sed cum, qui ante tẽpus pactionis uel obligationis litẽ inferre ausus sit: Zenoniana cõstitutioni subiaccere cõsemus, quã sacratissimus legislator de ijs, qui tẽpore plus petierint, protulit: & inducias, quas ipse actor sponte indulserit, uel quas natura actionis cõti-

ita exceptionem replicatio, & replicationem duplicatio, rursus triplicatio duplicationem, & deinceps vltiores defensiones multiplicatis nominibus, vbi opus fuerit proponi possunt.

Interdū euenit, ut exceptio, quæ prima facie iusta uidetur, tamen iniquè noceat. quod cum accidit, alia allegatione opus est, adiuuādi actoris gratia: quæ replicatio uocatur, quia per eam replicatur atq; resoluitur ius exceptionis: ueluti cum pactus est aliquis cū debitore suo, ne ab eo pecuniā petat, deinde postea in contrarium pacti sunt, id est, ut creditori petere liceat: si creditor agat, & excipiat debitor, ut ita demum condemnetur: si non conuenerit, ne eam pecuniā creditor petat: nocet ei exceptio. conuenit enim ita. nāq; nihilominus hoc uerū manet, licet postea in contrariū pacti sint. sed quia iniquum est creditore excludi: replicatio ei dabitur ex posteriore pacto cōuento. Rursus interdū euenit, ut replicatio, quæ prima facie iusta est, iniquè noceat. quod cum accidit, alia allegatione opus est, adiuuādi rei gratia, quæ duplicatio uocatur. Et si rursus ea prima facie iusta uideatur, sed propterea aliquā causam actori iniquè noceat: rursus alia allegatione opus est, qua actor adiuuetur, quæ dicitur triplicatio. Quarū omnium exceptionū usum interdū ulterius, quā diximus, uarietas nego-

tiorum introducit: quas omnes apertius ex Digestorum latiore uolumine facile est cognoscere.

A R G V M.

In rem defensiones debitori competentes (vt patet de non petendo) fideiussoribus etiam competunt: quia si quid fideiussores pro reo soluerunt, id actione mandati ab eo repetunt, exceptiones uero in personam (vt cessionis bonorum & id genus aliarum) ad fideiussores non porriguntur.

Exceptiones autem, quibus debitor defenditur, plerumque ad commodari solent etiam fideiussoribus eius, & recte: quia quod ab iis petitur, id ab ipso debitore peti uidetur: quia mandati iudicio redditurus est eis, quod ei pro eo soluerint. Qua ratione, & si de non petenda pecunia pactus quis cum reo fuerit: placuit perinde succurrendum esse per exceptionem pacti conuenti illis quoque, qui pro eo obligati sunt, ac si etiam cum ipsis pactus esset, ne ab eis ea pecunia peteretur. Sane quedam exceptiones non solent his ad commodari. Ecce enim debitor, si bonis suis cesserit, & cum eo creditor experietur: defenditur per exceptionem, si bonis cesserit. Sed haec exceptio fideiussoribus non datur: ideo scilicet, quia qui alios pro debitore obligat, hoc maxime prospicit, ut cum facultatibus lapsus fuerit debitor, possit ab iis, quos pro eo obligauit, suum consequi.

De interdictis,

TIT. XV.

Sequitur, ut dispiciamus de interdictis seu actionibus, quæ pro his exercentur. Erant autem interdicta formæ atq; conceptiones uerborum, quibus Prætor aut iubebat aliquid fieri, aut fieri prohibebat. quod tunc maximè fiebat, cum de possessione, aut quasi possessione inter aliquos contendebatur.

A R G V M.

Prima interdictorum diuisio hæc est, quòd quædam prohibitoria sunt, ut interdictum ne vis fiat ei, de mortuo inferendo, & similia: quædam restitutoria, ut interdictum quorum bonorum, unde vi, & id genus alia: quædam exhibitoria, ut de libero homine exhibendo, de liberis exhibendis, & huiusmodi.

Summa autem diuisio interdictorum hæc est, quòd aut prohibitoria sunt, aut restitutoria, aut exhibitoria. Prohibitoria sunt, quibus Prætor uetat aliquid fieri: ueluti uim sine uitio possidenti, uel mortuum inferenti, quò ei ius erat inferendi: uel in sacro loco ædificari, uel in flumine publico ripæque eius aliquid fieri, quo peius nauigetur. Restitutoria sunt, quibus restitui aliquid iubet: ueluti bonorum possessori possessionem eorum, quæ quis pro hærede, aut pro possessore possidet ex ea

hæreditate: aut cū iubet ei, qui ui de possessione deiectus sit, restitui possessionem. Exhibitoria sunt, per quæ iubet exhiberi: ueluti cum, cuius de libertate agitur: aut libertum, cui patronus operas indicere uelit: aut parēti liberos, qui in potestate eius sunt. Sunt tamen, qui putent, propriè interdicta ea uocari, quæ prohibitoria sunt, quia interdicere sit denuntiare & prohibere: restitutoria autem & exhibitoria, propriè decreta uocari. Sed tamen obtinuit omnia interdicta appellari: quia inter duos dicuntur.

A R G V M.

*Iam secundam interdictorum diuisionem adgre-
ditur, quorum bonorum interdictum, adipiscendæ
possessionis gratia comparatum est: quod iure præ-
torio succedenti conceditur, pro adipiscenda scili-
cet possessione hæreditariarum rerum, quæ apud
eum sunt qui pro hærede vel pro possessore possi-
det: interdictum quoque Saluiantum causa adipi-
scendæ possessionis rerum per colonum fundo il-
latarū (quæ tacitè pro mercede hypothecatæ sunt)
contra quoscunque possessores datur.*

*Sequens diuisio interdictorum hæc est, quod
quædam adipiscendæ possessionis causa cōpara-
ta sunt, quædam retinendæ, quædam recuperan-
dæ. Adipiscendæ possessionis causa interdictum
ad commodatur bonorum possessori, quod appel-
latur, Quorum bonorum, eiusq; uis & po-
testas*

testas hac est: ut quod ex ijs bonis quisq; quorum possessio alicui data est, pro hærede aut pro possessore possideat: id ei, cui bonorum possessio data est, restituere debeat. Pro hærede autem possidere uidetur, qui putat se hærẽdẽ esse. Pro possessore is possidet, qui nullo iure rẽ hæreditariam, uel etiam totam hæreditatem, sciens ad se non pertinere, possidet. Idcõ autem adipiscẽdæ possessionis uocatur interdictũ: quia ei tantũ utile est, qui nunc primũ conatur adipisci rei possessionẽ. Itaq; si quis adeptus possessionem, amiserit eã: hoc interdictũ ei inutile est. Interdictũ quoq; quod appellatur Saluiantum, adipiscenda possessionis causa cõparatũ est: eoq; utitur dominus fundi de rebus coloni, quas is pro mercedibus fundi pignori futuras pepigisset.

A R G V M .

Interdictũ uti possidetis, & utrubi, sunt retinendæ possessionis: quæ præsertim locum habent, si de proprietate alicuius rei futura sit controuersia: antequam enim proprietaris quæstio moueatur, vter ex litigatoribus possidere, & vter petere debeat, inuestigandum est: tum quia sine petitore & possessore nullum superpetitorio institui potest iudicium: tum, propter commodum possessionis: in qua remanet is, qui possidet (quãuis dominus non sit) quoad petitor rem suam probauerit.

Retinendæ possessionis causa cõparata sunt

interdicta Vti possidetis, & Vtrubi: cum ab utraq; parte de proprietate alicuius rei controversia sit: et ante queratur, uter ex litigatoribus possidere, & uter petere debeat. Namq; nisi ante exploratum fuerit, utrius eorum possessio sit: non potest petitoria actio institui: quia & civilis, & naturalis ratio facit, ut alius possideat; & alius a possidente petat. Et quia longe commodius est & potius possidere, quam petere: ideo plerumq; et ferè semper ingens existit contentio de ipsa possessione. Commodum autem possidendi in eo est, quod etiam si etius res non sit, qui possidet: si modo actor non potuerit suam esse probare: remanet in suo loco possessio. propter quam causam cum obscura sunt utriusq; iura: contra petitorem iudicari solet.

A R G V M.

Vti possidetis, rerum immobiliũ retinendæ possessionis gratia conceditur: vtrubi verò mobiliũ: quæ licet olim quantum ad possessionem inter se discreparent, hodie; in utroque is vincit, qui litis contestate tempore, nec vi, nec clam, nec precario, ab eo possidet, qui turbavit, quamvis à tertio non aduersario, præfatis modis possideret.

Sed interdicto quidẽ Vti possidetis, de fundi uel ædium possessione contenditur: Vtrubi uerò interdicto de rerũ mobiliũ possessione. Quorum uis ac potestas plurimã inter se differentia

tiā apud uēteres habebat. Nam Vti possidetis
interdicto is uincebat, qui interdicti tēpore pos-
sidebat: si modò nec ui, nec clām, nec precariò na-
ctus fuerat ab aduersario possessionē: etiā si aliū
ui expulerat, aut clām arripuerat alienā posses-
sionem, aut precariò rogauerat aliquem, ut sibi
possidere liceret. Vtrubi uerò interdicto is uince-
bat, qui maiore parte eius anni, nec ui, nec clām,
nec precariò ab aduersario possidebat. Hodie ta-
men aliter obseruatur. Nā utriusq; interdicti po-
testas (quantū ad possessionem pertinet) ex-
quata est: uti ille uincat, & in re soli, & in re mo-
bili, qui possessionē nec ui, nec clām, nec precariò
ab aduersario litis contestata tempore detinet.

A R G V M.

Etiam is possidere intelligitur, cuius nomi-
ne alius est in possessione. Possessio autem quam-
uis solo animo retineatur, solo tamen animo non
adquiritur.

Possidere autem uidetur quisq;, non solum si
ipse possideat, sed & si eius nomine aliquis in
possessione sit, licet is eius iuri subiectus non sit,
qualis est colonus & inquilinus. Per eos quoq;
apud quos deposuerit quis, aut quibus cōmoda-
uerit, ipse possidere uidetur. Et hoc est, quod di-
citur, retinere possessionē posse aliquē per quēli-
bet qui eius nomine sit in possessione. Quinetiam

Qui autem aliquem de possessione per vim deie-
cerit: tenetur lege Iulia de vi priuata, aut de vi
publica. Sed de vi priuata, si sine armis uel fe-
cerit: sin autē armis eā de possessione vi expul-
sit, de vi publica tenetur. Armorū autē appel-
latione nō solum scuta, & gladios, & galeas, sed
& fustes, & lapides significari intelligimus.

A R G V M .

Accipe tertiam interdictōrum diuisionem.

Tertia diuisio interdictōrum est, quod aut
simplicia sunt, aut duplicia. Simplicia sunt, ue-
luti in quibus alter actor, alter reus est: qualia
sunt omnia restitutoria aut exhibitoria. Nam
actor is est, qui desiderat aut exhiberi, aut resti-
tui: reus autē is est, à quo desideratur, aut ut re-
stituatur, aut exhibeat. Prohibitoriorū autem in-
terdictōrum alia simplicia sunt, alia duplicia.
Simplicia sunt ueluti cū Prætor prohibet in
loco sacro, uel in flumine publico ripæue eius ali-
quid fieri. Nam actor est, qui desiderat, ne quid
fiat: reus est, qui aliquid facere conatur. Dupli-
cia sunt, ueluti Vti possidetis interdictum, &
Vi rubi. ideo autem duplicia uocantur, quia par
utriusq; litigatoris in his conditio est, nec quis-
quam præcipue reus uel actor intelligitur: sed
unusquisq; tam rei, quàm actoris partes sustinet.

A R G V M.

Abiecta veteri proponendorum interdictorum solemnitate, hodie pro eis in factum actio competit.

De ordine & uetere exitu interdictorum superuacuum est hodie dicere. Nam quoties extra ordinem ius dicitur (qualia sunt hodie omnia iudicia) non est necesse reddi interdictum: sed perinde iudicatur sine interdictis, ac si utilis actio ex causa interdicti reddita fuisset.

De pœna temere litigantium,

TIT. XVI.

A R G V M.

Litigantium temeritas triplici pœna coercetur: periurij scilicet, pecuniaria, & infamiae siue ignominiae: quarum singulas partes vsque ad tituli calcem persequitur.

Nunc admonendi sumus, magnam curam egisse eos, qui iura sustinebant, ne facile homines ad litigandum procederent: quod & nobis studio est. Idque eo maxime fieri potest, quod temeritas tam agentium, quam eorum, cum quibus agitur, modo pecuniaria pœna, modo iurisiurandi religione, modo infamiae metu coercetur.

A R G V M.

Reus, actor, necnon utriusque partis aduocati, iurisiurandi religione propter calumniam seu cavillationem euitandam introducti, sese adstringere debent: alioqui non procedet iudicium.

*Adnota,

* Adnota, Negantium mendacia pœna quandoque dupli, quandoque tripli puniri.

Ecce enim iusiurādū omnibus, qui cōueniuntur, ex constitutionē nostrā defertur. Nam reus nō aliter suis allegationibus utitur, nisi prius iurauerit; quod putās se bona instantia uti, ad contradicendum peruenit. At aduersus inficiātes, ex quibusdam causis dupli uel tripli actio cōstituitur: ueluti si damni iniuriæ, aut legatorum locis uenerabilibus relictōrū nomine agatur. Statim autē ab initio pluris, quā simpli est actio: ueluti furti manifesti, quadrupli: nec manifesti, dupli. Nam ex his, & alijs quibusdam causis (siue quis neget, siue fateatur) pluris, quā simpli est actio. Item actoris quoq; calumnia coercetur. Nam etiam actor pro calumnia iurare cogitur ex nostrā constitutione. Vtriusque etiam partis aduocati iusiurandum subeunt, quod alia nostrā constitutione comprehensum est.

A R G V M.

Reiecta multā decimæ partis litis, quæ olim improbis litigatoribus irrogabatur: hodie quisquis inique litigabit, periurium incurret, & damnum impensasq; omnes victrici parti inferre cogetur.

Hæc autē omnia pro ueteri calūniæ actione introducta sunt, quæ in desuetudinem abiit: quia in partem decimæ litis actores multabat, quod
nus

nusquā factū esse inuenimus. sed pro his intro-
ductum est, & præfatum iusiurandum, & ut im-
probus litigator, & damnum, & impensas litis
inferre aduersario suo cogatur.

* Adnota, Directæ dicuntur, quæ pupillo
aduersus tutorem, mandanti aduersus man-
datariū, depositori aduersus depositarium
competunt: & non è regione.

* Adnotato etiam pactione infamiam con-
trahi: nam quicumque ex delicto obnoxius,
pretio dato paciscitur, ignominiosus fit.

Ex quibusdam iudicijs damnati, ignominiosi
fiunt: ueluti furti, ui bonorū raptorū, iniuriarū,
de dolo: itē tutelæ, mādati, depositi, directis, non
cōtrarijs actionibus. Itē pro socio, quæ ab utraq;
parte directa est: & ob id quilibet ex socijs eo iu-
dicio dānatus, ignominia notatur. Sed furti qui-
dem, aut ui bonorū raptorū, aut iniuriarū, aut de
dolo, non solum damnati notātur ignominia, sed
& pacti, & recte. Plurimū enim interest, utrū
ex delicto aliquis, an ex contractu debitor sit.

* Adnota, Iudicia omnia à citatione exor-
dienda esse.

Omniū autem actionū instituendarū princi-
piū, ab ea parte edicti proficiscitur, qua Prætor
edicit de in ius uocādo. Vtiq; enim in primis ad-

uērsarius in ius uocādus est: id est, ad eū uocandus, qui ius dicturus sit. Qua parte Prætor patribus, & patronis, item patribus liberisq; patronorū, & patronarum hunc præstat honorem: ut nō aliter liceat liberis libertisq; eos in ius uocare, quā si id ab ipso Prætorē postulauerint, & impetrauerint. Et si quis aliter uocauerit: in eum pœnam solidorum quinquaginta cōstituit.

De officio iudicis,

TIT. XV II.

S*uperest, ut de officio iudicis dispiciamus. Et quidē in primis illud obseruare debet iudex, ne aliter iudicet, quā legibus, aut constitutionibus, aut moribus proditum est.*

* Adnota, Ea est ratio, nā domino noxali actione conuento optionē iura cōcedūt, aut damnum soluēdi, aut seruum noxæ dedendo; damni euitandi æstimationem.

Ideoq; si noxali Iudicio aditus est: obseruare debet, ut si cōdēnandus uidetur dominus, ita debeat cōdēnare, Publium Mæuiū Lucio Titio in decem aureos cōdēno, aut noxā dedere.

A R G V M.

Iudicis est reum singulari in rem vel vniuersali actione conuentum ad rei fructuumq; restitutionem condemnare, qui si malæ fidei possessor fuerit, non modò perceptos fructus, sed & quos percipere

cipere potuit præstare cogitur, quod si bonæ fidei fuerit, consumptorum, & culpa non perceptorum nomine nequaquam tenebitur. post litis tamen contestationem nihil differt à malæ fidei possessore: quo fit ut omnium fructuum ratio à die litis contestatæ habenda sit.

Et si in rem actū sit coram iudice: siue contra petitorē iudicauerit, absolucere debet possessorē: siue cōtra possessorē, iuberē ei debet, ut rem ipsam restituat cum fructibus. Sed si possessor neget in præsentī se restituere posse, & sine frustratione uidebitur tēpus restituēdi causa petere, indulgendum est ei: ut tamē de litis æstimatione cœueat cum fideiussore, si intra tēpus, quod ei datum est, nō restituerit. Et si hereditas petita sit: eadem circa fructus interueniūt, quæ diximus interuenire de singularum rerū petitione. Illorum autem fructuū, quos culpa sua possessor non perceperit: siue illorum, quos perceperit: in utraq; actione eadē ratio penē habetur, si prædo fuerit. Si uerò bonæ fidei possessor fuerit: nō habetur ratio neq; consumptorum, neq; non perceptorum. Post inchoatā autem petitionē, etiam illorū fructuū ratio habetur, qui culpa possessoris percepti nō sunt, uel percepti cōsumpti sunt.

A R G V M.

Conuenio ad exhibendum actione rem utcumq; exhibere non sat est ut liberationem consequatur, sed.

sed in eum causæ statum exhibenda est in quo cœ-
pti iudicij tempore erat: ideo pendēte iudicio vsu/
captam exhibendo non liberatur, fructus quoque
medio tempore perceptos restituere cogitur: si ta-
men rei statim exhibendæ facultatem non habeat
reus, dilationē consequetur, cautione scilicet prius
præstita, quod si iussus à iudice exhibere, non exhi-
beat, aut se intra tempora exhibiturum nō caueat,
in id quod aduersarij interest damnabitur.

*Si ad exhibendum actum fuerit: non sufficit,
si exhibeat rem is, cum quo actum est, sed opus
est, ut etiam rei causam debeat exhibere, id est,
ut eam causam habeat actor, quam habiturus
esset, si cū primū ad exhibēdum egisset, ex-
hibita res fuisset. Ideoq; si inter moras exhiben-
di usucapta sit res à possessore: nihilominus con-
demnabitur. Præterea fructuum mediij temp-
oris, id est, eius, quod post acceptum ad exhiben-
dum iudicium, ante rem iudicatam intercesserit:
rationē habere debet iudex. Quod si neget reus,
cum quo ad exhibendum actum est, in præsentia
se exhibere posse, & tempus exhibendi causa
petat, idq; sine frustratione postulare uideatur:
dari ei debet, ut tamen caueat se restitutum,
quod si neque statim iussu iudicis rem exhibeat,
neque postea exhibiturum se caueat: condem-
nandus sit in id, quod actoris intererat, si ab
initio res exhibita esset.*

A R G V M.

Nunc quid iudici faciendum incumbat in diuiforij*s* iudicijs paucis accipe, si igitur familiæ erciscundæ iudicium inter duos, plurésve vertatur, iudicis est, singulas res singulis hæredibus adiudicare, & si vnus res præualeat, eundem pro eo quod pluris est, certa pecunia cohæredi cōdemnare. item si vnus cohæredum fructus ex re hæreditaria perceperit, aut male in ea versatus fuerit, eo nomine cohæredibus cōdemnandus est. Idem per omnia in iudicio communi diuidendo dicitur, etiam si de vna re tantum lis sit: modo commodam diuisionem patiatur. quam si nō patiatur, permittitur, iudicem alteri ex litigatoribus rem etiam totam adiudicare, atq; eundem alteri certa pecunia in rei locum inuicem cōdemnare.

Si familiæ erciscundæ iudicio actum sit: singulas res singulis hæredibus adiudicare debet. & si in alterius persona prægrauare uideatur adiudicatio: debet hūc inuicē cohæredi certa pecunia (sicut iam dictū est) cōdemnare. Eo quoq; nomine cohæredi quisq; suo cōdēnandus est, quod solus fructus hæreditarij fundi perceperit, aut rē hæreditariā corruperit, aut consumpserit. Quæ quidē similiter inter plures quoq; quā duos cohæredes, subsequuntur. Eadem interueniūt, & si cōmuni diuidendo de pluribus rebus actum sit. Quod si de una re, ueluti de fundo: si quidē iste fundus commodē regionibus diuisionē recipiat: partes;

partēs eius singulis adiudicare debet. & si unius pars prægrauare uidebitur: is inuicē certa pecunia alteri condēnādus est. Quod si cōmode diuidi nō possit: uelut si bono fortē, aut mulus erit, de quo actū sit: tūc totus uni adiudicādus est: & is inuicē alteri certa pecunia cōdemnandus est.

A R G V M.

In finium regundorum iudicio tunc licet iudici ab antiquis agrorum finibus recedere, cum euidentioribus modis, quàm hactenus fuissent, nunc distinguere nequeant: quo casu, partem ex alterius agro alteri adiudicabit: & eundem alteri certa pecunia condemnabit, in hoc quoque iudicio etiam vertitur, ut si quis circa fines malitiosè quicquam gesserit, vel metiri agros passus non fuerit, puniendus sit.

Si finium regūdorum actum fuerit, dispicere debet iudex, an necessaria sit adiudicatio. quæ sanè uno casu necessaria est, si euidentioribus finibus distinguere agros commodius sit, quàm olim fuissent distincti. Nā tūc necesse est ex alterius agro partem aliquā alterius agri domino adiudicari. quo casu cōueniens est, ut is alteri certa pecunia debeat condēnari. Eo quoq; nomine cōdemnandus est quisq; hoc iudicio, quod fortē circa fines aliquid malitiosè cōmisit: uerbi gratia, quia lapides finales furatus est, uel arbores finales excidit. Contumaciæ quoq; nomine quisq; eo

icſtatis, quæ in eos, qui contra Imperatorem, uel rem publicam aliquid moliti ſunt, ſuum uigorem extendit. Cuius pœna animæ amiſſionem ſuſtinet, & memoria rei etiam poſt mortem dānatur.

* Adnota, Humiles grauioribus pœnis plectendos, quàm honeſtiores.

Item lex Iulia de adulterijs coërcendis, quæ non ſolùm temeratores alienarũ nuptiarũ gladio punit, ſed & eos, qui cum masculis nefandam libidinem exercere audent. Sed eadẽ lege Iulia etiã ſtupri ſtigitiũ punitur, cùm quis ſine uel uirginẽ, uel uiduã honeſtẽ uiuentẽ ſuprauerit. Pœnam autem eadẽ lex irrogat ſtupratoribus, ſi honeſti ſunt, publicationẽ partis dimidiæ bonorũ: ſi humiles: corporis coërcitionẽ cũ relegatione.

* Adnota, Affectum occidendi etiam ſi effectus nõ ſubſequatur, l. Cornelia de ſiccarijs puniendum.

Itẽ lex Cornelia de ſiccarijs, quæ homicidas ultore ferro perſequitur, uel eos, qui hominis occidẽdi cauſa cũ telo ambulāt. T'elũ autẽ (ut Caius noſter ex interpretatione legũ duodecim tabularum ſcriptũ reliquit) uulgo quidẽ id appellatur, quod arcu mittitur, ſed & omne ſignificat, quod manu cuiuſq; iacitur. ſequitur ergo, ut lignũ, & l'pis, & ferrũ hoc nomine cõtineantur: dictũ ab

co, quod in longinquum mittitur, à Græca uocē
 τηλῶ figuratū. Et sic hanc significationē inue-
 nire possumus, & in Græco nomine: nā quod nos
 telum appellamus, illi βέλ⓪ appellant, ἀπὸ τῆς
 βάλλειν. Admonēt nos epigrammata in Xeno-
 phōte urbis faustissimæ scripta. καὶ τὰ βέλῃ οὐ μῶς
 ἐπὶ ρεῖο, λόγχοι, τοξίσματα, σφενδόναι, πλῆθους
 ἢ καὶ λίθι. Sicarij autē appellātur à sica, quod
 significat ferreū cultrū. Eadem lege, & uenefici
 capite damnātur, qui artibus odiosis, tam uene-
 nis, quā̃m̃ susurris magicis homines occiderint,
 uel mala medicamenta publicē uendiderint.

*Adnota, Atrocioribus delictis atrocio-
 rem pœnam irrogandam: quandoquidem
 delicto pœna commensuranda est.

Alia deinde lex asperriimū crimē noua pœ-
 na persequitur, quæ Pōpeia de parricidijs uoca-
 tur: qua cauetur, ut si quis parentis, aut filij, aut
 omnino adfinitatis eius, quæ nūcupatione paren-
 tum cōtinetur, fata præparauerit (siue clām, siue
 palām id ausus fuerit) necnō is, cuius dolo malo
 id factum est, uel conscius criminis existit, licet
 extraneus sit, pœna parricidij puniatur: & neq;
 gladio neq; ignibus, neq; ulli alij solenni pœnæ
 subiiciatur, sed insutus culeo cum cane, & gallo
 gallinaceo, & uipera, & simia, & inter eas feru-
 les

les angustias comprehensus? (secundum quod regionis qualitas tulerit) uel in uicinum mare, uel annem projiciatur: ut omniū elementorū usū uiuus carere incipiat, & ei cœlū superstiti, & terra mortuo auferatur. Si quis aut̃ alias cognatiōe uel adfinitate personas coniunctas necauerit: pœnā legis Corneliæ de sicarijs sustinebit. Item lex Cornelia de falsis, quæ etiam testamentaria uocatur, pœnam irrogat ei, qui testamentum, uel aliud instrumētum falsum scripserit, signauerit, recitauerit, subiecerit, uel signum adulterinū fecerit, sculpsit, expresserit sciens, dolo malo. Eiusq; legis pœna in seruos, ultimum suppliciū est (quod etiā in lege de sicarijs & ueneficijs seruatur) in liberos uerò deportatio. Itē lex Iuliā de ui publica seu priuata, aduersus eos exoritur, qui uim uel armatā, uel sine armis commiserint. Sed si quidē armata uis arguatur, deportatio ei ex lege Iulia de ui publica irrogatur, si uerò sine armis, in tertiā partem bonorū suorū publicatio imponitur. Sin autē per uim raptus uirginis, uel uiduæ, uel sanctimonialis, uel alterius fuerit perpetratus: tunc & raptores, & ij, qui opē huic flagitio dederūt, capite puniūtur, secūdū nostræ constitutionis definitionem, ex qua hoc apertius possibile est scire. Item lex Iulia peculatus eos

punit, qui publicam pecuniam, uel rem sacram,
 uel religiosam furati fuerint. Sed si quidem ipsi
 iudices tēpore administrationis publicas pecu-
 nias subtraxerint: capitali animaduersione pu-
 niuntur: & non solum hi, sed etiā qui ministeriū
 eis ad hoc exhibuerint, uel qui subtractas ab his
 scientes susceperint. Alij uerò, qui in hanc legē
 inciderint: pœnæ deportationis subiungētur. Est
 & inter publica iudicia, lex Flauia de plagia-
 rijs, quæ interdū capitis pœnā ex sacris cōstitu-
 tionibus irrogat, interdū leuiorē. Sunt præterea
 publica iudicia, lex Iulia de ambitu, lex Iulia
 repetundarū, & lex Iulia de annona, & lex Iu-
 lia de residuis, quæ de certis capitulis loquuntur.
 & animæ quidem amissionem non irrogant: alijs
 autem pœnis eos subiiciūt, qui præcepta earum
 neglexerint. Sed de publicis iudicijs hæc expo-
 suimus, ut uobis possibile sit summo digito, &
 quasi per indicem ea tetigisse, alioqui di-
 ligentior eorum scientia uobis ex la-
 tioribus Digestorum seu Pande-
 ctarum libris deo propitio
 aduentura est.

INSTITUTIONVM

FINIS.

Tabula Rubri-

CARVM INSTI-

TUTORVM.

D E acquisitione per adrogationem, pagina	248
De actionibus	338
De ademptione legatorum, & translatione co- rum	185
De adoptionibus	34
De adsignatione libertorum	240
De Attiliano tutore, & eo qui ex lege Iulia, & Titia dabatur.	54
De auctoritate tutorum, uel curatorum	56
De bonorum possessionibus	242
De capitis deminutione	50
De codicillis	200
De curatoribus	60
De diuisione stipulationum	265
De donationibus	110
De duobus reis stipulandi & Promittendi	262
De emptione, & uenditione	280
De eo cui libertatis causa bona addicuntur	249
De exceptionibus	381

Index Rubricarum

	De excusationibus tutorum uel curatorum	65
	De exheredatione liberorum	136
F	De fideicommissarijs hereditatibus, & ad senatusconsultum Trebellianum	189
	De fideiussoribus	275
	De fiduciaria tutela	53
3	De gradibus cognationum	229
I	De heredibus instituendis	143
	De hereditatibus, quæ ab intestato deferuntur	203
	De heredum qualitate & differentia	162
	De ingenuis	16
	De iniurijs	330
	De inofficioso testamento	159
	De interdictis	389
	De inutilibus stipulationibus	266
	De ijs per quos agere possumus	374
	De his, qui sui, uel alieni iuris sunt	25
	De iure naturali, gentium, & ciuili	9
	De iure personarum	15
	De iustitia & iure	7
	De legatis	168
	De lege Aquilia	324
	De lege Falcidia	185
	De lege Fusia Caninia tollenda	24
	De legitima agnatorum successione	215
	De leg	

Institutionum.

De legitima adgnatorum tutela	48	
De legitima parentum tutela	53	
De legitima patronorum tutela	52	
De libertinis	17	
De literarum obligationibus	278	
De locatione & conductione	286	
De mandato	294	M
De militari testamento	130	
De noxalibus actionibus	369	N
De nuptijs	28	
De obligationibus	253	O
De obligationibus ex consensu	279	
De obligationibus quæ ex quasi contractu nascuntur	299	
De obligationibus, quæ ex delicto nascuntur	310	
De obligationibus, quæ ex quasi delicto nascuntur	336	
De officio iudicis	399	
De patria potestate	27	
De perpetuis & temporalibus actionibus, & quæ ad hæredes, & in hæredes transeunt	379	
Per quas personas cuiusque acquiritur	119	
Per quas personas nobis obligatio adquiri- tur	303	
De poena temere litigantium	396	
De pub-		

Index Rubricarum

De publicis iudicijs	404
De pupillari substitutione	150
Quibus alienare licet uel non	115
Quibus ex causis manumittere non licet	20
Quibus modis ius patriæ potestatis soluitur	39
Quibus modis re contrahitur obligatio	254
Quibus modis testamenta infirmentur	155
Quibus modis tollitur obligatio	305
Quibus modis tutela finitur	58
Quibus non est permissum facere testamen- tum	133
Qui testamento tutores dari possunt	46
Quod cum eo qui in aliena potestate est, nego- tium gestum esse dicitur	363
De rebus corporalibus & incorporalibus	96
De replicationibus	386
De rerum diuisione, & adquirendo ipsarum do- minio	75
De satisfactione tutorum uel curatorum	62
De satisfactionibus	375
De senatusconsulto Orficiano	226
De senatusconsulto Tertylliano	212
De senatusconsulto Trebelliano	189
De serui cognatione	233
De seruitutibus rusticorum & urbanorū præ- diorum	97
De sing	

Institutionum.

<i>De singulis rebus per fideicommissum relictis</i>	198	
<i>Si quadrupes pauperiem fecisse dicatur</i>	372	
<i>De societate</i>	290	
<i>De stipulatione seruorum</i>	263	
<i>De successione cognatorum</i>	227	
<i>De successione libertorum</i>	255	
<i>De successione sublati, quæ fiebant per bonorum uenditiones, & ex senatusconsulto Claudiano</i>	252	
<i>De suspectis tutoribus uel curatoribus</i>	71	
<i>De testamentis ordinandis</i>	124	7
<i>De testamento militari</i>	130	
<i>De tutelis</i>	44	
<i>De uerborum obligationibus</i>	258	V
<i>De ui bonorum raptorum</i>	321	
<i>De usucapionibus, & longi temporis præscriptionibus</i>	104	
<i>De usu & habitatione</i>	102	
<i>De usufructu</i>	99	
<i>De uulgari substitutione.</i>	148	

F I N I S.

INTERPRE

TATIO GRAE-

CORVM.

Pagina 11. τῶν νόμων οἱ μὲν ἑγγραφοί, οἱ δὲ ἄγγραφοί. *legum ipsarum alia scripto constant, alia non scripto.*

Pagi. 33. πατὴρ πλὴν σποράν. *d' satione. & ἄπατρες, quasi patrem non habentes.*

Pagi. 230. πατρὸς ἀδελφός, *quasi patris frater. Ibidem. μητρός ἀδελφός, quasi matris frater. Ibidem. πατρὸς ἀδελφός, parentis frater.*

Pagi. 231. πατρὸς ἀδελφή, *quasi patris soror. Ibidem. μητρός ἀδελφή, quasi matris soror. Ibidem. θεία, parentis soror.*

Pagi. 278. τῇ ἐμῇ πρὸς κελύω ἐγώ. *mea fide iubeo ego. Ibidem, θέλω, uolo. βέλομαι, consulto uolo. Ibidem, φημι, adfirmo. λέγω, dico.*

Pagi. 283. ἐνθὲν ἅρ' οἰνίζοντο καρκομόων-
τες &c.

Hinc sibi certatim gentis de more comati,
Vina parant Graij, arc dato, fulgentesq; ferro,
Tergoribusq; bubus sed & ipsis, mancipijsq;.

Pagi. 290, κοινωνία, *communione, & in-*
diuid-

Interpretatio Græcorum.

diuiduam rerum omnium societatem, ut in Demosthene frequenter.

Pag. 306. ἔχεις ἀβέρος δηνάριον τόσῳ, ἔχω λαβώντος denarios duosceos habes acceptos habeo.

Pagi. 311. φῶρας, furēs.

Pag. 311. ἐπ' αὐτοφώρῳ, in ipso furto admisso, scilicet deprehensum.

Pag. 324. Δῆεις τόνγε σύεσι &c.

Sectantem uideas, qui errant per pascua porcos
Ad Coracis saxum, iuxta fontemq; Arethu-
sam.

Pagi. 330. ὕβρις, contumeliam. Ibidem ἔγκλημα, culpam.

Pag. 331. ἀνομίαν καὶ ἀδικίαν, iniquitatem, & iniustitiam.

Pag. 406. τηλῶς, procul, longe.

Pag. 406. βέλη &c, telum. Ibidem, καὶ τὰ βέλη ὁμῶς ἐφίρειτο, λόγχοι, τοξίσματα, σφενδόναι, πλῆθεις ὃ καὶ λίθοι. Et huiusmodi tela simul ab eis ferebantur, lanceæ, spicula, fundæ, plurimis autem & lapides.

Ex libris Barnabé Meney
de voc. A. G. f. f. f.
abiri